



*image
not
available*





NAZIONALE DS




701. **Ottonis** (E.). De tutela viarum
publicarum liber singularis, cujus pars
prima est de Diis vialibus, secunda,
de Magistratibus viacuris, et tertia de
legibus ad viarum securitatem perti-
nentibus. *Trajecti ad Rhenum*, 1731⁴
in-8, dem.-rel., v. *Front. gravé*. 3 f.

10-427

134 71

.....





EVERARDI OTTONIS,

Jcti & Antecessoris,

DE

T U T E L A

V I A R U M

P U B L I C A R U M

L I B E R S I N G U L A R I S ;

C U J U S

Pars I. est de Diis Vialibus, II. de Magistratibus Viocuris, & III. de Legibus ad viarum securitatem pertinentibus.



TRAJECTI ad RHENUM,

Apud A. HOFMANS ET J. S. BOSCH.

MDCCXXI.





P R Æ F A T I O.

Introite, sultis, nam & hic Dii sunt!
Heracitus olim, ad furnum cale-
lescens, hospitibus adventanti-
bus dixisse fertur: idem & mihi
in limine hujus opusculi usurpare liceat,
si qui forte impiam illam viatorum pieta-
tem oculis animisque subicere non dēdi-
gnabuntur. Titulum a voce latiore *Tute-
la* sumi, quæ non modo viarum muni-
tionem, sed Deos etiam viales, & Ma-
gistratus viocuros, ac Leges, itinerum se-
curitatem præstantes, ambitu suo com-
prehendit. Deos sane Deasque, a cer-
tis, quas terra vel mari habebant, tute-
lis nomen hoc tulisse, memorata toties
apud Ovidium, Petronium, & in Mar-
motibus priscis *Tutela prora, hortorum,
loci & navigii* evincit abunde. Horatius
quo-

* 2

P R A E F A T I O.

quoque Augustum, curatorem viarum maximum, *tutelam Italiae* praesentem vocavit, deque alia *ITALIAE TUTELA*, ad pulcherrimum Nervae nummum, erudite Tristanus. Celsus autem noster, proprio significato, legati *ad tutelam viae Aureliae* meminit; sicut Clodius, ex reditu legato Reip. Campanorum, *VIAE TUTELAM* praestitisse dicitur, in lapide Gudii. Verum de libri inscriptione satis: nunc ejus quoque occasionem paucis accipe. Quum totus olim juvenilibus annis essem in conquirendis, quae ad Aedilium Curulium munia pertinerent, omnino Viri praecleari, Nicolai Bergierii opus, *de publicis & militaribus Imperii Romani viis*, una cum eruditis Cl. ejus interpretis Henninii notis, in decimo Thesauri Antiquitatum Romanarum tomo, mihi perlustrandum censui. Admirabar vastum ingenium, & uberem rerum copiam, quibus Syndicus ille Remensis instructus stupendae hoc, & pæne incredibilis magnitudinis Romanae argumentum tam diligenter pertractavit, ut omnibus post se metam posuisse videatur. Sed cum inter legendum animadverterem, instituti

P R Æ F A T I O.

stituti ejus rationem non tulisse, ut de Diis vialibus, aut de Legibus, viatorum gratia latis tractaret, adhæc spicilegium quoddam de Magistratibus viocuris, ab illo relictum, memoriæ meæ obversaretur, tentare cœpi, num opis aliquid & adjumenti, communibus Musarum sacris hac parte adferre possem. Calcar addebat, quod, præterea, quæ summus Scaliger, ex locuplete sua penu, ad Catalecta depromsit, de Diis vialibus pauca tantum, eaque sparsim literis tradita reperirem: quæ vero magnus Reinesius, ad cl. I. n. 140 se alibi de eodem argumento dixisse scribit, ex manuscripto ejus, inter schedas, exciderint omnia. Sic ergo Halæ Magdeburgicæ A. clō Idcc xiv. in lucem publicam tripartiti hujus libelli pars prior, *de Diis vialibus*, prodiit: alteram vero & tertiam partem ratio muneris tunc mandati pertexere non sinebat: id quod subjecta Epistola dedicatoria monstrat, quam omittere religio fuit, etsi Vir ille Maximus, inter Cœlites nunc beatus, cultus nostri inania non cernat. Vel sola autem illa pars prior, ci-

P R Æ F A T I O.

tra spem, judiciis Eruditorum non modo benigne excepta est, sed doctissimos quoque viros, sic uti non vano augurio prædixeram, stimulavit, ut in hac præscæ Theologiæ parte mecum desudare non inglorium sibi esse putarint. Quadriennio enim interjecto Vir Cl. Gottlib. Sigefridus Bayer, eruditam Regiomonti dissertationem edidit, de *Diis vialibus Græcorum*; nec minore apparatu Rev. Christianus Weilius *Numina* Hebræorum, Chaldæorum aliorumque *vialia*, binis dissertationibus exposuit Lipsiæ A. MDCCXXIV. Ab his Duumviris subinde, dum varia, ut fieri solet, in hac editione corrigo, expungo vel suppleo, adjutum me esse profiteor: plura autem ab iis sumere potuisset Nob. Blanchardus, qui *vulgaria tantum, de religione peregrinantium*, Gallico sermone delibavit, tom. I. Hist. Acad. reg. De utilitate porro hujus operulæ si quærat, rara quidem temporum felicitate, Ethnicorum *Numina* vana & stercorea esse didicimus; attamen his quoque vinea Domini stercoreatur, & varia Juris Romani, veterumque Auctorum capi-

P R Æ F A T I O.

capita illustrantur. Quod si autem vicio creati Censores finium regundorum mecum experiantur, fictosque hos viarum tutores nil ad Edictum Prætoris facere, sed Juvenes ad magna natos a litterarum studio sic deterreri, nullo veri colore criminentur; eos quidem iudicio suo facile relinquam, satis certus, veterum me Jurisconsultorum, imprimis autem Labeonis exemplo, operam hanc suscepisse: is enim, auctore Servio, *libros de Diis, quibus origo animalis est, conscripsit. Hi autem sunt Dii Penates & Viales.* Quinimo si prima fortè pars pedem alieno in choro ponit, atque extra viam ambulat, altera certe, & magis tertia ab eo crimine me absolvent. Magna pars, agebat Plinius, studiorum amœnitates quærimus; nec video, quid vetet, tetrica Jurisprudentiæ studia cum jucundioribus his distingui, modo antiquum servetur, Prodesse quibus possis, nocere nemini. Nunquam vero reverentiæ, quam viris præstantibus debeo, nec modestiæ, quæ mitiorum Musarum alumnos decet, sum oblitus; ideoque sicubi in biviis & triviis a vera via

P. R. Æ F A T I O.

cum Diis meis vialibus aberravero, Lector honestus vicissim cogitabit, illos homines fuisse, & a me nihil humani alienum esse.

Trajecti ad Rhenum

MDCCLXXXI.



* *Dedi-*

Dedicatio primæ parti olim præmissa.

V I R O

*ILLUSTRISSIMO ATQUE
EXCELLENTISSIMO,*

D. MARQUARDO LUDOVICO
DE PRINZEN,

POTENTISSIMI BORUSSORUM REGIS
SUPREMO AULÆ MARESC ALLO, ET
MINISTRO STATUS INTIMO, ORDI-
NIS REGII AQUILÆ NIGRÆ EQUI-
TI, CONSISTORII PRÆSIDI, RERUM
ECCLESIASTICARUM ET FEUDALI-
UM DIRECTORI, ETC. ETC. ETC.

PERENNEM FELICITATEM!



*anos ac commentitios Gentium
Deos sat longis commentariis ex-
posuerunt Viri celeberrimi; Deo-
rum autem Vialium tam parca
ab iis fit mentio, ut ipsa vetustate oppres-
si paneque oblitterati videantur. Factu-
rum itaque me operæ pretium existimavi,
si hos, in triuiis & compitis olim celebra-*

P R Æ F A T I O.

*tos, ex monumentis veterum in lucem re-
 vocarem, aut saltē, tentata eorum il-
 lustratione, alios accenderem, qui felicio-
 re ingenio nobilissimam banc prisca Theo-
 logiæ partem essent interpretaturi. Ja-
 cent quidem reconditæ hujusmodi & abstru-
 sioris eruditionis studia, quique rebus a-
 gundis sese accingere jactant, parum ad
 gloriam, parum ad rem familiarem ea
 conferre clamitabunt: at mihi sufficit sum-
 morum omni memoria Jurisconsultorum ex-
 emplum, qui cum humanis divina, anti-
 qua cum recentibus felici semper connubio
 junxerunt; & sine ipsis Diis hisce, non-
 nulla Sacræ Scripturæ Jurisque civilis ca-
 pita vix recte intelligi aut explicari posse
 videbantur. Quicquid est, Vir Excellen-
 tissime, ego hanc Opusculi, De Tutela via-
 rum publicarum partem primam, Illustris-
 simo Nomini Tuo consecrare ausus sum,
 non singulari tantum illa indulgentia, qua
 me æternum Tibi devinxisti, sed & digni-
 tatis, virtutum & personæ, quam sustines,
 ratione permotus. Inter tot enim purpu-
 ratos Regis Procures Sacrorum cum maxi-
 me curam geris, ut ne violentur, aut cor-
 rumpantur, pravisque ethnicorum super-
 stitionibus corrumpantur; has autem in viis
 passim regnare ostendi. Adhuc raro, si
 ad alias aulas respicimus, exemplo litte-
 ra-*

P R Æ F A T I O.

*arum studia foves inprimis, ac iis deditos
 homines liberalitate sublevas, ut re & no-
 mine togata militiæ Principem Te prædi-
 cent omnes, atque ego de Te dixerim sa-
 pius, quod de Titinio Capitone Plinius ju-
 nior: Vir est optimus, & inter præcipua
 sæculi ornamenta numerandus: colit stu-
 dia, studiosos amat, fovet, provehit,
 multorumque, qui aliqua componunt,
 portus, sinus, præmium, exemplum; ip-
 sarum denique litterarum jam senescen-
 tium reductor ac reformator. Non alie-
 num forte ab hoc loco erat, Illustrissime
 Mæcenas, in laudes Tuas excurrere, sed
 ingenii mei paupertas id tentasse veretur,
 & seris annualibus, si ulla virtutis & po-
 steritatis memoria, illarum cura erit re-
 licta. Alii in Te prudentiam, alii comi-
 tatem, purioris religionis custodiam alii,
 & morum integritatem, & maxima in Rem-
 publicam merita Tua mirabuntur. Hoc uni-
 cum patere, ut in præsens dicam, Dei
 munere fugientibus Musis Te datum esse sta-
 torem, qui viris eruditione claris Regias
 Academias ita instruis, ornas & auges,
 ut optimo jure bonarum artium officinæ &
 litteraria Europæ totius emporia dici que-
 ant. Neque vero aliorum id exemplo fa-
 cis, qui litteris quidem & litteratis, sed
 aliena fiducia, favent: tanta enim Tua in
 omni*

P R Æ F A T I O.

omni litterarum genere est præstantia, tanta bonarum artium peritia, ut jam de doctis præcipuum Tuum iudicium existimetur? Me quidem, licet in his nullus mihi locus, dignum esse voluisti, cui Juris docendi provincia in Academia Duisburgensi mandaretur. Non habeo dicere, quam acriter hæc me benevolentia ad majorem in studiis juris Romani & Germanici recolendis alacritatem impellat; & pro tanto beneficio nisi in vita mea omnibus modis banc animi grati voluntatem tester, impius sim & hominis appellatione indignus. Fuit hæc antiquorum ratio, ut statuas iis, qui de se bene meriti essent, ponerent, causamque in basi subscriberent **BENE MERENTIBUS.** Quod si etiam Deorum Vialium hoc libro descriptis statuis & columnis immortale Nomen Tuum adscribi sinas, meæ in Te observantiæ ac pietatis sponsores erunt, donec gravioris argumenti opus, Teque ut spero dignius, in lucem prodibit. Faxit modo Deus, ut diu salvus & incolumis superstes sis Regi, Ecclesiæ & Scholis: sic enim domi militiæque bene erit, Religio florebit, Musis suus constabit bonos, eorumque cultores Te Mæcenatem prolixum & henevolum venerabuntur. Dabam in Academia Fridericiana a. d. XXI. Kalend. Augusti MDCCXIV. N O.

NOTITIA CAPITUM

P A R S I.

D E

Diis Vialibus.

Cap. I. de Religione & Superstitione veterum peregrinantium.	pag. 1
II. de Statuis, Aris & Templis Deorum vialium.	22
III. de Diis vialibus Ægyptiorum, Judeorum & Syrorum.	44
IV. de Diis vialibus Chaldeorum, Arabum & Persarum.	63
V. de Diis vialibus Germanorum, Gallorum, Britannorum, Hispanorum, Indorum, Turcarum & Russorum.	73
VI. de Jove, Græcorum & Romanorum summo viarum præside.	97
VII. de Apolline, Bacchò & Jano.	112
VIII. de Dianâ, Hecate, Venere & Iside.	127
IX. de Mercurio.	152
X. de Hercule.	178
XI. de Laribus vialibus & Geniis viarum.	204
XII. de Silvano, Priapo, Fortuna, Bria, Quadrivia &c.	233
XIII. de Neptuno, Dioscuris & cæteris Diis marinis.	254
XIV. de fasibus Deorum vialium.	293

P A R S II.

D E

Magistratibus Viocuris.

Cap. I. de Regia cura viarum publicarum.	314
II. de Censoribus primis præfectis viarum Romanarum.	325
	III. de

NOTITIA CAPITUM.

Cap. III. de <i>Ædilibus Curulibus & Municipalibus</i> , <i>viarum Urbanarum Curatoribus.</i>	341
IV. de <i>magifica viarum structura</i> , secundum le- <i>gem viariam Gracchi, Tribuni.</i>	353
V. de <i>Quatuorviris, Duumviris & Curatoribus</i> <i>viarum.</i>	371
VI. de <i>Augusto</i> , tutore viarum maximo.	384
VII. de <i>Præsidum cura viarum in provinciis.</i>	401

P A R S III.

D E

Legibus, ad viarum securitatem pertinentibus.

Cap. I. de <i>Edicto viario Ædilium Curulium.</i>	414
II. de <i>occasione & necessitate hujus Edicti.</i>	427
III. de <i>sententia Edicti.</i>	442
IV. de <i>sanctione Edicti, ejusque equitate.</i>	454
V. de <i>Edicto Prætoris, de Dejectis, effusis &</i> <i>periculose positis.</i>	471
VI. de <i>Edictis Prætorum adversus Nautas, cam-</i> <i>pones & stabularios.</i>	493
VII. de <i>Edicto Prætoris adversus Publicanos.</i>	507
VIII. de <i>Interdictis Prætorum viariis, & de via</i> <i>reficienda.</i>	521
IX. de <i>Pornis Raptorum, Latronum & Pirata-</i> <i>rum.</i>	533
X. de <i>Cede viatorum expianda, & de Dammis</i> <i>Spoliatis resarciendo.</i>	543
XI. de <i>variis Legibus Viariis.</i>	565



EVERARDI OTTONIS,

DE

TUTELA

VIARUM PUBLICARUM,

PARS I.

DE

DIIS VIALIBUS.

CAPUT I.

DE RELIGIONE ET SUPERSTITIONE VETERUM PEREGRINANTIUM.

Unum Gentilibus fuit Numen, cujus varii ministri, quos inter Dii viales. Profliscientes religiosi invocabant Deos; nuncupabant vota; in itinere adorabant; reversi Diis agebant grates, & vota solvebant. Apuleji lectio vindicata. Superstitiosi vero, consultis Mathematicis, auspicia & omina captabant; die-

A

bus

bus atris & Saturni proficisci non audebant; in viis aqua se lustrabant; adorabant fluuios; abeuntes & reuertentes terram osculabantur.



Ere Apostolus, in epistola ad urbium principem, nationes, ait, ex operibus naturæ ad notitiam Numinis pervenisse; sed ingrato eas animo, veritatem in iniustitia detinentes, æterni Dei gloriam transcripsisse rebus interitui obnoxiiis. Nulla enim gens usquam adeo extra leges moresque fuit projecta, ut non Deos esse crederet; quin etiam sapientioribus plerisque ratione magistra patebat, unum esse rerum principium, summum Deum hominumque rectorem & patrem, cuius nutu & consilio universum hoc gubernetur. At vero cum miscelli hi rerum visibilium argumenta sectabantur, veram veri Numinis formam rimari non poterant; sed ex diversis ejus operibus Deos sibi fingeabant inferiores, quibus sua cuique procuratio, & cœlestium & terrestrium, esset commissa, quorumque cultus in supremum illum omnium parentem redundaret. Eleganter Plinius lib. II. cap. 7. *Fragilis & laboriosa mortalitas in partes ista digessit, infirmitatis sue memor; ut portionibus quisque coleret, quo*
ma-

SUPERSTITIONE PEREGRINANTIUM ;

maxime indigeret. Itaque nomina alia aliis gentibus, & numina in iisdem innumerabilia reperimus. Sicut ergo, in vita communi, alia à pistore, alia à fabro, alia ab aliis utensilia petuntur: ita necessaria olim erat cognitio, quam quisque Deus vim & potestatem haberet, ut cuiusque rei causa is invocaretur, qui eam facultatem sortitus esset; ne, quod mimi solebant, à Libero optaretur aqua, vel à Lymphis vinum, ut ex Varrone tradit Augustin. de civ. Dei lib. IV. c. 22. Addo Arnobium lib. II. adv. gent. pag. 89. Dii certe certas apud vos habent tutelas, licentias, potestates, neque eorum ab aliquo id, quod ejus non sit potestatis ac licentiæ postulatis: aliud Neptunum creditis, aliud posse Junonem, Fortunam, Mercurium; Vulcanum; rerum esse singulos certarum & singularum datores.

Græci in primis & Romani, quemadmodum majorem, quam ceteri, in homines præ se tulerunt humanitatem, sic & Deorum numero studioque religionis omnes populos alios superarunt. Parum est, quod illa apud Virgilium sacerdos Tercen- tum tonat ore Deos; Hesiodus triginta milia in terris numerat, & Augustinus trecenta millia Idolorum fuisse testatur. Unus vero Jupiter Deorum ipsis erat Optimus,

propter beneficia, & Maximus, propter vim; *θεὸς ὑψίστος*, & *Exuperantissimus*, uti in nummis & inscriptionibus, apud Sponium & Gruterum vocatur: reliqui autem Dii erant *θεοὶ παῖδες*, & *ἐνναρχοὶ θεοὶ*, auctore Maximo Tyrio. Optime Tertullianus in Apolog. cap. 24. *Nonne conceditis, de aestimatione communi, aliquem esse sublimiorem & potentiorum, velut principem mundi, perfectæ potentia & majestatis? Nam & sic plerique disponunt divinitatem, ut imperium summæ dominationis esse penes unum, officia ejus penes multos velint; ut Plato Jovem magnum in cælo comitatum exercitu describit deorum & dæmonum. Itaque oportere & Procurantes, & Præfectos, & Præsides pariter suspici. Adeo autem πολυθεΐα erant infatuati, ut cuivis negotio, etiam rebus leviculis & minimis, suum assignarent numen; geniculis culmorum Nodorum, spinis Spinientem, cubili Cubam, cunis Cuninam; & uni custodiendæ januæ, tres, foribus Forculum, cardini Cardam, & limini Limentinum. Tertullianus de corona cap. XIII. *At enim Christianus nec januam suam laureis infamabit, si norit, quantos deos, etiam ostiis, diabolus affinxerit: Janum a Janua, Limentinum a limine, Forculum & Cardam a foribus & cardinibus, & apud Græcos,**

*cos, Thyreum Apollinem, & Antelios da-
monas.*

Nullam igitur admirationem habet, si,
quæ majoris momenti sunt, viis & compli-
tis, peculiare præfecerunt Deos, quorum
munus esset, itinera ignota & interrupta
errantibus aperire, ac per vias præcipientes,
ferisque obsessas, per syrtes, per saxa, per
hostes, itum & reditum à periculo præsta-
re tutum. Videbant enim alios vehiculo
lapsos, properantem spiritum excussisse, ut
ait Petron. c. 115. alios vehiculo eversos
via Hostienſi, apud Gruter. pag. 752. n. 2.
alios in latrones & piratas incidisse, cum
vitæ & bonorum dispendio, apud Spon. Mis-
cell. pag. 202. denique quo plura a diei
fervore, vel a cœcitate noctis, a ventis &
tempestatibus, viatori & nautæ pericula
imminebant, eo magis Dii Tutelaribus &
Averruncis opus esse videbatur, qui ea
depellerent: nam & ipse Deus vivus & æter-
nus angelos suos illis præmittere dicitur,
quorum iter secundat, Genes. xxiv. vs. 7.
& Malach. iii. vs. 1. Deorum vialium non
una fuit conditio; sed præcipui eorum sunt
Apollo, Diana, & Mercurius; qui ideo
Græcis θεὸς ὁδῶν, ἑρῶδῶν, ἡγεμόνων, ἀγυῖας, ἐνὸδῶν
& σωτῆρες, quod in viis versarentur & iter sal-
vum præstarent; Latinis Dii viales, viaci,
compitales, semitales, comites & reduces

dicti. Item Neptunus, Castor, Pollux & Isis, qui θεοὶ διαπόντιοι, in Glossis; ἀρωγοναυταὶ δαίμονες, in Epigr. veteri; θαλάττιοι & ἐνθαλάττιοι apud Pollucem lib. 1. c. 1. n. 23. Latinis vero *Dii marini*, *Lares permarini* & *Dii littorales* appellantur. In illis fiduciam collocabant iter per regiones facturi: horum auxilium implorabant, navibus proficiscentes, & quemadmodum omnibus rebus incipiendis gerendisque Deos adhibebant, sic & sine illorum ope, auxilio & tutela, ne pedem se promovere posse, pro certo habebant. Neminem fane apud Græcos adeo recordem fuisse, ut quicquam magni aut parvi susciperet, priusquam Deorum consilium implorasset, indicat Plato in Timæo; nec aliter Romæ, nisi a diis immortalibus, rerum agendarum primordia capta fuerunt, quod nihil rite, nihilque providenter homines, sine deorum ope, consilio, honore auspicari crederentur, ait Plin. init. Paneg. & ex Cicerone, Livio aliisque confirmat Alciat. lib. 1x. Parerg. c. 6. Juvabit hoc illustribus quibusdam exemplis eorum, qui pro salute itus Deos Deasque invocant, hic illustrallè.

Et ecce tibi e Græcis Homerum, ubique veterum Heroum pietati testimonium perhibentem. Agamemnon Iliad. viii. v. 238. felix sibi iter a Jove poscit, quod nullam

lām aram, honori ejus dicatam, nave præterierat, quin adipem boum & femora combufferit. Achilles Iliad. ix. vf. 357. ut εὐπλοίην, siue prosperam navigationem obtineret, Jovi & omnibus Diis sacra facit. Rursus Ajax Iliad. xiii. vf. 818. Hectorē monet, supplicandum Jovi patri & aliis immortalibus, ut equi velociores accipitribus eum ad urbem ferrent. Nestor denique cūstos Argivorum, inter ceteros, alta voce vota facientes, manus porrigens in cælum stellatum, ita precatur Iliad xv. vf. 372.

Ζεῦ πάτερ, εἴ ποτέ τις τοι ἐν Ἀργεὶ περ πολυπύργῳ,
ἢ βοὸς, ἢ δῖος κατὰ πίονα μηρία καίων,
εὐχόμενος ἔσθῃαι, σὺ δ' ὑπέσχεο καὶ κατένευσας,
τῶν μῆσαι.

*Jupiter pater, si unquam aliquis tibi in
Argo, tritici ferace,*

*Vel bovis, vel ovis pingua femora com-
bureus,*

*Precatus est, ut rediret, tu autem pro-
misisti & annuisti,*

Horum memento.

Similiter Orpheus Argonaut. vf. 347. Deos, qui Oceano & arenosis ripis imperant, implorat omnes, ut vivi redeant ad domos suas singuli, & vf. 449.

Ἄγεθ' ἐκ σκοπῆς, ὃ γέρον ἀνά χθῆρας αἰετοῦ
Φιδυμένης ἤετο, θεὸς δ' ἐπέκλεαο πάντας
Νηστὸν μὲν μινύσσειν ἰδὲ κλέος ἐσθλὸν ἀρεταί.

*Alta ex specula senex in altum manus
tendens*

*Phillyrides precatus est. Deosque invo-
cavit omnes,*

*Ut redivitum Minyæ & Magnam gloriam
referant.*

Eadem religione Tlepolemus Apollinis auricomis oraculum consuluit, quorsum navium classem verteret; μαρτύσατο δ' ἰς Θεὸν ἰλθών, ait Pindarus Od. VII. vf. 56. Rhodios item, quotiescunque a littore longius prodibant classes, solitos fuisse prius Phorbantis adventui sacrificare, scribit Hyginus lib. II. fab. 14. ut talis eventus inopinatæ virtutis suis accidat civibus, qualis inscium Phorbanta casus futuræ laudis ad sidera gloriæ pertulit. His addamus Arrianum in Epictetum lib. III. cap. 21. Ἀλλ' ἀπολιπόμενός μὲν ἑδὲς αἰνάζεται μὴ θύσας τοῖς θεοῖς, καὶ παρακαλέσας αὐτὰς βοηθῆς ἑδὲ σπείρσιν ἅλλως οἱ ἄνθρωποι, εἰ μὴ τῶν Διμήτερον ἐπικαλεσάμενοι. Τηλικύτη δ' ἔργα εἰσάμενός τις, ἄνευ θεῶν ἀσφαλῶς ἄψεται; καὶ οἱ τότε περσίντες εὐτυχῶς περσελεύονται. *At nemo ē portu solvit, nisi sacra Diis fecerit, eorumque opem implorarit: neque aliter ferunt agricolæ, nisi Cerere invocata. Tantam autem rem qui neglecto Numine aggreditur, num tuto aggreditur? Num qui illum adeunt, feliciter adibunt?*

Latinorum plura habeo testimonia; sed
suffi-

sufficiente selectiora. Primum feret Livius lib. XXVII. cap. 45. *Deos omnes Deasque precabantur, ut illis faustum iter, felixque pugna, matura ex hostibus victoria esset.* & lib. XXIX. cap. 27. Scipio in Africam trajecturus: *Divi Divaeque, inquit, qui maria terrasque colitis, vos precor quaeque, uti quae in meo imperio gesta sunt, geruntur, postque gerentur, ea mihi, populo plebique Romanae, sociis nominique Latino, qui populi Romani, quique meam sectam, imperium, auspiciumque terra, mari, amnibusque sequuntur, bene verruncent: eaque vos omnia bene juvetis: bonis autibus auxitis: salvos incolumesque victis perdaellibus victores, spoliis decoratos, praeda onustos triumphantesque, mecum domos reduces sistatis.* Plinius lib. XXVIII. cap. 2. *Cæsarem Dictatorem post unum ancipitem vehiculi casum (vid. Sueton. Julio cap. 37.) ferunt semper, ut primum consedisset, id quod plerosque nunc facere scimus, carmine ter repetito, securitatem itinerum aucupari solitum.* Apud Tacitum Nero, in provincias Orientis iturus: *super ea profectioe adiit Capitolium, illic veneratus deos,* lib. XV. Annal. cap. 36. *Petronius Satyr. cap. 117. His ita ordinatis, quae bene feliciterque evenirent, precati Deos, viam ingredimur.*

A §

Dius

Dii etiam, qui peregre proficiscebantur, vota faciebant. Anacharsis, quum per Hellespontum navigans tenuisset Cyzicum, vovit Matri deorum, si salvus sospesque domum revertisset, sacrificaturum se eodem ritu, quo Cyzicenos sacrificantes vidisset & pervigilium instituturum, quod etiam in Scythiam redux solvit, auctore Herodoto lib. IV. c. 76. Romanorum Consules, Prætores & Præsides, cum in provinciam proficiscebantur, vota pro ita nuncupabant, multisque præsentibus in tabulas referebant, signabant & aliquando Deorum genibus affigebant, auctore Festo, in *nuncupata*. Virgilius l. V. v. 235. Cloanthum manibus ad cælum tensis ita refert Deos in vota vocasse :

*Dī quibus imperium est pelagi, quorum
aquora curro,*

*Vobis lætus ego hoc candentem in litto-
re taurum*

*Constituam ante aras voti reus, exta-
que salsos.*

*Porriciam in fluctus, & vina liquentia
fundam.*

Plautus Amphitr. Actus III. sc. 2

Fube vero vasa pura adornari mihi,

*Ut quæ apud legionem, vota vovi, si
domum*

Redissem salvus, ea ego exsolvam omnia.

Ti-

Tibullus lib. III. Eleg. 3. vs. 27.

At si pro dulci reditu quacunque vo-
ventur,

Audiat averſa non meus aure Deus.

Maxime vero ſolennia vota pro incolumi-
tate Principum peregre euntium, in qui-
bus quali publica ſalus, ſuſcipiebantur.
Sueton. Tiberio c. 38. *Vota pro itu & re-*
ditu ſuo ſuſcipi paſſus. & in Calig. c. 14. *Cum*
paucos poſt dies in proximas Campaniæ in-
ſulas trajeciſſet, vota pro reditu ſuſcep-
ta ſunt.

Nec tantum antequam ſe in viam darent,
ſed & in ipſa via viatores, oblato quo-
piam loco ſancto, veniam poſtulare, pre-
ces fundere & paullisper adſidere ſolitos,
indicat locus inlignis L. Apuleji lib. I. Flo-
ridorum; *Ut ſerme religioſis viantium mo-*
ris eſt, cum aliquis lucus, aut aliquis locus
ſanctus in via oblatus eſt, veniam poſtula-
re, donum apponere, paullisper adſidere:
ita mihi, ingreſſo ſanctiſſimam iſtam civi-
tatem, quanquam oppido feſtino, præſanda
venia, & habenda oratio, & inbibenda
properatio eſt. Antiquiores editiones: vo-
tum poſtulare, portum apponere, paullisper
adſidere. Rutgers. lib. V. Var. lect. c. 5.
inverſis vocibus legit: votum apponere,
portum poſtulare; ſed portus nil ad viam
terreſtrem; nec fortum probo, pro ferto,
libi

libi genere, uti Sellius conjiciebat Obf. c. 14. quia sic priora sunt constituenda, ut postremis respondeant. Ovidius lib. 1. Trist. Eleg. xi. vs. 21.

*Ipse gubernator tollens ad sidera palmas,
Exposcit votis, immemor artis, opem.*

Horat. lib. III. Ode 29. vs. 57.

*Non est meum, si mugiat Africis
Malus procellis, ad miseras preces
Decurrere, & votis pacisci,
Ne Cypriae Tyriaque merces
Addant avaro divitias mari.*

Reduces vero, pro periculis in itinere repulsis, & molestiis peregrinationis feliciter exantlatis, Diis agebant grates. Sic Agamemnon domum reversus, apud Æschylum Agamemn. vs. 819.

Πρώτον μὲν Ἄργος, καὶ θεὸς ἰγχεύεις
Δίκη προσεπτεῖν τὰς ἐμολ μεταυτίς
Νόσσε

*Primo quidem Argos, Deosque loci
præsides
Fas erit alloqui, qui mihi reditus cau-
sæ sunt.*

Ita Sofia, Thebas incolumis reversus, apud Plautum Amphitr. Act. 1 sc. 1.

- - - numero mihi in mentem fuit.

*Dīs advenientem gratias pro meritis
agere, atque alloqui.*

Et Mnesilochus, Epheso adveniens in Piræ-
eum,

eum, Bacchid. II. sc. 3.

*Deos atque amicos iit salutatam ad
forum.*

Solvebant denique vota thure, vino &
cæsis hostiis. Heroës apud Homerum
Odyss. III. vs. 4.

Οὐδ' οὐκ ὦν, Νηλεὺς ἑκταμένον πτολίεθρον,
Ἰξον τὰ δ' ἐπὶ θυνὶ θαλάσσης ἱερογίτον,
ταῖρας παμμέλανας ἑρσίχτοι κυανόχαται.

*Illi autem in Pylum, Nelei bene adifi-
catum oppidum,*

*Venerunt, illique in littore maris sacra
faciebant,*

*Tauris nigerrimis Neptuno cærulea cæ-
sarie.*

Idem innumeri lapides, aræ & tabellæ te-
stantur, apud Gruterum, in quibus vota
PRO SALVTE. ITV. ET. REDITV,
pag. 8. n. 2. PRO. FELICI. ITV. AC.
REDITV, 1014. n. 6. PRO FELICI EX
VRBE REDITV, 115. n. 6. HERCVLI.
QVOD. PROFICISCENTES. EXPEDI-
TIONIBVS. SACRIS. VOVERANT. RE-
GRESSI. LIBENTES. VOTVM. SOL-
VERVNT, p. 46. 10. NEPTVNO. VO-
TVM. IN. SICVLO. FRETO. SVSCE-
PTVM. SOLVIT, 62. n. 6. OB. FELI-
CEM. IN. PATRIAM. REDITVM. TOT.
SVPERATIS. NAVFRAGII. PERICU-
LIS. 1016. n. 3. Inprimis si Princeps sal-
vus

vus ex voto rediisset, victor & triumphator, adventum ejus, publica celebratione, togati pariter ac sagati prosequabantur; inde ADVENTUI AVG. cum ara, in nummis Trajani & Hadrian; & PRO REDITV. IMP. apud Grut. p. 22. n. 3. 63. n. 9. & 1068. n. 2. Catullus carm. IV. Phaselum, quo e Ponto ad larem suum reductus, Dioscuris dedicans, pro secunda navigatione.

Nec ulla vota littoralibus diis

Sibi esse facta, cum veniret à mare

Novissimo, hunc ad usque limpidum lacum.

Virgilius I. Georg. vers. 436.

*Votaque servati solvent in littore nautæ,
Glaucæ, & Panopææ, & Inoo Melicertæ.*

Philocomasium, ex adversa tempestate servata, apud Plautum Mil. glor. II. sc. 5.

Inde ignem in aram, ut Ephesiæ Dianæ laudes lautas

Gratesque agam, eique ut Arabico fumificem odore amœne:

Quæ me in locis Neptuniis, templisque turbulentis

Servavit, sævis fluctibus ubi sum afflicta multum.

Ovid. Heroid. ep. I. vs. 25.

Argolici rediere duces: altaria fumant.

Po-

SUPERSTITIONE PEREGRINANTIUM. 15

*Ponitur ad patrios barbara praeda
Deos.*

*Grata ferunt Nymphae pro salvis dona
maritis :*

Illi victa suis Troia fata canunt.

Juvenalis Sat. XII. vs. 10. ob reditum
Catulli :

*Si res ampla domi similisque affecti-
bus esset,*

*Pinguior Hispulla traheretur taurus,
& ipsa*

*Mole piger, nec finitima nutritus in
berba,*

*Lata sed ostendens Clitumni pascua
sanguis*

*Iret, & à grandi cervix ferienda mi-
nistro,*

*Ob reditum trepidantis adhuc horrenda-
que passi*

*Nuper, & incolumem sese mirantis
amici.*

Multa id genus alia in Propempticis Poë-
tarum occurrunt, quæ sciens prætermitto,
ne et meo et Lectoris otio abuti videar.

Potius, ne ut emanfor a signis absum
longius, ad alterum capitis hujus membrum
pergo, quod est de superstitione hominum
prave religiosorum, qui viam essent ingres-
suri. Hi vero iter non suscipiebant, nisi
auspiciis capitis Mathematicos consulissent,
aut

aut *genesis* ab illis facta cognovissent, iter
 faustum sibi fore ac felix. Philostratus de
 vita Apollonii lib. II. c. 39. Ὑπολαβὼν ἔν ὁ Α-
 πολλώνιος, ἐφ' ἑρσὶς ἐν ἑφῇ, ποιεῖσθαι καὶ ταύτας ὡς περ
 τὰς ἐξόδους τε καὶ τὰς στρατείας. Respondens autem
 Apollonius auspicatione, inquit, hæc quoque
 facitis, sicut itinera & militares expedition-
 nes? Apulej. lib. II. Metam. Corinthi nunc
 apud nos passim Chaldaeus quidam hospes mi-
 ris tamen civitatem responsis turbulentat,
 & arcana fatorum stipitibus emerendis edi-
 cit in vulgum: qui dies copulam nuptialem
 adfirmet; qui fundamenta mœnium perpetuet;
 qui negotiatori commodus; qui viatori cele-
 bris, qui navigiis opportunus: mihi denique
 proventum hujus peregrinationis inquirenti
 multa respondit; & oppido mira & satis va-
 ria. Juvenal. Sat. vi. vf. 577.

Ad primum lapidem vestari cum placet,
 hora

Sumitur ex libro

Vulgus etiam, credens principiis omina inef-
 fe, mustelæ occursum scævum habebat, nec
 pergere audebat, nisi tribus lapidibus, an-
 te se missis, ut Theophrastus ridet in cha-
 ract. eth. c. 16. Aliis pedum offensiones,
 & abruptiones corrigiæ, & sternutamenta
 sinistri ominis erant, uti, præter Cicero-
 nem lib. II. de Divinat. c. 40. Valer. Maxi-
 mum lib. I. c. 4. & Plinium lib. II. c. 7.
 docet

SUPERSTITIONE PEREGRINANTIUM. 17

docet Ovid. lib. I. Amor. Eleg. 12. vs. 3.

*Omina sunt aliquid, modo cum discedere
vellet,*

Ad limen digitos restitit ieta Nape.

Missa foras iterum limen transire memento

Cautius, atque alte sobria ferre pedem.

Multa etiam observatio de cælo, nubium
attrarum & fulgurum. Hinc cum Eutychus
dixisset apud Plaut. Merc. Act. V. sc. 2.
vs. 37.

*Recipe te ad terram, Charine, huc, nonne
ex adverso vides?*

*Nubis ater imberque instat, adspice nunc
ad sinistram:*

*Cælum ut splendore est plenum, ex adverso
vides?*

Charinus, quasi religatus, & a suscepto
itinere prohibitus, addit:

Religionem illic objecit: recipiam me illuc.

Dierum discrimen ut navigantes attendant,
periculi ratio jubet: alios enim præ aliis
tempestatibus plenos & metuendos esse, Ve-
getius ostendit, lib. V. de re mil. c. 10. sed
Augustus eos in profectionibus suis ob-
servavit, ominis causa. Sueton. lib. II. c. 92.

*Observabat & dies quosdam, ne aut postri-
die nundinas quoquam proficisceretur: aut
Nonis quicquam rei serie inchoaret: nihil in
hoc quidem aliud devitans, ut ad Tiberium
scribit, quam divi & augur omnis.* Casaubonus

in notis addit Ambrosium, qui ad illa Pauli verba ad Galatas cap. IV. ἡμέρας παρατηρεῖσθαι καὶ μὲναι, καὶ κατεῖναι, καὶ ἐνιαινέειν: *Dies*, inquit, *observant*, *qui dicunt*, *ut puta*, *Crastino proficiscendum non est: post crastinum enim non debet aliquid inchoari.* Maxime autem vetabat superstitio, sabbatho iter facere. Ovid. lib. I. Art. amat. vs. 415.

Quaque die redeunt rebus minus apta gerendis

Culta Palestino septima festa Syro.

& Remed. amor. vs. 219.

Nec pluvias vites, nec te peregrina morentur Sabbatha, nec damnis Allia nota suis.

Romani enim, non minus ac Athenienses, a suis ad aliena sacra facile exorbitantes, festi diei Sabbatha, Judaico more, & diem Saturni otio & victui decernebant, ut ait Tertullian. lib. I. ad Nat. c. 13. & in Apolog. c. 16. Revera autem Judaici moris originem & scopum non intelligebant, ut ex Tacito lib. V. Hist. c. 4. et Juvenale Sat. V. vs. 106. apparet: neque omni prorsus itinere Hebræis interdictum, sed longiore, et postremis temporibus certum spatium his mille cubitorum fuit constitutum, quod emetiri die Sabbathi liceret, de quo Interpretes ad Act. I. vs. 12. Pleraque itineraria superstitionis capita, velut uno fasce, complexus est Tibullus lib. I. Eleg. 3. vs. 9.

Delia

*Delia non usquam, quæ me quam mitteret
urbe,*

Dicitur ante omnes consuluisse Deos.

*Illa sacras pueri sortes ter sustulit; illi
Rettulit e trinis omina certa puer.*

et mox de se ipso vs. 17.

*Aut ego sum causatus aves, aut omina
dura:*

Saturni aut sacram me tenuisse diem.

O quoties ingressus iter mihi tristia dixi

Offensum in porta signa dedisse pedem.

His addamus, quod supersticiosi aqua lu-
strali, quæ in templis, et ad fores ædium
privatarum, etiam in viis præsto erat, se-
se, purificandi et expiandi causa, si forte
mortuarii aliquid aut immundi tetigissent,
adspergebant. Theophrast. Char. d. c. 16.

Ἐπὶ ταῖς τριβόις ἀπὸ τῶν κατὰ κεφαλῆς λύσασθαι.

*In compitis, antequam inde discedat, aqua
in caput adpersa se lustrat.* Vid. Numer.

cap. XIX. vs. 8. Ovidius lib. VI. Fast. vs.

639. Plin. lib. XV. c. 30. et Mag. lib. IV.

Miscell. c. 10. Ad anilem præterea supersti-

tionem pertinet, quod fluvium transituri

eum adorabant manusque lavabant. Hesiod.

Op. et dier. vs. 737.

Μηδὲ ποτ' αἰνῶν ποταμῶν καθάρσον ὕδαρ

Πρὸς περὶν, πρὶν γ' εὐχὴ ἰδὼν ἐς καλὰ ῥέεθρα;

Χθρὰς περὶ μὲν πολυηράτω ὕδατι λευκῷ,

*Nec unquam perennium fluviorum limpidam
aquam*

*Pedibus transito, priusquam oraveris, ad-
spiciens pulchra flumina,*

Manus lotus amœna aqua limpida.

Militares copiae sacrificantes, id θύειν τὰ δισ-
βάτεια vocabant: sic Alexander M. Hyda-
spem fluvium, ut et Acclinem et Indum,
in suæ navigationis initio, invocavit, re-
ferente Arriano lib. VI. idemque Istro sa-
crificavit, ὅτι οὐκ ἀπορῶν αὐτῷ ἔγινετο, *quod se
haud difficilem in transitu præbisset*, au-
ctore eodem lib. I. Romani Petroniam am-
nem, in Tiberim desluentem, inauspica-
to transire nefas ducentes, *peremne auspica-
ri* eos dicebant, qui omnem aquam, ex fa-
cto ortam, auspicato transibant, auctore
Festo, in *Peremne* et *Petronia*. Jam olim
Aeneas, Italiam salutaturus, apud Virgil.
lib. VII. *Aeneid.* vs. 176.

- - - *Geniumque loci primamque Deorum
Tellurem, Nymphasque, & adhuc ignota
precatur
Flumina.*

Silius lib. VI. vs. 171.

- - - *Nymphas Numenque precamur
Gurgitis ignoti.*

Denique peregre abeuntes oscula dabant;
non modo carissimis propinquis, sed et do-
mum ac terræ patriæ, Genio ejus hoc ri-
tu

SUPERSTITIONE PEREGRINANTIUM. fr

tu valedicentes. Ovidius lib. XIII. Metam.
vs. 420.

- - - dant oscula terræ

Troades, & patriæ famantia aræ relinquant.

Valer. Flaccus lib. IV. Argon. vs. 373.

Ultimatum patriæ cedens dedit oscula ripæ:

Rutilius Itiner. lib. I vs. 43.

Crebra relinquendis infiximus oscula portis.

In aliam mox terram appulsi similiter, os-
culo terræ infixo, τὰς ἐπιχωρίους θεὰς venera-

bantur; ut Ulysses in Phæaciam adveniēns,

ὅστις ὁ ζῆνι δαίμονι ἀνέγειν, osculatus est terram, apud

Homer. Odyss. V. vs. 463. Ovidius lib. III.

Metam. vs. 24.

Cadmus agit grates peregrinæque oscula terræ

Figit: & ignotos montes agrosque salutat.

Iidem ad lares suos tandem reversi patriam

et domum salutant; apud Homerum Odyss.

XIII. vs. 345.

Χαίρων ἢ γαίῃ κύρῃ ὃς ζῆνι δαίμονι ἀνέγειν,

Gaudens sua terra: osculatus autem est at-
moni tellurem.

Seneca Agamemn. vs. 782.

Tandem revertor ad patrios lares,

O cara salve terra!

Hoc ritu antiquo Carolus V. Imperator, in

portum Lauredunum appulsus: Ubi ter-

ram tetigit, prostratus osculum fixit, &

Salve, inquit, mihi optatissima mater, au-

ctore Thüano lib. XVII. Histor.

CAPUT II.

DE STATUIS, ARIS ET TEMPLIS
DEORUM VIALIUM.

In honorem Deorum Vialium statuæ & aræ collocatæ, in plateis, pontibus & portis; quæ vel ideo divini juris recte dicuntur, in l. 1. D. & §. 10. Inst. de rer. divis. Lucretius illustratus. In compitis templâ. L. 10. C. Tb. de pagan. explicata. Luci prope vias. Lapides viales in biviiis. Deorum marinarum aræ & statuæ in litoribus & insulis. Termini cur rudes, coronati, & uncti. Lux Mosi Genes. XXVIII. vs. 18. Apulejo & aliis. Columnæ Deorum vialium an à columna nubis divina, an ab obeliscis Egyptiorum, an vero a columnis milliaribus petitæ? Earum usus & cultus antiquissimus, ex Levit. XXVI. vs. 1.



idimus Gentiles alios suo modo vere religiosos, alios autem perquam timidos, metu divini numinis usque ad superstitionem; his vero tertium genus addendum est, qui Deorum providentiam negantes, aut ignorant, preces, vota et gratiarum actiones, tanquam inania Philosophorum, negligebant. Horum igitur in memoriam ut una
cum

cum religiosis revocaretur, a Diis Vialibus iter fortunatum concedi, vulgo in plateis, in portis, pontibus, littoribus, biviiis, tri-viis et viarum divortiis erexerunt statuas, aras, ædículas, templa, lucos, lapides et columnas, tanto numero, ut non ab re Pètroni-
us dixerit: utique nostra regio tam præ-
sentibus plena est numinibus, ut facilius possis
Deum, quam hominem invenire. Athenien-
ses non modo in templis, sed et in vicis, ad
januas ædium, Mercurii statuas, quas Her-
mas vocabant, positas habebant ac dedica-
tas, quæ nomen ex domino ædium acci-
piebant. Nepos Alcibiade cap. III. Prius-
quam classis exiret, accidit, ut una nocte
omnes Hermæ, qui in oppido erant Athenis,
dejicerentur, præter unum, qui ante januam
Andocidis erat, Andocidisque Hermes vo-
cabatur. Suidas in Ἑρμῶν. Ἑρμαὶ ἦσαν ἐν τῇ Ἀθη-
ναίων πόλει λίθινοι ἐν οὐδύροισι καὶ ἐν ἱεροῖς. Hermæ
erant Athenis lapidei, in vestibulis ædium at-
que templis. In honorem Apollinis Agyiei,
præ foribus ibidem constituebantur aræ,
myrrha fragrantēs; quod ex Sophocle do-
cet Scholiastes Aristophanis in Vespis vs.
870. et ex eo Suidas in Ἀγυιαί. *Ἐὶ ἐν δ' ἂν οἱ*
ἑστῇ ταῖς Ἀττικαῖς λεγόμεναις Ἀγυαῖς, οἱ οὐδ' ἑ οἰκίων
βωμοί. Erant vero apud Atticos aræ ante æ-
des posite, dictæ Compitalitiæ, sive Agyieis.
Eustathius eas ἀγυιατίδας θυγατρίδας dictas pu-
tat;

tat; quæ tamen Stephanus earum propylæa interpretatur. Triviæ quoque simulacrum ἑκάταιον, id est, ἱερὸν Ἑκάτης, vel Ἑκάτης ἄγλιμα ante fores collocabatur, ut Aristophanes auctor est in Vespis vs. 793.

Καὶν τοῖς περὶ θύραις ἀνοικοδομήσθαι πᾶς ἀνὴρ

Αὐτῷ δικαστηρίδιον μικρὸν πάνυ,

ὡς περ Ἑκάταιον πανταχῶ περὶ τῶν θυρῶν.

Et unus ante quisque causidicum fores

Strueret tribunal admodum parvum, velut

Hecateum ubique delubrum ad fores solent.

Similiter urbium portæ quasi sedes erant et templa deorum vialium, quæ vel ob hanc causam recte quodammodo divini juris fuisse dicuntur, a Cajo et Justiniano in l. 1. D. §. 10. *Inst. de rer. div.* Apud Harpocracionem, ex Demosthenis oratione adversus Euergum et Mnesibulum, laudatur: Ἑρμῆς δὲ περὶ τῇ πυλίδι. *Mercurius, qui ad portulam,* et Philochorus lib. V. Attidis tradidit:

ὡς οἱ ἐνεία ἀρχόντες ταῖς Φιλαῖς ἀνέθεσαν Ἑρμῆν στήθεϊ τῶν πυλῶν τὸν Ἀττικόν. *Novem Archontes dedicasse tribubus Mercurium, qui ad portam Atticam.* Pausanias in Messenicis, sive lib. IV. pag. 143. Ἰόντι δὲ τὴν ἀπ' Ἀρκαδίας ἐς Μεγά-

λην πόλιν, ἔστιν ἐν ταῖς πύλαις Ἑρμῆς τέχνης τῆς Ἀττικῆς. Ἀθηναίων γὰρ τὸ ἄλμα τὸ τετραγώνον ἔστιν ἐπὶ ταῖς Ἑρμαῖς, καὶ περὶ τῶν μεμαθήκασιν οἱ ἄλλοι. *Quæ ad Arcadiæ urbem Megalopolin egressus patet, in ipsa porta Mercurii signum, Attici operis.*

Athe-

*Athenienses enim quadrangula figura Her-
mas fecere; & eam ab illis alii Græciæ po-
puli acceptam formam in Mercurii sigillis
usurparunt. In Italia quoque Anagninæ Her-
mam ante portam iſtam, Livius ſcribit lib.
XXVII. c. 4. ſi Rubenii et Gronovii le-
ctionem ſequamur. Nec trunci tantum
Mercurii, manibus pedibusque carentes, ſed
& alii, Apollinis vel Herculis figura,
πυλάριοι ad portas ſtatuī ſolebant. Hinc
portæ Jovis, Herculanæ et Minervæ
crebro memorantur, et ἱερὰς πύλας voca-
vit Theophraſtus char. c. 14. Varro lib. IV.
de L. L. nam neque quas Ambracia ante
portas ſtatuit, duas viriles ſpecies æneas Dii
magni. Haſ petafati tranſeuntes religioſa
obſervatione ſalutabant; et quemadmodum
apud Plautum limen ſuperius & inferum
quadam religione ſalutatur, & apud Maro-
nem amplexi tenent poſtes, atque oſcula fi-
gunt; ita longius aliquod iter adornantes,
dextris deorum oſcula figebant. Egregie
hoc docuit Lucretius lib. 1. verſ. 316.*

*Strataque jam vulgi pedibus detrita viarum
Saxeæ conſpiciamus, tum portas propter abena
Signa manus dexteras oſtendunt attenuari
Sæpe ſalutantum tactu, præterque mean-
tum.*

*Nefcio qui in mentem venerit Alciato, ut
lib. VIII. Parerg. c. 10. hunc locum refer-*

ret ad patronos, qui, cum copiam sui facere non possent, pro valvis statuum suam æneam posuerint, quam clientes venerarentur; quum satis pateat, Lucretium loqui de signis Deorum vialium & tutelarium, quorum manum dextram, qui exirent ex urbe, & qui ingrederentur, osculari solebant. Receptior quidem habitus adorantium fuit, ut eminus stantes manum signis porrigerent, eamque ad os suum relatum suaviarentur; neque tamen Thomas Crech desperare debebat, an ullus veteris scriptoris locus, ad id demonstrandum, quod ait Lucretius, adferri possit: omnino enim nonnulli simplicius inentum, genua vel dextram deorum ore suo attingebant. Cicero iv. in Verr. c. 43. apud Agrigentinos ait fuisse simulacrum Herculis, *cujus rictum ac mentum paullo attritius, quod in precibus & gratulationibus non solum id venerari, verum etiam osculari solebant.* Crebris etiam unctionibus & votis, cera affixis, simulacra detrita esse, indicat Philostratus Heroic. c. 2. ubi de Protefilai statua, Navarchi habitu à navigantibus culta, ait: *ἄτείστας δὲ αὐτὸ ὁ χεῖρον, καὶ τὴν Διὸς ἀειφορέας τε, καὶ οἱ ἐπισφραγιζέμενοι τὰς εὐχάς, ἐξηλάδασαι δὲ αἶδου.* *Atterendo eam & tempus, & illi, ita me amet Jupiter, qui inungere solent, aut vota cera affigunt, speciem immutarunt ejusdem,* Via,

Viatoribus extra urbem delatis in pontibus, compitis & quadriviis iidem occurrant Hermæ, tum ædiculæ patentēs, & templa Diis Vialibus sacrata, in quibus rem divinam facere, thura dapesque libare possent. Ammianus Marcellinus XXXI. 1. *Quales, ait, in commarginandis pontibus effigiati stipites dolantur incomte in hominum figuras.* Erant enim valde informes, securi & ascia simplici, nullo artificio politī, ut ille Priapus pastoris Deus apud Virgilium in Culice:

Illi falce Deus colitur, non arte politus.
Nec non apud Lucanum lib. III, Pharf. v. 412.

- - - *Simulacraque mæsta deorum*

Arte carent, cæsisque exstant informia truncis.

De templis deorum, ad vias exstructis, auctorem habeo Athenæum lib. XV. c. 9. De ædiculis sive facellis vetus Scholiastes Persii Sat. IV. ad voces *pertusa compita* notat: *Compita sunt loca in quadriviis, quasi turres, ubi sacrificia, finita agricultura, rustici celebrabant. Merito pertusa, quia per omnes quatuor partes pateant, vel vetusta: vel compita non solum sunt in urbe loca, sed etiam viæ publicæ ac diverticula aliquorum consinium, ubi ædiculæ consecrantur patentēs.* Junius etiam Philar-

largyrus in 2. Georg. scribit, in locis, ubi competerent viæ, aras & ædes sacras fuisse: atque ad has pertinere puto *I. X. C. Tb. de paganis*, in qua Impp. Gratianus, Valentinianus & Theodolius præcipiunt: *Judices quoque banc formam contineant, ut si quis profano ritui deditus templum uspiam vel in Itinere vel in Urbe adoraturus intraverit, quindecim pondo auri ipse protinus inferre cogatur.* Extra muros urbis Romæ aliarumque, quæ Romanos agnoscebant fasces, frequentia templa fuisse, ex Pausania, Ovidio, Festo aliisque ostendit celeberrimus hujus Codicis interpres: sed vox *itineris* hic maxime respici jubet, ad ea, quæ Diis vialibus, Dianæ & Herculi erant dedicata, in viis, quæ Romam ducebant. Ita enim Servius ad IV. *Æneid.* vers. 511. *Dianam ob triplicem potestatem triformem triplicemque sinxerunt: cujus in triviis templa struxerunt.* Dionysius lib. I. *Antiq. cap. 40.* Πολλαὶ γὰρ δὲ καὶ αἱ τῆς Ἰταλίας ἀνέσταν τεμένει τῷ θεῷ, καὶ βωμοὶ κατὰ πόλεις τε ἔσονται καὶ παρ' ὁδοῖς, καὶ σπανίως ἀν' ἔννεμι τις Ἰταλίας χώρον, ἔνθα μὴ τυγχάνει τιμώμενος ὁ θεός. *In multis etiam Italiae locis aliis, templa huic deo (Herculi) sunt sacrata, & in urbibus ac in ipsis Viis aræ sunt erectæ: nec facile reperias ullum in Italia locum, ubi deus iste non colatur.* Tale quoque fuit templum
Dia-

Dianæ Limnatidis apud Lacedæmonios, in via, quæ Boeis Epidaurum ducebat, & apud Messenios, ad vicum, quem vocabant Calamas, exstructum, de quo Pausanias lib. IV. & Tacitus IV. Annal. cap. 43. ad- undi. Item Dianæ Aricinæ templum, haud longe ab Aricia collocatum; cujus meminerunt Lucanus lib. VI. vers. 74. & Ilyginus fab. 261. Duarum *Fortunarum* templa, ab utraque parte viæ Latinæ col- locata, Strabo signat lib. V. pag. 249. De *Herculis* templis ad vias non est dubitan- dum; is enim non delectatus fuit vita sub dio, sed peregre solitus degere; nec indi- gena fuit, sed hospes & peregrinus, uti Plutarch. ait, Quæst. Rom. cap. 28. Hinc Tyriorum legati, apud Curtium lib. IV. c. 2. Alexandro respondent: *esse templum Herculis extra urbem*. Apud Romanos Herculis templi extra portam Collinam meminit Livius XXVI. cap. 10. Fanum ejusdem in via Appia, frequentia salutan- tium viatorum, servuisse scribit Martialis lib. III. Epigr. 47. Atque illustre illud, quod extra portam Latinam Domitianus statuit, idem lib. IX. epigr. 65. depingit; cujus verba, cum ad rem præsentem ma- xime facere videantur, apponere lubet. Sunt autem hæc:

Her-

*Herculis in magni vultus descendere Caesar
Dignatus, Latiae dat nova templa viae:
Qua Trivia nemorosa petit dum regna viator,
Octavum domina marmor ab Urbe legit.*

Prope templa & facella vanæ Deorum
imagines, in viis, *redimita vittis arbore,*
vel erecta effossis cespitibus ara, honoraban-
tur, ut ait Theodosius M. in l. 12. C. Th.
de pagan. Nec minus frequentes *luci* erant
& nemora viis imminencia, in quibus via-
tores tacito horrore secretum illud, quod
sola reverentia videtur, adorabant. Indi-
cat Apulejus lib. I. Florid. *Neque justius*
religiosam moram viatori objecerit, aut ara
floribus redimita, aut spelunca frondibus
inumbrata, aut quercus cornibus onerata,
aut fagus pellibus coronata, vel enim colli-
culus sepimine consecratus, vel truncus do-
lamine effigiatus, vel cespes libamine humi-
gatus, vel lapis unguine delibutus. Agge-
nus in Frontin. pag. 62. *Lucos frequenter*
in trisinio & quadrisinio invenimus, sicut
in suburbanis, & circa publica itinera con-
stitutum esse perspicimus. Nimirum solitudo
locorum, & admiratio umbræ, præsertim
in calidioribus regionibus, apud vulgus
rusticum, opinionem excitabat, Deos illic
habitare, ipseque urbani, non magis auro
fulgentia atque ebore simulacra, quam lu-
cos, antiquitate verendos, & in iis silentia
ado-

adorabant. vid. Deut. XII. vs. 2. 3. XVI. vs. 21. Ezech. VI. vs. 13. Plin. lib. XII. c. I. Ruben lib. II. Elect. c. 34. & qui hanc eruditionis partem supra omnes illustravit, Pinto Ramirez, in Spicileg. sacro tract. I. cap. 6. Offerebant autem sese in primis Dianæ silvarum potentis luci, variis in locis, ut Petrus Faber lib. III. semestr. cap. I. observavit. Erat Ephesi lucus Dianio, si-
ve Dianæ magnæ fano proximus, Tacito III. Annalium 61. Strabone & Achille Statio auctoribus. Lucus Daphnes, ad suburbium Antiochiæ Syriæ, Apollinis & Dianæ cærimoniis fuit consecratus, l. 2. C. de cupressis (XI. 77.) l. 12. C. Tb. de jure Fisci. Strabo, Sozomenus, Libanius. In Latio quoque *Lucus Dianius est, in sinistra parte viæ, qua Aricia ascenditur*, inquit Strabo lib. V. pag. 165. & Plinius suis temporibus, in suburbano Tusculani agri colle, lucum antiqua religione Dianæ sacratum fuisse tradit, lib. XVI. Nat. hist. cap. ult. Unde Virgilius: *Jam subeunt Trivia lucos*. Horatius: *cum lucus & ara Dianæ*. Ovidius lib. VII. Metam. vs. 94.

- - - *per sacra triformis*

Ille Deæ, lucoque foret quod numen in illo,

Eventusque suos tantaque pericula jurat.

Præter Dianam Lares quoque viales in lucis habitare credebantur; quod essent ani-
mæ

mæ defunctorum, quorum sepulchra arboribus lucisque erant circumsepta. Servius ad Æneid III. vers. 302. *Lucum nunquam ponit sine religione. Nam in ipsis habitant manes piorum, qui lares Viales sunt.* Varro lib. IV. de L. L. *Et unde ascendebant ad imam novam viam, lucus est & sacellum Larum.* Ipli de se apud Virgilium lib. VI. Æneid. vers. 673.

Nullicerta domus, Lucis habitamus opacis.

In litoribus, insulis, portubus & navium stationibus Diis quoque marinis templa, aræ & statuæ fuerunt erectæ, ad quas mare ingressuri precabantur, & reduces vota nuncupata solvebant. Hinc θεοὶ αἰγιαλοὶ, si-
ve *litorales dii* dicuntur, & Strabo lib. VIII. pag. 343. Eleæ solum totum in lucis donariorum refertum esse ait, συχὰ δ' ἐν-
μῆα ἐν ταῖς ἰδοῖς, Ποσειδῶν δ' ἐπὶ ταῖς ἀκταῖς. *Crebra etiam in viis sunt Mercurii, Neptuni in ripis donaria.* Cum enim censerent di-
vino & mortali generi convenientissima quæque loca esse maxime commoda & gra-
ta, ἀκτὰς δ' ἢ νῆας πηλαγίων δαίμονες, *litora & insulas numinibus marinis sacras putarunt,*
ait Dionys. Halic. lib. I. cap. 39. Servius ad Virgilii lib. III. Æneid vs. 12. *Simulacra duo virilia, Castoris & Pollucis, in Samothracia, ante portum sita, quibus nau-
fragio liberati vota solvebant.* Ipse Virgil. lib. III. Æn. vs. 404. *Et*

Et positis aris jam vota in litore solves.

Hercules item Pollium rogat, ut sibi in litore aras exstruat, in quibus nautæ præter navigantes sacrificarent, apud Statium lib. III. Sylv. vs. 106.

Datemplum, dignasque tuis conatibus aras,

Quas puppes velis nolint transire secundis.

Lapides porro & stelæ, non tantum deorum nominibus & figura insignes, sed etiam rudēs, in viis publicis, ubi divortia erant & ditionum diversarum coibant termini, statuebantur. Ita Strabo Mercurii statuas, in viis ad Alphei fluminis ostia, crebras fuisse, scriptum reliquit lib. VIII. & lib. XVII. pag. 818. de via Syena, in Ægypto, Philas tendente: *Per totam viam videre licebat utrinque, multis in locis, quasi statuas Mercuriales, lapidem altum, rotundum, satis laevem, propemodum sphericum, ex nigro & duro saxo, ex quo mortaria fiunt, majori lapidi impositum, ac rursus super eo alium.* Qui locus memorabilis nos monet, ut ab Ægyptiis natales hujus superstitionis repetamus, a quibus deinde ad alias gentes fluxit. Pausanias lib. VII. in Achaicis, ubi de Mercurio Pharis culto: *Ἐσήκασι, inquit, ἡ ἑγγύτητα ἡ ἀγάλματα. τετραγῶνοι λίθοι τετακοντα μέτρα ὀρθοί. τὰ τὰς αἰχμασιν οἱ φαρεῖς ἐκείνῃ θεῷ τινος ὄνομα ἐπιθίζοντες. τὰ δὲ ἔτι παλαιότερα, ἢ τοῖς πάνσι ἔδεικται, τιμὰς θεῷ ἀντὶ ἀγάλματα εἶχον ἄγροι λίθοι.*

C

Prope

Prope ipsum Dei signum lapides fere triginta erekti sunt, quadrangula figura: singulos certis Deorum nominibus appellantes venerantur. Et sane Græcis olim omnibus patrium fuit, rudes lapides pro diis, perinde ac simulacra ipsa, colere.

Maxime vero apud Romanos invaluit Terminorum religio, postquam Numa lapides finales Jovi Terminali sacrauit, omnesque iussit quotannis, in festo Terminalium libis & fructuum primitiis sacra illis facere, uti, præter Plutarchum, multis describit Dionys. Halicarn. lib. II. c. 76. Hinc pœnæ termini moti illustrantur, quia religio furtum augebat; adeo ut si quis ignorantia, aut fortuito lapides alienos moverit, verberibus decidere liceat, quum lapides illi Jovi sacri essent, l. 2. D. de term. mot. Dent. xxvii. v. 17. Plato lib. VII. de LL. Seneca Hippol. act. II. v. 528.

- - - nullus in campo sacer

Divisit agros arbiter populis lapis.

Propertius lib. I. Eleg. 4.

Nullas illa suis contemnet fletibus aras;

Et quicumque sacer, qualis ubique, lapis.

Ovidius lib. 2. Fastor. v. 641.

Termine, sive lapis, sive es defossus in agro

Stipes, ab antiquis sic quoque numen habes.

Dii Terminales quidem à Vialibus differunt

runt ratione & loci, & officii; sed tamen quandoque termini, Hermarum habitu, pro Diis vialibus habebantur, ubi viarum divortia fines distinguebant: nam Ulpianus ad Demosthenem scribit, terminos vultum Mercurii in vertice, in fronte autem inscriptionem habuisse. Termini effigiem, in truncum desinentis, dedit Oiscl. tab. 41. Aliam Sponius, sed quam Fabrettus statuem sepulchralem rectius existimavit c. 1. Inscr. Declarat id quoque Statua Terminalis, *σηλη ἰσοστα*, ut Polluci dicitur, in nummis Augusti, apud Goltz. numm. Aug. pag. 23. n. 20. ita efformata, ut caput promineat, ceteræ vero corporis partes, in pyramidis inversæ speciem confusæ, et fasciis involutæ videantur. Pausanias in fine Corinthiæ. *Ἐσῆκασι δ' ἐπὶ τοῖς ὁδοῖς Ἑρμαὶ λίθοι*. *Erecti sunt in terminis lapides Hermæ.* Julius Frontinus de colonis pag. 142. *Aliis vero locis ager determinatur per muros, Hermulas, mace- rias, scorpiones, congeries &c.* Atque hujus generis fuit lapis ille *unguine delibutus*, qui religiosam moram viatori objiciebat, auctore Apulejo, *diff. loc.* Apud Judæos tabernaculum, altare & omnis supellex divina, Dei mandato, uncta erat & consecrata Exod. XL. vs. 9. 10. Num. VII. vs. 1. at miseri gentiles, uti victimas & animalia Deo consecrata oleo ungebant, ita & lapides;

des ; quod deos ejus pinguedine & odore delectari credebant. Discimus hoc ex Theophrasto *περὶ διτταῖς αἰμοῖας*, & Luciano in Pseudomante. Clemens Alexandrinus lib. VII. Stromat. *λίπαυς λίθους*, *pingues lapides*. Arnob. lib. I. adv. gent. pag. 22. *Lubricatum lapidem*, & *ex olivi unguine sordidatum*, vel, ut alii malunt, *odoratum* vocat. Porro quemadmodum Deorum statuæ plerumque aureis coronis ornatæ in nummis conspiciuntur, ita lapides quoque ornabant floribus, fertis & coronis, l. 7. & l. 12. C. Th. de pagan. Tibull. lib. I. Eleg. 1. vs. 15.

Nam veneror, seu stipes habet desertus in agris,

Seu vetus in trivio florea ferta lapis.

ubi Loënsis lib. II. Miscell. c. 18. in primo versu deum semitalem, qui semitas custodit, in altero vero lapidem terminalem intelligi voluit, quocum non ubique facit Brockhufius in notis. Lapidem unctum cum ramo coronato conjungit Apulejus in Apol. *Negant vidisse se, qui fuere, unum saltem, in finibus ejus, aut lapidem unctum, aut ramum coronatum*. Minucius Felix c. 3. *lapides effigiatos, unctos & coronatos* vocat, & denique Sículus Flaccus de condit. agror. pag. 5. *Cum enim terminos disponent, ipsos quidem lapides in solidam terram rektos collocabant, proxime ea loca, quibus fossis factis*
defixu-

defixuri eos erant, & unguento, velaminibusque & coronis eos ornabant.

Cur autem, ais, lapides isti sæpius impositi & rudes? Joannes Spencerus de legibus Hebr. lib. II. cap. 6. rationem adfert, quod Gentes, naturæ quodam instinctu, res naturales, nullo artificio adulteratas, sine signis & figuris, Numini existimarint gratiores. Dio Chrysostomus Serm. XII. ex artis penuria & defectu informes lapides deducit. Aliter rursus Lactantius lib. I. c. 20. *Quid, qui lapidem colunt informem atque rudem, cui nomen est Terminus? Hic est quem pro Jove Saturnus dicitur devorasse.* Eundem lapidem, per vomitum iterum ejectum, Jupiter sub jugis Parnassi statuit, ut posteris insigne monumentum existeret, auctore Heliodo Theogon. vs. 498. & Apollodoro Bibliothec. lib. I. Scribit etiam Pausanias, in Phocicis, *singulis diebus, & maxime festis, oleo eum perfusum, succidaque lana velatum fuisse.* Sed, qui universam Gentilium Theologiam ab Hebræis petitam contendit, Vir Cl. Petrus Daniel Huetius, morem istum dimanasse putat à lapide, quem unxerat Jacob in Bethel. Is enim in itinere lapidem, cui innixus scalam in somnis viderat, posuit in titulum, addito voto, eum locum fore domum Dei, si salvus reverteretur: *erexit in stelam, suditque oleum*

desuper. Deinde vocavit nomen istius loci Beth-el. Genes. XXVIII. vs. 18. 19. Et fane, Judæos lapidem hunc deduxisse in speciem cultus divini, eique similes, successu temporis, alios fecisse, ex 1 Reg. XIV. 23. constat, atque ex traditionibus Judæorum firmat illustris Scaliger animadvers. Eusebian. pag. 216. ad annum 2150. A Bethel quoque, quod Phœnicum lingua significat domum Dei, lapides animatos Græcis βαetylαι vocatos existimat; eique viri Clariss. Cuperus ad Lactant. de M. P. pag. 154. & Buddeus Hist. Eccl. tom. I. pag. 319. adstipulantur. Aliis autem verisimilius videtur, ut Grotio & Pottero, doctissimo Oxonien- sium Episcopo, Archæol. Græc. lib. II. c. 2. Jacobum morem antea usitatum secutum fuisse; quia Moses hanc rem non ita nar- rat, quasi eam instituerit Patriarcha, sed ut ex veteri more usitatam: nam & Mar- tis signum e lapide rudi in Petra Arabiæ, apud Suidam; & Venus, apud Cyprios in modum metæ culta, apud Servium; & Pal- las Attica, sine forma, rudi palo & solo staticulo ligni informis, apud Tertullianum repræsentata memoratur. Bætuliorum me- minit Damascius apud Photium cod. 242. Τῶν βαetylῶν ἄλλον ἄλλῳ ἀνακρίσθαι Θεῷ, Κρόνῳ, Διὶ, Ἡλίῳ, ἢ τοῖς ἄλλοις. Bætulorum alium alii deo consecratum esse, Saturno, Jovi, Soli & aliis.

aliis. Sanchoniathon, & ex eo Philo Biblius, apud Euseb. Præp. Evang. lib. I. cap. 10. ἐπεὶ ὁ θεὸς ἐγένετο βατύλια, λίθους ἐπιφύχας μηχανή- σαμεν : *Invenit Deus Uranus betulia, lapidibus animatis factis :* sed lapidibus unctis cum scripsisse, & Philonem errasse, contendit Bochartus Phaleg. lib. II. c. 2. Idem forte sunt *Lapides, qui Divi dicuntur*, apud Lamprid. Heliog. cap. VII. Multa fabulosa de his narrant Græculi nugatores, in vulgus nota; sed impuro aliquo dæmone agitante bætulos moveri, Isodorus Philosophus, insignis artium magicarum architectus, fatetur.

Restat de Columnis dicamus, quæ in honorem Deorum vialium erigebantur. Has inter primum locum occupant obeliscatæ illæ, quas Athenienses in vestibulīs ædium, in vicis & angiportibus Apollini Agyieo posuerunt. Meminit earum Aristophanes in *Thesmophoriæz*. v. 495. & in *Vespis*, v. 870. ubi Scholiastes: περὶ τῶν ἀγνῶν ἐστὶν εἶδος, κίονας οἷς ὁ θεὸς λίγοντας, ὡς ὁ θεὸς λίσκας ἰδένειν εἰς τιμὴν Ἀπόλλωνος Ἀγνῶως. *In more positum erat, ante fores statuas in acutum desinentes, obeliscorum instar, collocare in honorem Apollinis Agyiei.* Scholiastes Euripid. ad *Phœniss.* v. 634. ὅτι τὸν Ἀγνῶν σὺν πυλῶν ἵσταται. κίονας δὲ ἔστιν ὅτι εἰς ὁ θεὸς λίγοντας. Harpocration in *ἀγνῶις*: Ἀγνῶνς, inquit, ὅτι ἐστὶ κίονας εἰς ὁ θεὸς λίγοντας.

ἐν ἱσθμῷ πρὸ τῶν θυρῶν. Ἰδίως, ᾧ ἔναι φασὶν αὐτὸς Ἀ-
πόλλωνος, οἱ δὲ Διονύσου, οἱ δὲ ἀμφοῖν. Ἀγνὸς *vero est*
columna in acumen definens, quam ante fores
statuunt. Dicunt nonnulli eas columnas Apol-
linis esse proprias, alii Dionysi, alii utrius-
que communes. Decantatae item ubique sunt
Herculis columnae, terrarum ac itinerum
termini, de quibus in diversa abeunt Vete-
res; Calpen & Abylam eas putantibus aliis:
alii aeneas columnas in templo Herculis, aliis
aliter. Vide Strabonem lib. III. 96. & Eu-
stath. ad Dionys. v. 64. Quicquid est, de
origine moris istius si quaeratur, Huetius,
unam istam columnam, in qua delitescens
Dominus ducem se itineris praebeuit Ebraeis,
tot sacras viales columnas peperisse, existi-
mat, Dem. Evang. prop. IV. cap. 4 8. &
Dickinsonus Delph. Phoen. c. 10. In inviis
namque Arabiae desertis, ubi incerta erant
itineria, Jehovah, tanquam dux viae & Im-
perator, ipsis praeibat, *per diem in columna*
nubis, ad ducendum eos in via, & per no-
ctem in columna ignis, ad lucendum illis.
Exodi XIII. vs. 21. & XL. vs. 38. Psalm.
LXXVIII. v. 13 14. Nehem. IX. vs. 12.
Et sane corpus hoc fuit materiae coelestis,
simile columnae, in rotundam figuram pres-
sum, ut ab omnibus per tota castra videri
posset: hinc non modo *lux ignis*, sed &
columna nubis & ignis vocatur Exod. XIV.

vf. 19. Psalm. CV. vf. 39. Illud quoque palam scribit Moses, Dominum in nube Israelitas antecessisse, tum ut noctu illos duceret via, qua eundum esset, tum ut eos adversus æstum Solis muniret Exod. XIII. vf. 21. Deut. I. vf. 33. Hinc nonnullis admodum verisimile videtur, veterem illum serpentem, ad animas hominum corrumpendas, *μύθηον* hanc scelestam instituisse. Auctor enim 1 Macc cap. III. vf. 48. gentes, ait, evolvisse libros legis, in quibus scrutarentur similitudinem idolorum suorum; & Clemens Alexandrinus lib. I. Stromat. pag. 255. columnam igneam, Thrasymbuli ducem, cum divina illa componit; immo expresse Bacchi & Apollinis columnas, *ἐκ τῆς παρ' Ἑβραίων ἱστορίας* fluxisse scribit. At Celeb. Vitranga lib. V. dissert. sacr. c. 16. §. 1. in note, ob Xenophontis, Nepotis & Diodori silentium, nullam Clementi fidem habet; et si cuipiani isthæc columnarum origo longius petita videatur, is, per me licet, earum cunabula ab litteratis repetat Obeliscis, Soli ab Ægyptiorum Hierophantis consecratis; quos describunt Plinius et Ammianus Marcellinus. Vel ad Pharos recurrat, in nautarum præsidium, ex albo lapide exstructas, quas inter vetustate et artificio eminuit illa, cuius in Ægypto utilissimæ, meminit Strabo lib. XVII. cum inscriptione: ΣΤΕΦΑΝΟΣ

ΚΝΙΔΙΟΣ ΔΕΞΙΦΑΝΟΥΣ ΘΕΟΙΣ ΣΩΤΗΡΙ-
 ΣΙΝ ΠΕΡ ΤΩΝ ΠΛΗΖΟΜΕΝΩΝ. SOSTRA-
 TUS CNIDIVS, DEXIPHANIS FILIVS, DIIS SER-
 VATORIBVS PRO NAVIGANTIBVS. Posset quo-
 que origo referri ad *στήλας*, & *columnas* millia-
 res; quæ Deorum vialium munere fungeban-
 tur. Scribit enim Sextus Empiricus, quæcun-
 que profunt vitæ humanæ Deos esse habitos;
 nihil autem magis viatorum animos ac vires
 reficit, quam lapides isti notis numerorum
 incisi. Belle Quintilianus lib. IV. Inst. o-
 rat. 5. *Partitio reficit audientem, non aliter;
 quam facientibus iter, multum detrahunt fa-
 tigationis notata inscriptis lapidibus spatia.*
 Usus eorum apud Cananæos, Indos & Ro-
 manos quoque est antiquissimus. Nam Ge-
 nef. XXXVIII. 14. secundum quorum-
 dam sententiam *מִקְלָת* accipitur pro Mer-
 curiali statua, vel aliquo signo, quod viam
 monstrat; &, si fides Maimonidæ in Roze-
 ach. cap. 8. in biviiis & triviis, quæ ad urbes
 refugii ducebant, lapides fuerunt erecti, qui-
 bus inscriptum *מִקְלָת* Miklat, i. e. Refugi-
 um. Hos autem lapides speciem cultus
 ethnici præbuisse, non tantum ex eo patet,
 quod Deus *מַצֵּבָה*, *στήλην*, cippum et colum-
 nam superstitiosam erigi prohibet; Deut.
 XVI. 22. sed expressus eam in rem est locus
 Levit. XXVI. vers. 1. ubi verba leguntur
 ista: *Ne faciatis vobis idola, & sculptile,*
nec

nec statuam vobis erigatis, neque אבן משכית Ebhen Mascith *detis terra vestra, ad adorandum penes illum.* R. Bechai transfert lapidem effigiei, hoc est, pictum vel cælatum. R. Salomo interpretatur lapidem pavimenti, אבן שכלל cooperuit, quia is terram tegit. Onkelos intelligit lapidem adorationis. Moses vero Maimonides de idolol. cap. VI. n. 8. indicari putat morem, quo ante idola pavementum lapide sternebatur, super quo se prosternerent adoraturi. Sed Aben-Ezra unus optime, ad ritum colendi Mercolis, id est Dei vialis, heic respici monuit; &, si notationem sequamur, *Ebhen Mascith* est lapis index, visum seu oculos dirigens ad viam rectam. LXX. Interpretes λίθον σπονδόν, lapidem inspectorem verterunt, quales in Ægypto frequentes fuisse, supra ex Strabonis lib. XVII diximus. Viderint ergo qui hariolationes & conjecturas amant, num ab retusis his obeliscatæ Apollinis columnæ enatæ fuerint; aut hæ si non sufficiunt, ad petram recurrant, é qua Solis ignes elictos finxit vetustas, de quibus infra cap. VI. dicturi sumus. Simpliciter & vere scribit Clemens Alexandrinus lib. I. Strom. pag. 348. *Præusquam accurate perfecteque tenerentur imaginum habitus, Veteres columnas erigentes eas colebant, tanquam statuas Dei.* Adde Illustr. Spanhem. de Vesta n. 21.

CA.

CAPUT III.

DE DIIS VIALIBUS ÆGYPTIORUM,
JUDAEORUM ET SYRORUM.

Vulgus lapides Deos esse credebat: Sapientiores Solem & Lunam fere ubiuis gentium venerabantur. Variæ ejus rei rationes. Deorum vialium due classes, Corpora cœlestia, & Hercēs Divis adscripti. Ægyptii hujus superstitionis auctores, quorum Numina vialia Osiris & Isis, id est Sol & Luna, sub symbo'o bovis. De Vitulo aureo Hebræorum variæ sententiæ. Nobis videri Osiridis symbolum fuisse, vix ducis in deserto. Exodi XXXII. vs. 1. Psalm. CVI. vs. 19. & Act. VII. vs. 39. explicantur. Astarte Syrorum numen itinerarium, a multis populis, etiam a Judæis, cultum. Huic cœli reginæ amphipbentes in viis oblata. Verus Hieremiæ sensus cap. VII. vs. 17. Gad & Meni, an Sol & Luna, apud Esaïam LXV. vs. 11. Dea Cœlestis Asrorum eadem, quæ Astarte, apud Ulpian. tit. XXII. §. 6.

Absit vero putemus, tam hebetes ac truncos Ethnicos fuisse omnes, ut lapides, statuas & columnas pro Diis vialibus habuerint: quas & sensu carentes, et mortali opere factas,
&

& ævum passuras facile videbant. Pueri, fa-
teor; & anus, & vulgus superstitione man-
cipatum, immo quotquot religionem, non
ratione, sed sensibus hauserant, nisi figu-
ris hominum, animalium, aut lapidum con-
stitutis, nihil poterant de Deo cogitare,
ideoque statuas consecratas, velut Deorum
domicilia, aut Dei spiritu animatas, ado-
rabant, iisque, tanquam diis, publice sup-
plicabant. Theophrastus in Charact. *ἐν*
δαισιναιμονίας, sive cap. XVI. Καὶ τῶν λιπαρῶν λί-
θων τῶν ἐν ταῖς τριβάσι, παρὰ τὴν ἐκ τῆς ἀγκύρας ἑλκυσθῆ
καταχεῖν, καὶ ἐπὶ γόνατα πεισὼν καὶ προσκυνοῦσας, ἀπὸ κλη-
λέσθαι. *Lapides unctos, qui sunt in tri-
viciis, solet oleo ex ampulla persundere, nec
prius discedere, quam posito genu eos fuerit
veneratus.* Dio Chrysostomus Serm. XII.

Πολλοὶ τῶν βαρβάρων, πενία τε καὶ ἀπορία τέχνης, ὅτι
θεοὺς ἱπονομάζουσι, καὶ δένδρα ἀγαθὰ, καὶ ἀσημένια λίθους.
*Multi ē barbaris, ex artis penuria & de-
fectu, montes Deos vocant, & arbores im-
poliās, & informes lapides.* A se ipso quo-
que, adhuc profano idololatra, id factum
queritur Arnobius lib. I. pag. 22. *Pictura-
tas veteriosis in arboribus tēnias si quando
conspexeram, lubricatum lapidem & ex oli-
vi unguine sordidatum, tanquam inesset vis
præsens, adulabar, assabar & beneficia
pescēbam, nihil sentiente trunco.* Pruden-
tiores etiam, quo facilius animos impe-
rito-

ritorum, ad deorum cultum, a vitæ pravitæ converterent, vel ne, tanquam reip. turbatores, cum Socrate, capitis periculum subirent, subridentes licet, more populi, Deos vocabant, qui λεγόμενοι θεοί. ut Paulus ait 1 Corinth. VIII. vf. 5. Ita Cicero Verrin. IV. c. 47. simulachris sublatis, deos ablatos queritur, cum Siculorum vulgo. Virgil. lib. II. Æneid. vf. 351.

*Excessere omnes adytis, arisque relictis
Dii, quibus imperium hoc steterat.*

Horat. lib. I. Sat. 8.

Olim truncus eram ficulnus, inutile lignum:

*Cum faber, incertus scamnum facerente
Priapum,*

Maluit esse Deum.

Juvenalis Sat. VIII. verf. III:

Ipsi deinde Lares, si quod spectabile signum.

Si quis in ædícula Deus unicus.

Ipsimet vero in rebus naturalibus & corporeis, præsertim in astris, Deos quærebant, ac honore divino siderum principes, Solem & Lunam prosequiebantur. Cum enim Dei ipsius invisibilis formam ignorarent, & vellent tamen habere aliquid, in quo sensus hæreere posset, ad hæc luminaria animum jam adjecerunt primi mortaliū; unde lux, alimenta, voluptates, imo
vita

vita iis univerſa. Satis quidem aperte videbant, Dei immenſi ideam aſtrorum anguſtia non abſolvi; cum circulo ſuo incluſa ſint, nec precum habeant intellectum, nec libertatem huic magis, quam illi beneficiendi, nec libere moveantur; adhuc plura ſint, & materia conſtent, ut ex Homeri & Arati verſibus liquet; neque tamen, poſt oblitteratam, & quali extinctam creati mundi hiftoriam, quam Moſes nobis diligenter deſcriptam reliquit, eorum ſtupendam magnitudinem, ſplendorem, curſus celeritatem, vim & tantam in tam variis curſibus convenientiam, ſine numinis cogitatione, contemplari poterant. Ipſe Jobus hoc ſibi eveniſſe fatetur, cap. XXXI. vſ. 26. Plato lib. X. de LL. recte quosdam reprehendit, qui corpora cœleſtia motum a Deo accipere negent; at lib. XI. de LL. et in Epinomide, aſtrâ appellat *deos magnos et adſpectabiles*, qui cernuntur et acutiſſime cernunt. Plinius, in magnifica illa Solis deſcriptione, lib. II. cap. 6. opera ejus æſtimantes, inquit, credere decere, hunc *mundi totius mentem, & principale naturæ regimen, ac numen eſſe*. Immo omnes, quotquot fuerunt gentes, in lucida hæc cœli decora, in hos lucis et tenebrarum dominos religionis ſuæ ſtudia collocaſſe, notum eſt vel mediocriter eruditis, et
Char-

Charron Christianus, Solem Deum esse sensibilem, Deum Solem esse insensibilem, luxuriante ingenio dixit. Ad hos etiam præcipue referendum videtur, quicquid Gentium Mythologia de viarum præfectis fabulata est. Lux enim solaris de die vias monstrat, Luna, in calidioribus præsertim climatibus, iter noctu facientes iuvat, certe ab utraque, discusso tenebrarum horrore, cœlique tristitia, multiplex utilitas in viatores redundat. Hac propter in nummis Imperatorum, qui in Orientem expeditiones susceperunt, frequenter legitur: ORI-
ENTI SOLI COMITI: SOLI Æ-
TERNO COMITI: vel PROGVGNA-
TORI AVGVSTO, SOLI INVICTO
COMITI. et collegium Pabulariorum, qui
pabula militiæ advehebant, APOLLINI
INVICTO ET LVNAE AETERNAE
statuam æneam dēdicarunt, apud Spon.
Miscell. pag. 68. Moses ait, Deum fecisse
duo illa luminaria magna, luminare majus,
ad præfecturam diei, et luminare minus,
ad præfecturam noctis, Genes. I. vs. 16.
vetat autem, ne pulchro adspectu impella-
mur ad ea colenda, quæ Deus omnibus
impertitus est Deut. IV. vs. 19. Cicero lib. I.
Tuscul. quæst. cap. 30. Solem *omnium mo-*
deratorem & *ducem* vocat. Apud Livium
pastor quidam dux viarum à Charopo missus:
Nocte

Nocte itinera fieri jubet: & pernox forte Luna erat, lib. XXXII. cap. 11. Sol etiam apud Julianum orat. IV. Κοινὸς ἡγεμὼν, communis dux: & Luna apud Jucundum, in sententiis, ὁδονόμον παρηγορεῖα, peregrinantium consolatio appellatur. Distinguit Augustinus lib. VII. de civit. Dei cap. 16. Apollinem quamvis divinatorem & medicum velint, tamen, ut in aliqua parte mundi statuerent, ipsum etiam Solem dixerunt; Dianamque, germanam ejus, similiter Lunam & viarum presidem. Unde & virginem volunt, quod via nihil pariat: & ideo ambos sagittas habere, quod ipsa duo sidera de cælo radios terras usque pertendant. Post Astra inter Deos quoque viales relati & honore divino culti sunt gentium duces ac respublicarum conditores; reges & reginæ; five ob res inclyte gestas; five ob beneficia ab illis profecta, five ob Heroum ambitionem & eruditorum adulationem: cum enim illi supra meritum in admirationem venissent, in Solem; aut Lunam, aut Veneris & Mercurii stellas consecrati sunt; addita animalis istius figura, in quam sidera illa formata; aut quæ vim eorum efficacius repræsentare videbantur. v. Grot. ad Exod. XX. vf. 3. & Selden de Diis Syr. proteg. c. 3.

Caput & fons bipartitæ hujus superstitionis

D

nis

his ab Ægyptiis repetendus est. Hi enim, sicut omnis profani cultus feruntur auctores, & primi aras, simulacra & delubra diis statuerunt, auctore Herodoto lib. II. c. 4. et apud Lucianum, initio *Deæ Syriæ*, *πρῶτοι τῶν ἀνθρώπων λέγονται θεῶν ἐνοσίχθων λαβεῖν τὸ πρῶτον* *primi hominum dicuntur Deorum notitiam percepisse*: sic & Deos viales *Φυσικὰς καὶ ἀθάνατους* agnoscebant Solem & Lunam, quos sub Osiridis & Isidis nomine, qui itineribus erant celebres, venerabantur. Patet id ex Diodoro lib. I. & Plutarcho de Isid. & Osir. Ostendunt simulacra, quibus ille cum sceptro, cui oculus superimpositus, hæc navigio vehens, vehit Luna corniculata, fingitur; & Pseudo-Mercurius Trismegistus in τῇ κόνει κόσμου, ex sententia Ægyptiorum, Osiridem appellat *σωμάτων ἑκάστη ἐθνὸς ἡγεμόνα καὶ ἰσχυρὸν καὶ ῥώμης ἀσθηγητὴν*, corporum, adeoque itinerum uniuscujusque gentis, virium item ac roboris ducem. Isidem vero navigantibus salutarem fuisse, Lucianus plus uno loco indicat. Hinc navis crebro *Isis* dicitur a tutela, Isidis simulacro; & mansio Ægyptiaca *Ibis* dicitur, in itinere Antonio, quia hoc animal Isidi sacrum, viatoribus ad serpentes fugandos proderat, in primis Alexandriam tendentibus, auctore Strabone lib. XVII. & Pignorio in expos. mens. Iliacæ fol. 39. Eandem Isidem

dem, tanquam navium ducem, invocat Stā-
tius, in Propemptico ad Metium Celerem
lib. III. Silv. 2. v. 102.

*Nunc regina Phari, numenque Orientis
anbeli,*

Excipe multisono puppem Mareotida sistro;

Ac juvenem egregium, Latius cui duclor Eoa.

Signa, Palestinaeque dedit frenare cohortes,

*Ipsa manu placida per limina fessa, sa-
croscue*

Duc portas, urbesque tuas. Te praeside noscat

Unde paludosi fecunda licentia Nili.

Ex illustri hac superstitionis schola, ut di-
xi, ceterae gentes, velut pestilenti fidere
afflatæ, mox deos suos, & semitales &
marinos acceperunt, iisque eadem signa,
quibus sibi præcederent, formarunt. No-
mina quidem & cultus idolorum, in tantis
rerum, linguarum & imperiorum varietati-
bus mutata sunt; prudentiæ vero adscri-
bebant plerique, quod Aegyptii formas
Deorum temere referre non auli, in besti-
arum symbolis eos repræsentarint, occulti
aliquid sensus ex astrologia habentibus, quo
magis venerabiles viderentur, auctore Phi-
lostrato, de vita Apollonii lib. VI. c. 19.
& Luciano περὶ ἀστρολογίας. Taurum, mansue-
torum animalium principem, vel bubulum
caput, aut cornua boum, apud illos Solis
& Lunæ Symbola fuisse, testis est Hero-

dotus lib. II. c. 41. & Claudius Menetresius, in expositione Symbolicæ Dianæ Ephesinæ statuæ, sub titulo *Bovis* illustravit, tom. VII. Thes. Gron. Macrobius lib. I. Sat. cap. 21. *Taurum ad Solem referri, multiplici ratione Ægyptiorum cultus ostendit.* Tacitus lib. V. Hist. c. 4. *Bos immolatur, quem Ægyptii Apin colunt.* Plinius lib. IX. cap. 49. *Bos in Ægypto Numinis vice colebatur: Apim vocabant.* Strabo lib. XVII. de urbe Memphi: *Ἐξ αὐτῆς δὲ ἱερᾶς, τότε δ' Ἀπιδῶ, ἢ τῆς αὐτῆς ὡς Ὀσίρις, ὅπερ ὁ Βῆς Ἀπιδῶ ἐκ δυνάμει τῆς τελέφεται.* *Habet etiam templa; Apidis nimirum, qui idem est Osiris, ubi bos Apis in delubro quodam alitur.* Id denique ex Apidis figura liquet, apud Montfauconium tom. II. Antiquit. p. 2. pag. 310. & Fabrettum cap. VII. Inscript. pag. 533.

Idem vero symbolum Hebræorum natio insulsa, ac, per longam moram, inter late- res & idola, Ægyptiorum cultu inquinata sibi poposcit, cum in montem ascendisset Moses, ibique per dies quadraginta commo- raretur. Dicebant enim Exodi XXXII. v. 1. *Fac nobis Deos, qui ילכו לפנינו* præ- eant nobis, quoniam isti *Mosi viro*, qui edu- xit nos ex terra Ægypti, nescimus quid contigerit. Et vers. 4. postquam Aaron vi- tum conflasset, agebant; *Isti Dii tui, Israel;*

Israel, qui eduxerunt te de terra Aegypti. Nonnulli Rabbinorum inepte a bove cœlesti vituli figuram arcessunt, cujus fausti fide-
ris influxus Aaroni cognitus fuerit. Alii
bovis figuram, in monte Sinai, inter Che-
rubinos, conspectam fuisse nugantur. Lon-
ge verisimilius Seldeno, de diis Syris Synt.
I. cap. 4. in memoriā revocandus videtur
Βας διδρυρος, in Osiridis luctu, seu *ἀφαιριμὸς*
& *εὐπέρης* ostendi solitus. Aliter rursus Vir
plurimum Reverendus, & Collega noster
conjunctissimus, David Millius, in dissert.
de Vitulo aureo, ad Typhonis similitudi-
nem simulacrum illud elictum contendit:
is enim terribilis cacodæmon ab Aegyptiis,
ne sibi noceret, sub forma bovis coleba-
tur, auctore Philone Judæo de temulentia:
Πρævaricari ausus est ita, ut corporeum
Deum sibi sinxerit, instar Typhi, quem
Aegyptii maxime colunt: cujus symbolum est
aurei tauri fabrica. Et quamvis Bochar-
tus in Hieroz. part. I. lib. II. cap. 34. pag.
340. Philonem, virum impense doctum,
& in Aegypto natum, magni erroris ac-
cuset, quod Typho, vel Typhoni tribuat,
quæ Osiridi erant propria, ipse tamen pag.
seq. fatetur, Typhonis nomine Israëlitarum
ducem significari, a quo ex Aegypto in
Chananæ fines deducti sunt. Quidquid
hujus est, mihi certum fixumque sedet,

non alia fini gentem istam sine via viatricem stercorem illud idolum petiisse, quam ut haberet ducem Deumque vialem, in locum Moſis, quem Tacitus apte ducem cœlestem vocavit, lib. v. Hist. c. 3. Liquido hoc testantur Stephani protomartyris verba Act. VII. vers. 39 *Aversi sunt cordibus suis in Ægyptum, dicentes Aaroni, fac nobis Deos, qui præeant nobis, (οἱ προηγούμενοί σου ἡμῶν, qui nobis iter monſtrent ac prosperent, Grotius) & vitulum fecerunt per illos dies, obtuleruntque sacrificium idolo.* Eandem rationem profert Jeroboamus, quum vitulos, quibus populus in Ægypto adſueverat, in Dan & Bethel collocaret, cantato enim velut hymno, numini viali dicato, *Ecce, inquit, Dii tui, qui eduxerunt te de terra Ægypti.* i. Reg. XII. 28. prorsus ac Israelitæ de vitulo Aaronis supra. Nec tamen puto adeo eos ineptos fuisse, ut vere pro diis præeuntibus habuerint simulacra, quæ pedes habent, & non ambulant Ps. 115. vs. 7. Potius enim id intendebant, ut sub imagine & symbolo dei vialis, æternum verumque futuri itineris ducem, numenque viale colerent. Atque ideo probabilior evadit sententia vulgata, vitulum aureum ad similitudinem Osiridis confectum esse. Enimvero ipse Deus, qui forti manu eos eduxerat, queritur

ritur apud Ezechielem cap. XX. vers. 6. & seqq. stercoreos Ægypti Deos, ab egredientibus Israelitis non esse derelictos. Quia locus adeo planus est, ut gratis dicatur, non esse verisimile, Israelitas, omni vitæ ratione ab Ægyptiis discrepantes, ad Deafros eorum reverti voluisse, in quos judicium exercuerat Deus, Exod. XII. vs. 12. nam festinanter, & ex eo die, quo e terra Ægyptia educti, obliti sunt operum Dei sui, & fecerunt vitulum Chorebi, & incuraverunt se fusili, & mutantes honorem suum in formam bovis, comedentis herbam, obliti sunt Dei fortis, servatoris sui, qui fecerat res magnas in Ægypto. Ps. 106. vs. 19. seqq. His addamus, quod Amosus exprobrat domui Israelis, nulla sacrificia in deserto, quadraginta annis, vero Deo oblata, sed eam portasse tabernaculum Meleci, & basin imaginum suarum cap. V. vs. 25. 26. Quæ verba ad vitulum aureum quoque referenda, et ex consuetudine gentium explicanda esse, existimavit Spencerus de LL. Ebr. rit. l. III. c. 3. diff. 1. sect. 1. iter enim longum suscepturi, aut cum hoste congressuri, parvulum dei sui *ovivua* et *va'idiv*, ut itineris focium, et viæ ducem, secum portare solebant, qua de re plenius infra cap. XI. Hoc ipsum denique confirmat Lactantius lib. IV. cap. 10. *In luxuriam*

prolapsi ad profanos Ægyptiorum ritus animos transfulerunt. Cum enim Moses dux eorum ascendisset in montem, atque ibidem quadraginta dies moraretur, aureum caput bovis, quem vocant Apim, quod eos signo præcederet, figurarunt. Qui plura cupit, adeat ad Bochartum d. c. 34. Kircher. Oedip. Ægypt. t. 1. synt. 1. c. 3. n. 9. & f. 4. c. 1. & 3. Natalem Alexandrum diff. v. H. E. t. 1. pag. 507. aliosque.

Ego ad Syros & Phœnices me conféro, quorum Dea Astoreth vel Astarte, sub eadem bubuli capitis specie colebatur; ut ostendit Eusebius, in primo Præparat. Evangel. ex Sanchoniathone, scriptore antiquissimo: *Ἡ δὲ Ἀστάρτη ἐπέθηκε τῇ ἰδίᾳ κεφαλῇ βοσείας παράσημον κεφαλὴν ταύρου.* *Astarte capiti suo, tanquam regni insigne, tauri caput imposuit.* Est autem eadem Astarte, quæ Ægyptiorum Isis, sive Luna, si fidimus homini Syro, Luciano Samofatenfi de Diis Syris: *Ἀστάρτην δὲ ἐγὼ δοκέω σεληναίην ἑμμεναι.* *Astartem autem ego, puto Lunam esse.* Sanchoniathon vero, & Tullius, & Suidas Venerem interpretantur, alii Uraniam, Junonem alii faciunt, apud Plut. in Crasso: at sunt ista diversæ appellationes, pro varietate locorum, uni Lunæ & Syro numini attributæ. Quidam nomen ejus derivant ab Astroarcho, vel concisius ab Astarto,

to, Tyri Rege, alii a regina, Veneris stellæ consecrata; sicut Rex Phœnicum *Κρόνος*, in eam stellam, quam Græci, & Phœnicibus edocti, *Κρόνος*, Latini Saturni vocant, sacratuſ est. Frequens hæc Dea apud Vaillantium, in nummis Sidonis; Tyri & Berytis feminuda, instar Veneris, aliquando tutulata conspicitur, & cultum ejus antiquissimum in Palæstina fuisse, ex Josepho novimus, lib. VI. Antiq. c. 15. Judæi quoque, a vero Deo deficientes, & immemores interdicti Deut. IV. vs. 19. sacra ei fecerunt in templis, nemoribus & lucis; qui *Astaroth* appellantur Jud. II. vs. 13. & III. vs. 7. 1 Reg. XI. vs. 5. ubi LXX. Interpretes vertunt *Astarten*. Eandem Carthaginienses Africæ, ut infra dicam, & Athenienses, sub *Ἀστροδότης Οὐρανίας* nomine, teste Pausania in Attic. summa veneratione coluerunt. Elagabalus quoque, cum summus Solis esset sacerdos, eam jussit adferri Romam, ut Solis & Lunæ matrimonium conciliaret, auctore Herodiano. lib. V. c. 6. Multa de Astarte Scaliger ad fragm. vet. Script. Græc. Selden. de diis syr. Synt. II. c. 2. Florid. Sabinus lect. subc. lib. II. c. 7.

Ad nostrum institutum pertinet, quod Achilles Tatius Clitoph. amor. pag. 3. refert, eos, qui procellas evalissent, *σώσαντες* Astartæ sacrificasse, si in portum Sidonis

appulissent; quodque Judæi, more Phœnicum, eidem, tanquam Deæ Biviæ, in viis publicis adorea liba obtulerunt. Auctor mihi est omni exceptione major Hieremias cap. VII. vers. 17. et 18. *Nonne vides quid faciant, in urbibus Judææ & in plateis Hierosolymæ? Filii legunt ligna, patres accendunt ignem, & uxores desunt massam, ut parent בונים למלכת השמים* *placentas reginæ cœlorum, & fundant libamina Diis alienis.* Ubi ante omnia notari velim voces ברוצות, id est in plateis, ubi itinerum initia capiuntur. Dein ut faciant בונים χανῶνας LXX. retinent, id est placentas circum circa lucentes, à כותה urere: alii Codices legunt καιῶνας, Aldus χαμῶνας, Chrysostomus πόπανα, Olympiodorus πύμαλα, cupedias interpretatur: at reddere potuissent ἀμφιφῶντας: nam Hesychius πλαῶντας ἀμφιφῶντας Lunæ sacras fuisse scribit. Salomon Jarchi addit, iunculas Deæ in libis illis fuisse, quod Grotius probat ad h. l. Frequens harum placentarum, e farre et farina subactarum, et ante victimarum sacrificium offerri solitarum, sit mentio apud Aristophan. Pluto. vf. 659. et Ælian. lib. XI. V. H. c. 5. ad quos Spanhemius et Perizonius multos erudite cumularunt. Pollux lib. VI. cap. XI. illas sacras vocat: *μάζου δὲ, αἱ μὲν ἱερεῖς, ἀμφιφῶντες μὲν, ὥς ἐφείπον*

εἰς Μουνυχίας Ἀρτέμιδος, δάδας ἡμμένας περιπῆξαντες. *Placentæ vero, sacræ quidem, amphiphontes, quas ferunt in Munychiæ Dianæ, faces accensas circum figentes.* Etymologici auctor: Ἀμφιφῶν, ἑδῶ πλακῆντῶ, τελευμένῶ τῇ Ἀρτέμιδι, διὰ τὸ κύκλῳ φωτίζεσθαι ὑπὸ δάδων. Ἡ δὲ διὰ τὸ πανσελεύς εἶσθαι πέμπεσθαι τῇ Ἑκάτῃ. *Amphiphon, genus placentæ, sacratæ Dianæ; quia in circuitu illuminatur ab facibus: aut quia quum Luna est integra mittitur Hecate.* Hæ vero, ut faustum & fortunatum iter esset, in biviis & triviis offerebantur. Elegans Athenæi locus lib. XIV. Deipn. c. 13. pag. 645. Ἀμφιφῶν. πλακοῦς Ἀρτέμιδι ἀνακείμενος ἔχει δ' ἐν κύκλῳ καόμενα δάδια. Φιλήμων ἐν Πτωχῷ. Ἐνδοξᾷ Ἀρτέμι Φίλῃ δεσπόινᾳ τοῦτον σοι φέρω ὥς ποτὶ ἀμφιφῶντα ἢ σπονδήσιμα. *Amphiphon: placentæ Dianæ sacræ, circumpositis in orbem accensis faculis.* *Philemon in Mendico:*

*Viarum præses Diana, amica domina,
Hunc affero tibi Amphiphontem, o veneranda,*

Et ad libandum quæ sunt opus.

Denique Propheta Deam nostram appellat מלכת השמים *Melebeth Hassamaym*, hoc est, ut LXX. *μελεθ*, vel ut alibi βασιλισσαν *ἡ ἑρανῶ*, *reginam cæli*, vertunt c. 44. vs. 17. nam quemadmodum Plinius lib. II. H. N. cap. 6. Solem terrarum, siderum, *cælique rectorem* vocat, ita Lunam Horatius, *carm.*

carmin. sec. vi. 35. *siderum reginam*, et lapides *Junonem Reginam*, vel *Junonem Coelestem* appellarunt, apud Grut. pag. 25. Reincf. pag. 56. et Gudium p. 3. n. 7.

Hæc poterant ad hujus loci illustrationem sufficere, sed priusquam ab eo discedamus, duo addenda esse reor. Primum est quod *Esaïas* cap. LXV. vi. 11. Judæos carpit, quod, obliti montis sanctitatis, mensam instruxerint τῷ GAD, et poculum impleverint τῷ MENI. Varie hæc explicant eruditi. Septuaginta Seniores prius idolum per δαίμωνιον, alterum per τὸ ἄχνη interpretati sunt. Tremellius et Junius turmis mensam, et numeris libamen assignant. Cl. Huetius, in dissert. ad b. l. singulari, per GAD Lunam, per MENI autem Solem intelligit. Contra Cl. Vitringa in comm. ad h. l. GAD Solem facit, et MENI Lunam. Alius Vir. Clariss. in dissert. ad b. l. unam Lunam, bonam Deam, utroque nomine designari existimavit, quod cum facit Cl. Lakemacherus, qui p. IV. Obs. Philol. 2. Hecaten et Lunam interpretatur. Ego vero non multum causæ video, cur prior vox, vel ad Solem cum Vitringa, vel cum Grotio, ad Fortunam referri nequeat, quam Plinius et Pausanias dearum potentissimam in rebus humanis appellarunt, quæque Hebræis et Chaldæis Gad vocatur Gen. XXX. vi.

11. Altera vero vox, ad θεὸν μῆνι, quem in Armenia et Phrygia cultum dicit Strabo, vel ad Hecaten siue Lunam pertinet, quæ similiter Græcis et Latinis antiquis *μηνή*, et dea *Mēna* apud Diodorum Siculum et Augustinum appellatur. vid. Philipp. a Turre de michra c. 4. Huic quoque novilunii temporibus mēnsa parabatur, *Hecates* cæna dicta, uti Clericus ad Hesiodi Theog. vs. 411. ad hunc Esaiæ locum illustrandum, recte observavit, et infra capite IX. pluribus dicemus. Sponius item Miscell. Sect. 1. art. 1. Deos Syrorum viales, Aglibolum et Malachbelum ad Solem et Lunam ex Palmyrena inscriptione revocavit. Fuit, cum chiasmum hic latere censerem, et cum Hieronymo atque Procopio mensam Lunæ tribuerem, ut Esaiæ cum Jeremia per omnia conveniret. Acutissime vero Dodwellus in prælect. 11. ad Spartiani Hadrianum §. 4. vulgatam lectionem ex Orientalium astrologorum traditionibus et Platoniorum philosophia confirmavit: hi enim *Δαίμονες* Soli, *τῶν* vero Lunæ tribuebant; illique *τετραέζα*, edulia, sacrificiis destinata, in delubris et speluncis, huic vero *κέεραμα*, libamen, in sepulchris offerebant; quæ duo loca Propheta distinguit vs. 4. ut de diversis idolis haud dubitandum esse videatur.

Alterum est, quod eadem, cum Astarte, fue-

fuerit *Dea Cœlestis* Salinensis Carthaginis; quam Ulpianus in catalogo Dearum refert; quæ ob jus liberorum, ridicule a Senatu vel a Principe concessum, heredes institui possunt *tit. XXII. §. 6.* Dido enim, urbis ejus instauratrix, *Astartes* cultum illuc è Phœnicia attulit, teste Herodian. lib. V. eaque ficut aliis *Dea Syria*; vel *Juno Assyria*; aliis *Atergatis* vel *Derceto*, aliis rursus *Juno* et *Regina cœlestis* vocabatur; ita Africani suum dæmonem *Cœlestum* in masculino, (rectius *Scelestum* vocassent) vel *Virginem*, et *Invisitam Cœlestem* appellarunt. Meminit ejus *Capitolinus* in *Pertinace*, *Ammianus Marcellinus*; *Tertullianus*, *Augustinus*, *Salvianus* alique. Vide *Petrum Fabrum* lib. III. *Sem. c. 2.* *Pith. l. I. Adv. c. 4.* *Loënf. lib. VII. Misc. c. 12.* *Forner. lib. II. rer. quot. c. 8.* et *Cl. Schulting. ad d. l. Ulpiani.* His adde, quæ amplius de *Luno* deo, & *Luna* dea, sive *Mn̄*, & *Mn̄n̄*; dicemus cap. 8. initio.



CAPUT IV.

DE DIIS VIALIBUS CHALDÆORUM
ARABUM ET PERSARUM.

*Sol populorum Orientalium deus, sub diversis nominibus. Chaldaei Teraphim de pro-
spero itinere consuluerunt. Ezech. XXI.
vs. 16. Judic. XVIII. vs. 5. & Genes.
XXIV. vs. 19. illustrantur. Stella, quæ
magis præluxit Bethleemam, dux itine-
ris, & omen novi imperii. Cum Matth.
II. vs. 19. duo Virgilii loca comparata.
In locis Arabiae inviis astra pro ducibus.
Persis nulla olim simulacra. Eorum reli-
gio in itineribus capeffendis. Cur orto
Sole demum procedant. Mithræ cultus di-
vinus, an civilis, adversus Thomam
Hyde.*



Quod de Ægyptiis et Syris diximus,
idem de reliquis Orientis populis
habendum est, Solem et Lunam
omnium commune numen fuisse,
quæ tamen in unaquaque civitate aut urbe
peculiare cognomen fortiebantur. Sic Ba-
byloniorum *Belus*, Palmyrenorum *Ma-
lachbelus*, Emislenorum *Elagabalus*, et
Persarum *Mithres* nihil aliud fuerunt, quam
Sol,

Sol, qui חַל, בַּל, *Baal & Belus* dicebatur, ut, præter Photium, Servius testatur ad lib. I. *Aeneid.* vf. 646. *Omnes in illis partibus Solem colunt, qui ipsorum lingua EL dicitur, unde* ♂ ♂. & ad vf. 733. *Belus primus Rex Assyriorum, quos constat Saturnum, quem eundem* ♂ *Solem dicunt, Junonemque coluisse: quæ numina etiam apud Afros postea culta sunt, unde* ♂ *lingua Punica BAL dicitur deus. Apud Assyrios autem BEL dicitur, quadam sacrorum ratione, ♂ Saturnus ♂ Sol. Et si enim illi rursus ex dictato rationis & lumine conscientiae didicissent, Deum esse, cum tamen ille lucem habitat inaccessam, nemoque eum viderit, nec ab homine mortali videri possit, symbolum & imaginem ejus sibi solem adsciverunt: ipseque Deus astra istis dedisse dicitur, sinendi, non approbandi sensu, cum gentes dimisit ingredi vias suas. Deut. IV. vf. 19. Act. XIV. vf. 16. Ipse Plato cum de τὸ ἀγνώσκω loqui esset animatus; dicere quid sit, non est ausus: hoc solum de eo sciens, quod sciri quale sit, ab homine non potest. Solum vero ei simillimum de visibilibus Solem reperit, auctore Macrobio lib. I. in somn. Scip. c. 11.*

Caput Chaldaicarum gentium fuit Babylon, cujus idolum *Belum*, toto orbe celebratissimum, *Herodotus Jovem* vocat, qui

iste, ut Græcis *Ζεύς*, erat deorum summus: idem quoque templi augustissimi meminit, quod in ejus honorem à Nabuchodonosere structum, Xerxes evertit, lib. III. c. 159. Chaldæi vero, huic vicini vel indigenæ Philosophi, diuturna observatione siderum, & divinatione ex virgis credebantur prædicere posse, quid cuique eventurum, & quo quisque fato natus esset, & quam viam ingredi in bivio oporteret. Hinc Ezechiel prædicit eventurum, ut Nabuchodonosor in bivio per Chaldæos *ἡαδὲμαρτίαν* instituat, & consulat deos viales, quorsum sit iturus; *Stabit rex Babylonie in bivio, in capite duarum viarum, ad divinandum divinationem, terget cultros, consulet imagines, inspiciet jecur*, cap. XXI. vs. 26. Mitto nunc quæ de *Theraphim*, sive imaginibus loquentibus fabulantur Judæi, apud Selden. de diis Syris Synt. 1. c. 2. nec tantum otii est, ut repetam & refellam Spencersi commenta, Urim & Thummim putantis cum illis paria fecisse, lib. III. diss. 7. Illud autem huc pertinere putem, quod Danitica tribus, cum sibi quæreret possessionem, Michæ sacerdotem rogarunt, ut *consularet Deum*, id est Teraphim, *quo scirent, an prospero itinere pergerent* Judic. XVIII. vs. 5. 14. Forte etiam, quod Rachel surripuit Labani Theraphim, Dei

E

Sy-

Syrorum Beelfamèn, id est Solis, imagines, ut haberet viarum & periculorum fuorum comites Genes. XXIV. vs. 19. nam licet Josephus & Abenesdra alias rationes protulerint, si tamen cap. XXXV. vs. 2. & 3. conferatur, Teraphim ista opponuntur Deo forti, qui *adsuit Jacobo in via, quam profectus erat.*

Chaldæi præterea artem ex astris divi-
nandi tantopere coluere, ut quod nomen
gentis fuerat, factum sit nomen professio-
nis. Tacitus *scientiam Chaldaeorum artis*
lib. VI Annal. c. 20. appellavit. *Si modo*
ars est, non vanissimi cujusque ludibrium,
ait Curt. lib. VII. c. 4. Multa de illis Lip-
sius ad lib. II. Annal. Taciti Exc. G. &
Interpretes ad Collat. legum Mosaic. tit.
XV. quæ non sunt hujus loci. Nec ta-
men prætereundum est, quod Deus ali-
quando, cum stella ex Jacobo oritura erat,
pios quosdam siderum contemplatores,
tanti fecerit, ut novam condiderit stellam,
quæ ipsos ad Christum perduceret, Matth.
11. vs. 1. Unde autem venerint illi *μαῖγοι ἀπὸ
ἀνατολῶν*, Sapientes Orientales, non una est
Eruditorum sententia: Chalcidius Platon-
icus ad Timæum Platonis, eos appellat
sapientes Chaldaeorum: alii vero ex Meso-
potamia, alii ex Persia eos venisse putant:
Grotio perplacent vetustissimi Christiano-
rum,

rum, qui ex Arabia, ab ortu Judæis ad-
 dita, eos adventasse scripserunt, quum
 Chaldæi contra Septentrionalium nomine
 censerentur. Verum de his non alterca-
 bimur: ex eo autem quod Matthæus ait
 vs. 9. *Stella, quam viderant in Oriente,*
præibat eis, donec staret supra, ubi erat
puer, valde credibile fit, stellam hanc,
 non cometam, sed aliud quodcunque si-
 dus, novi imperii magnitudinem porten-
 dens, ut Mithridati apud Justinum, Ma-
 gis simul ducem itineris fuisse: nam προηγαν
 ita est præcedere quempiam, ut sit tan-
 quam dux & numen viale. Chrysostomus
 sane Homil. VI. ad Matth. stellam hanc
quasi ducent itineris vocat, sicut in eremo
 columna nubis fuerat; Augustinus serm.
 2. & 3. de Epiphan. *linguam cælorum* ap-
 pellavit. Sed quia Magi tantum dicunt,
 se vidisse regis Judæorum stellam in Orien-
 te, non vero addunt, illam sibi comitem
 fuisse, nec tam vehementer gavisi fuissent,
 cum ultra spem istam iterum viderunt;
 ideo Vir Clar. Christophorus Augustus
 Heumannus in Pœcile, tom. II. lib. I. ep.
 13. *stellam præcessisse* explicat, in tem-
 pore plusquam perfecto, hoc sensu: stella,
quam viderant in Oriente, præcesserat eos,
 sicut Matth. XXVI. vs. 32. & XXVIII.
 vs. 7. Adjicit, Magos ex vaticinio Danie-

lis scivisse, Messiam illo tempore esse nasciturum, eosque nova exorta stella, a Deo per somnium, hanc esse indicem & præconem regis, edoctos simulque Judæam adire jussos, ibi subito eandem, quam in patria viderant, stellam in cælo observasse. Idem fere federat Clario, in annot. ad Matthæum, cui nec ego culculum adjicere dubitarem, nisi facer textus miraculum diserte expressisset.

Comparari cum his quodammodo potest, quod Varro scripserat, referente Servio ad illud Virgillii lib. I. *Æneid.* vi. 386.

Matre dea monstrante viam, data fata secutus,

*Hoc loco per transitum tangit historiam, quam per legem artis poetice aperte non potest ponere: nam Varro in secundo Rerum divinarum dicit: Ex quo de Troja est egressus Æneas, Veneris eum per diem quotidie stellam vidisse, donec ad agrum Laurentium veniret, in quo eam non vidit ulterius. Haud quoque dissimile est aliud ex stella augurium, apud eundem Maron. II. *Æneid.* vi. 694.*

Stella facem ducens multa cum luce cucurrit; Illam, summa super labentem culmina tecti, Cernimus Idæa claram se condere silva, Signantemque vias:

Addamus quod in Oriente & locis Syriæ vicinis, per amica silentia Lunæ, & hæc defi-

deficiente, affulgentibus stellis itinera fieri debebant; quia Solis ardor nimis molestus, & aliquando lethalis erat; unde *lues vastans in meridie* Psalm. XCI. vs. 6. & *expandit nubem pro tegumento*, & *ignem ad illustrandam noctem* Psalm. CV. vs. 39. Neque stellæ, ut Helice & Cynosura, navium tantum rectrices, sed qui iter terrestre per loca arenosa, montesque ingesto pulvere cumulos, faciebant, nullis aliis viæ signis exstantibus, ex Sole interdiu itineris rationem observabant, astris vero noctu pro ducibus utebantur, uti Freinshemius ad Curtium docuit, ubi is de Bactriana terra ita scribit lib. VII. c. 4. *Qui trans-eunt campos, navigantium modo, noctu sidera observant, ad quorum cursum iter dirigunt, & propemodum clarior est noctis umbra, quam lux: ergo interdiu invia est regio, quia nec vestigium, quod sequantur, inveniunt, & nitor siderum caligine absconditur.* De Syrte minore Plinius lib. V. Hist. nat. c. 4. *E terra, siderum observatione, ad cam per deserta arenis, perque serpentes iter est.* De Pompejo Florus lib. III. c. 5. *In Septentrionem Scythicum iter, tanquam in mari, stellis secutus.* De Ammonitide Silius lib. III. vs. 662.

Has observatis valles enavimus astris:

Namque dies confundit iter, peditemque profundo

E 3

Er-

*Errantem campo, & semper media arva
videntem*

Sidonius Cynosura regit fidiſſima nautis.

Lucanus lib. IX. vſ. 493.

*Jamque iter omne latet, nec ſunt diſcri-
mina terræ*

*Ulla, niſi ætherææ, medio velut æquore,
flammæ;*

Sideribus novere viam.

Veniamus ad Perſas, Parthos & Medos, quibus ſub uno imperio una etiam religio fuit. Hi ceteris gentibus hætenus fuerunt ſapientiores, quod neque deſunctos adorarunt, neque Diis ſtatuas aut aras crexerunt, ullæve numinis imagines habuerunt. *Perſas ſcio, bis inſtitutis uti, neque ſtatuas, neque templà, neque aras exſtruere conſue-
runt, ſed & facientes ſtultitiæ accuſant: ut mihi videtur, quod non crediderint, ut Græci, Deos eſſe forma humana, ait He-
rodotus lib. I. c. 31.* Eadem tamen infania, qua ceteri, naturam ejuſque partes, Ignem Tellurem & Ventos, quam maxime vero Solem & Lunam venerati ſunt, ut teſtis oculatus Strabo reſert lib. XV. pag. 732. Cumque ſine Deorum auxilio nihil rite & providenter inchoari crederent, itinerum ſuorum initia ab iis cœperunt. Cyrus plus ſemel in procinctu, & alias, Jovem patrium, id eſt cœlum, & heroas terræ præ-
ſides

fides precatus esse fertur apud Xenophontem lib. I. II. III. & VII. παιδ. init. Μετὰ δὲ ταῦτα αἰτησάμενος Δία πατρίων ἡγεμόνα εἶναι καὶ σύμμαχον, ἀνέβηκεν ἐπὶ τὸν ἵππον. *Posthac, implorato Jove patrio, ut & dux & opitulator esset, equum ascendit.* Nondum tunc norat Cyrus, Deum esse unum mundi opificem & verum numen viale, qui ipsi *præiret, & inæqualia omnesque vias ejus æquaret*, ut ait Esaias cap. XLV. vs. 2. 4. 13. etli id postea ab Hebræis, una cum animorum immortalitate, didicisse videatur, Es. XLI. vs. 25. & Joseph lib. XI. c. 1. Cyri pater Cambyfes, cum Persiam relinqueret, similiter Deos tutelares rogabat, ut faverent & feliciter propositum iter conficere paterentur, apud Xenophontem lib. I. & Xerxes, expeditionem adversus Græcos parans, Deos præsidēs terræ Persidis salutavit, auctore Herodoto lib. VII. Quinam autem fuerint Dii isti, docet Curtius lib. III. cap. 3. *Patrio more Persarum traditum est, orto Sole demum procedere.* Ait *orto Sole*, quia is dux exercituum & viarum præses. Hesychius sane Mithram πρῶτον ἐν Πέρσῃσι θεόν, *primum Persarum Deum* vocat; & Justinus ex Trogo lib. I. cap. 10. *Solem unum Deum esse credunt, & equos eidem deo sacratos ferunt.* Non equidem me fugit, Virum Cl. Thomam

Hyde, in historia relig. vet. Pers. 3 cap. IV. totum in eo esse, ut falsum hoc idolatrarum de Persis iudicium demonstret, cum ipsi eorum sacerdotes affirmant, veteres Persas Soli Deo cultum divinum, Mithræ vero & Igni civilem tantum præstitisse, & falli contrarium affirmantes. Sed quia his nec libet nec licet immorari, tantum dicam, quod Cyrus apud Xenophont. lib. V. Memorab. pag. m. 830. *Mitbren juratus testatur*, & Statius Thebaid. lib. I. fin. Mithram & Titanem, & Apollinem, & Osirim eundem esse, ait. Mithræ quoque cultus duravit apud Romanos, donec Hieronymi & Prudentii tempore tolleretur. Plura de Mithre vide apud Gyrald Synt. VII. Hist. Deor. Voss. lib. II. de orig. & progr. idol. c. 9. Reines. cl. I. Inscript. 48. & addelis quæ contra Hydium disputavit Philippus a Turre ad tabulam Solis Mithræ c. 2.



C A-

CAPUT V.

DE DIIS VIALIBUS GERMANORUM, GAL-
LORUM, BRITANNORUM, HISPANORUM,
INDORUM, TURCARUM ET MOS-
CQVITARUM.

*Sol Germanorum Deus universalis; Be-
lenus deus vialis topicus Noricorum, apud
Tertullianum. Luna Germanorum dea,
interpretatione Romana Isis, sub specie
capitis bubuli culta, tanquam dea via-
lis. Monumentum Childerici illustratur.
Dea Nehalennia Zelandorum. Hercu-
les Deusonienfis. Quercus Jovi sacra.
Tamsana cujas. Germani & Galli Teu-
tatem coluerunt, tanquam viarum &
itinerum ducem; quem Caesar & Tacitus
minus recte sua lingua Mercurium expli-
carunt. Quando hostiis humanis ei lita-
tum. Tuislo, dux Germanorum, & he-
ros insignis, cur terra dea editus, ac in-
ter Deos sit relatus. Irmensula, an Her-
mae, Harminio, vel Hermioni posita;
ejus columna & effigies. Marti Gal-
lico, apud Ulpian. tit. 22. §. 6. memorato,
votum pro reditu factum. Mercurii &
Herculis cultus quando translatus ad Gal-
los, Germanos, Britannos, Hispanos,
Danos & Sueonas. Slavorum Suantevi-*

*tus & Radegastus. Sol indorum Deus
vialis. Luna Turcarum. Zlotobaba Rus-
sorum.*

INjurius sim in populos Europæos,
si Deos eorum viales tacitus præ-
termisero. Et primum quidem
Majores nostri, cum omnem,
qua late patebat, orbem sint pervagati,
nec prorsus religionis fuerint negligentes,
vix est, ut, sibi non constituerint Deos,
viarum duces. Hos autem priusquam vi-
deamus, Dii eorum dividendi sunt in Ca-
tholicos & Topicos; sive in universales,
qui ab universa gente, & particulares, qui
in certo tantum pago & tractu coleban-
tur, v. Cl. Keysseri Antiq. select. Sept. &
Celt. pag. 297. De antiquis Germanis cer-
tum est, quod in cœlum suspicientes, eadem
superstitione, qua ceteri populi, obstupue-
runt conspectu Solis & Lunæ, iisque divi-
nitatem inesse, juxta cum aliis, arbitrati
sint. Auctorem habeo Cæsarem, lib VI.
de bello Gall. cap. 21. *Germani*, inquit,
deorum numero eos solos ducunt, quos cer-
nunt, & quorum opibus aperte juvantur,
Solem, & Vulcanum, & Lunam: reliquos
ne fama quidem acceperunt. Maximus ergo
Deorum Sol erat, cujus cultus, in illa
temporum caligine, donec Christianæ do-
ctri-

ſtrinæ lux affulgeret, apud eos remanſit.
 Saxones, quum in Angliam veniſſent, à
 Rege Britonum de religione interrogati;
 reſpondent: *Si vero de religione queritur,*
noveris nos, juxta morem paternum, Solem
adorare. v. Werner. Rolevincc. de ſitu &
 mor. Weſtphal. lib. I. cap. 6. Boji ſimiliter,
 qui in agrum Noricum tranſierant, eun-
 dem ſub nomine Beleni colebant. Ter-
 tullianus in Apologet. cap. 24. *Unicuique*
etiam provincie & civitati ſuus Deus eſt,
ut Syriæ Atargatis, ut Arabiæ Duſares, ut
Noricis Belenus. Antiqui Codices non *Be-*
lenus, ſed *Tibilenus* præferunt, quos ſe-
 quuti Fabritius origin. Saxon. lib. 1. &
 Hæctor Gothofredus Maſius in Schediaſm.
 Hiſt. de Diis Obotritis, ſeu Idolis Meck-
 lenburgenſ. cap. 2. §. 3. eum malum eſſe
 Dæmonem autumant, quem Slavi *Zerne-*
boch appellabant, quique adhuc Tibileni
 nomine, *Dievcl, Duwil, Teuffel.* Germa-
 nis vocatur. Sed Jac. Nicol. Loëniſis,
 Miſcellan. Epiphilliid. lib. V. cap. 15. Pe-
 trus Pithœus lib. I. Adverſ. cap. 4. &
 Pamelius, in notis ad Tertull. *Belenus*,
 vel *Dius Belenus*, vel *Belinus* legendum
 eſſe monuerunt. Pro quibus facit, quod
 ab Aquilejenſibus, in agro Carnorum vi-
 cinis, id nominis acceperet Norici; illi vero
 Apollinem ſuum Belenum appellarunt. Vi-
 de-

desis Capitolin. in Maximinis cap. 22. Herodian. lib. 8. cap. 3. & Gruter. pag. 36. p. 12. ubi ex saxo veteri hæc adfertur inscriptio:

APOLLINI
BELENO
C. AQUILEIENS
FELIX.

Numinis hujus originem Vossius ab Hebræo *Beel*; Ludovicus Thomassinus ab *βελ*, seu *sole* derivat; Pithæus à *βελ*, *sagitta*, sive radiis solaribus; Jac. Boulducius a *Βελ* *Enos*, seu deo Enoschi; Reinesius e Græco *βελ*, vel *βελιν*; denique Seldenus et Bochartus a *Belo* deducunt; quorum sententiam physiologicè veram esse concedit Philippus à Turre, in monum. vet. Antii, Historice vero Belenum *Helenum* illum esse putat, qui Trojanis ducibus, capta urbe fugientibus, divino instinctu ad lætas uberrimasque sedes viam monstravit. Ego autem putem, Belenum, sive à Græcis, sive a Gallis primum ita appellatum, nil aliud, quam Solem flavum, et auricomum, aut, quasi a *βελ*, splendorem Solis notare, eumque ceu *viarum præsidem*, sub eo nomine, apud præscos Venetos, Germanos, et, ut statim dicemus, Gallos, cultum fuisse. Plura de Beleno, locali et adscititio Germanorum deastro, concessit vir

vir multijugæ eruditionis, Thomas Reineſius ad Cl. I. Inſcript. n. 51. cui addatur Fabrettus c. 4. Inſcript. pag. 325. ubi Eliæ Schedii hac in re errorem caſtigavit. Hæc de Sole.

Luna, ejus æmula, pari ſuperſtitione apud majores noſtros fuit celebrata: neque enim fas, nec conſuetudo iis erat, ante novam Lunam prælio contendere, ut ſcribit Cæſar lib. I. de bell. Gall. c. 50. Immo non Germani ſolum, ſed populi omnes Boreales, Lunam magis, quam Solem venerati, & in ea, tanquam in *παιδίῳ* & totius virtutis cœleſtis receptaculo, reliqua numina complexi fuerunt. Hinc nox diem non ſubſequebatur, ſed ducebat; cumque aliis tres Soles ſint tres dies, illi per noctes computabant, more apud Anglos adhuc hodie uſitato, *ſenigt*, id eſt *ſeptem noctes*; feſtorumque ſolennitates, pariter ac Hebræi, a vesp̄era præcedente inchoabant. Atque hæc eſt Iſis illa, cui partem Suevorum ſacrificallē putat Tacitus de morib. Germ. cap. 9. *Pars Suevorum & Iſidi ſacrificat. Vnde cauſſa & origo peregrino ſacro, parum comperi; niſi quod ſignum ipſum in modum liburnæ figuratum, docet adveſtā religionem.* Iſis enim Luna erat, auctore Porphyrio apud Eusebium l. III. præparat. c. 11. & tanquam Dea navigationi

tioni præfecta, honorabatur. Non tamen cum Bocharto Geogr. sacr. p. 2. lib. 1. c. 23. Germanorum originem ex Ægypto idcirco derivare ausim; quam Scythicam esse vix quisquam nunc ambigit: neque in animum meum induco, Germanos indigenas Ilidis numen, cujus tam fera Græcis & Romanis notitia, coluisse; quæ tamen de ea fabulantur, ad Lunam referre possumus: & quamvis insigne fuerit discrimen, quod Germani idolum Lunæ viri specie finxerint, & cum Hebræis masculino genere dixerint, tamen Romani ex suo ingenio deastros effinxere, quorum aliquam cum suis similitudinem deprehendebant. An apud Gallos Isis fuerit cognita aut adorata, dubitat vir eruditus in Histor. Acad. inscript. t. 3. pag. 296. sed post adventum Romanorum LUNÆ ET ISIDI in inscriptione Nemausensi votum solvitur, apud Grasser. in antiq. Nemauf. ejusdemque cultum similiter Germani recentiores, per manus aliorum accepisse videntur, quia in saxo apud Schedium ISIDI, et in alio apud Mabillon itin. Germ. sub fin. ISI MYRIONIMAE vota solvuntur. Ut adeo quod de Iside Apulejus ait lib. II. Miles. *cujus numen unicum, multifor-
mi specie, ritu vario, nomine multijugo to-
tus veneratur orbis*, etiam in nostris videamus.

Fran-

Franci vero non liburnæ signo, sed bubuli capitis imagine Lunam efformarunt. Illustre ejus rei documentum præbet Childerici I. Francorum regis thesaurus sepulchralis, quem Tornaci Nerviorum A. 1653. effossum, libro commentario illustravit Joh. Jacobus Chifletius, cui titulus *Anastasis Childerici*. Repertum enim inter alias reliquias sepulchrales exhibet bubulum caput, ex auro obryzo totum, Solis imagine in fronte notatum, adjectis aureis apibus, plusquam trecentis. Nemo ibit inficias hunc vel esse Ægyptiorum Deum illum, qui à fanaticis Israëlitis ac Ægyptiaca religione imbutis, tanquam Deus vialis, colebatur, vel Isidem, ceu Lunam, quæ apud Plutarchum ~~negre & c.~~ appellatur, ob cornuum emblema. Ælianus lib. X. de animal. cap. 27. *Isim bubulis cornibus Ægyptii & fingunt & pingunt*. Porphyrius lib. de carn. abstinent. *Ægyptios Luna Apim consecrasse, Solis & Luna signa gestantem*. Bovi sunt apes additæ, quia has in totum amissas ventribus bubulis recentibus reparari posse, præter Virgilium & Plinium, tradit Ovidius lib. XV. Metam. vf. 364.

*I quoque delectos, mactatos obrue tauros,
(Cognita res visu) de putri viscera
passim*

Florilegæ nascuntur apes.

Nec

Nec dubium est, quin apes Lunæ sint consecratæ. Ex omni enim volatiliū & insectorum genere solæ hæ Dianæ Ephesi-
næ erant adscriptæ, & ternæ utrinque, la-
tera Deæ muniebant, tanquam *duces* de-
ductæ Ephesum coloniæ, ut tradit Philo-
stratus lib. II. Icon. n. 8. Id quod, à Bel-
lorio, in notis ad Numismata Ephesiorum,
apibus insignita, præteritum, monuit:
πᾶσι ad Callim. p. 86. Addo Porphyrium
de Antro Nympharum p. m. 262. *Lunam
Apim vocabant: quam & alio nomine Tau-
rum dixerunt. Et exaltatio Lunæ est Tau-
rus: Bovigenæ autem apes sunt.* Idolū
igitur hoc *populorum omnium numen*, ut
ait Mela lib. I. cap. 9. in sacra sua adscivit
Childericus, tanquam bellicarum expedi-
tionum comitem, ducem et *Larem Via-
lem*. Pulchre Chifletius, in Anastasi, mon-
stravit, eum fanaticum adorasse idola, ac
avium bestiarumque finxisse formas; re-
ctius præci Germani arbitrabantur, Deos
in humani vel bruti oris speciem assimilare,
ex magnitudine cœlestium non esse. Rorico
lib. I. de Meroveo Rege: *Hic genuit Chil-
dericum; patrem Clodovei Regis excellen-
tissimi. Erant autem Franci tunc fanatici,
adorantes idola, & non agnoscebant Regem
cœli, qui creavit omnia.* Liqueat itaque ex
his satis, non præcos tantum Germanos,
sed

sed & recentiores, Solem & Lunam pro Diis Vialibus habuisse.

Ad Lunam referenda videtur dea Zelandorum Nehalennia, cujus statuas, aras, aliaque monumenta, A. 1647. Domburgi reperta, Boxhornius & Keißlerus illustrarunt. Imagines deæ Olivarius Vreedijs, in Addit. ad prodromum II. Historiæ Comitum Flandriæ, & Montfauconius tom. II. Antiq. pag. 444. dederunt. Neque enim illis assentimur, qui vocis originem ab Hebræo *nabal*, vel a Syro *Aebalin*, vel a Græco *νία-ια-ιν*, vel a Belgico *neelke*, vel a *nehis*, aquaticis Nymphis Celtarum, vel denique a *neu* novus, & *ben* vetus, cum Pezron. Antiq. Celt. pag. 341. & 355. repetunt, postquam Menso Altingius, majori veritatis specie, a Germanico *nie bel*, quod novum lumen indicat, nomen Divæ descendere conjecit, in Norit. inf. Germ. p. I pag. 101. cujus sententiam Cl. Gundlingius p. xxv. Obs. 3. ex Cæsare lib. I. c. 50. & Tacito de M. G. cap. XI. firmavit, ubi: *colunt certis diebus, cum aut inchoatur Luna, aut impletur.* Addo Plinium lib. XVI. c. ult. qui Gallis sextam Lunam principia mensium & annorum fecisse, testatur. Fuisse autem deam hanc vialem, ex eo liquet, quod reduces in portum, vota in itinere suscepta, ei solvebant; id quod vel una in-

F

scriptio

scriptio docet, apud Vreedium, Sponium, Reinesium aliosque memorata, quamque doctissimus Keiſſerus. de dea Nehalennia §. 18. & 45. 46. 47. pluribus illustravit:

DEAE NEHALENNIAE
OB MERCES RECTE CONSER-
VATAS SECVND. SILVANVS
NEGOTIOR CRETARIVS
BRITANNICIANVS
V. S. T. M.

Quamvis autem Nehalennia numen Zelandorum *Ἐνχαλένη* fuerit, alibi tamen non prorsus ignota fuisse videtur: nam & Nemausi deam cum iisdem symbolis observarunt Galli eruditi, & DEA NEHA, apud Gruter. p. 89. n. 1. non alia esse videtur. Lapis ille repertus est in oppido Deusonis, *Duits*, à quo *Hercules Deusoniensis* in nummis Postumi, apud Smetium, nomen accipit, quia eodem in castello, sicut alibi Hercules *Ogmus*, *Magusanus* & *Ilunus* in Gallia colebantur, extra municipium suum, apud alias nationes non honorati; vid. Montfaucon t. 2. Antiq. p. 251. et Auctor libri de la religion des Gaulois lib. II. c. 10. et 11. ubi Lucianum erroris accusat, et lib. IV. c. 17. 18. In Hassia, haud procul Geismaria, altissima quercus Jovi sacra, a peregrinantibus colebatur, ex Druidum instituto, quibus, ut Plinius scribit lib. XVI.

c. 44. *robore nihil fuit sacratius*; Lucanus *robora sacra*, & Claudianus *robora numinis instar* cecinerunt. Quercus in tutela Jovis est, eique sacra & fatidica, ait Servius ad Ecl. I. vs. 17. & III. vs. 13. Quomodo arborem illam Bonifacius destruxerit, aliaque ad quercus cultum pertinentia Nobiliss. Schminckius, in erudita dissertatione, de cultu religiosæ arboris Jovis, explicavit. *Lucos ac nemora consecrant, deorumque nominibus appellant secretum illud, quod sola reverentia videtur*, ait Tacit. de M. G. c. 9. ubi de Tanfanæ, campestris deæ templo, erudite disseruit Clariss. Ditmarus, in notis: sed an numen illud mere Germanicum sit dubito, propter inscriptionem Gudii p. 55. n. 11.

TAMFANÆ SACRVM
DECVRIONES INTERAMN
QVINQVENN SIG. D. D.

Quid autem est, quod Tacitus ait de Moribus Germ. cap. IX. *Deorum maxime Mercurium colunt, cui certis diebus humanis quoque hostiis litare fas habent*. Num forte falsus est Cæsar, qui Solem & Lunam solos esse Germanorum Deos existimavit? an vero Cæsaris tempestate Mercurius nondum erat cognitus, qui postea per hospites demum innotuit? Ita conjectant Lipsius ac Salinerius, & facere pro his videtur ipse

Cæsar, lib. VI. de bello Gallico cap. 16. ubi vicinis Gallis Mercurium summum quoque Deorum ac *Viacum* fuisse, scribit. Verba ejus sunt ista: *Dèum maxime Mercurium colunt. Hujus sunt plurima simulacra: hunc omnium inventorem artium ferunt; hunc VIARUM ATQUE ITINERUM DUCEM; hunc ad quæstus pecunie mercaturasque habere vim maximam arbitrantur.* At quis credat, Mercurii planetam majori & Germanos & Gallos in veneratione habuisse, quam Solem & Lunam? Hos certe fiderum principes maximo cultu sunt venerati: at quia eos diversimode expresserunt, ideo diversis quoque Deorum suorum nominibus, eos appellarunt scriptores Romani; parum tamen apposite! cum fatius fuerat barbaras appellationes retinuisse, ut Vossius monuit lib. I. de orig. & progr. idolol. cap. 37. Suis enim nominibus Deos Deasque suas vocabant Germani, *Sunna, Mana, Tuisto, Wodan, Thorons, & Freya*, nec eadem Galli, quæ Græci & Romani, colebant nomina: nam Mercurius apud Lucian. in Jove Tragædo negat, a Diis Gallorum se posse intelligi, nec se ipsum eos intelligere posse. Quemadmodum vero Romani, Galliam occupantes, *Taranim* Jovem tonantem, *Esum* Martem, & *Teutatem* Mercurium, licet tales

tales non essent, interpretabantur; ita apud Germanos veteres, qui distincta deorum signa non habebant, nec eos in ullam humani oris similitudinem adsimilabant, Tacitus, ex cultus similitudine vel muneris paritate, eosdem fecit Deos, quos Quirites in patria colebant. Aliter Warnefridus de gest. Langob. lib. I. c. 10. *Wodan*, ait, *quem adjecta litera Govodan (a Woden, ferocire, quia Martis Deus) dixerunt ipse est, qui apud Romanos Mercurius dicitur, & ab universis Germaniæ Gentibus ut deus adoratur.* Ipse Tacitus de M. G. cap. 43. *Deos*, inquit, *interpretatione Romana, Castorem & Pollucem memorant.* hoc est, Deos quosdam, quos Romani eosdem esse, ac Castorem & Pollucem judicant. Neque aliter accipiendum est, quod idem Tacitus de M. G. c. 3. ait: *Herculem primum omnium virorum fortium ituri in prælia canunt.* Quamvis enim *silva Herculi sacra* ad Visurgim, ab eodem memoretur lib. II. Annal. c. 12. & Herculis Magufani, Deufonienfis & Alemannici alii mentionem fecerint, illa tamen appellatio a Romanis est profecta, Germani nullum Herculem Tyrium, Ægyptium, vel Thebanum deum vialem novere. Vid. Cl. Clericus Art. crit. p. 11. f. 1. c. 13. n. 11.

Similiter Cæsar, cum numen aliquod

Mercurius, bonum faustumque iter præstans, à Gallis coli videret, facili lapsu ex ritu gentis suæ Mercurium est interpretatus; quod tamen ex mente Gallorum Sol erat, & sub Beleni nomine in Aremorica provincia Galliæ celebrabatur. Id enim non modo constat ex Gregorio Turonense de gl'or. conf. c. 5. ubi montis Belenatensis, a Beleni templo dicti, meminit, sed etiam ex inscriptione apud Simeoni, in descript. Avern. pag. 113.

ALLIA. T. LA
BIENI UXOR
BELLINO D. D.

Aufonius præterea, de Professoribus Burdigalenfibus carm. 4. *Beleni sacratum ducis è templo genus.* & carm. 10. *Qui Beleni editus.* Atque hic fortassis est Apollo, quem à Gallis cultum idem Cæsar tradit lib. VI. c. 17. Ipsi vero illum, qui viis præerat, patria lingua, Teutatem appellabant, eique humanis litabant hostiis. • Lucanus lib. I. vers. 444.

Et quibus immitis placatur sanguine diro Teutates.

Lactantius lib. I. c. 21. *Galli Hesium, atque Teutatem humano cruore placabant.* Hic autem nomen traxisse quibusdam videtur à Theut, vel Thait, quod Aremorica lingua & Britannica veteri, quarum utraque

que à Gallica manavit, viam significat: ita, ut Teutates idem sonet, ac *Deus via*, si-
ve *videtur*, auctore Cambdeno in Britann.
pag. 13. & Huetio dem. Evang. prop. IV.
c. 7. §. 3. Mihi vero magis placet eum de-
rivare, a *Teut*, terra, ditio, populus, &
Tata pater, ut notet populi patrem: sicut
mammas atque tatas habes apud Martia-
lem, id est matres atque patres, lib. 1.
Epigr. 101. Cæsar vero, cum sciret, Thoth
Ægyptiorum apud Græcos Mercurium es-
se, Teutatem quoque Gallorum Mercuri-
um est interpretatus; qui tamen nihil ha-
bet quo jungatur cum Ægyptio illo
literarum repertore, siue cum Phœnicum
Taauto, præter solam vocis similitudinem,
quæ in significationibus diversissimis apud
alias aliasque gentes non potest non existe-
re, ut Grotius recte monuit in proleg. ad
Hist. Goth. pag. 21. Cicero lib. III. de Nat.
Deor. c. 22. *Mercurium Ægyptii Thoth*
appellant. Philo Byblius, apud Euseb. præ-
parat. Evangel. lib. I. cap. 9. *Ægyptii*
Thoyth vocarunt, *Alexandrini Thoth*,
Græci Hermen, hoc est, *Mercurium in-*
terpretati. Servius in IV. Æneid. vs. 577.
Mercurius in Ægypto invenisse primum dis-
ciplinam literarum & numerum dicitur,
qui lingua Ægyptiorum Thoth appellatur.
Tertullianus etiam Apologet. c. 9. Teu-
tatem

tatē Mercuriū interpretatur, & Minu-
 cius in Octavio c. 30. *Mercurio Gallos hu-
 manas inhumanos hostias vedere.* Non soli
 vero Galli, sed etiam Germani, & inter hos
*Franci, Heruli & Saxones Deos suos huma-
 na credebant cade mulceri,* teste Ennodio
 invita S. Antonii; nec tamen perpetuo, sed
 tunc maxime, quando ex bello, pestilentia,
 aut frugum inopia, publicæ metuerentur ca-
 lamitates, carissimorum aliquis, publicis
 suffragiis, ad placandam deorum iram, dele-
 ctus mactabatur, Tacit. I. Annal. c. 61. mo-
 re antiquissimo, forsan ex Abrahami historia
 profecto, & Cananæis, Pœnis, ipsisque
 Romanis usitato. Scriptor Sapienciæ eos
 τειτον φειδας ἀνελπιμους, *immisericordes libero-
 rum interfectores* appellavit cap. XII. v. 5.
 Quemadmodum vero Galli, apud Cæsa-
 rem lib. VI. c. 17. se omnes a Dite patre
 prognatos prædicabant; ita Tuisto, pro-
 nuntiatione tantum a Dite diversus, Ger-
 manorum conditor & Deus Vialis lauda-
 tur à Tacito de morib. Germ. cap. 2. *Ce-
 lebrant carminibus antiquis Tuistonem Deum,
 terra editum, & filium Mannum, origi-
 nem gentis conditoresque.* Forsan autem
 Tacitus carmina Germanorum male inter-
 pretatur: nam Teuto, Teutates, vel Tui-
 sto fuit nomen Herois, qui Celtas, quo-
 rum principes erant Germani, ex Scythia
 edu-

eduxit, eodemque fato, quo alii colonia-
rum ductores, ob beneficia, pro deo habitus
est. Ita Velfer. lib. III. Rer. Boic. Brun-
ner. lib. IV. Ann. Boic. & Leibnit. t. I.
Misc. Berolin. Cl. Gundlingius vero p. VIII.
Obs. I. Tuistonem gigantem fuisse, ait, atque
ideo terra editum vocari: *nam & vulgus*
terre filios vocat, quorum genus incertum,
ait Tertullian. Apol. c. 10. Sed magis putem,
hic latere vestigia confusa creati ex terra
Adami, & Noachi, ejusque trium filiorum:
nam idem Tacitus de M. G. c. 39. de Sem-
nonibus: *per humum evolvuntur, eoque*
omnis superstitio respicit, tanquam inde ini-
tia gentis. & cap. seq. de Suevis: In com-
mune Hertbum, id est terram matrem co-
lunt, eamque intervenire rebus hominum,
invehi populis arbitrantur. Terram ergo
coluerunt, tanquam principiam universi,
& initium gentis suæ, terrigenæque ducis;
a terra quoque, (olim *tud, thiod, diet,*)
Toudisci, ipseque Tuisto nomen tulerunt.
De cultu terræ apud Asiaticos & Septen-
trionales Grot. ad Judic. II. vf. 13. Olaus
Rudbeek Atlant. part. II. c. 6. & Worm.
lib. I. mon. Dan. c. 5. conferantur. Græcis
quoque & Romanis Tellus MATER DEVM
SYMMA PARENS, vocatur, in lapide apud
Reines. epist. 69. pag. 630. Alma parens
Virgilio; *hominum Divumque aterna crea-*

trix Statio dicitur, & Plin. lib. II. cap. 65. *Terra, uni naturæ, eximia propter merita in nascentes, natos, semel editos, & jam a reliqua natura abdicatos, nomen indidimus maternæ venerationis.*

Abunde ex his apparet, quam accurate Tacitus dicto cap. 9. primum Germanorum Deum, Romana lingua Mercurium appellavit, qui Deorum minister tantum fuit & MENESTRATOR appellatur apud Spon. Misc. f. 111. pag. 91. Liqueat etiam, quam inepte Gobelinus, Fabritius & Turckius in fastis Carolinis, *Irminful*, vel *Hermensful*, Saxonicae gentis vetus idolum, ab *Herm*in & *Suyle*, quasi *Mercurii columna* deducant; cum potius *Harminio*, id est Hermannno, vel Irmino Cheruscorum duci, ac Germaniæ liberatori, Romanis bellis exercito, dedicata videatur: nam Regino lib. II. ad A. 772. eam *Hermensaul* appellavit. Deinde, ut ineptias compositionis ex voce Græca & Teutonica præteream, apparatus idoli, prout a Munstero in Cosmogr. I. III. c. 433. minus tamen recte, & velut ex recente Heraldorum officina, est descriptus, nihil habet ad Mercurium spectans, Martem sonant omnia; ideoque Spelmanus in Gloss. Martis columnam tutelarem interpretatur. Posset quoque dici, eam *Hermioni*, si modo Tacitus cum recte Man-

Manni filium facit, positam esse, secundum Aventini sententiam lib. I. c. 6. & IV. c. 2. Annal. Bojor. quam Ill. Leibnitijs calculo suo probavit, in notis ad Taciti Germaniam, tomo I. Scriptor. rer. Brunf. pag. 9. Columna illa olim Eresburgi, quod nunc Stadteberga dicitur, conspicua fuit, deinde a Carolo dejecta & Corbejæ defossa, sub Ludovico Pio autem eruta, et Hildesiam translata est, ubi, in memoriam sublatæ superstitionis, festum anniversarium celebratur. v. Meibom. et Wallerbach. de Irmenfula, juncto Calværio Sax. inf. fol. 43.

Nullus ergo proprius Mercurius, Germanorum et Gallorum Deus vialis, antiquis istis temporibus reperitur. Si quis vero, post crebra illa cum Romanis bella, commercia et colonias deductas, Mercurium, Herculem ceterosque Deos sensim admixtos, et tam ante Cæsarem, quam post Galliam subactam, civitate donatos esse, cum Montfauconio tom. II. p. 2. antiq. pag. 414. contendat, ei non admodum refragabor. Julius sane Cæsar Mercurio aram in Gallia erexit, quæ demum à D. Materno everfa fuit. Plinius lib. XXXIV. c. 7. scribit, Zenodorum, Mercurio facto in civitate Galliæ Arvernīs, per annos decem, h. s. cccc. manipretio, postquam satis ibi artem probaverat, a Nerone Romam acci-

tum

tum esse. Ulpianus Martem in Gallia, a civibus Romanis, heredem institui concessum ait, tit. XXII. §. 6. nec mirum! Nam Tencterorum legati apud Tacit. lib. IV. Hist. c. 64. *præcipuum inter communes deos Martem* celebrant; et Pomponius, Atellanarum poëta, huic, à Gallis Transalpinis, votum pro reditu factum, memoravit, apud Gellium lib. XVI. c. 6.

Mars tibi voveo facturum, si unquam redierit, bidenti verre.

Tres Dii viales Hercules, Mercurius, Castor et Pollux cum equis, in antiqua inscriptione, Viennæ Allobrogum reperta, memorantur apud Joh. Poldum in antiquitat. Nemauf. pag. 53. sed pro *carpusculis* Casaubonus et Salmasius in ea malunt *carpisculis*, ad Vopisci Aureliani c. 30. ubi: *Carpisculum genus calciamenti esse, satis notum est.* In Germania quoque Mercurii cultum ostendit, statua ejus Niwenheimii in Palatinatū, et ara Rorbachii MERCURIO TIMONIA VITTO inscripta, auctore Frehero p. II. Orig. Palat. p. 186. Chaucos item, Germaniæ populos, in honorem Mercurii, Viarum præsidis, lapidum acervos congestisse, Schildius auctor est de Chaucis II. 3. *Videre est, ait, eximie celsitudinis tumulos Bremæ inter & Præfulis arce nobilem Fordum, è lapidibus accumulatos, & quidem*

dem *hædus*, hoc est in ipso propemodum militarium margine viarum. Tum *Æ ii*, quibus iter isthac faciundum est, ut solent sæpe tædia viarum non fabulis modo dispungi comæantium, sed *Æ* repetitis è domestica antiquitate ludicris levati, suum quisque colloculis istis lapidem adjiciunt, *Æ* indies è magnis faciunt majores.

Cum Romanis & Saxonibus Mercarii iste cultus migravit in Britanniam. Testis Cambdenus, vir doctissimus, in tractatu *Germani in Britannia* scribens: *Ejus, Mercurii, statuæ quadratæ, Hermæ dictæ, olim ubique per vias dispositæ fuerunt.* Et huc referrem lapides illos ingentes, in planitie Sarisburienti congestos, vulgo *Stone-beng* dictos, de quibus Idem de *Stoneheng*. Britan. p. m. 102. Du Frene quoque *Erminstreat*, unam e quatuor Angliæ viis militaribus, a Mercurio, *Irmén*, quod viis præesse crederetur, dictam esse putat, sed Spelmannus *Ermundstraet*, quali viam Martis immunem, ex L. L. Eduard. confell. c. 12. interpretatur.

Celtæ cum moribus suis ac religione Mercurii Viales tumulos intulerunt in Hispaniam; ibi enim prope Carthaginem novam, egressus Scipio in tumulum, quem Mercurii (alii Mercurium Teutatem) vocant, animadvertit, multis partibus nudata defensori-

foribus mœnia esse, scribit Livius lib. XXVI. cap. 44. Similiter promontorium Africæ, quod vulgo nunc *Cap de bon* vocant, *Mercurii promontorium* a Plinio, *Hermæum* a Ptolomæo, & *pagus Mercurialis* vocatur, in inscriptione Tunetana, apud Sponium *Miscell. erud. antiq. pag. 191.* Accitani quoque, Hispaniæ populus, simulacrum Martis, radiis ornatum, magna religione colebant, *Neton* vocantes, auctore Macrobi. lib. 1. *Saturn. c. 19.* Et cui denique ignotus est *Hercules Gaditanus*? ab Ulpiano inter deos illos relatus, qui jure liberorum a Senatu, vel a Principe accepto, heredes institui poterant tit. *xxii. §. 6.* Fanum ejus apud columnas a Phœnicibus conditum esse, Appianus de Bell. Hisp. pag. 256. hoc argumento probat, quod ad suam usque ætatem Tyrius in eo Hercules, Phœnicio ritu colatur. Mela lib. III. cap. 6. *Templum Ægyptii Herculis, conditoribus, religione, vetustate, opibus illustre Tyrii condidere.* Adde Strabon. lib. III. & XVI. Plin. lib. II. Hist. Nat. c. 97. Dani præterea, ac ceteræ gentes, a Germanis oriundæ, Mercurium coluerunt. vid. Olai Wormii monum. Dan. lib. 1. cap. 4. Sueonas, aliosque ad Septentrionem vergentes, Deos ac genios quosdam marinos coluisse, post Tacitum de M. G. in fin. auctor est Procop.

cop. lib. II. rer. Goth. c. 15. Neptunus ipsis *Neckur, Neccim, Neccus, Nocca* vocabatur, Wormius d. I. & Loccen. Antiq. Sueo Goth. p. 17. Slavorum dii præcipui fuerunt *Suautevitus & Radegastus*; ab utroque bellorum et pacis arbitro, itinerum et bellorum auspicia sumebant; Ritus, quo prior consulerebatur, descripsit *Saxo Grammaticus* lib. XII. Hist. Dan. c. 2. De posteriore *Ditmarus* lib. VI. Chron. Merseb. p. 136. *Hunc ad bella properantes salutant, illum prospere redeuntibus muneribus debitis honorant.* Vid. III. Ludewigium de Idolis Slav. t. 2. Opusc. p. 525, et 530.

Verbum adjiciemus de Indis, Turcis, Arabibus, et Russis, qui itidem Deos suos viales maxima cum superstitione semper coluerunt, et nunc venerantur. Refert *Hugo Lindschottanus* itin. Ind. p. m. 69. quosdam Indiarum populos, ad omnes montes, petras et speluncas Idola sua excisa habere, juxta et linternam aqua refertam; ubi viatores transeuntes ablutis pedibus Deastro supplicare, et nonnunquam sacrificii aliquid offerre consueverunt. Hæc autem signa Soli et Lunæ esse consecrata, neminem latere, arbitror; siquidem ab antiquo loca sacra, *ἐκ ὀνόματι τιμῶσιν ἡλίου καὶ σελήνης*, ait *Photius* apud *Ctesiam* in Indicorum opere. *Clemens Alexandrinus* in *Protrept.* καὶ πρῶ-

σεκύνησαν ἥλιον ὡς Ἰνδοί, καὶ σελήνην ὡς Φρύγες. *Et adorarunt Solem, ut Indi; & Lunam, ut Phryges.* Adde Philostratum de vita Apollonii lib. III. cap. 33.

Ad Turcas Lunæ cultus per Arabes & Saracenos venit, cujus corniculatæ effigies, velut sacrum quoddam insigne in templis, turribus, & forte viis, conspicitur. Apud hos vero lapides jaciendi consuetudo, in honorem Veneris, sive Lunæ, obtinet ex prisco ritu, quem eleganter descripsit homo Christianus, verbis Arabicis, quæ Latine reddita legere est apud Vincentium Bellovacensem lib. IV. Speculi Histor. & sunt hujusmodi: *Duarum Indiæ gentium, quæ vocantur Zechiam & Albarachuma, antiqua consuetudo fuit, nudos & decalvatos, magnisque ululatibus personantes, simulacra dæmonum circumire, angulos quoque osculari; & projicere lapides in aversum, qui quasi pro honore diis exstruebatur. Inde est, quod in libro Salomonis dicitur: qui projicit lapidem in honorem Mercurii. Faciebant autem hoc bis in anno; Sole scilicet existente in primo gradu Arietis, & rursus, cum esset in primo gradu Libræ: hoc est, initio Veris & Autumni. Denique in confinibus Lithuanorum ac Moscovitarum Zlotababa statua certis munusculis à viatoribus est placanda, si quam*
ve-

velint suscepti itineris securitatem. Olaus Magnus de ritibus gent. Septentrion. lib. III. c. I. in fin.

CAPUT VI.

DE JOVE, GRÆCORUM ET ROMANORUM
SUMMO VIARUM PRÆSIDE.

Athenæ & Roma urbes religiosissima, & omnium deorum cultrices. Monstra Ægyptiorum Romæ publice adorata, eorumque symbola ibi recepta. Sed Juppiter princeps Deus peregrinantium, & terra, & mari: inde Servator, Hospitalis, Redux & Tempestatium potens audit. Marmora antiqua, Horatius & l. 25. §. 6. D. locati illustrantur. Bruta deorum vialium symbola; hinc taurus in navis prora Jovis index. Ab avibus auspicia itinerum capta. Columba, cygni, accipitres & corvi à diis missi, viarum duces. Aquila, Jovis ales, dux viæ & insigne principatus Romani. Proprium hoc legionum numen a Persis desumptum. Aquilarum militarium religio & cultus. Vulgata lectio legis. 7. §. fin. D. ad l. Jul. maj. vindicata. Serpentes, lupi & arietes viarum duces.

G

Sa-

Satis, opinor, evicimus plerasque gentes, & veteres & recentiores, Deos suos viales ad Solem, Deas vero ad Lunam retulisse. Nunc ad Græcos & Romanos propius accedamus, qui iisdem tenebris immerfi, vix alios, quam qui in oculos incurrerent, fidereos deos cognovere. Inter Græcos religione eminebant Athenienses, quorum urbem Aristophanes in Equit. vs. 579. *ἱερωτάτην, sanctissimam*, Æschylus Eumen. vs. 872. *θεοφιλεστάτην Deo acceptissimam*, Sophocles Oed. Col. vs. 264. *θεοσεβεστάτην pientissimam* appellarunt: gravitatione, quod cives ejus in Deorum cultu erant religiosissimi, Isocrates in Panegyricò; & majorem pietatis rationem habebant erga Deos, Pausan. Attic. c. 3. Inter propria enim illius Reip. instituta fuit omnibus numinibus hospitium præbere publicum, & θεὸς ξένος colere quam plurimos. Hesychius θεοὶ ξένοι; παρὰ ἀθηναίων τιμῶνται, ὥς καὶ ἀλλοδαπῆς ἐν Κερσίῳ. Adeo ut aram θεῷ ἀγνώστῳ crexerint, ne quis deorum incultus maneret Act. XVII. vs. 22. ubi Paulus, in medio Areopago, Viri Athenienses, ait, conspicio vos quasi religiosiores; inveni enim aram, cui inscriptum erat IGNOTO DEO. Similiter Roma singulari quodam Deorum cultu passim com-
men-

mendatur, & *numinum cunctorum cultrix* vocatur apud Arnob. lib. VI. pag. 195. Minucius in Octavio: *Dum undique hospites Deos querunt, & suos faciunt, dum aras exstruunt, etiam ignotis Numinibus & Manibus, sic, dum universalum gentium sacra suscipiunt, etiam regna meruerunt.*

Ipsa Ægyptia sacra, quibus stultiora nulla sunt, quæque *omnigenum Deum monstra* Virgilius appellavit, lib. VIII. *Æneid.* v. 698. sensim non modo licita, sed & publice recepta fuerunt, uti ex Varronis aliquot locis Colerus ad Valer. Max. lib. 1. c. 3. ex Minucio Ampl. Bynkershoekius probavit, de relig. peregr. dissert. 2. Inde tam multa Isidis, & Osiridis, ejus mariti, & Serapidis templa, in variis urbis regionibus, multique ejus cultores, apud Juvenal. Sat. VI. v. 529. & IX. v. 22. Sueton. Domit. c. 1. Othon. c. 12. Lamprid. Comm. c. 9. Spartian. Carac. c. 9. Gruter. pag. 22. 32. 85. n. 21 3. 4. 8. & Fabrett. Inscript. pag. 488. memorantur. Hinc etiam Romæ, pariter ac Athenis, eadem rursus, aut certe iis, quæ apud tot gentes supra vidimus, non dissimilia Deorum vialium fymbola deprehendere licet. Lunæ quippe, non secus, quam Ilii apud Ægyptios, boum cornua sacrata fuerunt, in vestibulo

templi Dianæ montis Aventini: id quod ex vetustissimo ritu per manus tradito, non casu, ut Plutarchus censet, factum esse, opinor. Livius lib. I. cap. 45. *Fixa per multas atates cornua in vestibulo templi Dianæ, monumentum ei fuisse miraculo.* Apium sub forma Musas duxisse coloniam scribit Philostratus Iconum lib. 11. 8. Ἀπῶν τὴν ἱστορίαν ὅτε ἀπὸ Μῶσαι ἤγαγον τὰ ναυτικὰ, ἐν ἑσδῇ μελιτῶν. *Cum Athenienses Ionicas colonias deducerent, Musæ classis duces fuisse, sub apum forma.*

Ut autem via quadam & ordine, in tanto Deorum vialium numero, nostra procedat tractatio, primum in memoriam revocanda est varia Deorum divisio, ex Terulliano lib. II. ad nationes c. 11. in majores & minores; veteres & novitios; mares & feminas; cives & peregrinos; nominatos & innominatos. Dii majorum gentium pro iisdem haberi possunt apud Græcos & Romanos, quia deorum cultus Romæ ex Græcorum ritibus maxime est institutus. Inter hos vero primum locum tenet Juppiter, quasi Jovis, Deorum atque hominum Pater, ab Hebræorum *Jeboab*, dictus, ut nonnulli voluerunt. Hinc OPTIMVS MAXIMVS CAELVS AETERNVS IVPITER apud Grut. p. 4. n. 12. & SYMMVS, EXSVPERANTISSIMVS, θεὸς ὑψίστος, in

in inscriptionibus apud Sponium pag. 71. 72. 345. vocatur. A Jove ergo principium Musæ! Athenienses ἱερὸν τῷ Διὶ τῷ Σωτῆρι, ædem Jovis Servatoris habuerunt, auctore Strabone lib. IX. pag. 396. Romæ quoque IUPPITER OPT. MAX. CONSERVATOR crebro occurrit, apud Gruter. p. 18. & in argenteis Philippi & Maximiani nummis: eique templum omnium magnificentissimum, in monte Tarpejo, fuit dedicatum, in quo Imperatores, ad bellum ituri sacra faciebant, & vota nuncupabant, Lib. lib. XLII. c. 49. victores quoque reversi, triumphali pompa, ad vota solvenda, eo deducebantur Virgil. lib. VI. Æn. vf. 837. Idem quoque peregrinantium præses: jura hospitibus dedisse creditur: hinc ἑστία Ζεὺς apud Homerum Odyss. ξ. vf. 55. & 283. & Juppiter hospitalis apud Plinium vocatur lib. 37. H. N. c. 5. Virgil. I. Æneid. vf. 735.

Juppiter; hospitibus nam te dare jura loquuntur.

Eidem tonanti Jovi Augustus ædem consecravit, liberatus periculo; cum expeditione Cantabrica per nocturnum iter lecticam ejus fulgur præstrinxisset, Sueton. lib. II. c. 29. Idem quoque PEREGRINVS, SALVATOR & SERENATOR dicitur in marmoribus literatis apud Gruter. p. 18. 19. seqq. et Gudium. pag. 4. 7. 8. 21. 23. Juppiter

CVSTOS a Petro Bellorio p. 2. n. 1. et Leon. Augustino p. 1. n. 106. notatus est. Alibi I. O. M. ET FORTVNÆ REDVCI PRO SALVTE ITV ET REDITV votum solvitur, Grut. 8. n. 2. PRO REDITV IMP. CAESARIS, JOVI OPTIMO MAXIMO ludi votivi facti, Grut. XI. n. 1. Rurfus PRAESTITITIOVI PROFICISCENS aram ponit Grut. 22. n. 1. Pro salute et reditu caesaris, templum IOVIS REDUCIS EXORNATUR, Grut. 22. n. 3. I. O. M. PEREGRIN. RED. est apud Gudium 7. n. 4. ubi Juppiter redux, est qui reducit, ut apud Ovid. Ep. 13. vf. 50.

Et sua det reduci vir meus arma Jovi.

Neque tantum qui terra proficiscébantur, sed etiam qui fluminibus aut mari iter infituebant in tutelam Jovis, Optimi patris, quem Æschylus apud Pausan. lib. II. c. 24. maris regem vocat, sese commendabant. Indicat hoc monumentum antiquitatis pulcherrimum, in choro Ecclesiæ Cathedralis Parisiensis A. 1711. inventum, quod Baudelotii, Malturii, Leibnitii & Eccardi ingenia exercuit. In primo ejus lapide hæc occurrit inscriptio, apud Anonymum de la religion des Gaulois, t. 2. cap. 11.

TIB. CAESARE
AUG. JOVI. OPTUM.
MAXUMO. M.
NAVTAÆ. PARISIACI.
PVBlice. POSIERVNT.

Apud

Apud Sponium Sect. 3. p. 76. legio tertia Augusta JOVI. O. M. TEMPESTATIUM DIVINARUM POTENTI votum solvit: Jupiter enim æther est, et possidet tempestates, ita ut eas vel immittere, aut versis aquilonibus serenitatem præstare possit. Isthæc est vis major et divina, quam Græci *θεός* *θεός* l. 25. S. 6. *D. locati*; Ovidius *iram Jovis*, *Capella vim sacram Jovis* appellavit. Sponius recte infrequens hoc Jovis epitheton vocat; sed eodem loquendi genere utitur Horat. Epod. 18. vs. 1. *Sylvarumque potens Diana*. Idem l. 1. Od. 3. vs. 1. *Sic te diva potens Cypri*, id est quæ potestatem habes in Cyprium, et Od. 5. *potenti maris deo*. Multa id genus alia Græcorum et Romanorum testimonia congerere facili negotio liceret, ex quibus constat, Jovis planetam bonum, uti in omnibus rebus suscipiendis, ita etiam a nautis imploratum esse, v. gr. Euripid. in Troad. vs. 78. Lycophron. Cass. vs. 512. Virgil. IX. Æneid. vs. 614. sed animalia deorum, viarium symbola et ministræ alites nos monent, ut semel hoc loco de iis dicamus.

Refert Diodorus Siculus lib. 1. c. 87. Ægyptios religiosa veneratione canes esse profecuturos, quod Isidi, Osiridem investiganti, duces fuerint. Apollonius etiam, apud Philostratum lib. VI. c. 19. ait, Ægyptiis

lupum Solis, noctuam Palladis, canem Mercurii symbolum fuisse: & notum est, imitatores eorum Græcos similiter lupi simulacrum in Delphico templo posuisse, atque noctuam Palladi, Mercurio canem junxisse. Juppiter autem sub tauro, in quem mutatus, adumbratus, ταῦρος Gregorio Nazianzeno dicitur. Hinc Lycophron Call. v. 1299. Europam, ait, raptam navi ταυροφόω, cujus in prora pictus fuerit taurus. Hidorus lib. 8. Orig. de Jove: *Impudicus in extraneis, quem modo Taurum fingunt, propter Europæ raptum, fuit enim in navi, cujus insigne erat taurus.* De eadem re apertius Festus, in *Europam*, inquit; *Nave, quæ Jovis tutelam effigie tauri habuerit, in eam regionem esse delatam; & Fulgentius Planciades lib. 1. Mythol. Europam in tauro rapuisse fertur, id est, in nave, tauri picturam habente.* Taurus ergo hæc navis dicta, à figura, qua prora fuit adornata, sicut Virgil. X. *Æneid.* v. 166. *navim*, cujus rostrum in similitudinem tigridis erat, tigrin appellavit:

Massicus arata princeps secat æquora tigris.
Sic Bacchi navis, in prora, ad aureæ pantheræ formam efficta dicitur, apud Philostrat. lib. 1. Icon. 19. & Alexius belluarum capita, auro exornata, navium rostris adaptavit, teste Anna Comnena *Alexiad.* pag. 335. Fre.

Frequentius autem in navium ornamentis aves deligebantur; tum quia has e cælo missas viarum putabant esse duces; tum etiam, quod navigandi artem ab avibus aquaticis didicerant; quamobrem integra navis, avi similis, & rostra habet, & alas; ut Maro cecinit: *velorum pandimus alas.* Quemadmodum ergo *multas volucresque ferasque Ægypti posuere deos*, auctore Luciano lib. X. v. 158. & Romæ, qui auspiciis operam dabant, spectare solebant, an aves abdixissent, nec ne; ita Græci non nisi ab avibus auspicati ad iter terrestre vel maritimum sese accingebant, ut tradit Aristoph. in Avib. v. 718. & 596. ubi ait:

Πραεγὴ τις αἰὲ τῶν ὀρνίθων μαντευομένη περὶ ὃ πλεῖ,
 Νυνὶ μὴ πλεῖ, χειμῶν ἔσαι νυνὶ πλεῖ, κέρδος ἰπέραι.

*Prædicet semper quædam ex avibus homini
 auspicium capienti de navigatione*

*Nunc ne naviges, lyemabit; nunc naviga,
 nam lucrifacies.*

Eminebant inter has columbæ, quas Homerus aves boni ominis, Plinius lib. X. c. 37. in rebus magnis *internuncias* vocat. Vel lejus Paterculus lib. I. cap. 4. *Nec multo post Chalcidenses, Hippocle & Megasthene ducibus, Cumas in Italia condiderunt. Hujus classis cursum esse directum alii columbæ antecedentis volatu ferunt.* Virgil. VI. Æn. v. 194. de iisdem:

G 1

Est.

*Esse duces, o, si qua via est, cursumque
per auras*

Dirigite in lucos.

Propertius lib. II. El. 20.

*Dux erat ignoto missa columba mari
Et l. IV. Eleg. 1.*

O quali ducta est Dardana puppis ave.

Columbam Græcis quoque enavi dimittere moris fuisse, in omen felicitis reditus, discimus ex Apollonii Scholiaste, quia avis illa ad domicilium gestit reverti. Huc quoque pertinet, quod Auctor magni Etymologici navem Cygnum, ait, appellatam, quod cygnos habeat effigiatos in prora. Verba ejus sunt quæ sequuntur: *ἐν καὶ εἰδὼ πλοῖς; ὁνομαζέται δὲ, ὅτι κύκνος ἐχει ἐπετυπωμένους ἐν τῇ πλώϊ.* Cygni enim ab Apolline divinationem habere credebantur, & in Veneris marinx tutela erant, unde nautis augurium faciunt apud Virgilium lib. I. Æneid. 392.

Ni frustra augurium vani docuere parentes,

Aspice his senos latantis agmine cygnos.

Vetus Poëta in ὀψιδογυρία:

Cygnus in auguriis nautis gratissimus augur,

Hunc optant semper, quia nunquam mergitur undis.

Hinc Stephanus Vinandus Pighius, in Hercule Prodicio, lucem adfert celeberrimæ illi historix vel fabulæ, quam de principe

cipe familiæ generisq̃ue Clivienſis Helia à Græcæ ferunt ſcriptores. Hunc enim anno poſt Chriſtum natum DCCXI. navicula, quam cygnus aurea catena collo vinctus trahebat, appuſſum ad caſtrum Neomagenſe, ibique Theoderici unicam filiam, & Clivienſis ditionis heredem, matrimonio ſibi junxiſſe perhibent. Redolet vero hæc narratio cygnum navis inſigne, quod Ælius ille Princeps Romanus, ex majorum inſtituto, navigio ſuo ita præfixit, ut natæ & aurea catena navem trahere videretur. Accipiter porro ἁπολλωνος ταχὺς ἄγγελος, *Apollinis velox nuncius* vocatur, apud Homerum Odyſſ. i. vſ. 526. Idem Minervam, ait, boni ominis cauſa, miſiſſe διξιδὼν ἐρωδιὸν ἰγγύς ἐδαῖο, *dextram ardeam prope viam*, Iliad x. vſ. 274. Corvum denique ſacrum Apollini fuiſſe, ait Ælianus, & comitem, & divinationis ſymbolis aptum lib. I. Hiſt. anim. c. 48. Hunc ergo Cyrenæis ducem itineris miſit, eumque intelligit Papinius lib. IV. Silv. 8.

*Tu ductor populi longe emigrantis Apollo,
Cujus adhuc volucrem, læva cervice ſe-*
dentem,

Reſpiciens blande felix Eumelis adorat.

Aquila vero, avium regina, Jovi ſacra, ejuſque nuncia, plus ceteris avibus in auguriis valebat; unde Priamus, Græ-

co-

corum classem adoriturus, Jovem rogat, ut in bonum omen alitem illam mittere dignetur, apud Homerum Iliad. v. 310.

Πέρφον δ' οἰωνὸν ταχὺν ἄγγελον, ὅς τί σοι ἀντὶ

φιλάτορ οἰωνῶν, ἃ δ' κρείττος ἐστὶ μέγιστον,

*Mitte autem alitem velocem nuncium, qui
tibi ipsi*

*Gratissimus alitum, & cujus robur est
maximum.*

Ovidius lib. V. Fastor. v. 732.

Grata Jovi fulvæ rostra videbis avis.

A Jove ergo velut missa dux itinerum habebatur, apud veteres, qui nihil fere majoris rei, publice privatimque, nisi auspicato gerebant. Tacit. I. Hist. c. 62. *Latum augurium Fabio Valenti exercituique, quem in bellum agebat, ipso profectio-
nis die, aquila leni meatu, prout agmen in-
cederet, velut dux viæ, prævolavit.* Suetonius Vitellio cap. 9. *Præmisso agmine latum
evenit auspicium. Siquidem à parte dextra
repente aquila advolavit, lustratisque signis
ingressos viam sensim antecessit.* Cicero I. de divinat. c. 15. de Dejotaro: *Nihil un-
quam, nisi auspicato gerit, qui cum exiti-
nere quodam proposito & constituto rever-
tisset, aquilæ admonitus volatu: conclave
illud, ubi erat mansurus, si ire perrexisset,
proxima nocte corruit.* Merito igitur Seneca Nat. quæst. II. c. 32. dixit, Aquilæ hunc
hono-

honorem datum esse, ut magnarum rerum faceret auspicia, ejusque rei exempla plura Alexander collegit diē. genial. V. c. 13.

Romanis aquila insigne principatus erat, & omen victoriæ, quoscunque bello peterent; quod & sit validissima, & universarum avium regnum tenebat, ut ait Joseph de bell. Jud. l. III. c. 8. & Spanhem. de præst. & usu num. diss. IV. pag. 171. & VII. pag. 431. pluribus illustrat. In singulis quoque legionibus singulæ Aquilæ castrorum numina erant, & militum præsides viales. Germanicus apud Tacitum II. Annal. 17. *Irent, sequerentur Romanas aves, propria legionum numina.* Juppiter imaginis auctor fertur, quod illa ipsi contra Saturnum omen victoriæ fuisset. *Ζεὺς αἰτὸν ἔλετο, Juppiter aquilam delegit*, ait Aristophanes, in Equit. Multi, cum Atrovando, ipsos Romanos ejus ligni inventores faciunt; sed Lipsius, ad Taciti Germaniam, a Persis usum derivat: nam Xenophon. lib. VII. *παῖδ.* initio refert, Cyro majori signum fuisse aquilam auream in hasta longa extensam; & lib. I. *ἀναβαίει.* pag. 271. Cyro minori, ait, *Βασιλεὺς σημεῖον*, regium insigne fuisse, aquilam auream, in hasta extensam. Idem quoque lib. II. *παῖδ.* pag. 59. augurii, ab aquila capti meminit; ut inde usus aquilarum ad Romanos manasse videat.

videatur. Multa de harum religione, facello altaribusque dici possent, nisi Lipsius de Mil. Rom. IV. d. 5. & Cuperus IV. Obs. c. 19. pleraque occupassent. Apud eas Imperatores concionabantur, jus dicebant, legebant literas, ibi juramenta & nonnunquam animadversiones exigebantur, uti Bernartius ostendit, ad Statii illud *domumque verendam signorum* lib. X. Thebaid. vs. 171. Per aquilas has milites jurabant Liv. l. XXVI. c. 48. easque, cum reliquis signis & Cæsarum imaginibus, noni secus ac deos, adorabant. Sueton. Calig. c. 14. Jacobus Gothofredus ad Tertull. lib. I. ad nat. c. 12. ad eas referendum existimavit, quod Modestinus ait, in l. 7. §. fin. D. ad L. Jul. maj. Crimen *majestatis facto, vel violatis statuis, vel imaginibus, maxime exacerbatur in milites*: nam pro *statuis*, reponit, *signis*; quia hæc violasse militi maxime crimini fuit, et Vegetius lib. II. de re mil. c. 6. Aquilam *præcipuum signum*, in Romano exercitu appellavit. Verum si prior particula *vel per veluti* explicetur, neque hac, neque aliorum mutatione *opus est*. Videtis plura, quæ ad hunc locum dixi, in Præfat. ad tom. II. Thes. juris Rom. pag. XIX. Alia vero id genus exempla avium, vel quadrupedum, quæ nutu divino iterum duces se præbuisse creduntur,

tur, collecta & illustrata invenies apud Scaliger. ad Catalecta pag. 281. Victorium lib. III. var. lect. c. 14. Spanhem. ad Callimachi Hymn. in Apollin. vf. 66. Brouckhus. ad Propert. lib. IV. Eleg. I. &, qui recentiora adjecit, Rupert. ad Vellej. Paterc. lib. I. c. 4. Adde quod Antinoe serpentem itineris ducem secuta fertur, apud Pausan. lib. VIII. c. 8. & Festus in *irpini* ait: *Samnites, lupum ducem secuti, agros occupavere.* Servius denique ad IV. Æneid. vf. 196. *Herculem, in Libyæ desertis, arietem ducem secutum narravit.*



CAPUT VII.

DE APOLLINE, BACCHO ET JANÓ.

Triplex Theologia apud Græcos & Romanos, fabularis Poëtarum, civilis Vulgi, & naturalis Philosophorum. Secundum hos Sol fuit omnia & Juppiter ipse. Apollo Sol, Dianæ Lunæ frater, inde Didymæus appellatus apud Ulpian. tit. 22. §. 6 Idem deus averruncus, σωτήρ, defensor & tutelarís. A cura itinerum, & terra & mari, dictus Agæus, ἐπιβατήριος, ἀρχηγός & navalis. Aræ Athenis ei antefores posita; inde θυραῖος, πρυτανεύων & Vicinus. Plautolux. Spanhemius, Seldenus & Helladius notati. Columnæ ei posita, cur obeliscata & lapideæ. Bacchus, cum taurinis cornibus, dux viæ, idem qui Sol, λαμπρὸς & ignigena vocatur. Janus, rector viarum, Solem notat; an quasi Eanus? cur Biceps, Quadrifrons & Claviger.



Idimus Jovem patrem, deum summum, & supersticiosa gentilitatis choragium ducentem: nunc ad varios ejus liberos, sive ministros, potestates & præsidés proficiscimur, quorum

rum frequentior; quam ipsius Jovis, in viis & compitis occurret cultus, quia vulgus visibilibus eorum symbolis, Soli, Lunæ & Planetis magis inhærebat, atque hæc ab ipsis rursus deorum ministrantium idolis plerumque in templis, sacrificiis, marmoribus & nummis distinguebat. Non auctor Poëtæ Solem & Apollinem, Lunam & Dianam, velut diversa numina; subinde depingunt; sed Philosophi, rerum naturam investigantes, rectius Apollinem pro Sole, Junonem pro aëre; Neptunum pro mari, Vulcanum & Vestam pro igne; Magnam matrem pro terra; Cererem pro frugibus habuerunt, atque ita multiformem theologiam per elementa explicarunt, ne despectui haberetur. Quam enim Poëtæ, qui apud Græcos Sapientum nomen meruerant, narrationes de diis ambagibus longis de industria involvissent, nec posteriores de rebus divinis aliter, quam a majoribus acceperant, diu exponere ausi fuissent; Zeno, Chrysippus, alique Stoici philosophi, quos pudebat numerosæ deorum gentis, carmina Homeri, Hesiodi & Orphei de universo interpretati sunt. vid. Pausan. lib. VIII. c. 8. & Tertullian. lib. I. adv. Marcion. c. 13.

Quo igitur omnis illa veterum religio melius intelligatur, omnino hic observan-

H

da

da est **dis**unctio in Theologiam fabularem, civilem & naturalem, ad quam prævit **Q. Mucius Scævola**, **Publii** filius, cuius iudicium deinde **Terentius Varro** in libris **Divinarum** secutus est. Hunc vero **Tertullianus** lib. 2. ad Nationes, **Augustinus** lib. IV. VI. VII. de Civit. Dei & **Lactantius**, libris tribus prioribus Institutionum divinarum refutavit. Et sane fabulari illa Poëtarum Theologia ipsis Gentilibus nihil insulsius magisque nugatorium videbatur, quod multa de Diis indigna, furta & adulteria fingit. Nec usquequaque placebat civilis, quæ tamen, ne apud vulgus Deorum majestas evilesceret, retinebatur; unica vero naturalis Philosophis sufficere visa fuit, & diis immortalibus digna. Ad hanc referebant physiologicas naturalium rationum interpretationes, corpora in cælis eminentia, quæ nominibus eorum, quos ingens evehit ad æthera virtus, denotabantur. Laboravit in hac doctrina **Porphyrus**, in opere περί τῆς ἀλληγορίας τῶν Ἑλλήνων καὶ Λατίνων θεολογίας, cuius **Julianus** meminisse, & ex quo **Eusebius** quædam excerptis. Quid multa? Sol erat omnia: Sol *Juppiter ipse*, est in **Catalectis** **Virgilii**, et multis **Macrobius** disputat lib. I. Sat. c. 23. Hinc in inscriptionibus tam Græcis, quam Latinis sæpe legas ΔΙὴν ἡμῶν μέγαλῃ καταπύλαι, et εἰς τοῦ Σά-

ραπίου,

βασις, unus est Jupiter Sarapis, vel jovi SOLI INVICTO SARAPIDI; unde quoque lucem accipit inscriptio, prope hoc Trajectum reperta, apud Spon. Miscell. pag. 72. et Reines cl. I. Inscr. 244.

JOVI O. M. SUMMO
EXSUPERANTISSIMO
SOLI INVICTO: APOLLINI
LUNAE. DIANAE etc.

Plerique igitur qui Solem et Lunam adorabant, illum Apollinem, hanc Dianam appellarunt. Cicero lib. III. de Nat. Deor. *Solem Deum esse Lunamque: quorum alterum Apollinem Græci, alteram Dianam nuncupant.* Sallustius Philosophus de Diis cap. VI. Ἀπόλλωνα γὰρ ἡ Ἰστέμιν ἀντ' ἡλίου ἡ σελήνης λεπτέον. *Apollinem & Dianam pro Sole & Luna desumimus.* Horatius carm. sæc.

*Phæbe, silvarumque potens Diana
Lucidum cæli decus, o colendi
Semper & culti, date quæ precamur
Tempore sacro.*

Utrumque numen uno Latonæ partu editum credebatur; quamobrem Apollo *Didymæi*, id est gemini, nomen adeptus est, apud Ulpian. tit. XXII. §. 6. Plinium lib. V. H. N. c. 24. et Sueton. Calig. c. 21. juncto Macrobi. lib. 1. Sat. c. 17. Utriusque templa quoque congrue erant juncta; Arcneas enim, cum vix arces, quibus altus

H 2

Apol-

Apollo præsidet, petisset, mox subit Tri-
via lucos, apud Virgil. lib. VI. *Æneid.*
vs. 9. 13. et paullo post vs. 35. *Phæbi Tri-
viaque sacerdos.* Utrumque etiam itine-
rantium credebant esse numen tutelare, vi-
cis et compitis præfectum; sive quod in-
terdiu et nocte eorum beneficio invia et
tenebrosa loca penetrare liceret, sive quod
essent ἀποστατοὶ et ἀλεξίκακοι, Dii *averrunci*,
mala quævis à viatoribus propellentes, ut
Comici Scholia et Eustathius voluere. A-
perte Pausanias initio Attic. πρὸ δὲ τῷ νεώ, ἢ
μὲν Λεωχάρη, ὃν δὲ καλεῖσιν Ἀλεξίκακον, καθάρμης ἐποίησε.
*Calamis vero pro foribus dicitur fecisse Ap-
pollinem unum Leochares, alterum Alexi-
cacon cognomento; quod est ac si Averrun-
cum dixeris, ab avertendo: Deus, qui eis
rebus præest, Averruncus, ait Varro lib.
VI. de L. L. Apollo malorum avertendo-
rum potens est, scribit Servius ad X. Æ-
neid vs. 738. Inde Græcorum quidam ab
ἀπαλλάττειν, ab abigendis malis, Apollinem,
Medicinæ deum, dictum volunt, apud Eu-
sebiū lib. III. de præp. c. 1. Latinis ab
apellendo dictus creditur apud Macro-
b. lib. I. Saturn. c. 17. ΑΠΟΛΛΩΝ ΣΩΤΗΡ vo-
catur, in nummo Lappitharum, apud
τὸν πᾶν Spanhem. diff. VII. de præst. pag.
416. quo nomine, a Jove sumto, Apollo
quidam sapientissimus et de genere huma-*

no bene meritus homo dictus, eodemque elogio Sol etiam apud Megalopolitas Arcadas cultus fuit, teste Pausan. lib. VIII. pag. 507. *Is vero est Soter, qui salutem dedit*, ait Cicero in Verr. IV. c. 63. Plautus Merc. IV. sc. 1.

*Apollo, queso te, ut des pacem propitius,
Salutem & sanitatem nostræ familie.*

Hinc PRO. SALVTE. AVGG. APOLLO. DEFENSOR invocatur apud Græcorum pag. 37. 9. Idem SALVTARIS, in nummis Volusiani, et TVTULARIS nuncupatur in marmore Grut. pag. 77. 1. Sed ad rem.

A curatione viarum Apollo Græcis vocatur, Ἀγνιδος, viarum & vicorum præses. Pausanias in Atticis cap. XXXI. p. 78. *Ἐστὶ δὲ Ἀχαρναὶ δῆμος. Οὗτος θεὸν Ἀπόλλωνα τιμῶσιν Ἀγνιδία καὶ Ἡρακλεία.* Rursus in Corinthiacis cap. 19. et in Arcadicis, cap. 53. apud Tegeatas signa Ἀπόλλωνι Ἀγνιδία dedicata refert, et Megalopolitanis Deos, ait, esse è quadratis lapidibus, quos inter Minerva Ergane et Ἀπόλλων Ἀγνιδός, *Compitalitius Apollo.* Apud Demosthenem quoque adversus Midiam, et Xenophontem lib. II. κύριον παῖδ. id nominis ei tribuitur; et Stephano Byzantino auctore, Apollo dicitur Ἀγνιδος, et Ἀγνιδίτης, τῆς ἐν ἱσθμῷ, *quasi viarius.* Honoratus ad Apollinem lib. IV. Ode 6.

H 3

Do-

*Doct̃or argutæ fidicen Thaliæ
Phæbe, qui Xantho lavis amne crines,
Dauniae defende decus Camænae,
Levis AGTEV.*

Nominis rationem adfert Phurnutus de natura Deorum cap. XXXII. Ἀγχιεύς δ' ἐπονομαζέται δεινός, ἰδρυθείς ἐν ταῖς ἀγυαῖς. Κατανοοῦνται γὰρ ταύτας, ἃ πληροῖ φωτὸς ἀνατίθων. *Agyieus putatur, quod vicos & vias luce sua illuminet, & propterea in viis ei statue ponuntur. Exoriens namque eas luce sua illustrat, atque implet, Statius eum ductorem appellat lib. IV. Silv. 8.*

Tu ductor populi longe emigrantis Apollo. Virgilius etiam viis præficit lib. XII. *Æneid. vers. 405.*

Nulla viam fortuna regit, nisi auctor Apollo

Subvenit.

Vir illustris Ezechiel Spanhemius, in epistola ad Begérum II. Apollinem quidem a viis extra urbem arcet, solisque urbanis viis eum præpositum fuisse contendit; verum *Æschylus Agamemn. vs. 153. eum a Græcis quoque invocatum scribit, ne quæ navigationi difficultates & remora crearentur. Apud Træzenios ἐπιθαπνεία Apollinis ædes fuit, qui præerat portu solventibus, auctore Pausania. Erat & oraculum Apollinis Ἀπολλωνίου, ductoris Principis: Thucyd.*

dides lib. VI. de Sicilia agens: *Chalciden-
ses*, inquit, *Græcorum primi*, *Apollini*
Archigetae aram posuerunt, ubi quoties de
Sicilia solvunt, oracula petituri, primum
sacrificant. Apud Apollonium lib. 1. vf.
359. ingressuri mare Apollini Embasio fa-
ciunt, idemque *Νηυσώτης*, *navium servator*
eidem vocatur lib. 2. Actius, Actiacus &
Actæus dicebatur a Romanis, ob devictum
ad Actium navali prælio Antonium, Vir-
gil. VIII. *Aeneid.* vf. 704.

Actius hæc cernens arcum tendebat Apollo
Propertio navalis dicitur lib. IV. Eleg. 1.

Atque ubi navali stant sacra palatia Phæbo.

Athenis autem maxime viis præesse crede-
batur urbanis, intra urbis pomeria. Ma-
crobius lib. I. Sat. cap. 9. ex Nigidio:

Apud Græcos Apollo colitur, qui *ἑρμῆς*

vocatur: ejusque aras ante fores suas cele-

brant, ipsum exitus & introitus demon-

strantes potentem. Idem Apollo apud illos

ἑρμῆς nuncupatur, quasi viis præposi-

tus urbanis. Illi enim vias, quæ intra po-

meria sunt, *ἄρτια* appellant. Porphyrio,

Horatii Scholiastes, ad lib. IV. Od. 6. vf.

28. *Agriae Atheniensi lingua vici dicuntur,*

Varro ait, quod ex responso sui oraculi, in

viis publicis urbis suæ, Athenienses statutis

altaribus sacrificare Apollini instituerunt

& Agrieum appellavere. Alius Cruquii

Scholiasfes ibid. *Villane Apollo*, quod in villis & vicis ejus *statuae* erant. Pulchre Aristophanes in *Vespis* vers. 870. ad Apollinem *Pythium*:

ὦ δισποτ' ἀνὰ, γῶτον Ἀγυῖν δ' μὲ προδόνει πρὸς
πύλας

Δίξω τελετὴν κακὴν, ὧ νὰξ, ἢν τῷ πατρὶ καινοτο-
μῶμεν.

O *Rex here*, vicine & *Agyeu*, pro foribus vestibuli hujus

Accipe haec nova sacra meo nunc *instaurata* parenti.

Hinc Plauto *lux* in *Bacchid.* Act. 11. sc. 1. ubi *Chrysalus* in patriam *redux*, pro itu & reditu gratias agit Apollini *Agyeo*:

Herilis patria salve! quam ego biennio
Postquam hinc in Ephesum abii, conspicio
lubens.

Saluto te, vicine *Apollo*, qui *adibus*
Propinquis nostris *accolis*, & *veneror.*

Vicinus Apollo, quia ante fores vicini constitutus, unde *Thyræus* dictus. Tertulianus de idololatria cap. XV. *Etiā apud Græcos Apollinem Thyraum*, & *Antelios damonas*, ostiorum praesides legimus. Προπύλαιον vocavit Aristides hymno ad *Minervam*, & προσατήριον *Sophocles Electra* vers. 639. ὅτι πρὸ τῶν θυρῶν ἵδνται, quoniam ante fores constituitur. Inde & *Prostans* nuncupatur in saxo vetere, ex emendatione *Gudii* apud

apud Gruterum pag. 38. n. 8. APOLLI-
NI. PROSTANTI. In vestibulis namque
ædium, in vicis & angiportibus aræ & co-
lumnæ obeliscatæ in ejus honorem erant
collocatæ, quod jam binis locis supra pag.
23. & 39. variorum testimoniis probatum
dedimus; quibus nunc accedat Hesychius:

Ἀγυιεὺς ὁ πρὸ τῶν πυλῶν ἱεὺς βωμὸς ἐν χήματι κίωνος.
Eustathius ad Iliad. B. pag. 166. Ἀγυιεὺς,
χῆμα ἱεὺς Ἀπόλλωνος πρὸ πυλῶν ἱεὺς, λέγων εἰς εἶν.

Perperam Seldenus ex his colligit, Apol-
linis statuam fuisse lapidem, bali circulari,
in conum desinentem: neque enim Apollo
tali forma cultus, sed aræ & columnæ ei
sacræ fuisse dicuntur. Suidas. Agyieum,
cono similem turbinatam columnam inter-
pretatur, Apollini sacram, quæ antefores
aularum statui solet; laudato simul Sô-
phoclis fragmento quodam fabulæ Laocon-
tis, ubi Athenienlium ritus ad Trojam
refert:

Λάμπει δ' ἀγυιεὺς βωμὸς, ἀτμίζων πυλῆι,

Σμυρνης σαλαγμῆις, βαρβάρους ἱερομίαις.

Meminit quoque harum ararum Helladius
in Chrestomathia circa finem, sed perpe-
ram Loxiæ Apollini adscribit: *Loxiam*,
inquit, *adorabant, quem pro foribus sin-*
guli ponebant. Præterea aram ibi rotun-
dam collocabant, & myrteis coronabant,
cui prætereuntes adstabant; aram autem

II 5

il.

*illam ἀγυιάς νοξίαν vocarunt, hoc dei nomen
aræ tribuentes. At νοξία ἀγυιάς apud He-
fiodum significat, diis sacrificare. De iuf-
dem denique aris fidem facit Plautus Mer-
cat. Actus IV. sc. 1. ita Dorippam loquen-
tem introducens:*

*Qui hanc vicini nostræ aram augeam, Syra-
SY. Da sane hanc virgam lauri. DO.
abi tu intro. SY. eo.*

*DO. Apollo, quæso te, ut des pacem pro-
pitius,*

Salutem & sanitatem nostræ familie.

*Columnæ illæ autem obeliscatæ erant, quia
Apollini i. e. Soli sacræ: hujus enim simu-
lacrum, quod Phœnices Elagabalum vo-
cant, eandem figuram, velut Solis radi-
um, repræsentabat, auctore Herodiano
lib. V. cap. 3. Ἄλδος τις ἐστὶ μέγιστος, κατὰθεν πε-
ριφερὴς, λήγων εἰς ὀξύτητα. Κανονίδες αὐτῷ σχῆμα,
μίλαινά τε ἡ χροιά, διοπετῆτε αὐτὸν εἶναι σημειολογῶσι.
Lapis est maximus, ab imo rotundus, ex
sensim fastigiatus, propemodum ad conū fi-
guram. Niger lapidi color, quem etiam
jactant cœlitus decidisse. Plinius lib. XXXVI.
cap. 8. obeliscos Solis numini consecratos.
Ex lapidibus vero factæ columellæ, non
tantum ob durationem, sed quod ignem
Solarem è silice excussum sibi persuade-
rent. Ita apud Justinum Martyrem in Di-
álogo cum Triphile pag. 296. illi qui
Mi-*

Mithræ initia tradunt, è petra eum natum memorant. Commodianus instruct. 13.

*Inviçtus de petra natus, si deus habetur
Nunc ergo retro vos de istis date priorem,
Vicit petra deum, quærendus est petræ
creator.*

Illud denique hic non prætereundum est, quod licet plurimi soli Apollini Ἀγυίας consecratos memorent, Comici tamen Scholiastes, &, qui eum exscripserunt, Harpocraton & Suidas in ἀγυίας, alios existimare scribant, columellas istas, vel soli Baccho, vel simul Baccho & Apollini fuisse dedicatas. Verba prioris in Vespas, vers. 870. sunt ista: ἰδίους δὲ φάσιν τὰς ἀγυίας εἶναι Ἀπόλλωνος, οἱ δὲ Διονύσου, οἱ δ' αὖθις. Id vero recte sese habet. Bacchus enim continuis itineribus totum terrarum orbem peragrat, quæ Nonnus Panoplita descripsit; ideoque à mercatoribus pro deo viali habitus, ejusque columnæ & imagines ad exitum januarum, qua itur in viam publicam, politæ fuerunt, ipseque περιπόρος dictus. Apud Arabas vero Δευδάσσης nominabatur, teste Hesychio, Suida & Tertulliano, quod simulacrum ejus lapideum, quadratum, nullam figuram habens, aureæ basi impositum colebatur. Confer Boissardum A. R. Tom. III. fig. 143. Ægyptiorum ritu taurinis cornibus fingebatur, & ταῦρος dictus fuit

Ly-

Lycophroni vs. 209. aliisque Poëtis, etiam tauriformi habitu apud Cyzicenos cultus. Porphyr. de abstinent. lib. III. §. 16. *Græci Bacchi simulachro tauri cornua affixerunt.* Sive quod primus boves sub jugum misit; sive quod Ammonis credebatur filius, qui taurorum cornibus insignis; sive quod poculorum vice iis utebatur; sive deinceps quod vinolentia proterviam parit. *Cornua Libero patri trihuuntur, eo quod homines nimio vino truces fiunt*, ait Festus; & Poëta Sulmonensis lib. I. Art. amat. 239.

Tunc pauper cornua sumit.

Liber autem & Phœbus idem antiquis Deus, idem qui Sol & Apollo; uti ex Eumolpi carminibus Bacchicis refert Diodorus Siculus lib. I. & ex Aristotelis Theologumenis Macrobius lib. I. Sat. cap. 18. Ægyptii ipsum luminis inventorem credebant, & cum face accensa in manu representabant. Græcis *καυστήρ*, Ovidio *ignigena* vocatur, non solum quod a fulminata Semele sit genitus; aut propter igneam vini naturam, sed quod sit ipse Apollo; quæ de re Petrus Seguinus, in select. numism. n. 28. videatur. Optime Julianus Cæsar in orat. IV. quæ est de Solis laudibus: *Ita Sol Jovis vim electricam continet, Apollinis eandem intelligendi simplicitatem, substantiæ stabilitatem & actionem*, Bacchi

vero multiplicabilem. & divinam efficien-
tiam. Ita ut hæc & alia Deorum nomina
in singularem & primariam unitatem Sol
componens, omnia perficiat, fecundet &
alat. Arnobius lib. III. p. m. 119. Nam si
verum est, Solem eundem Liberum esse,
eundemque Apollinem, sequitur, ut in rerum
natura, neque Apollo sit aliquis, neque Li-
ber. Ad Solem enim omnes dii relati,
uti Ill. Cuperus, in Harpocrate, pag. 87.
& seqq. ostendit. Hinc in aliis lapidibus
SOLI INVICTO MITHRÆ, in aliis IOVI SOLI
INVICTO SARAPIDY, in aliis vero APOLLINI
INVICTO MITHRÆ legitur; apud Grut.
pag. 22. n. 9. 10. 11. & Gudium pag. 23.
& 24. quibus Montefauconius jungatur tom.
II. Antiq. tab. 121. 122. & Reines. ad cl.
1. n. 236. qui solem *invictum*, ex Homero
& Heliado dici monstravit. Servius ad
lib. VI. Æneid. v. 78. *Idem*, ait, *est A-*
pollo, qui Liber pater, qui Sol. Unde
Lucanus lib. V. Phari. v. 73.
Mons Phæbo Bromioque sacer, cui numine
mixto.

Delphica Thebana referant Trieterica
Bacchæ.

Nunc etiam patet, cur Janus in numero
Deorum vialium, & *rector viarum* lau-
detur, apud Macrobiū lib. I. Sat. c. 9.
Nigidius enim Figulus pronunciavit: *A-*
pol-

pollinem esse Janum : Dianamque Janam.
 Et Janum Solem esse Aleander in tab.
Heliaca & Vossius lib. II. de idolol. c. 14.
 pluribus monstrarunt. Unde *biceps* finge-
 batur, quia Sol Orientem respicit & Oc-
 cidentem. In foro Nervæ quoque fuit sta-
 tua & ædes Jani *Quadrifrontis*, qui hastam
 manu tenens in numismate Hadriani cer-
 nitur, quo itinera ejus ad remotissimas
 imperii regiones denotari, D. Boze, in
 erudita de Jano dissertatione existimavit.
 Quinimo sicut Michras apud Montfaucon:
diar. Ital. c. 14. manu clavem gerit, ita Ja-
 nus dextra baculum, clavem sinistra tenet,
 quasi *ὄψαιτο θεός*, & omnium portarum cu-
 stos, qui *viam pandere Deorum ad audien-*
tiam credebatur, ait Arnob. lib. III. Ovid.
 lib. I. Fast. vf. 99:

Ille tenens dextra baculum, clavemque si-
nistra,

Edidit hos nobis ore priore sonos.

Fortè etiam Janus quadrivius est deus qua-
 driviorum; vid. Gruter pag. 84 n. 5: et si
 sæpius significet transitiones pervias & for-
 nices, in modum crucis politos, in quibus
 sedebant mercatores, ab imbribus & inju-
 riis tuti. Hujusmodi Janos Quadrifrontes
 sex & triginta Victor in descript. urbis
 Romæ celebravit, vid. Casaubon. ad Sueton.
 lib. II. c. 31. & Cuper. monum. antiq. pag.
 208.

208. A Jano etiam fores ædium *januæ*, & ipse Janus, quasi *Eanus*, ab eundo dictus, auctore Tullio lib. II. de nat. Deor. cap. 27. quem ridet Cornificius apud Macrobi. d. I. sed Servius ad lib. VII. *Æneid.* v. 610. similiter alios sentire refert: *Quidam Janum Eanum dicunt, ab eundo.*

CAPUT VIII.

DE DIANA, HECATE, VENERE ET ISIDE.

Diana, dea Luna, νυκτιλαμπής, φασγάνη, *Lucifera* & *Lucina*. . *Deus Lunus in Oriente a Græcis* μήν *vocatus. Luna, ad Isidis similitudinem, cum taurinis cornibus. Fuit viarum dea, clavigera, cujus symbolum pedes. Ideo Sospita, Redux, Enodia, Hegemone, Trivia & Trioditis appellatur. Columna Herodis Attici illustrata. Eadem est Hecate, cujus simulacra ante ædium Januas, sed plura in triviis, compitis & silvis. Hecates triformis, triplicis & tergemina tria corpora ex uno trunco. Athenagora lectio firmata. Holstenii, Cuperi, Spanbemii & Seguini sententiæ excussæ. Canes quare Diana sacri, eique immolari. Hecates cæna, cur in triviis tempore novilunii posita, & a pauperibus consumpta.*
He-

Hecate denique portuum inspectrix; à qua Venus & Isis, navigantium dea; physice non differunt.

VEnimus ad Apollinis sororem Dianam, sive Lunam, quæ, tanquam vicaria Solis, idem viatoribus officium noctu præstat, quod Sol de die; ideoquæ modo cum una, modo cum duabus facibus accensis, in multis Græcorum & Romanorum nummis armata cernitur. Græcis inde appellatur Νυκτιλαμπή; apud Dionys. Halicarn. de colloc. verb. in fin. θεὰ σελασφόρη, apud Pausan. Attic. f. 39. φασφόρη apud Athenæum lib. VII. p. 325. φασφόρη, apud Callimachum in Dianam v. 204. ἀμφίπυρ apud Sophoclem Trachin. v. 218. Ab eadem ratione Plautus in Curcul. Act. I. sc. 3. vs. 40. Venerem Noctuvigilam; Varro, lib. 4. de LL. Luna, quod sola lucet noctu, dicta Noctiluca in Palatio. Horatius lucidum cœli decus; carm. sæc. vs. 2. & rite crescentem face noctilucam; lib. IV. Od. 6. Tertullianus lib. II. ad nat. c. 11. Candeliferam; Capella lib. II. de nupt. Philol. Luceſiam, & Servius ad lib. II. Aeneid. vs. 116. Luciferam appellarunt. v. Reines. ad cl. I. Inscript. 57. & Spanhem. ad Callimachum pag. 132. In nummis aliquot Faustinae et Juliae Piaë DIANAË LUCIF.

et LUNAE LUCIFERAE nomine signatur; quorum explicationem vide apud Begerum p. II. 683. & III. 160. In inscriptionibus apud Gruterum, pag. 41. DIANA. LVCIF. LUNAE, & DIANA. LVCINAE. INVICTAE. Apud Gudium pag. 30. n. 7. & 8. NOCTILUCAE DIANA. & DIANA. LUCIFERAE vota fiunt aut solvuntur. Luna ergo a *lucendo* nominata, vel potius a *Λύκος*, quod idem valet ac *λύμακρον*, eademque est Lucina; *Itaque ut apud Græcos Dianam; eamque luciferam, sic apud nostros Junonem Lucinam invocant*, inquit Cicero lib. II. de N. D. c. 27.

Scribit Macrobius lib. III. Sat. c. 8. Lunam & feminam & marem habitam fuisse; eique sacrificium facere viros cum veste muliebri, mulieres cum virili, *quod eadem mas aestimetur & femina*. Spartianus quoque refert, in vita Caracallæ cap. 6. cum Luni dei gratia Carras venisse, die natali suo, & cap. 7. joco addit, illos, qui Lunam marem crediderint, uxoribus dominari, at qui Lunam femineo nomine ac sexu nuncupent, eos mulieribus addictos semper servire, & *quavis Græci vel Egyptii eo genere, quo feminam hominem, etiam Lunam deam dicant, mystice tamen deum dicunt*. Sane in Oriente Luni dei cultus

fre.

frequens erat, & Græce μήν vocabatur.
 Hinc Μηνὸς καὶ μήν, Menis, Phrygiæ pagus,
 in quo Luni templum, apud Athenæum lib.
 2. c. 5. memoratur. In nummis quoque
 multarum Lydiæ & Pisidiæ urbium idem
 deus Lunus occurrit, cum inscriptione
 ΜΗΝΑΣΚΗΝΟΣ, tiara Phrygia hastaque mu-
 nitus, apud Rev. Montefauconium supplem.
 Antiq. t. 1. lib. 6. c. 3. & Clariss. Liebe, in
 Gotha numaria c. 4. §. 9. pag. 120. 121.
 Græci vero & Romani, cum Ægyptiis, Lu-
 nam deam colebant, cujus eadem, quæ
 Apidis in dextro latere, & Ilidis in capite,
 Lunæ scilicet bicornis simulacra, ut no-
 tat Plutarchus de Iside pag. 372. & ex Isi-
 dis imagine, apud Cuperum in Harpocr. pag.
 109. cernere licet. Quemadmodum ergo
 Ovidius huic *lunaria cornua* tribuit, ita
 Diana *παρθένος* *παρθένος* *virgo* cum bovinis cor-
 nibus, apud Eustathium ad Periegetem p.
 19. & *siderum regina bicornis* ab Horatio
 in *carm. sæc.* vocatur. Curru etiam biju-
 gibus tauris juncto vehens cernitur in De-
 liorum nummo, apud Goltzium Tab. Inf.
 18. & tauro vecta, velut deductæ Miletum
 ab Atheniensibus coloniae dux, visitur in
 nummo insulæ Icariae, apud Harduinum, de
 Num. antiq. Unde à tauris hæc Dea non
 ταυρικὴ solum, sed & ταυροπόληος, ejusque tem-
 plum in ea insula ταυροπόλιν dictum, prout
 cru-

erudite ex Sophoclis Ajac. v. 172. Euripid. Iphigen. v. 1450. & Strabonis lib. XIV. monuit Illustris Spanhemius, in Hymnum Callimachi in Dianam.

Viarum certe præsidem eam fore Jupiter auguratur, in laudato Callimachi hymno, vers. 39.

Ἐσθ' ἡ ληϊνίστιν ἐπίσιον.

Erisque

Et præfesta viis & portubus.

Festus: Juvenalia fingeantur Dianæ simulacra, quia ea ætas fortis est ad tolerandam viam. Diana enim viarum putabatur Dea. B. Augustinus lib. VII. de C. D. cap. 16. Dianam similiter Lunam & viarum præsidem: unde & virginem volunt, quia via nihil pariat. Nomen habet ab eundo; & quemadmodum Apollo dicebatur Janus, sic et Diana quasi Diva Jana; κατὰ συγχωρησιν, auctore Macrobio lib. I. cap. 9. Deinde sicut Janum supra clavigerum vidimus, sic Orpheus & Euripides in Iphigenia in Tauris vs. 132. Dianam κληδόνιον vocant, uti Cl. Wesselingius lib. I. Obs. c. 3. contra Barnesium erudite disputavit. Porro sicuti ceteris Diis suæ simulacræ et symbola adlingebant, Jovi fulmen, Cereri spicas, Veneri pomum, Marti ensen, Minervæ aures, Mercurio linguam, Palladi

hastam, thyrsum Baccho, Apollini fagittam, Herculi clavam, ita Dianæ appingebant pedes, quod viarum dux et præses esset. Adhæc venationi præerat alte fucincta, montium custos nemorumque domina, unde his quibus per invios saltus iter faciendum, utilis habebatur. Hinc Probus, in Bucol. Virgilio, ex Varrone refert: *Antiquos agrestes, venandi peritos, cum plurimum in sylvis agerent, quod velut Diana duce ad investigandas feras paterent, Devianam appellasse Deam, mox Dianam.* Dicebatur et *ἄγελια*, velut rura silvasque colens, aut, ut alii, ruri culta, apud Xenophont. lib. IV. Hist. Græc. Maro lib. IX. *Æneid.* vers. 403.

Suspiciens altam Lunam & sic voce præcatur:

Tu, Dea, tu præsens nostro succurre labori,

Astrorum decus, & nemorum Latonia custos.

Seneca in Hippolyto v. 406.

- - - *Sola quæ montes colis,*

Et una solis montibus coleris Dea.

Atque ita facile apparet ratio, quare Diana, inter infinita cognomena alia, quibus ab Ethnicis Theologis *πολυώνυμος* est honorata, dicatur *Sotera*, *Sospitatrix*, *Servatrix* et *Sospita*; vel cur aras ejus,

lu-

lucos et statuas in veterum monumentis reperire liceat tam multas; cui et Theseus à Cræta redux templum dedicavit, quo documentum daret, se divina ejus providentia labyrinthi difficultates superasse, auctore Pausania in Corinth. DIVAE DEANAE SERVATRICI, in lapide Romano legitur, apud Gudium pag. 31. n. 7. DIANAE REDUCI est in nummo Postumipatris, apud Smetium in Antiq. Neom. p. m. 241. Nec aliam ob causam vocatur *Enodia*, licet Stephanus in *τρίπιδας*, cum Theocriti Scholiaste, ita appellari eam existimet, quod ab Inacho in via reperta et nutrita fuerit. Herodes Atticus, vir doctus et antiquitatis amans, Trajani temporibus, inter alias inscriptiones, in villa Triopia positas, in una, Ionicis literis, Enodiam hanc viarum prælidem, ad lapidem tertium, in via Appia, adversus eos in testimonium vocavit, qui statuas Cereri, Proserpinæ et diis Manibus dicatas, loco moverint: ΜΑΡΤΥΣ ΔΑΙΜΟΝ ΕΝΗΘΙΑ, id est *μαρτυρὴ Δαίμων Ἐνὸδία* apud Gruter. pag. 27. et Montfaucon. Palæogr. lib. 2. pag. 141. Curiosas hæc columnas Salmasius olim explicavit, quæ vel ob antiquissimam scripturam et eruditionem auctoris sui maximi sunt faciendæ. Eidem Enodiæ, quæ in via posita aut amissa essent, consecrat Plato lib.

XI de LL. Νομίζον φυλάττειν ἐσθλὰν δαίμονα τὰ
 ταῦτα. *Existimantes Deam itinerariam ta-*
lia custodire. Phurnutus de nat. Deor. cap.
 XXXIV. Ἐσθλὰ δὲ ἔστιν οὐ δι' ἀλλοῦ τι ἢ διότι τῆς
 Ἀπόλλων Ἀγριεύς. Etiam sub ἡγεμονῆς, *Ducis vi-*
arum nomine templum habuit apud Arcā-
 das; cum prope Acacesion, tum apud Te-
 geatas, Pausanias lib. VIII. cap. 36. Apud
 Ambraciotas item, in templum Dianæ He-
 gemones confugit Deidamia, teste Polyæno
 stratag. lib. VIII. c. 52. & apud Athenien-
 ses quoque ἡγεμόνη Diana culta; ejus au-
 spiciis deductam à Neleō Miletum colo-
 niam, hanc Præsidem suam eo nomine ad-
 scivisse, fufius ex Callimacho in Dianam v.
 227. & ex Polluce lib. VII. 9. ostendit
 Spanhemius ad Aristophanis Plutum vers.
 1160.

A triviis, quibus præsidebat, dicta est
 TRIVIA. Hinc Flaminius Priscus, cura-
 tor & magister TRIVII VICI Aurelii,
 apud Gudium pag. 26 n. 6. TRIVIAE,
 DIANAE, IVNONI, PROSERPINAE,
 INVICT. SACRUM. fecit. Rursus apud
 Holstenium in adnotat. ad Cluverii Ital.
 antiq. pag. 1179 & eundem Gud. pag. 26,
 n. 7. est DIANAE TIFATINAE TRI-
 VIAE; sic enim legendum esse, Viri Cl.
 Koolius & Hesselius, in notis ad Gudii
 corpus docuerunt. Diana quoque *Titans*
Tri-

Trivia apud Ennium vocatur, quod eam Latona Titani filia genuit. Varro lib. VI. de LL. *Titanis Trivia, Diana est, ab eo dicta Trivia, quod in trivio ponitur fere in oppidis Græcis: vel quod luna dicitur esse, quæ in cælo tribus viis movetur.* Ita quod Plinius *nemus Dianæ* vocat lib. XXXV. c. 7. id Silius lib. VIII. *Trivia nemus* appellavit. Catullus in carm. Sæc. ad Dianam 35.

*Tu potens Trivia, & notho es
Dicta lumine Luna.*

Ovid. lib. IV. Trist. Eleg. 4. vs. 73. *cruentæ, &* lib. III. ex Ponto epist. 2. vs. 71. *immitis Triviae* aræ meminit; & erat quondam templum apud Achæos Dianæ Triclaræ dedicatum, in quo quotannis virgo & puer, forma præstantiores immolabantur, ob causam a Pausania lib. VII. c. 19. expositam. Prudentius lib. I. in Symm. v. 365.

Denique quum Luna est, sublastris splendet amictu:

Quum succincta jacet calamos, Latonia virgo est,

Quum subnixæ sedet solio, Plutonia conjux

*Imperitat Furiis, & dictat jura Megææ.
Si verum quæris, Triviae sub nomine demon*

Tartareus colitur.

Eadem ratione a Græcis passim vocatur
 θεὸς ἐν τριόδῳ, & Τριодίτις. Phurnutus de na-
 tura Deorum cap. 34. Ἐν τριόδῳ δ' ἡδὴ & Τριодίτις
 ἐπεκλήθη, & τῇ τριόδῳ ἐπὶ πόλιν ἐνομήσθη, δις τὸ τριχῶς
 μεταβάλλειν. *Hinc etiam Diana Trivia cognominata est, putaturque viarum esse præses, quod ternam accipiat mutationem.*

Nec differt à Diva nostra Hecate triformis, quæ idem nocturnum fidus, Lunam scilicet designat, ut ΕΚΑΤΗ diurnum, Apollo pollinem, scilicet, quem Simonides, Poëta Lyricus, magnæ laudis loco, ΕΚΑΤΗ appellavit, auctore Juliano Imp. epist. 24. Sic Triviæ religionem, quam in Stratoniceus civitate cultam ait Tacitus; Hecate adscribit Strabo lib. XIV. & ululatus nocturnos, à matronis, vel ut Turneb. ait, lib. 15. Adv. c. 8. à veneficis in honorem Dianæ factos, Virgilius Hecate sacros facit IV. Æneid. vs. 609.

Nocturnisque Hecate triviis ululata per urbes.

Eadem quoque διπλὴς ἀνέχουσα λαμπάδας, *duplices tegens faces*, apud Aristophan. Ran. vs. 1406. describitur, & δαδῶχος nominatur apud Lycophron. Alex. vs. 710. Ἐν οδῶν vocat Artemidorus II. c. 42. & Sophocles Antig. vers. 1213. ubi Scholiastes: Ἐν οδῶν θεόν, τὴν ΕΚΑΤΗΝ, ἢ τὴν Περσεφόνην. & Demetrius Triclinius ibidem: Ἐν οδῶν δὲ τὴν Περσεφόνην λέγουσιν, τὴν

την ἐκ τῶν τριῶν παρευομένην. ἡ αὐτὴ γὰρ ἐστὶ τῇ Ἑκάτῃ.
*Enodiam vero dicit Proserpinam, quæ in
 triviis versatur: nam hæc ipsa est Hecate.*
 Meursius lib. I. Miscell. Lacon. c. 2 ean-
 dem Deam Lacedæmonius asserit ex Athe-
 nagoræ legat. pro Christian. initio: ἀκαδε-
 μόνι ἀγαμέμνονα διὰ, ἢ φυλοσόν, ἢ τὴν Ἑνοδίαν:
 At Suffridus Petrus mavult ὁδίαν, compita-
 lem Proserpinam, sicut Mercurius ὁδίου δι-
 ctus est, viarum præses. Optime vero
 Gesnerus & Dechairius τίνην ὁ Τενέδιος, ex
 Ciceronis lib. III. de Nat. deor. ibi legen-
 dum esse ostenderunt, ut nihil ille locus
 ad viales deos facere videatur.

Hecaten porro Θεὸν ἐν τριόδῳ appellat The-
 ocritus Idyll. 8. vers. 36. quia uti Scholi-
 asta ibi addit, in viis urbanis ante fores
 colebatur: ἰδρύοντο, inquit, δι' Ἑκάτην. ἢ περὶ
 τῶν θυῶν, ὡς φησὶ Αἰσχύλος,
 Δίεσκον Ἑκάτη, τῶ βασιλῆων.

Πρόδομος μελάθρον.

Idque firmat Hesychius: περὶ πύλαια, ἡ Ἑκάτη.
 Ab eodem Aeschilo Sept. Theb. v. 455.
 περυσιαί: περυσιδίῳ apud Sextum Empiri-
 cum adv. Mathem. p. 340. & περυσιαί
 apud Lycophronem appellatur. Aristo-
 phanes in Vespis vers. 798.

Καὶ τοῖς περὶ θύραις αἰτοικοδομῶσι πᾶς αἰτῆς,

Ἀπὸ τῆς δικαστηρίου μικρὸν πᾶν,

ὥστε Ἑκάτων πάλαιχ' περὶ τῶν θυῶν.

I 5

Et

*Et unus ante quisque caufidicum fores
Strueret tribunal oppido paruum, velat
Hecatæum ubique delubrum ad fores
solent.*

Frequentius autem Hecate extra urbes,
ruri, in silvis, compitis & triviis culta,
& sicut Diana à triviis Trivia, ita ex
τερόθεν, τερόθεν dicta est. Athenæus lib. VII.

Δίσπειν ἑκάτη τερόθεν, τεμορφε, τεπρόσωπι. Do-
mina *Hecate*, *Trivia*, *triformis*, *triplici
facie*. Causa nominis est, quia τὴν ἑκάτῳ
ἐν τοῖς τερόδεσσι ἐτίμων τοπαλαίων, διὰ τὸ τὴν αὐτὴν Σε-
λήνῳ, ἢ Ἀρτίμιδα, ἢ ἑκάτῳ καλεῖσθαι. *Hecaten
antiquitus coluere in triviis: propterea quod
eandem & Lunam & Dianam, & Heca-
ten vocarent*, ait Aristophanis Scholiastes
in Plutum Act. II. sc. 5. Hec loca umbro-
sa, luci & nemora, cum aris & facellis,
Dianæ Hecatæ erant consecrata; ut supra
pag. 31. multorum testimoniis confirmavi-
mus. *Trivia* lucos, lucosque *Dianæ* gene-
raliter memorat Virgilius: quos apud E-
phesios, Epidaurios & Aricinos signat
ὁ πᾶν ad Callim. pag. 156. *Ariciam* silvam
Martialis lib. IX. ep. 65. *Trivia nemorosa
regna vocat*, & *Lucanus* lib. III. vl. 86.

*Qua sublime nemus, Scythica qua regna
Dianæ,*

*Quaque iter est Latiis ad summam fascibus
Albam.*

In

In triviis etiam simulacrum ejus trifor-
me statuebatur, trinis capitibus & multis
manibus horrificum: vel ob triplicem, qua
pollet, nascendi, valendi & moriendi po-
testatem: vel quia supra terram est Luna,
in terris Diana, sub terris Proserpina: vel
ob varias, quas Luna induit, figuras; vel
denique quod omnium prope deorum po-
testas triplici signo ostenditur; ut Jovis
trifidum fulmen, Neptuni tridens, Pluto-
nis canis triceps, quoniam *Numero Deus
impare gaudet*, ait Poëta Ecl. 8. vs. 75.
Atque ita Servius ad Ecl. V. vs. 66. ex Por-
phyrio docet, *Apollinis triplicem esse po-
testatem, & eundem esse Solem apud supe-
ros; Liberum patrem in terris; Apollinem
apud inferos*. Præ ceteris autem deastris
tergemia Diana laudatur, ob triviorum cu-
ram, cui etiam *τρίγλη* sacra fuit, ut Voss.
in syllog. Epist. Matthæi p. 102. ostendit.
Inde *τρίμορφος* apud Chariclidam, in lauda-
to loco Athenæi; *Hecate triformis* à Sene-
ca in Hippolyto, & TRIPLEX DIANA,
in epigrammate aræ veteris, apud Grute-
rum pag. 28. n. 6. nuncupatur. Ovid. lib. I.
Fast. vs. 387.

*Qua semel est triplici pro virgine casa
Diane,*

*Nunc quoque, pro nulla virgine, cer-
va cadit.*

Idem

Idem Heroid. epist. XII. vs. 79.

*Per triplicis vultus arcanaque sacra
Dianæ,*

Et si forte alios gens habet ista deos.

Quæ autem Deæ hujus tergeminae fuerit forma, de eo non convenit inter eruditos. Lucas Holstenius, vir doctissimus, in explicatione picturæ veteris Nymphæum referentis, tria diversa ejus fuisse corpora existimat, proindeque Deorum trigam, uno ibi facello dedicatam, Hecaten triformem interpretatur. At hujus sententia repugnat statuis, nummis & infinitis Veterum locis, qui Dianam nunquam trigeminam, aut tregeminam, ut in l. 3. D. si pars berpet. sed ter geminam vocant, id est triplicem & triformem. Sic Lucretius *tergeminis* Gryonai, & Catullus de Cerbero, cui tres sunt linguæ *tergeminumque caput*. Adde Cl. Dukeri, collegæ nostri, notas ad Florum lib. I. c. 3. Rectius ergo Vir multarum atque adeo reconditarum litterarum notitia Illustris, Gisbertus Cuperus, in Monum. antiq. p. 206. unum tantum corpus, cui tria capita fuerint imposita, ei assignat; partim quia ab Orpheo, in Argonauticis *τρισκέφαλον* appellatur, & Artemidorus lib. II. cap. 47. *ἑκάτω τριπρόσωπον*, super basi stantem, peregrinationes indicare scribit, partim etiam quod Virgilius IV. Æneid. vers. 511.

Ter-

*Tergeminamque Hecaten, tria virginis
ora Dianæ.*

Et Ovidius lib. I. Fast. vf. 141.

*Ora vides Hecates in tres vergentia partes,
Servet ut in ternas compita secta vias.*

Plenius autem sic dicendum videtur. Tria Hecatæ fuisse corpora, non diversa tamen, sed ex uno trunco formata, quibus singulis suum caput, à ceteris separatum. Huc enim primo epitheta ista nos ducunt: *Diua triformis*, apud Horat. III. Ode 22. Valer. Flacc. VII. vf. 395. & Silium I. vf. 120. *Tergemina Hecate*, apud Aufonium grypho v. 18. *Ternas Hecate variata figuras*, apud Claudianum de raptu Proserp. lib. I. vf. 15. Idem præterea multæ illæ (puta sex) manus, quibus eam horrificam fuisse, Minucius in Octavio cap. XXI. prodit, indicare videntur. Illustriis porro hanc in rem est locus Pausaniæ in Corinthiacis, pag. m. 72. ubi hæc leguntur verba: Θεῶν ἢ Αἰγινήῃ ἡμῶσιν Ἑκάτῃ μάλιστα, ἢ τελετῇ ἀγχοῖν ἀνὰ πᾶν ἔτ' Ἑκάτης, Ὀρφικά σφίσι τ' Θράκᾳ καταστήσασθαι τ' τελετῇ λέγοντες. τῷ περιβάλλει ἢ ἐντὸς ναὸς ἐστὶ. ξέανον δὲ ἔργον Μύραν, ὁμοίως ἐν πρόσωπόν τε, ἢ τὸ λοιπὸν σῶμα. Ἀλκαμένης ἢ (ἡμοὶ δοκεῖν) πρῶτ' ἀγάλματα Ἑκάτης τρία ἐποίησε προσεχόμενα ἀλλήλοις, ἣν Ἀθηναῖοι καλεῖσιν Ἐπιπυργιδίαν. *Præ ceteris vero Diis in primis Hecaten colunt Æginetæ, cujus initia quotannis celebrant. Initiorum auctorem Thracem*
Ora

*Orpheum perhibent. Maceria templum am-
bitur; in eo ligneum signum factum à My-
rone, cujus unicum os, ut corporis truncus
unicus. Nam primus, uti ego existimo, Al-
camenes Atheniensibus triplex fecit junctis
proxime corporibus Hecates signum, quam
Epipyrgidian Athenienses appellant. Egre-
gie quoque hoc ipsum patet ex Abraheis
figuris, apud Chiffletium n. 56. 57. in qui-
bus unico corpori tria capita & sex brachia
afficta cernuntur. Fabrettus item c. VII.
inscript. pag. 535. lapideam Hecaten ex
museo suo produxit, tergemina manu in-
structam. Optime vero, ad mentem nostram
Rev. Montfauconius tom. I. Antiq. pag. 152.
ex Peirescii gaza, triplicem repræsentat, ita
ut tres figuræ à dorso mutuo jungantur, &
ora exterius exhibeant, cum cane adstante.
Denique sententiam hanc confirmant bini
nummi, in quibus tres figuræ muliebres
exhibentur, obversis tergis junctæ, tribus-
que capitibus impositis, quarum pedibus
canis assistit. Alterum Philippi, Junioris
protulit Petrus Abbas Seguinus, in sele-
ctis suis num. alterum Ezech. Spanhemius
in lib. de Cæs. Imp. Jul. fol. 84. Uterque
eos ad Furias pertinere credidit; sed ad
Hecaten referendos esse, ex aliis ejusdem
generis simulacris, ostendit Michaël Ange-
lus Caussé de la Chaussée, in Deorum simu-
lacr. tab. 13.*

Pro-

Proxime Dianam Triviam fingebantur canes, tanquam assidui ejus in via comites, ut ex laudatis aliisque nummis signisque antiquis videre est in notis ad Callim. pag. 457. & Cuper Monum. antiq. pag. 197. ubi dea, cum cane ludens, Hecate Enodia esse videtur. Origo hujus rei rursus ab Ægyptiis est repetenda; cum enim Isis Osirim quæreretur, canes eam juverunt, quos ideo in festo Isis pompam præcedere, Diodorus lib. 1. & Ælian. lib. v. Hist. anim. c. 45. memorarunt. Similiter Plutarchus, in libro de Iside, tradit, canes Dianæ sacratos esse; qui Idibus Augustis in ejus festo coronabantur. Papinius lib. 3. Silv. l. v. 57.

- - - ipsa coronat

*Emeritos Diana canes, & spicula tergit
Et tutas sunt ire feras: omnisque pudicis
Italia terra focis Hecateas excolit Idus.*

Veri quoque canes, non solæ Furæ, ut Servius non inscite, Turnebo iudice lib. xiiii. advers. c. 12. interpretatur, Hecates sacris aderant. Virgilius VI. Æneid. vs. 25.

- - - visque canes ululare per umbram

Adventante dea

Tibullus lib. I. eleg. 2.

Sola feros Hecate perdomuisse canes.

In ejus sacrificiis canes immolabantur, non tantum in Samothracia, sed apud Græcos quo-

quoque & Romanos; uti ex Livio, Plinio, Luciano aliisque Bochartus docuit lib. II. de animal c. 56. Pausanias lib. III. cap. 14. *ἑνοδίῳ γὰρ, ἢ Κολοφώνιοι μέλαιναν τῇ ἑνοδίῳ σκύλακαί;* *Maſtant etenim & Colophonii dea, quam Enodiam appellant, nigrum catulum.* Ovidius lib. I. *Fastor.* verſ. 389.

Extā canum Triviæ vidi libare Sapeos,

Et quicunque tuas accolit Hecate nives: Hefychius ideo etiam canes vocat. *ἑκατὸς ἀγαλμα, gaudium Hecates.* Plutarchus probl. cap. 51. *Græci Hecate, seu Proſerpinæ canem immolabant pro domi naſcentibus.* Et Lycophron denique, in Alexandra, eandem vocat *κυνόφαγῃ*, canum maſtatricem, verſu 77.

Ζῆυνθον ἀντρον κυνόφαγῆς θεᾶς λιπών.

Zerynthi hiatus virginis canariæ linquens. Ubi interpres canes ei ſacros fuiſſe ſcribit, quod ipſorum latratus incantationes ſolvit & monſtroſas viſiones. At Plutarchus probl. 67. purgationis cauſſa id factum autumat. Quidni & ideo, quod canis amicum viatoribus eſt animal, comes fidelis, cuſtos incorruptus & vindex conſtantiffimus? Narrat Diodorus lib. I. Anubin Deum canina facie repræſentari apud Ægyptios, quod canis Iſidi peregrinanti fuerit corporis cuſtos, dux & ſocius. Et quamvis Plutarchus, in lib. de Iſide & Oſir. ve-

ne-

nerationem illam Aegyptiorum circa canes
admodum deminutam esse, scribat, ex quo
Cambyfes occifum a fe Apim difjici juffit,
& ex omnibus animalibus folus canis ad
carnes ejus edendas accurrit: id tamen ad
quofdam tractus reſtringendum videtur, nam

Hic pifcem fluminis, illic

Oppida tota canem venerantur, nemo Dianam:
Juvenal. Sat. 15. vl. 8. cecinit. Denique
nonne canis, ut viae focius Mercurii Dei
Viaci, in nummorum lapidumque monu-
mentis confpicitur? Ovidius lib. v. Faſtor.
verf. 140. de Lare compitalitio cum cane
ſtante:

Compita grata Deo, compita grata cani.

Ceterum illud jam omnibus notum eſt,
Hecates ſtud ſacrificium perparcam fuiſſe
& impendio frugalem cœnam, quam ditio-
res quique pauperibus diripiendam in tri-
viis ponebant, trigefimo cujuſque menſis
die. Athenæus lib. VII. cap. 21. Demofthe-
nes adverſus Cononem pag. 693. & Pöllux
lib. X. c. 23. ex Sophocle *Ἑκαταίας μεγάδας*
δορῶν, Hecatae magidis cœnam celebravit.
Optime Comici verbis rem omnem decla-
rabimus in Pluto Actus II. Scena V. verſ.

594.

*ὦς τῆς Ἑκάτης ἕξεν τῶτο πῦρόθαι,
εἴτε τὸ πλῆτῆν, εἴτε τὸ πεινῆν βέλτιον. φησὶ γὰρ*
αὐτῇ.

K

τῆς

Τὸς μὲν ἔχοντας ἃ πλατύντας δῶπνον κατὰ μῆνα
περιίμειν.

Τὸς δὲ πίνοντας τῶν ἀνδράπων ἀρπάζειν πρὶν κατα-
θῆναι.

- - *ex Hecate hoc scire licebit,*

*Utrum satius sit ditem, quam inopem vi-
vere. Nam ipsamet, inquit,*

*Opulentos & dites quovis mense sibi i ap-
ponere cœnam.*

*Inopes vero & egenos prius auferre hanc,
quam pœne feratur.*

Ubi Scholiastes multis tradit : antiquitus
cultam in triviis Hecaten, eo quod Luna,
& Diana, & Hecate vocabatur. Quolibet
autem novilunio divites vesperi cœnam,
ut sacrificium, Hecatæ obtulisse, & in tri-
viis collocasse, ubi tum pauperes famelici
accedentes oblata comedebant, dicentes,
Hecaten illa comedisse.

Ceterum in triviis magis, quam in bi-
viis vel quadriiviis, hæc cœna parabatur,
quia Luna tres formas generalissimas osten-
tat, curvatam, dimidiatam & plenam, &
tribus nominibus Lucina, Diana & Heca-
te appellatur. Tempore *novilunii*, quia
hoc Lunæ erat sacrum, quasi Numini men-
sium præsidii; notum enim est menses ad
Lunæ cursum fuisse dimensos. Intelligitur
autem hic tam ultimus mensis dies, quam
primus sequentiis: quia tum vetus Luna de-
finit,

finit, & nova incipit crescere ac reparari. *Pauperes* eam comedebant, quia è vilissimis cibis erat instructa, quos inter placentas vidimus supra pag. 58. ex farina, mellè et oleo confectas. Erant et *sutores* sacerdotum, a fingendis libis ita dicti, hæc verò à *ἑλκω*, scillo, quia pars in ignem sacrificii injecta, diis libabatur. Plane Diogenes apud Lucianum, in dial. Diog. et Polluc. Hecates etenam inter Cynicorum cibos refert, et cum purgamentis conjungit, quæ in lustrationibus ejiciebantur: hæc vero vel calasse nefarium et inauspicatum habebatur. Inde et Petronius cap. 135. de muliercula pauperrima ait: *Digna, sacris Hecates*. Beatiores enim, qui cenam inferabant, ipsi nihil inde gustabant, propter tumultum et fumum, ut prodit Plutarch. Sympof. lib. VII. Atque hæc quidem de Hecates cura itinerum terrestrium sufficiant.

Præsertim vero hinc discedamus, paucis monendum est, Dianam non minus navigationis præsidem et adjutricem fuisse: unde *Ἀρτεμις ἑπαιρώς*, portuum inspeclrix, et *Ἀρτεμις ἐπ' ἑπαιρώς* dici meruit apud Callimach. hymn. in Dian. vl. 39. et 259: ubi notat *ἑπαιρῶν*, tot portuum ac urbium maritimarum nummos, sicut Ephesi, Smyrnæ, Grynæ, Mytilenes, Cyzici, Byzantiæ, Ami-

si; Syracusarum, Messinæ, Neapoleos, Massiliæ, cum sculptis in iisdem Dianæ, tanquam tutelaribus Deæ, iconibus, in pretiosis nummorum cimelarchiis hac propter reperiri. Nec aliam ob causam ^{ἑξήκοντα ὁκεανίδας} *sexaginta Nymphas Oceaninas*, tanquam comites et pedissequas, petiisse dicitur, apud eundem Callimachum v. 13. et v. 230. ^{μείλιον ἀπλοίας} placamentum impeditæ navigationis eidem offertur. Hesiodus Theogonia v. 440.

*Καὶ τοῖς οἱ γλαυκὴν δυσμήφελον ἐργάζονται,
 ἔυχονται δ' ἑκάτῃ, καὶ ἐκτύπω' ἔννοσιγαῖω*

Et his qui cæruleum mare trajetū difficile exercent,

Votaque faciunt Hecate, & valde sonanti Neptuneo.

[Venus porro, siue eadem sit, quæ Luna, auctore Macrobio lib. VIII. cap. 4. siue stella salutaris, à nautis observata, et PELAGIA dicta est, in lapide Reines. cl. 1. n. 93. et apud Artemidorum lib. II. c. 42. qui eam, in somnis visam, navigantibus et peregre ituris bonam esse scribit. ^{φιλομήτεσσι} *navium stationi præfecta* dicitur à Philodemo Anthol. I. c. 31. ep. 5. Gnidii Euploeam vocarunt, à prospera navigatione. Ad ejus quoque simulachrum Herostratus Naucratis, cum tota vectorum turba, fœviente tempestate et navi periclitante con-

confugiens, servatus putabatur, apud Athenæ. lib. XV. c. 6. *Marinam Venerem* celebrat Horatius, alii *Pontiam* appellant, quod ortum habet ex spuma maris, et sustentata à Tritonibus in cochleâ; cujus fabulæ pompam et magnificentiam Rev. Montfauconius representavit tom. I. Antiq. pag. 166. Huc etiam referri debet, quod supra pag. 68. jam attulimus ex Varonis secundo rerum divin: *Ex quo de Troja est egressus Aneas, Veneris eum per diem quotidie stellam vidisse, donec ad agrum Laurentium veniret, in quo eam non vidit ulterius.* Unde apud Virgilium lib. I. *Æneid.* vs. 381. hanc matrem suam ducem laudat Aneas:

*Bis denis Phrygium conscendi navibus
aquor,*

Matre dea monstrante viam.

Et lib. II. vs. 801.

Jamque jugis surgebat Lucifer Ida,

Ducebatque diem.

Isidis denique numen navigantibus maxime salutare habebatur, non tantum apud Ægyptios, sed et Græcos atque Romanos. Erat illa ipsa Natura mater, quæ rerum omnium generationem et conservationem in se continet. Ego sum omne quod fuit, est & erit, templo ejus inscriptum fuisse memorat Plutarchus de Iside. Apud Græ-

cos Megarenſes, Pauſanias in Atticis Iſidis ædem memorat, et in Corinthiacis pag. 48. propter inventam navigationem, eam Pelagiæ nomine honoratam tradit. Nam prope Acrocorinthum εἰν, inquit, ἰσίδος τεμένη ὡν τῇ μὲν Πελαγίαν τὴν δὲ Αἰγυπτίαν αὐτὰς ἐπωνομάζουσιν, sunt *Iſidis ſana, alterum Pelagiæ, alterum vero Ægyptiæ cognomento.* Quantus apud Romanos ejus fuerit cultus, vel ſolæ ſtatuae coloffiæ evincunt, quas Montſauconius tom. II. Antiq. & diligentius atque elegantius tom. II. ſupplem. lib. 6. c. I, exhibuit. Licet enim Piſo & Gabinius Conſules, A. V. c. 696. ſacra ejus Urbe eieciſſent, mox tamen vicit ſententia, ut publice coleretur, auctore Dione lib. 40. & 54. idque præter multitudinem templorum & cultorum, de quibus ſupra dixi pag. 99. vel hoc unum evincit, quod quotannis menſe Martio, navigium *Iſidi* dicari, onuſtumque muneribus ſargis pelago committi ſolebat. Lactantius lib. I. c. 11. *Certus dies habetur in Faſtis, quo Iſidis navigium celebratur: quæ res docet non traſſiſſe illam, ſed navigaſſe.* In Kalendario enim ruſtico apud Fleetwodum pag. 60. feſtum legitur menſis Martii, quod *Iſidis Navigium* appellatur. Qui mos una cum dea ab Ægyptiis peritus. Auctore enim Fulgentio l. lib. Mythol. *Navigium Iſidis Ægyptus colit.* &

& Lucianus in Navigio testatur, *Ægyptios* naves suas grandiores *Isidis* sæpe nomine appellasse, ejusque effigiem in prora ac pupi effinxisse. Hujus etiam tutelæ commissos fuisse navigantes, idem in dialogis Deorum scribit; sistrumque ejus vim sedandi tempestates habuisse, doctissimus *Tristanus* tom. I. Comment. p. 726. ex hoc *Petrónii* loco evincit, cap. 114. *Tu Encolpi, succurre periclitantibus, id est, vestem illam divinam sistrumque redde navigio*, ubi simul egregio *Commodi* nummo lucem scenerat, in quo *Isis* sistrum sinistra, dextra fasciculum frumenti porrigit *Commodo*, qui navigio pedem impositum habet, quasi promittens tutam navigationem classi *Africanæ*. Inde *Delia* item sacra ejus obit, peregre mari abituro amatore, uti *Turneb.* lib. XVI. Advers. c. 4. *Propertium* recte explicavit lib. I. Eleg. 3. *Valerius* etiam *Flaccus* lib. IV. *Argonaut.* ventorum & maris imperium à *Jove* ei datum multis describit, atque in hoc finit v. 352.

*Juvet nostros nunc ipsa labores,
Immissisque ratem sua per freta prove-
hat Euris.*

CAPUT IX.

DE MERCURIO.

Mercurius Ἡρμῆς, ἱεὺς, ἱεὺς, & ἱεμενός
Græcis, *Latinis* *Viacus*, non autem *Deus*
Vius appellatur, uti *Scaliger* voluit, cu-
 jus emendationes rejiciuntur. *Mercurius*
 pro *Sole* censitus & magna religione a
 plerisque cultus, a *Comiciis* vero convi-
 tiis profectus. *Variae* rationes, cur *via-*
rum cura ipsi propria, & *mari* & *ter-*
ra. Fuit petasatus, deorum internun-
 tius, in *trivii* cultus, ultor injuriarum
 viatoribus illatarum. *Paræmia* ἑρμῆς
 κοινὰ ex *jure Romano*, *Theophrasto*, *Phur-*
nuto, *Seneca* & *Novella Leonis* illustra-
 ta. *Hermæ* in *biviis* & *triviis*, a *Pe-*
lasgis petiti; cur quadrati, sine lacertis,
 & veretro longo. *Iidem* ante januas æ-
 dium privatarum, & ante portas ur-
 bium. In aliis nulla, in aliis una, in
Hipparchicis vero duæ inscriptiones. *Jer.*
XXXI. vs. 21. explicatus. Quid sit ἱεμενός,
 καὶ ἱεμενός, & ἱεμενός τρικέφαλος. *Aceroi*
Mercuriales in *viis* ambiguis accumulati.
Ad hos minus recte referri *Proverb.*
XXV. vs. 8. a Beda, *Vossio* & *Lipso*.
De etymo Mercurii aliorum & nona sen-
 tentia allata. *Mercurius* κεφαλός, ἱεμενός, ne-

*negotiator, mundinator, deus mergimonil,
& dives, cum marsupio.*

Post Apollinem & Dianam in viis
& semitis nobis occurrit Mercu-
rius, Jovis & Majæ filius, gen-
tium universalium deus, qui vias,
non modo urbanas, sed & publicas ac mi-
litares iter facientibus monstrat, indeque
ὁδὸς, *vialis*, seu viam monstrans; ἀπὸ τῆς
ὁδῆς, Græcis dictus est, auctore Hesychio
et Stephano, in ὁδός; nonnunquam etiam
ἰνὸδὸς, in *via sese offerens* vocatur, iisdem
et Phurnuto testibus, cap. XVI. ubi in
Aldina est ἰνὸδὸς, *bonum faustumque iter
parans*. Vocatur et ὁδηγός, ὁδὸς τῆς et ἡγεμόνις
apud Aristophanem in Plut. act. V. sc. I.
vers. 1156. et 1160. Arrianus de venatio-
ne cap. 36. inter alia numina à venatoribus
haud negligenda, ἑρμῆς ἰνὸδὸς ἢ ἡγεμόνις, Mer-
curii viarum ducis præsidisque meminit;
item, Pausania teste, lib. VIII. apud Me-
galopolitanos quadrangula figura colebatur
ἑρμῆς τε ἐπὶ κλέσειν ἀγῶνας, Huc etiam alludit
Maximus Tyrius disert. IX. init. ἡγεμόνας
παροικαλίσσαντες τῆς ὁδῆς ἑρμῆν τὸν λόγιον; καὶ Περθεὸς
&c. *duces via nobis assumamus facundia præ-
sidem Mercurium; Suadent &c.*

Latinis dicitur *Viacus*, in inscriptione
pervetusta, in Hispania *Zamoræ reperta*,
K 5 quam

quam Surita inferuit præfat. ad Comm. in
itin. Ant. p. m. 164. & exscripsit Gruterus
pag. 55. n. 5.

DEO. MERcurio

VIACO

M. ATILIVS

EX. VOTO

De eodem accipiendus videtur lapis, in Bri-
gantum Britannicorum agro inventus, qui
est in appendice ad marmora Oxoniensia
n. 4. pag. 309. & apud Reinesium classe 1.
n. 141.

DEO. QVI. VIAS

ET SEMITAS. COM

MENTVS. EST. T. IR

DAS. S. C. F. V. L. L. M.

Nam apud Theocritum Senecio Herculi,
de Augæo sciscitanti, ait Mercurii auspi-
ciiis vias esse munitas. Apulejus lib. XI.
Miles. & in Apolog., Deum Superum & In-
ferum comiteatorem appellavit.

Quod si Josephum Scaligerum audimus
in Catal. Virg. p. m. 242. idem dictus est
Deus *Vius*. Ita enim colligit ex Epigram-
mate de mercatore decimas perfolvente
Fortunæ Prænestinæ, quod vet. Epigr. lib.
IV. sic edidit Pithæus & Boissard. T.
VI. 81.

*Fortuna simulacra colens & Apollinis aras
Arcanumque Vii.*

Vc-

Verum in inscriptionibus Mazochii & aliorum est *Arcanumque Jovem* : apud Pighium Herc. Prod. pag. 345. & Smetium, testes oculatos, exstat *Ageriunque Jovem* : atque ita in collectione Gruteriana pag. 72. 5. relatum est. Nec magis audiendus est Scaliger, cum deos *Vios* apud Servium nobis obtrudit, ad Æn. VII. 678, ubi pro verbis: *Erant etiam fratres, qui DIVI appellabantur*, reponi jubet *Dii Vii*, & apud Solinum cap. 2. *Pratrum Digitorum*, legi vult: *Pratrum Indigetum Viorum*. Reclamant enim Codd. Ms. ut ipse agnoscit, & post Vossium de idol. lib. VIII. cap. XI. ostendit Cl. Heninijus, ad Bergierii lib. IV. Sect. 43. Hæc de nominibus Mercurii.

Nunc causas videamus, cur stellæ Mercuriali viarum cura tribuatur: sine his enim putidius forsitan videri possit, stellæ minutæ & rarius apparenti, eum honorem esse delatum. Sed multis argumentis ostendit Macrobius lib. I. Sat. cap. 19. secundum gentium Theologiam, Mercurium pro Sole esse censitum, ejusque cultum ab eruditis hominibus ad Solis latus reduci: hæc vero cum plebs nesciret ex planeta isto singularem sibi Deum vialem effinxit, & NUMEN SANCTISSIMUM, uti in voto quodam Maximiani Hertulii, vel MAXIMUM CONSER-

SERVATOREM ORBIS, ob proventus mercaturæ appellavit, apud Reines. cl. I. n. 81. Neque mirum videri debet, quod Aristophanes in Pluto vs. 1138. & seqq. licentia Comica eum, ut famelicum e trivio lurconem, mangonem fraudulentum, sordidumque propolam perstringit: nam & Sophocli apud Athenæ. lib. IX. pag. 409. *βοικλεψ*, *boium fur*, & *δολος* eidem in Philoct. vs. 134. *φλητῶν ἀναξ*, *furum rex* Euripidi Rhæf. vs. 217. vocatur; quia una ex Mercurii artibus furtum esse credebatur, uti deorum irrifor Lucianus in Cataplo t. I. p. 423. pluribus monstravit.

Porphyrus vero apud Euseb. lib. III. præparat. Evang. cap. 11. ostendit, Lunam quandoque per Mercurium intelligi, & Hecaten nominari: hæc vero *ἑκάτα* erat, ut Mercurius *ἑκάδης*. Julianus Imp. Epist. 20. *Ducet autem te publicus cursus uno vehiculo & parhippo. Quod si est præterea optandum aliquid, Enodiam tibi amicam; Enodiumque accersivimus.* Inde Porphyrius eorum sacra conjungit lib. 11. de abst. §. 16. *Unius cujusque mensis noviluniis Mercurium & Hecaten, coronis ornare & nitidos reddere, quinetiam ture, libis placentis Deos colere.* Patet ergo hic iterum, quam vere Augustinus dixerit, quicquid de viarum præsidibus finxerunt gen-

gentiles, ad Solem & Lunam esse referendum. Præsto tamen sunt & aliæ rationes peculiares, cur vulgus felix faustumque iter ab eo expectarit. Credebatur enim esse, Deorum nuntius, alato qui pede carpit iter, unde Camillum alii, alii in marmore Fellingæo p. 190. *menestratorem* appellarunt. Loquelæ præerat, ut viam indicare posset; hinc *ἡγήμηνος* audit, & Lystrenses Paulum credebant esse Mercurium, quoniam præibat in loquendo Act. XIV. vf. 12. Idem ardentem facem manibus gestans solutas corpore animas ducebat illuc, unde negant redire quenquam; auctore Homero, Virgilio, Petronio aliisque. Hinc Græci *ψυχομαχόν*, Latini *Orci satellitem* vocant, quod animas vehit vel revehit. Ajax quoque gladio incubiturus, apud Sophoclem, invocatur *προμαχάων ἑμῶν ἢ χθρόνιον*, & femina Ceensis, mortiferam non prius dicitur hausisse potionem, quam defusus Mercurio delibamentis, & invocato Numine ejus, ut se placido itinere in meliorem sedis infernae partem deduceret, apud Valer. Max. lib. II. c. 6. n. 8. Denique mercatorum habebatur Deus, qui ejus instinctu, ad commerciorum utilitatem, vias munitas esse, ejusque ope fures & latrones arceri vulgabant, ut infra pluribus ostendam.

Ob hæc igitur rationes Mercurius homines

mines ducere credebatur in via, ejusque erga viatores studium Homerus Iliad: XXIV. prolixè commendavit: Juppiter enim, de Hectore sollicitus, eum misit viæ ducem Priamo, ad Achillem tendenti, illumque ita alloquitur vs. 437.

Σοὶ δ' αὖν ἴσθαι πομπὸς ἢ κελευτὸν Ἀργεὺς ἰσχυρόν
εὐδυνέως ἐν νηὶ θοῇ ἢ πῖδος ὁμαρτέων.

*Tibi vero ego via dux, vel ad inclitum
Argos profiscisceris,
Sedulo in navi veloci aut via terrestri co-*
mitans.

Ait navi, aut via: nam θαλάσσιον dicitur Eustathio & aliis apud Begerum num. fol. 87. omnesque libri loquuntur, astrorum rationes cum Ægyptios docuisse, quod & Manilius cecinit lib. I. pr.

*Tu princeps auctorque sacri, Cyllenie,
tanti,*

*Per te jam cælum interius, jam sidera
nota,*

Major uti facies mundi foret.

Sæpius vero peregrinantis habitu petasatus exhibetur in nummo gentis Mamiliæ, apud Fulvium Ursinum in hac gente pag. 163. & Chotilium pag. 139. in cuius altera facie viator cum baculo & cane, vel, ut alii volunt, Ulysses tot peregrinationibus nobilis, & ut multoties alibi, pileatus, ex Nicomachi instituto, conspicitur. vid. Vitruv. lib.

lib. VII. c. 5. Plin. lib. 35. c. 10. Fabrett. de col. Traj. cap. 7. & in addend. ad tab. Iliad. pag. 379. De Mercurio Arnobius lib. VI. pag. 188. *Cum petaso gnatus Majæ, tanquam vias aggredi præparet, & Solem pulveremque declinet.* Athenæus lib. XII. eidem petasum in capite, & caduceum in manu tribuit. Petasatos autem esse solitos, qui longo itineri se darent, Petrus Victorius lib. 1. var. lect. c. 24. ex Ciceronis lib. XV. Epist. 17. declaravit; & vel ex uno Plauto petasum peregrinantium fuisse liquet, Pseud. Act. II. sc. 4. ubi fallax servus, ut peregrinus videretur, inquit:

Etiā opus est chlamyde, & machera, & petaso.

Nuntiis præerat, quia ipse *internuntius* fuit *deorum*; auctore Servio ad lib. VIII. Æneid. v. 138. Æschylus *διάνουν*, Euripides *λάτρων* appellavit. Ipse quoque bonis se nuntiis homines afficere affirmat, apud Plautum in prolog. Amphitr.

Nam vos quidem id jam scitis concessum & datum

Mihi esse ab aliis Diis, nunciis præsum & lucro.

In triviis & compitis idcirco cultus a viatoribus, quibuscum, ut Homerus ait d. lib. XXIV. v. 334. ipsi consuefcere volupe erat. Orestes *αὐτῆς* nomine cum invocatur, apud

apud Æschylum initio Choëph. Vetus Pal-
ladæ epigramma in Antholog. lib. 1. cap.
38. n. 9.

Τὸν Διὸς ἐκ τριόδοισιν ἰθαύματα χάλκιον δῖα

Τὸν πρὶν ἐν ἐνχωλαῖς, νῦν παρσεπτόμενον.

*Jovis intriviis admiratus sum, aneum fi-
lium,*

*Cui prius supplicabant, jam vero ab-
jectum.*

Idem severe vindicabat in eos, qui viam
errantibus non monstrassent, quod olim in
diris erat; & injurias viatoribus illatas ul-
cisccebatur: nam ira exæstuat apud Theo-
critum Idyll. 25. vs. 3. ubi viatorem lædi
videbat:

Ἐκ τοι ξῆνε πρόφρων· μυθήσομαι ἐσθ' ἱερῶναις,

Ἑρμῶι ἀζόμενος· δεινὸν ὅπιν ἐνιόδοιο.

Τὸν γὰρ Φασὶ μέγιστον ἱπυρανίων καχλῶσθαι,

Ἐκεν ὁδῶζα χρεῖον ἀνήνηταί τις ὁδότην.

*Tibi vero, hospes, libens aperiam quæcun-
que quæris,*

*Mercurii gravem iram timens itinerum
ducis:*

*Hunc enim ferunt maxime e cælestibus
irasci,*

*Si quis indigentem itinèris aversetur via-
torem.*

Ab eo etiam proverbium Græcis ἑρμῆς
κοινός, de re quam forte in via invenis-
sent, & ἑρμαῖον, lucrum inligne, forte ob-
jectum,

jectum, & insperatum, quod ἔρμης δῶρον vocat Libanius in epist. 149. ad Belaeum, & Mercurio tribuebatur, non tantum quia ἐὸδῳ & viarum praefectus erat, sed etiam LUCRORUM POTENS in vet. inscript. apud Spon. Misc. pag. 91. & Inventor vocatur, apud Festum, voce *Herma*. Hinc Veteres, in jactu quodam, boni ominis causa, Mercurium praefari solebant, teste Hesychio, & res inventas ipsi sacras fuisse, Stanlejus ad Aeschyli sept. contra Thebas 514. ostendit, qua de re etiam in fine capitis sequentis quaedam dicemus. Phurnutus cap. XVI. Διὰ τὸ κοινὸν αὐτὸν εἶναι ἐν τοῖς ἀνθρώποις πᾶσι καὶ πᾶσι τοῖς θεοῖς, ὁπόταν τις εὐρηά τι πειράσῃ ἐν ὁδῷ, σύνθετος ἑπιφθέγγεται, κοινὸν εἶναι τῷ ἔρμῳ ὅς δὲ συνίσταται ἐπὶ τῆς εὐσεύας, ἐν ὁδοῖς αὖν, ἐμφαίνοντες ὅτι κοινὸν ἀξίῳσιν εἶναι, καὶ τὴν εὐρηάτων, ἐν τῷ ὁδοῖν καὶ τῶν εὐρηάτων ἑρμαίων λεγομένων. *Ideo autem quod communis tam deorum quam hominum sit minister, si quis iter faciens forte fortuna quid invenit, consuetudo inolevit, ut inventor exclamet: Rei inventae partem etiam Mercurio competere. Inventionis enim adjutor est, cum sit viarum praeses. Proinde merito acclamant, se rei inventae Mercurium participes sorturos: Hinc Graeci omnia, quae forte fortuna reperiuntur, ἑρμαία, id est, Mercurialia appellant. Non me fugit tritum illud, apud Aegyptios, Judaeos, Graecos*

& *Biblios celebratum*: *Quod non posuisti, non tollas*, de quo *Josephus*, *Alianus*, *Laertius* aliique; sed mens hujus legis erat, ne quis animo retinendi tolleretur, quod ipse non posuisset, sed alius amisset: talem enim rem qui lucri faciendi causa tollebat furti erat reus, etiam Romæ. l. 43. §. 4. *D. de furt.* & *Gell.* lib. XI. c. 18. Quod autem *Plato* lib. XI. de LL. hujusmodi res ne quidem tangi, sed numinis vialis custodiae relinqui jubet, id nimis *Platonicum* est; cum ubivis gentium res nondum occupatae vel derelictae ab inventore tolli, & cum sociis itineris acclamantibus dividi potuerint. Eleganter ad hunc morem alludit *vetus Epigrammatista*, cujus versus *Antholog.* lib. VII. ep. 44. videri possunt; & *Persius* Sat. VI. *Sumi tibi Mercurius*. Alio quidem paræmiam traxit *Simplicius* in *Epict.* c. 72. ὁ μὲν λόγος κοινὸς Ἑρμῆς ἐστὶν πᾶσι κατὰ τὴν παροιμίαν. *Ratio quidem communis omnibus est Mercurius, ut proverbio dicitur.* Usus etiam vocabuli Ἑρμαίων tam late patet, ut non modo *lucrum adventitium*, sed rem omnem commodam & utilem notet, uti ex *Platone* & *Athenæo* docuit *Stephanus*, in *animadvers.* ad *Erasmi* adagia. Verum *Apostolus* triplicem Ἑρμαίων significatum, quem omnem explicabimus, recte distinguit, cent. 9.

Ἑρμαίων κοινόν, & Ἑρμῆς κοινός] Ἐπὶ τῷ εὐρόντιαν τι κέρ-

ὁ δὲ Σοφοκλῆς; ἢ καὶ τὸν ποιησαμένον. ἢ δὲ τὸ τῷ ἐν ταῖς ὁδοῖς τιθεμένον ἀπαρχῶν, ὡς οἱ ὁδοιπόροι κατεσθίον; ἢ δὲ τὸ τῷ σωρῶν, οἱ τῷ Ἑρμῇ ἀνέχοντο. *Mercuriale commune, & Mercurius communis*) *De iis, qui lucrum aliquod præter opinionem nacti sunt, idque in commune partiuntur. Aut de primitiis, quæ in viis ponuntur, quas viatores comedunt. Aut ab aceruis, qui Mercurio dedicabantur.*

Mercurius ergo Communis proclamabant focii itineris & inventoris, non dissimili pæcemia, qua nunc pueri in Germania utuntur; *Halb fund ist mein*. E Græcis hunc morem notarunt Lucianus in *Votis*: Κοινὸς Ἑρμῆς, φασί, ἢ ἐς μέσον κατατιθεῖ φέρων τὸν πλεόντων. *Hesychius*: Κοινὸς Ἑρμῆς, παροῦσα θητὴ τῷ κοινῇ τὴν εὐελεσκύντων. *Theophrastus* in *charact.* *Eth. cap. XI.* καὶ τῶν εὐελεσκομένων χαλκῶν ἐν ταῖς ὁδοῖς πρὸς τῷ εἰκαστῶν, δανὸς ἀπαίτησαι τὸ μέρος, κοινὸν εἶναι φησας τὸν Ἑρμῆα. *Quod si quos pueri nummos æreos, ut fit, in via repererint, partem inde sibi poscēt (avarus) illud usurpans, Mercurium esse communem.* ubi *Cassaubonus* in commentario addit ex *Leonis* constit. *Nov. 70.* *Itinerum comites cum sæpe fortuito in rem quampiam incidunt, tametsi uno illo momento pariter non conspiciant, ejus tamen jus, propter itineris communionem, inter se communicant.* *De Romanorum non absimili formula, Phædrus lib. V. fab. 6.*

*Invenit calvus forte in trivio pectinem ;
 Accessit alter , aequè defectus pilis ,
 Eja, inquit, in commune quodcunque est lucrū.
 Ostendit ille prædam , & adjecit simul.*

Seneca *epist.* 119. *Quotiens aliquid inveni,
 non expecto , donec dicas, in commune ; ip-
 se mihi dico.* Vide ibi Gronovium in no-
 tis, Spanhem. ad Callim. *hymn.* in *Dian.*
yl. 70. & Clar. Noodt lib. II. *probabil.*
cap. 6.

Porro in biviiis , triviis atque quadriiviis
 in honorem Mercurii erigebantur statuæ.
 quadratæ ; quibus impositum caput huma-
 num, infra autem epigramma inscriptum
 erat, quod viatorem doceret, quo lingu-
 læ viæducerent. Pharnutus de *N. D.* dict.
cap. XVI. ἱδρύται δὲ καὶ ἐν τοαῖς ἑδοῖς, καὶ ἐν ἐνδοῖς
 λέγεται, καὶ Ἡγεμόνιος, ὡς ἀνὰ τῶν εἰς πᾶσαν τελευτῶν
 ἡγεμόνιος χρησθῆναι. Mercurius vero etiam & in
 viis collocatur, & Enbodius dicitur &
 Hegemonius, sive Dux Viatorum, quia eo
 duce & auspice ad omne negotium utuntur.
 Simulacra ista Hermas appellant Thucy-
 dides lib. VI. & Andocydes *orat.* οὐκ ἐν μυσ-
 εῖον. Usus eorum non ab Ægyptiis, sed
 a Pelasgis Græcos mutuatos esse, scribit
 Herodotus lib. II. c. 51. Modum eosponen-
 di & dedicandi elixis leguminibus, Comi-
 cus indicat, in Pace pag. 660. Cur qua-
 drati fuerint cubi specie, optime explicat
 Sui-

Suidas in Εἰρων. Quare brachiis & pedibus caruerint Servius disquirat ad VIII. Æneid. vs. 138. Causam rigentis fascini, a feminis, procurandæ sibi fecunditatis causa, culti & exornati, Plutarch. libello πρὸς εὐτέρω πολιτευτέον & Macrobius lib. I. Sat. c. 18. dederunt. Philippus Athenienses statuis his comparabat, quæ tantum os habebant & magna pudenda, auctore Stobæo Serm. 2. Strabo lib. XV. hominem brachiis truncatum Hermam appellat; Dio lib. 54. Μερῶν ἀνευ ὤμων, οἷον τὸς Ἑρμῆς ὀρεῖται. *Adolescens sine humeris*, quales *Hermas* videmus. denique Pausanias ἀκάλυς ἑρμῆς vocavit lib. I. c. 4. Depinxit eos, post Sponium Miscell. sect. r. art. 4. ex gemmis, nummis ceterisque monumentis, Montfauconius tom. I. Antiq. pag. 136. & supplem t. III. lib. 2. c. 6. n. 6.

Ante januas ædium privatarum, aut in earum atriis & vestibulis, ὅτι τῆς αὐλῆς, in primo domus aditu, sub dio, eosdem viros, docent Athenæus lib. X. c. 10. Cornelius Nepos in Alcib. cap. III. Plutarchus in vit. ejusdem c. 31. & Heraclitus Ephesus apud Clement. Alexandrin. protrept. ad gentes p. 33. ed. Morell. quorum verba huc adducere nihil attinet. Hinc Comicus in Pluto vs. 1154. Mercurium σφοδαῖον vocat, sive quod fures a foribus repelleret,

ut Scholia ibi putant, five potius quod
 ρεοφας de cardine ædium vulgo diceretur,
 qua ratione festi Dianæ ρεοφας etiam me-
 minit Athenæ. lib. VI. pag. 259. Et forsi-
 tan, si conjecturis indulgere placeat, hinc
 ratio petenda est, cur convivæ discessuri,
 ultimum poculum, quod ἑμῆς, dicebatur,
 ei libarunt, teste Athenæo & Polluce. Vid.
 Meurs. l. III. animadv. c. 19. & Casaubon.
 ad Athenæ. lib. I. c. 25. Audiamus Ælia-
 num lib. II. cap. 41. ἡ τὸν σέφανον λαβὼν, ὅτε
 ἐπαγγεί μετὰ τὸ δῆπνον, τῷ Ἑρμῇ τῷ πατρὶ θυρῶν ἐσῴ-
 τι ἐπέθηκεν αὐτὸν, & τὸ ἰδοὺ τὸ ἑμτροφὸν ἡμερῶν.
Sumta corona, cum à cæna reverteretur,
Mercurio, qui stabat ante fores, eam im-
posuit, juxta priscam consuetudinem. Ve-
 teres Critici ad Comicum σφκ. 699. ἰδοὺ
 εἶχον Ἑρμῆν ἰδρύνοντες πατρὶ τῶν θυρῶν, *erat iis in mo-*
re, Mercurium erigere ante fores ædium.
 In vestibulo Cœli, & in aditu Dionysii re-
 giæ, ejusdem σεπυλαίᾳ statuam exstitisse, do-
 cet Virorum maximus ad Callimachum
 pag. 231. Scholiastes. Juvenalis ad Sat.
 VIII. vers. 49. *Hermas Athenienses ante ja-*
nuas pro religione positos habuere. Athe-
 nis item ad porticum, Mercurius ex ære
 fuit, Ἑρμῆς ὁ πρὸς τῇ Πυλίδι, *Mercurius, qui*
ad portulam dictus; cujus Demosthenes
 contra Euergum, Pausanias, Harpocra-
 tion & Suidas meminere. Alius erat Mer-
 cu-

curius, in Delphinio, ante templum positus, qui Ἑρμῆς ἐν Αἰγέως πύλαις, *Mercurius ad Aegaei portam* dicebatur, auctore Plutarcho, in vita Thesei.

Duas vero inscriptiones statuæ hæ Mercuri aliquando habebant, unam in sinistro latere, quæ exponeret, cur in medio Urbis staret populive, altera, quæ præceptum aliquod sapientiæ contineret, ut *Nosce te ipsum, Ne quid nimis.* Auctor hujus rei fuit Hipparchus, Pilistrati filius, quoeos, qui in agris habitabant, erudiret, si in Urbem venissent, ut Plato in Hipparcho pluribus docuit, allatis etiam inscriptionum exemplis v. c.

Μῦθμα τὸ δ' Ἰππάρχου εἶχε δίκαια φρονῶν.

Præceptum Hipparchi est, Justitiam colito.

Verum hoc accipiendum est de Mercuriis, qui Ἰππάρχιοι ἑσταῖ apud Harpocratium, Suidam & Hesychium dicuntur. In aliis vero una, in aliis nulla inscriptio legebatur. Ulpianus Demosthenis Scholiastes: *ἑύλα ἢ λίθαι τετράγωνοι ἦσαν, ἔχοντες ὅψιν Ἑρμῆς ἐπάνω, καὶ τὰ ἐν τῷ πλατέι τὰ ἐπιγραμμάτια.* *Hermæ erant stipites, aut lapides quadrati, habentes sursum vultum Mercurii, deorsum, in latiore trunco, inscriptiones.*

Illud non prætereundum est, quod ad hosce Mercurios Junius & Tremellius re-

tulerint יְיָ statuas, Jeremiæ XXXI. vñ.
21. *Statue tibi hermas, dispone tibi pyra-
midas, adhibe animum tuum ad istum ag-
gerem, qua via ivisti: revertere virgo
Israelis; alii vero ex nexu intelligunt sta-
tuas sepulchrales, de quibus Nicolaus de se-
pulchr. Ebræor. l. iv. c. i. Ego commen-
do Siculi Flacci monitum de condit. agror.
p. 4. consuetudines Judæorum intuendas
esse: quoniam, inquit, sepulchra in extre-
mis finibus facere solebant, & cippos pone-
re, ne aliquando cippus pro termino, aut
herma errorem faciat: nam & in locis sa-
xosis & sterilibus sepulchra faciunt. No-
tum est illud Maronis;*

*Monte sub hoc lapidum tegitur Ballista
sepultus.*

Ad Hermulas Græcorum porro in viis, ad
recreandos viatores, & in honorem Mer-
curii, primitiæ apponebantur, quemad-
modum ad Hecates statuas cœna. Suidas:
ΕΡΜΑΙΟΝ, τὸ ἀπροσδόκητον κέρδιον ὅτι ἐν ταῖς ὁδοῖς
τιθεμένων ἀπαρχῶν, ἃς οἱ ὁδοιπόροι κατεσθίουσι. HER-
MAEUM, *lucrum insperatum ex positis in
viis primitiis, quas peregrinantes comedunt.*
Vicorum quoque lustratio Atheniensibus
oraculo mandata ad statuas has fiebat. De-
mosthenes adv. Midiam: χορὴς ἵσταναι κατὰ τὰ
πάτρια, αἰσθάν ἀγνίας. *Choros ritu patrio in-
stituere, vicos nidore implere.* Quod Ulpi-
anus

anus, doctissimus ejus Scholiastes, explicat, sacrificare ad statuas Mercuriales, ἀγνῆς enim vocabant Mercurios per privationem; eo quod neque pedes, neque membra haberent, γνῆ enim membra sunt, & hæc non solum in genere, sed pedes in specie ita dici, notant Nicandri Enarratores ad Ther. p. 56. γνῆς ὃ νῦν τὰς πῆδας. quod Vlpiani explicationem valde confirmat, quia Hermæ sine pedibus fuerunt. Harpocration tamen, in v. ἀγνῆς, circumflectendum putat, tanquam deductum ab ἀγνῆς, juxta Atticorum dialectum: tunc vero significabit Apollinis columnas, ante fores collocatas. Ceterum ejusdem phraeos meminit Aristophanes, in Equitibus vs. 1317. & Avibus vs. 1233. Apud Lucianum quoque Prometheus inter alias rationes, cur ignem e cælo sustulerit, & hominibus usum ejus indicaverit, hanc adfert, ὅπως ἔχουσιν ἀνιστᾶν ἀγνῆς, quo in biviis & ante fores adium, Dūs nidorem pararent. vid. Póllucem lib. I. sect. 28.

Ad Hermas porro quod attinet, illi unum plerumque caput æneum vel marmoreum habebant, auctore Cicerone ad Attic. I. 7. & Juvenale Sat. VIII. vers. 53. bifrontis autem Mercurii meminit Nazianzenus ad Nemesium, & Athenis Mercurius, ex instituto Patroclidæ, ad viam Vef-

tam, tribus capitibus fuit cultus; vel quia rem habuit cum Hecate tricipiti, atque tres ex ea filias sustulit, vel quia in trivio positus, uti τετραπεφάλῳ in quadriviis, & in singulis capitibus inscriptionem habebat, quo duceret hæc via, quo rursus illa. Meminit Etymologici 'Auctor in τεμικέφαλῳ ὁ Ἑρμῆς, Apostolius Cent. XIX. Prov. 51. Suidas, & plenissime Harpocraton: τεμικέφαλῳ ὁ Ἑρμῆς ὡς περ διδάσκων τὰς ὁδούς, καὶ ἔχων ὑπογεφυλῶν, πᾶ μὲν αὕτη φέρει ἡ ὁδός, πᾶ δὲ ἐκείνη. ἴσως δὲ πρὸς ἐκείνῳ ὁδὸν κεφαλῶν εἶχεν. ἔστι δὲ ἀναδούς τὸ Τεμικέφαλον Ἑρμῆν (ὡς φιλόχοτος φησιν ἐν τελίῃ) Πατροκλίδης, Ἰππάρχου ἱερέως. *Triceps Mercurius, ut monstrator viarum, & cui subscriptum, quonam hæc via, & quonam illa duceret. Forte autem caput ad viam unamquamque conversum habuit. Qui Mercurium Tricipitem dedicavit, ut Philochorus refert libro tertio, est Patroclides; Hipparchi amator.*

Circum Hermulas, aut si illi deficiebant, loco eorum accumulabantur acervi lapidum; quos paucos primum conjectos ac dispositos, dein ex pictate, an superstitione, viatorum quisque præteriens crebro jactu, in honorem Mercurii, augebat; eos vero Ἑρμαῖα, Ἑρμαῖας λόφους, & Ἑρμακας vocabant, ut Etymologici Magni auctor, Suidas & Eustathius docuerunt. Meminit

co-

eorum Strabo lib. XVII. pag. 1173. Ho-
merus Odyss. II.

Ἦδη ὑπὲρ πόλιν, ὅθι δ' Ἑρμαῖος λόφος ἔστιν.

*Jam ad locum urbi imminentem, ubi Mer-
curialis est acervus.*

Tzetzes Chiliad. XII.

Ἑρμῆς ἢ σύμπαρ ἀνδραῖς, ἢ ὁ σωρὸς τῶν λίθων.

** Herma est, & omnis statua, & acervus
lapidum*

Hesychius: Ἑρμαῖος λόφος, τὰς σωρὸς τῶν λίθων
Ἑρμῆς τὰς ἐν ταῖς ὁδοῖς ἡρώεσσιν εἰς τιμὴν δ' αὖθις, Ἐν-
διος γὰρ ἔστι. *Mercuriales acervi. intellige
acervos lapidum Mercurii, qui sunt in viis,
ad honorem ejus dei; est enim Deus Vialis.*
Ipse cumulus de se ita loquitur in Anytæ
epigrammate IV. Antholog.

Ἱερὸν Ἑρμῆι με παρορσεύοντες ἔχθραν

Ἀνθρώποις λίθινον σωρὸν

*Sacram Mercurio me praterseuntēs fu-
derunt*

Homines lapidum congeriem.

Quemadmodum innumeræ terminorum e-
rant differentiæ, ita similes acervis his e-
rant monticelli, pro terminis erecti, quos
Auctores de agris limitandis vocant *scorpio-
nes*, quia in metam desinebant. Siculus
Flaccus pag. 4. de condit. agror. *Alii con-
geries lapidum pro terminis observant, &
scorpiones appellant.* Sed horum lapides se-
mel congerebantur, acervi autem Mercu-
ria-

riales sensim ex jactu prætereuntium cre-
scebant, ut cecinit Severus Aëtia vf. 104.

- - - *Qualis acervus*

Exilit, imparibus jactis ex tempore saxis.
Loca ubi congerebantur erant viæ ambi-
guæ, trivïa & quadrivïa, etiam collium
montiumque cacumina, quo è longinquo
videri possent, teste Frontino, de coloniis,
& Isidoro in Glossis: *Mercurius*, inquit,
lapidum congeries in cacumine collium. Ru-
pertus ad Flor. l. 1. c. 7. mavult in *cacumen*
collium, id est, in formam cacuminis col-
lium; sed forsân aliter fuit apud alios, &
plerique acervi in viis planis, rariores in
collibus: nam, ut jam observavit Alean-
der, *Mercurius* in clivo quodam positus ita
conquerens inducitur eod. lib. IV. Antho-
log.

*Non enim montibus delector Hermes, nec
in collibus versor summis*

Sed ut plurimum itineribus gaudeo.

Ἑρμῆας dicuntur Nicandro in Theriaca, ubi
Scholiastes explicat *ἡρμῆας* *σεσωρημένους εἰς τιμὴν* &
Ἑρμῆα. Rabbiniס מרקוליס *Merkolis*, sive *Mar-*
colis, voce ex Mercurii nomine depravata,
vt omnes facile agnoscent. R. Maimonides
de idololatria cap. III. §. 2. ex interpreta-
tione Dionysii Vossii. *Mercurius* *cujus cul-*
tus in eo erat, quod lapides in eum conje-
rent, vel coram eo spargerent. Ad hunc
mo-

morem respexisse sapientissimum Israëlitarum Salomonem Proverb. XXV. vs. 8. existimat vulgatus interpres, quem tuetur Martinus Delrius in Adagial. sacris. Nec ab eo discedunt Beda, Vossius lib. II. de idol. cap. 32. Lipsius cent. v. epist. 5. aliique Sed varie is locus translatus est a Græcis, & interpretum recentiores; vocem Hebræam מרגמה *Margemach*, cum Chaldæo *fundam* aut *balistam* transtulere; nec quicquam ille Sapiens de profano hoc ritu. Vide Seldenum De Diis Syris Synt. 2. cap. 15.

Ceterum causas horum λόφον ἑρμῆων *Mythologi gentiliū* attulerunt non unas, quas ipsis eorum verbis proponam. Et ecce tibi Phurnutum dicto cap. XVI. cujus verba, quia prolixiora sunt, semel, id est, latine tantum, ex versione Conradi Clauferi apposuisse sufficiat; sunt autem ista: *Statuis Mercurialibus accumulāt lapides. Quilibet namque eorum, qui ejus statuam prætereunt, lapidem adjicit. Causæ autem ejus rei sunt plurimæ. Una est, quod quilibet utile quiddam faciat, quod ad communem omnium spectet utilitatem, dum viam purgat. Altera, quod obtestetur Mercurium lapidis adjectione, & suum declaret in ipsum honorem, quasi nihil nunc occurrat quod offerat. Alia est, quod statuam Mercurialem prætereuntibus manifestiorem faciat adjectione lapidum.*

Por-

Porro alia est, ut per lapides significetur, ex parvis & modicis partibus consistere orationem. Addamus Eustathium ad Odyss. II. vers. 11: Οἱ δὲ φασιν, ὅτι Ἑρμαῖος λόφος σαρρὸς λίθων ἐστὶν ἐνὸδιον, καὶ βωμὸς ἢ λόφος ὑποκείμενος. Ἑρμῆς ἀνδελιάνη. Ἄλλοι δὲ νοῦσιν Ἑρμαῖος κατὰ τὴν λέξιν, σημεῖα ὁδῶν κατὰ ποσὶν ἵνα διδάσκειν μιλασμὸν τυχόν ἢ σαδισμὸν. Ἑρμῆς γὰρ φασὶ πρῶτον, οἷα κήρυξ καὶ διάκτορος καθήρας τὰς ὁδούς, ἔπειτα λίθος ὅστις ἀπελίδετο ἔξω ὁδοῦ. ὁθεντὺς τοιούτων τι ποιῶντας, καὶ τὰς ὁδούς τῷ Ἑρμῇ, ὡς διακτόρῳ ἐκκαθαίροντας, εἰς τιμὴν Ἑρμῆ τῶν τοιούτων λίθων σαρρὸς Ἑρμαῖα ἢ Ἑρμαῖος λόφος καλεῖν.

Hoc est: Alii dicunt, quod Mercurialis tumulus sit acervus lapidum, in via collocatus, aut ara, aut tumulus Mercurii subiectus statuae. Alii vero Mercuriales communiter accipiunt tumulos pro signis viarum, juxtam aliquantam earum intercapedinem, milliari fortean, aut stadio respondentem. Ferunt enim primitus Mercurium, tanquam caduceatorem & internuntium, purgandis itineribus lapides, si quos inveniret, extra viam seposuisse: unde existimant, si qui id imitentur & internuntio Deorum Mercurio vias expurgent, eos in honorem Dei ejusmodi strues Hermæa, vel colles Hermæos appellare. Plura de his annotarunt Stephanus in Thes. linguæ Græcæ, Alexander in exposit. Tab. Heliacæ, sub titulo Cumuli lapidum, Bergierius de publ. & milit. imp.

imp. R. viis lib. IV. c. 43. & ad eum Hen-
 ninus, Ouzelius ad Minutium, & quos
 præterea longa referre mora est. Addo
 tantum verba laudati Aleandri, solertissimi
 antiquitatum indagatoris, dicto loco: Ce-
 terum profanus hic mos ad hanc usque diem
 viget quibusdam locis penes rusticos, ac
 prorsus ignaros homines: Siquidem iter fa-
 cientes saxa aut glebas ad sacella congerunt,
 quæ in triviis aut quadriuiis excitari solent.
 Interrogati quidam in agro Patavino, cur
 id agerent? nimirum responderunt, ut viæ
 fastidium allevetur. Idque agebant ab an-
 tiquis quasi per manus traditum.

Antequam Mercurium mittamus, non
 injucundum erit vidisse, unde is nomen
 tulerit, id quod a viris doctis nondum fa-
 tis demonstratum est. Qui a margemab
 deducunt nimis aberrant. Plerique quasi
 mercium curam dictum volunt. Servius ad
 Virgil. lib. VIII. Æneid. vi. 138. quosdam
 ait, Mercurium, quasi Medicurrium, a
 Latinis dictum velle, quod inter Cælum
 & Inferos semper incurrat. Doctissimo
 Thomassino placet radix machar, vendi-
 dit, unde & mercari derivat, non incon-
 cinne! nili majori jure verbum רַחַל Rachal
 ejus originem ultimam sibi vindicare pos-
 sit: a rachal enim in usu est marcholeth ne-
 gotiatio. Abjecto thau ultimo, restat mar-
 col,

col, aut *mercū*, quo magis an quid cum *mercū* conveniat, viderint Erudici. *Mecum* sane hanc conjecturam; inter familiares sermones; olim communicavit Vir. Cl. Joh. Philippus Heinius; cui hæc *μήνολογ* *lra*bens meritoque solvo; nullusque dubito; quin plures *mecum* habiturus sit adstipulantes. Neque enim vendentibus tantum; sed omnibus negotiantibus præest Mercurius, propter eloquentiam: atque ideo *Deus mercimonii* apud Servium ad VIII. *Æneid.* v. 138. *NEGOTIATOR* in lapide Gruteri I. pag. 55. & in alio *NUNDI-NATOR* appellatur. apud Reines. cl. I. *Inscr.* 80. & Spon. *Miscell.* pag. 92. Græcis *ἑμπορεύων*, *ἀγορεύων*, *κερδαίνων* & *ἑμπορεύων* dicitur, apud Aristophan. in *Pluto* v. 1156. Lycophron. in *Cassandr.* v. 208. & *Aristidem*, hymno in *Mercur.* p. 26. In nummo Postumi marsupium tenet, ut & in statua, apud Gallos reperta, quam *Chamillardius* singulari dissertatione illustravit. *Τῶν ἑμπορευῶν ἑφεῶν ὅθεν τὸ ἀγαλμα, αὐτῷ ἰσῶσι βασιάζον μάστιγον*, ajunt *Suidas* & *Codinus*. *Κερδαῖον ἐν ἀνθρώποισι νόημα*, *lucrosissimum inter homines ingenium* vocatur *Oppiano* *ἐλεντ.* III. 9. *Nauficles*, mercator *Ægyptius*, sacrificat *ἑμῇ ἀγορᾷ* ἢ *ἑμπορείᾳ* apud *Heliod.* lib. V. *Æthiop.* c. 4. *ἐλεντῶν*, *valde utilis* apud *Homer.* *Iliad.* ω. v. 457. & in. *vetere* in-

inſcriptione apud Fleetwood pag. 50. dicitur, quam Reineſius illuſtrat ad cl. i. n. 81. Auſonius in epiſt. ad Paullinum *Divitem* appellavit. Eidem mercatores Romani, ad aram *Cyllaram*, in via Appia, prope Almonem fluvium, mactabant agnum. reperta fuit ara illa in vinea Valentinorum, cujus inſcriptio eſt apud Gudium pag. 36. n. 3. Ovid. lib. V. Faſtor. vl. 671.

Te quicunque ſuas proſtitetur vendere merces,

Ture dato tribuas ut ſibi lucra, rogat.

Eſt aqua Mercurii portæ vicina Capenæ:

Si juvat expertis credere; numen habet.

Denique pulcra eſt inſcriptio, Lugduni in Gallia reperta prope portam, apud Mætr. præp. hiſt. Lugd. p. 36. &, qui eam explicat, Fleetwoodum pag. 167.

MERCVRIVS HIC LVCRVM
 PROMITTIT APOLLO SALVTEM
 SPTUMANVS HOSPITIUM
 CUM PRANDIO QUI VENERIT
 MELIVS VTETVR POST
 HOSPES VBI MANEAS PROSPICE.

M

CAPUT

CAPUT X.

DE HERCULE.

*Inter deos medioximos, virtutis ergo, in
 cælum receptos, eminet Hercules, ab Ha-
 rochel, mercator, Tyriis dictus. Rela-
 tus est inter deos viales, quia viatoribus
 iter aperuit, & Physice idem est, qui
 Sol. Cur Tricosus & Astrologus dictus.
 Ab auxilio, quod viatoribus præstabat,
 εὐμαχῶ, σωτήρ, ἀλεξικακῶ & Servator
 vocatur. Quare tituli Marti proprii,
 Pollentis, Inuicti & Defensoris ei tri-
 buti. Sæpius Comes, Conservator, Cu-
 stos & Claviger appellatus. Hercules
 sanctus, & sanctissimus, idem qui Semo
 Sancus, in lapide, perperam a Justino
 martyre descripto. Cur Saxanus dica-
 tur variorum sententiæ excussæ. Templâ
 & aræ ejus in viis, ripis & litoribus
 maris; nec tamen proprius deus marinus.
 Ara ejus Maxima Romæ, in foro bo-
 rio, ad quam viatores pro itu & redi-
 tu, mercatores pro lucro, & Imperato-
 res ex spoliis decimas vovebant. Ejus
 rei origo num a Judæis, an vero a Ty-
 riis. Herculis quæstus maximus, ex de-
 cimis solenniter ipsi solutis. l. 2. §. 2. D.*
de

*de pollicit. explicatur. Sacrificium propter, id est, prope viam; cum Paschate collatum, ad Exodi XII. vs. 10. Macro-
bii locus corruptus, ab Erasmo non in-
tellectus. Statuæ Herculis in biviis, Her-
mis similes, vel ob muneris affinitatem
statuæ Mercurii junctæ. Hercules ^{æpὸν}
à studiosis rei faciendæ cultus, tanquam
dator thesaurorum, qui idcirco Dei be-
neficium ^{ἡ δὲ πόρ} appellātur, in l. un.
C. de thesaur. ^ἔ Nov. Leon. 61.*

Enarravimus principes viarum Deos,
qui ad Solem & Lunam referun-
tur. Nunc & heroes, semidei &
indigetes, propter virtutes cœ-
lo recepti, in tabulas mitti postulant. Qui
enim de genere humano bene erant meriti
Viri præstantes, fœda adulatione, apud
Græcos & Romanos, in Deos refereban-
tur. Cicero lib. I. de nat. Deor. cap. 15.
*Perseus, Zenonis auditor eos, dicit, babi-
tos Deos, à quibus magna utilitas ad vitæ
cultum esset inventa, ipsasque res utiles
& salutes Deorum esse vocabulis nuncu-
patas. & lib. II. de Nat. deor. c. 24. Sus-
cepit vita hominum consuetudoque communis,
ut beneficiis excellentes viros in cœlum fama
ac voluntate tollerent. Hinc Hercules, hinc
Castor & Pollux. Plinius lib. II. Hist. nat.*

c. 7. *Deus est mortali juvare mortalem, & hac ad æternam gloriam via. Hac proceres iere Romani. Hic est vetustissimus referendi benemerentibus gratiam mos, ut tales numinibus adscribant.* Maxime vero urbium & civitatum conditores Divis adscripti. Justinus lib. 42. c. 3. *Jasoni totus ferme oriens, ut conditori, divinos honores &c.* Aurelius Victor, de Constantino: *pro conditore, seu deo habitus.* Hi medii inter homines & deos, plus ab homine habere credebantur; sed quia majoris staturæ & virtutis, post mortem suam in cælum recepti, Diis medioxumis, ceu terrestribus accensebantur. Pausan. Eliac. 11. 5. Serv. ad 1. Æn. vf. 200. Aliter etiam, quam diis Olympiis & Inferis, iplis sacrificabatur, v. Spanhem. ad Julian. orat. 1. p. 67. & Cuper. lib. 111. Obs. c. 16.

Primi nominis hos inter fuit Hercules, cui hoc caput destinavimus. Nomen ejus, quod pauci sciunt, sed docuit Cl. Clericus ad Seldeni diff. de decimis sect. 3. compositum est ex Phœnicio רוכל *Rochel*, *mercator*, & articulo demonstrativo ה *He*, ut sit quasi הרוכל *Harochel*. Phœnices enim & Tyrii, avida quæstus, avaraque admodum gens, ad pecuniam cogendam quasi a natura facta, sicut contemptu periculorum maris & navigandi peritia reliquas
gentes

gentes superarunt, & Tibullo teste: *prima ratem ventis credere docta Tyrus*; sic & eorum mercatores longinquis profectio-
nibus, & coloniis deductis, marisque im-
perio adeo erant celebrati, ut Lucianus in
Toxari scribat, nullos esse *θεοτότους ἐμπόρους*
diviniores mercatores Phœnicibus. Strabo
lib. XVI. pag. 749. eos *ἐμπόρους*, Ælianus
lib. IV. c. 20. *ἐμπόρους* appellavit, & studium
mercaturæ in iis Homer. Odyss. o. vf. 414.
& Josephus lib. I. contra Apion. celebra-
runt. Eorum itaque fama per colonias Phœ-
nicum in Cypro, Ægypto, Bithynia,
Græcia, Illyrico, Sicilia, Hispania, Gal-
lia, Africa & alibi divulgata, atque indies
magis magisque increbescente, Mercato-
rum ac peregrinantium Præses, a genere
vitæ, *Hercules* dictus est. Dein cum omnes
qui fecerant fortiter, *Hercules* vocaban-
tur, ut Varro ait apud Servium ad VIII.
Æn. 564. numerus eorum ad tres & qua-
draginta excrevit, et Herculum Argivi,
Libyci, Tyrii, Ægyptii, Thebani et
aliorum, qui feruntur, facta cœperunt in-
ter se confundi. Quapropter Græci uni
Thebano omnium res gestas, cum Phœni-
cio hoc nomine, tribuerunt, non tam ge-
nus vitæ, quam famam respicientes. Var-
ro lib. IV. de LL. Herculis vocem Græ-
cam esse, ait, sed iplis Græcis ejus vocis

significatio latebat: unde tam varias et frivolas etymologias commenti sunt; quarum copiam videre est apud Ælium lib. II. cap. 32. ubi suadeo ut videas, quæ annotavit Eruditissimus Perizonius in notis. Illud constat, quod Thebanus iste, dum inter homines egit, ab infantia dictus est.

Ἀλκιδῆς, *Alcides*; παππανυμικῆς, ut Suidas ait, ab avo scilicet, patre Amphitryonis, qui nonnullis Ἀλκαῖος, vel Ἀλκός dicitur. A robore et viribus qui nomen ei inditum volunt, refelluntur à Servio ad VI. Æneid. vi. 392. *Sane Alciden volunt quidam dictum, ὡς τῆς ἀλκῆς, id est, à virtute, quod non procedit: quia à prima ætate hoc nomen habuit ab Alceo patre Amphytrionis. Et sciimus agnomina ab accidentibus dari.*

Hic vero Hercules per apotheosin etiam inter deos viales est relatus; quod credebatur peragrasse totius universæ terras, vias munivisse & stravisse, ac latrones, belluas, monstra, hoc est tyrannides, vitia & quidquid viatoribus infestum esse potest, domuisse. Eleganter Dionysius Halicarnass. lib. I. Antiquit. cap. 41. non ex fabulis, sed ex opinione vulgata, quæ ad veritatem proprius accedit; *Hercules*, inquit, in editione Joannis Hudsoni, *quum omnium suæ ætatis imperatorum esset præstantissimus, magnasque copias ducaret, peragravit quidquid*

quid terrarum Oceanus cingit, evertens omnem tyrannidem, si qua populis subiectis gravis ac molesta esset, aut si quæ civitas suis contumeliis ac injuriis vicinos principatus investaret immanis vitæ genere, & nefariis hospitum cædibus gaudens: & regna legitima & moderatas respublicas constituit, & mores humanos ac sociabiles in vitam induxit. Præterea versatus est cum Græcis & barbaris, cum maritimis & mediterraneis hominibus, qui ante sine fide & sine ullis contractibus commercium inter se habebant: & in locis desertis urbes condidit & fluvios averxit, qui campos inundabant; & in montibus, ad quos nullus patebat aditus, rupes secuit; **UT VIATORIBUS ITER APERIRET;** & cetera molitus est, ut omnis terra & mare omnibus commune esset, omniumque usibus inserviret.

At vero quod Macrobius ait lib. I. cap. 17. appellationes Deorum ad Solem, verta & **ARCANA** ratione referri, id & in nostro Heroë observare licet. Tot enim fabulis & mendaciis historica fide comitis est involutus, ut vix dignosci queat. Ipse à vanis tricis *Tricosum* se appellatum conqueritur, in epigrammate vetusto, sub signo ejus in basi marmorea Romæ, Grut. pag. 50.

ALCMENAE. JOVIS. ET. MAGNI
FORTISSIMA. PROLES
TRICOSUS. SUBITO. POST. MEA
FACTA. VOCOR

Si vero sublatis Poëtarum involucris, mis-
saeque historia, rem physice consideremus,
Hercules nil aliud est, quam Solis vis, po-
testas & varia virtus in inferiora mundi
corpora. Inde *Astrologus* appellatur, et
stellifer, et horarius in statuis repræsentatur,
qui cælum gestat, astra temperat;
atque diei stationes æquas partitur. Inde
Græcis Ἡρακλῆς, quasi Ἡρᾶ κλέος, *aëris de-
cus* & gloria dictus apud Macrobi. lib. I.
cap. 20. et labores duodecim sunt totidem
Zodiaci signa, quæ annuo circuitu Sol
perambulat. Eusebius lib. III. Præparat.
Evangel. admiratur impudentiam Ethnico-
rum, qui *solem, modo Apollinem, modo
Herculem, modo Bacchum* dicere non ve-
reantur. Non aliam vero ob causam sagit-
tis et arcu armatur. vid. Hieronymum A-
leandrum in exposit. tab. Heliacæ, sub. tit.
Hercules Sol, Vossium lib. II. de orig. idol.
cap. 15. & Pighii Hercul. Prodic. p. 257.

Non mirum ergo, quod Hercules, pa-
riter ac Apollo, peregrinantium socius, fa-
telles, comes & custos habitus est, ac σύμ-
μαχος Apollodoro I. Biblioth. Σωτήρ ἡ Πανσώ-
της Pausaniæ Eliac. I. II. χηρτὸς ἡ σωτήρ
τῶν

ἡδὺς ἀνδρῶν, *benignus & salutaris hominibus*
 Philostrato vocatur, vit. Apollon. lib. 8. c. 7.
 In nummis quoque Thasiolorum, Stymphe-
 liorum Arcadum, et Smyrnæorum ἩΡΑΚΛΕΟΥΣ
 ΣΑΤΗΡΟΣ memoria occurrit, apud Vaillant-
 num. Græc. Imp. p. 26. eamque appella-
 tionem ipsi Dio Chrysostomus, ut Ty-
 rannorum everfiori, alii ut Soli, vindica-
 runt. Is enim radiis suis, potentia ac ca-
 lore viatores comitatur, mala quævis dis-
 pellit, ac novas vires corporibus fessis in-
 fundit. Unde et Hercules non minus atque
 Apollo, ἁλεξίμακος appellatur, apud Lucia-
 num, Hesychium et Macrobiū; Σοτηρ τοῦ σώματος
 apud Philostratum dist. c. 7. ibique Olear-
 rius in notis. Porphyrius apud Euseb. III.
 Præp. καὶ ὁ ὁ ἁλεξίμακος ἐστὶ τῶν θνητῶν ὁ ἥλιος,
 Ἡρῆκλῆς αὐτὸν περιέπων, eo quod mala ab infe-
 rioribus hisce Sol procul expellat, Hercu-
 lem ipsum dixerunt. Hinc quoque Hadria-
 nus Augustus, in nummis HERCULES
 SERVATOR, sive AVERRUNCVS di-
 ctus est, quod provincias circumiens Pro-
 curatores et Præsides, quovis monstro sæ-
 pe deteriores, severissimis suppliciis affe-
 cit, nec quisquam fere principum tantum
 terrarum tam celeriter peragravit, ait
 Spartianus in Hadriano cap. 13. ubi plura
 Casaubonus notavit, Spanhemio suffragan-
 te Diff. XII. de Præst. p. 492. Alibi titulus

Marti propriis ornatur, quia Martis planeta a multis Herculis stella dicebatur, ut Plinius, Apulejus & alii docuere. Inde HERCVLI. POLLENTI. POTENTI dedicatur inscriptio apud Gruter. pag. 50. 3. & pag. 315. 7. locus sepulturæ cultorum HERCVLIS. DEFENSORIS. POLLENTIS. INVICTI memoratur. Severus *HERCVLIS DEFENSORIS* elogio honoratus est, in antiquo numismate, apud Tristanum t. III. p. 71. sicut vero Herculi deo, cognomine eodem, gratum se præstat redux viator, apud Gruter. pag. 45. 12.

HERCVLI. DEFENSORI
PRO. REDITV. ET. ITV
D. CLODI. SEPTIMI

Sæpius Hercules *Comes & Custos* dicitur. Ineditam adfert Celeb. Grævius, in præfat. ad tom. X. Thes. Antiq. Rom.

HERCVLI. COMITI
CONSERV. SACR

L. AELIVS. L. F. ESQ. PENIO
MIL. COH. VI. VIG. EX. V. S.

Similes complures dedit Gudius pag. 32. & 33. ubi n. 4. L. Curius Asper. PRÆFECT. PEREGRIN. HERCVLI CUSTODI. COMITI. CONSER. ita COMES OMNIUM DEORUM vocatur in marmore antiquo Synt. Reinesii pag. 112. COMES
ET,

ET CONSERVATOR DOMINORUM
NOSTRORUM, apud Grut. p. 45. n. 7.
COMES ET CUSTOS n. 8. & pag. seq.
 46. n. 10. Fabianus & Firminus pro salute
 Antonini, *Herculi invicto, quod profici-*
scientes expeditionibus sacris voverant, re-
gressi cum commanipulis, libentes votum sol-
verunt. **COMES AUGG**, appellatur, in
 nummo Maximini, quia Imperatores ejus
 signa in expeditionibus secum ferebant.
Custos dicitur in fragmento veteris Calen-
 darii: **HERCULI MAGNO CUSTODI**
IN CIRCO FLAMINIO, & apud Ovi-
 dium Fast. VI. 209.

Altera pars Circi custode sub Hercule
tuta est,

Quod deus Euboico carmine munus habet.

Idem Naso lib. XV. Metam. vf. 248. *Clav-*
igerum vocat; quemadmodum supra pag.
 126. & 131. Mithram, Janum & Dianam
clavem gerentes vidimus:

Vulnera clavigeri quæ fecerat Herculis
arcus.

Et Ib. vf. 255,

Quantaque clavigeri Pæantius Hercules
heres.

Saxanus cognominatur in Tiburtino lapide
 vetere Grut. pag. 49. n. 3.

HER-

HERCULI. SAXANO. SACRUM
 SER. SVLPICIVS. TROPHIMVS
 AEDEM. ZOTHECAM. CVLINAM
 PECVNIA. SVA. A. SOLO. RESTITVIT.

IDEMQVE. DEDICAVIT.

Cui similem inscriptionem adfert, Illustris
 Cuperus monum antiq. pag. 228.

HERCVLI. SAX

SANTO. SACRVM

Et tertiam Montfauconius tom. II. suppl.
 Antiq. lib. 3. c. 2. ex ara A. 1721. prope
 Mussipontum effossa:

I. O. M. ET. HER-

CVLI. SAXA

SACRUM

Herculem vulgo *Sanctum*, *Sangum*, vel
Sancum vocari, ex Phædro ac Propertio
 constat, & proprium à lingua Sabina id no-
 minis ei fuisse, scribit Varro lib. IV. de L. L.
 SANCTISSIMUS dicitur apud Reines. cl.
 I. n. 64. 65. & Gudium pag. 33. n. 5.
 SANCTUS pag. seq. n. 6. sicut DIANA
 SANCTA apud Reines. d. cl. I. n. 260. Ro-
 manos utique *Semonis Sancti* appellatione
 Herculem coluisse, notum est, ex inscrip-
 tione, apud Gruterum relata, pag. 96. n. 5
 eidemque sacrificium *propter viam*, seu
 proficiscendi gratia factum esse, tradit Festus.
 Dudum vero erroris accusatus est Justinus,
 quod in Apol. 2. pro Christianis c. 34. adfir-
 ma-

mavit, populum Romanum Simoni Samaritæ, infami mago, temporibus Claudii, statuat ad Tiberim posuisse, cum hac inscriptione SIMONI DEO SANCTO. Idem persuasum fuit Tertulliano, Eusebio & Augustino, ejusque fabulæ defensionem nuper suscepit Stryanus Thierlebius, in edit. Justini pag. 40. sed infelicitè! cum in basi, ad Tiberim reperta, legatur: SEMONI SANCO DEO FIDIO, & hac de re inter Eruditos satis constat. vid. Muret. lib. III. epist. 82. Reines. ad cl. 1. inscr. n. 1. Fabrit. Cod. apocr. novi test. tom. 1. pag. 419. & Interpretes ad illud Ovidii Fast. lib. VI. vs. 213.

*Querebam Nonas Sanco Fidione referrem,
Antibi, Semopater: cum mihi Sancus ait:
Quicumque ex illis dederis, ego munus habebo.*

Nomina trina fero: sic voluere Cures.

Cur vero Hercules Saxanus appelletur, de eo in omnia alia abeunt eruditi. Ill. Cuperus à loco quopiam, cui Saxani nomen, epitheton illud derivat. Aleander Junior in exposit. Tabulæ Heliacæ, à magna vi lapidum, quibus ille hostes fugasse in fabulis memoratur, repetit: vel à lapidibus, quibus in obsidione Ilii aram Herculi excitavit Telamon. Nicolaus Berggerius de publ. & mil. viis lib. IV. sect. 43. inde causam petit, quod vias muniverit

rit

rit in difficilibus accessu montibus, & saxa aperuerit; vel quod ei acervi lapidum & saxorum congeries per vias dedicarentur. Marcus Zuierius Boxhornius Quæst. Rom. I. quod in saxeto coleretur, ut saxetanus dixit Martialis lib. VIII. Sed Stephanus Vinandus Pighius in Herculé Prodicio pag. 394. Saxanum Herculem, ait, esse Tiburis Deum tutelarem, qui HERCULES TIBURT. VICT. in alia inscript. Grut. p. 49. n. 6. dicitur, & ideo Saxanum nuncupatum, quod ejus ædes in edito saxo posita fuerat; diversa enim cognomina vel a factis, vel à locis, in quibus colebatur, fortitus. Apud Iberos Gaditanus, apud Zelandos Magnus, vel Macufanus, à μάκκος, rex, alibi Deufonienſis, à castro Duiž; apud Argentinenses Krutzmannus, id est, vir magnus et validus, Monæcus apud Ligures, Bauſius et Surrentinus apud Campanos, et ita Tiburs, vel Saxanus, apud Tiburtes dictus est, ipsumque Tibur, dei hujus sacris initiatum, vicissim *Herculeum*, et colles Tiburtini *Herculei* nominantur. Thomas vero Reinélius simpliciter intelligit, Herculem è saxo Tiburtino factum, *saxeum*, ut Mars *argenteus* dicitur, et Venus *Gabinia* ex lapide Gabino formata. Utrique sententiæ favet ac pondus addit Cl. Grævius in Proleg. Thes. tom. V.

Opti-

Optimum forsan est, ut Herculem, exemplo Tiburtini, Saxanum appellari dicamus, ubicunque in faxis & rupibus positus colebatur: nam & Bonæ deæ *Subsaxanæ* ædicula erat Romæ, sub rupe montis Aventini, & apud Insubres Mediolani, a situ templi, *Hercules in petra* dictus est, in lapide Grut. pag. 49. n. 2. Neque Tiburi tantum ejus templum fuit, sed & passim per vias; uti supra pag. 29. vidimus, ædes ejus extra portas Collinam & Latinam extructas. Fani modici, sed multitudine adorantium viatorum ferventis, meminit Martialis III. 47.

Et qua pusilli fervet Herculis fanum.

Dionysius lib. I. Rom. Antiq. cap. 40. aras addit: *In multis etiam aliis Italia locis templa huic Deo (Herculi) sunt consecrata, & in urbibus, ac in ipsis VIIS ARÆ sunt erecta, nec facile reperias ullum in Italia locum, ubi deus iste non colatur.* Sic aram insignem Herculi Saxano sacram, in Locharingia prope vicum Norri repertam, explicavit Auctor eruditus Gallici operis de religione Gall. lib. III. c. 9. Aliam, ob difficilis itineris memoriam, in Alpibus reliquerant Graji; de qua Cornelius Nepos in Alcibiade & Petronius cap. 12.

*Alpibus æreis, ubi Grajo nomine pulso
Descendant rupes, & se patiuntur adiri,
Est*

Est locus Herculeis aris sacer.

Idem in littoribus & portubus fuit adoratus, tanquam navigationis deus, cui etiam Tyrii navem sacram habuerunt, teste Arriano lib. II. de Exped. καὶ τὴν αὖν τὴν τυρίαν, τὴν ἱερὰν δὲ Ἡρακλῆος, ἦν ἔστι ἐν τῷ θηρίῳ ἔλαβε, καὶ ταύτῃ τῷ Ἡρακλῇ ἀνέθηκε, καὶ θηγάμματος ἐπ' αὐτῇ ἢ αὐτὸς ποιήσας, ἢ ὅτε δὴ ἄλλος ποιήσαντος οὐκ ἄξιον μνήμης τὸ θηγάμμα, διὰ τούτο καὶ ἐγὼ αὐτὸ ἀναγράψαι ἀπηξίωσα. *Navem etiam Tyriam sacram Herculi, quam navali incursione ceperat, Herculi dicat, cum inscriptione, quam sive ipse, sive alius quispiam fecerit, quod nihil habeat memoria dignum, commemorandam minime putavi.* Idem Marcum Octavium contra piratas defendit, si audimus Servium ad Æneid. VIII. vs. 363. qui ex Mafurio Sabino apud Macrob. lib. III. Sat. c. 6. refert: *Marcus Octavius Herfennus, in prima adolescentia tibicen, postquam arti suæ diffusus est, mercaturam instituit: bene re gesta decimam Herculi dicavit, postea cum navigans hoc idem ageret, à prædonibus circumventus fortissime pugnavit & victor recessit, quem in somnis Hercules docuit sua opera servatum, cui Octavius, impetrato à Magistratibus loco, ædem cum signo sacrauit.* Quid? quod Virgilius VIII. Æneid. vers. 542. Æneam profecturum ignes Herculeos, id est, per Hypallagen, aras

aras Herculeas, in quibus ignes erant sopiti, fuscitasse canit:

*Et primum Herculeis sopitas ignibus aras
Excitat, hesternumque Larem parvosque
Penates*

*Lætus adit, mactant læstas de more bidentes
Evandrus pariter, pariter Trojana juven-
ventus.*

*Posthinc ad navis graditur sociosve re-
visti.*

Denique Herculis Macusani figura, prout à Cl. Keislero depicta est, cum furca loco tridentis, cum delphino in dextra, alioque pisce marino ad pedes ejus, satis indicat, ipsum, una cum dea Nehalennia, ab illis, qui se mari committebant, invocatum esse. Proprie vero Hercules non erat nautarum præses, sed terræ firmæ affixus. Fuit is quidem prope portus, navalia, fluminumque præcipitia cultus, sed vulgo ut alveum compesceret, & agros ab inundationibus tueretur. Statius lib. II. Silv. 2. villam Surrentinam Pollii sui describens:

*Ante domum tumidæ moderator cæculus
undæ*

*Excubat, innocui custos laris: hujus amico
Spumant templa sale, felicia rura tuetur
Alcides, gaudet gemino sub numine portus,
Hic servat terras, hic sævis fluctibus obstat.*

N

Inter

Inter aras ergo omnes veneratione præcipua erat, ingens illa & Maxima, quæ in foro boario, post januas Circi maximæ conspiciebatur, cujusque, præter Livium & Tacitum, meminere Virgilius lib. VIII. *Æneid.* vf. 270.

*Et domus Herculei custos Pinaria sacri,
Hanc aram lyco statuit, quæ Maxima semper*

Dicetur nobis, & erit quæ maxima semper.
Ovidius lib. I. *Fastor.* vf. 581.

*Constituitque tibi, quæ Maxima dicitur,
Aram,*

Hic ubi pars Urbis de bove nomen habet.

Alii eam non ipsi Herculi a semet, ut cum Nasone Propertius ait, sed Jovi inventori ab Hercule dicatam, alii Evandrum Herculi dicasse volunt. Dionysius dicto cap. 40. Ὁ ἡ βομὸς, ἐφ' ἧ τὰς δεκάτας ἐπέθυσαν Ἑρεκλῆς, καλεῖται μὲν ὑπὸ Ῥωμαίων Μίγρις, ἐστὶ ἡ βοαρία λεγομένη ἀγορὰς πλησίον, ἀγιστόμην· εἰ καὶ ἡ ἀρχὴ ὑπὸ τῶ Ἑργασίων. Ὅμοιαι τε γὰρ ἐπ' αὐτῇ, καὶ συνθήκαι τοῖς βελομήοις βεβαίως τι διαπράττεσθαι, καὶ δεκατόσεις χρημάτων γίνονται συχναὶ κατ' ὀχλόν. *Ara vero, supra quam Hercules decimas obtulit, a Romanis Maxima vocatur, estque prope forum, quod Boarium appellatur, quam regionis illius incolæ, si quam aliam, venerantur. Qui enim aliquid firmi ac validi transigere volunt, ad banc aram & jusju-*
ran-

randum & pactum faciunt, hic etiam suorum facultatum decimas ex voto saepe offerunt.

Enimvero auspiciatissimum & fortunatissimum ducebant viatores, mercatores & alii, *decimam partem bonorum, lucri aut fructuum Herculi vovere, ut ejus favore fierent auctiores.* Diodorus Siculus lib. V. cap. 2. Pulcherrima est lamina aërea, in Latio reperta, apud Vignolium inscript. select. pag. 337.

CN. FLACCUS. Q. FVL. F. DE
CUMAM. PARTEM. HERCU-
LI. ET. PRO. REDITV. FELI-
CISSIMO. EX. AFRICA. VL-
BI. FRATRIS. ET. PRO. SAL-
PETINAE. MATRIS. SIGNA.
AVREA. FORTVNAE. PRAEN-
ET. FERONIAE. SANCTIS-
SIMAE. D. D. T. VINIO. COS.

Hæc vero consuetudo decumam, id est decimam bonorum suorum partem donandi, non inde nata est, quod Hercules moriturus dixerit, eos opulentos fore, qui sibi decimam bonorum suorum partem consecrassent; neve quod is boum, quos Geryoni abstulerat, in Palatino decimam partem immolarit; vel quod Romanos ab He-

truscis decimari solitos liberaverit, ut Plutarchus Problem. c. 17. existimavit: potius enim mos ad Græcos & Romanos a Judæis manavit, qui ex Mosis instituto, in usum Levitarum, decimas colligebant: quinimo antiquissimum Abrahami exemplum initium potuit fecisse consuetudini decimæ partis spoliolum consecrandæ, nisi malis ipsum morem inter Chananæos receptum observasse. Diodorus enim Siculus lib. XX. c. 14. Tyrionum inventum facit, quorum coloni Carthaginienses quotannis decimam omnium proventuum Tyrum mittere solebant, quod etiam Polybius Excerpt. leg. 114. & Justinus lib. 18 c. 7. scripsere. Inde ergo ad alios usus forsan perlatus est: Apollini enim in insulam Delum quotannis decimas missas, auctor est Callimachus hymn. in Delum v. 278. eidem Dictator Camillus, ex præda Vejenti, eas vovit, apud Livium V. cap. 21. & Crotonienses apud Justinum lib. XX. cap. 3. Ex Arabum lege, omnes thuris mercatores thus suum ad metropolin Sabothan ferre cogebantur, ejusque decimam deo ejus Sabi prius offerre, quam illud venderent, auctore Plinio lib. XII. H. N. c. 14. De fano Dianæ in Scilunte & consecratis ei fructuum agri decimis, agit Xenophon *Agric.* l. V. pag. 350. Minervæ decimas Athenis con-

consecratas tradit Demosth. adv. Timocrat. p. 447. Similia id genus exempla Seldenus in diss. de decimis, plena manu collegit, quocum omnino Spencerus de LL. Mos. tit. l. 3. c. 10. jungendus est, qui etiam in rationes Pythagoricas numeri denarii inquisivit.

Sed nostræ Heroulis decimæ licet neuti-
quam ex Jure Civili aut Pontificio solve-
rentur, magis tamen erant vulgares & quo-
tidianæ. Plautus eas Trinummo Actus II. Sc. 7. vs. 11. *Herculeam partem vocat.*
& in Mostell. IV. Sc. 2. vs. 63. *Herculis*
questum pro magno ponit, eumque ex in-
numerabilibus decimis conflatum à Tranio-
ne, servo facerrimo, & maxime prodigo,
ait, conteri posse. L. Mummius cum Co-
rinthum cepisset SANCTO SEMIPATRI DE
DECUMA DONVM DEDIT MORIBVS ANTI-
QVEIS, teste inscriptione Gruter. pag. 69.
Decimationis illius, tum ex spoliis, tum ex
lucris mercaturæ consecratio, Romæ apud
Maximam aram, quam supra vidimus, ri-
tu solenni & cum hilarî convivio fieri so-
lebat, ita ut convivæ laurea, in honorem
Dei, redimiti cubitum mitterentur. Huc
pertinet, quod Varro ait, apud Nonium, in
caudum: *Majores solitos decumam Herculi*
vovere, nec decem dies intermittere, quin
polluerent, populumque arborum cum coro-

na laurea demitrent. Cicero lib. 2. de offic. cap. 17. Orestis nuper prandia in SEMITIS, decumæ nomine, magno bonori fuerunt. & Octavius Herennius, auctore Macrobio lib. III. sat. cap. 6. Instituit mercaturam, & bene re gesta decimam Herculi profanavit. Atque ad hæc, pro arbitrio, ob rem bene gerendam, votas, non ad nostri ævi decimas, ut Accursius volebat, referenda est l. 2. §. 2. D. de pollicitat. Si decimam quis bonorum vovit, decima non prius in bonis esse desinit, quam fuerit separata. Etsi forte qui decimam vovit decesserit, ante sepositionem. Quæ posteriora verba Jacobus Gutherius lib. IV. de vet. jure Pont. cap. 23. ex Nævio interpretatur: Si prius mortuus fuerit, quam tibia publicando epulo Herculi decumasset; Ita enim ille in Colace, apud Priscianum lib. IX. Qui decumas partes quantum alieni fuit polluxit, tibia publicando epulo Herculis decumas. Varro lib. V. de L. L. Profanum quod in sacrario pollutum, atque inde Herculi decuma data ab eo est, quod sacrificio quodam sanatur. Plautus in Bacchid. act IV. Sc. 4. vs. 15.

Si frangi est Herculem fecit ex patre: decumam partem ei

Dedit, sibi novem abstulit.

Præ-

Præterea ad aras ejus, ubivis politas, sacrificia & cœnæ à peregrinantibus offerebantur. Festus: *Propter viam fit sacrificium, quod est proficiscendi gratia, Herculi aut Sanco, qui scilicet idem est Deus.* Tunc: *Profecturi viam Herculi aut Sanco sacrificabant;* ubi propter viam est prope, juxta, secundum viam, ut Varro apud Nonium: *propter Fortunæ aram eâ hostia caesa erat.* Lucret. lib. IV. vs. 1018. *aut fontem propter amœnum adsidet.* Laberius Paupertate, apud Nonium: *Visus hac nocte bidente propter viam facere.* Græcis subinde hoc dicitur τὰ ἱερὴα δύνει, eoque referenda est *culina*, quam supra ex Tiburtina inscriptione vidimus ædi Herculis junctam, ut in eâ sacrificia pararentur: nam quod Sponius Voyage de la Grece tom. III. pag. 47. ex Festo eam ad locum, in quo dapes funerum parabantur, retulit, non placebit omnibus. Vide Turre de diis Aquilej. pag. 308. Quicquid autem ex pollucta dape supererat, non pauperibus relinquebatur diripiendum, ut in Triviæ sacris, sed flammis absumebatur. Hæc enim lex erat sacrificii ad agendas gratias, etiam apud Hebræos, Levit. VII. vs. 15. & scite Grotius ad Exodi XII. vs. 10. observat, Pascha quoque naturam ἑχέσινον habuisse, ex quo non remanebat quicquam usque mane, ve-

rum si quid residuum esset, igne comburebatur. Philo Pascha διακαθήριον, id est profectivum appellavit, sive *propter viam*, ut Latini loquuntur. Macrobius locus Sat. II. cap. 10 eam in rem illustris est, & à multis observatus, hic tamen minime omittendus: *Sacrificium*, inquit, *apud veteres fuit, quod vocatur propter viam.* In eo mos erat, ut, si quid ex epulis superfuisset, igne consumeretur. Hinc Catonis jocus est. Nam Q. Albidium quendam, qui sua bona comedisset, & novissime domum, quæ & reliqua erat, incendio perdidisset, propter viam fecisse dicebat; quod comesse non potuerit, id combussisse. Vulgo hic *proterviam* legitur, quam lectionem secutus est Erasinus, in adagio *Proterviam fecit*, recte jam olim a Paulo Leopardo eapropter notatus lib. XV. Emend. cap. 19. Etiam Turnebus lib. IX. Advers. cap. 4. monuit, unius Festi auctoritatem satis causæ habere, cur lectionem illam esse mutandam putemus: sed in medium præterea venire jubet Scæparnionis jocum in eos, qui naufragium omnium bonorum fecerant, apud Plautum Rudente I. sc. 2. v. 61.

S. Propter viam illi sunt vocati ad prandium.

D. Qui. S. quia post cœnam credo laverunt.
Denique præter aras & templa, statuæ
in

in honorem Herculis collocabantur, quarum trunci quadratis Mercurii Hermis erant per-
 similes. Pausanias in Corinthiacis, in Gymna-
 sio Sicyoniorum videbatur, ait, Ἡρακλῆς τὰ καὶ τὰ
 τοῖς ἑξαις τοῖς τετραγώνοις εἰκαυμένῳ. *Hercules in-*
feriore trunci parte quadratis Mercurii si-
gnis per similit. Cicero eas *Hermeracclas* vo-
 cat ad Attic. I. ep. 18. *Signa nostra & Her-*
meracclas, cum commodissime poteris, velim
imponas. Huiusmodi *Herculem*, quadrati
Hermæ figura factum, Romæ in ædibus Ja-
 cobi Benzoni delineavit, & operis sui fron-
 tispicio expressit Pighius; cui subscriptum
 epigramma Græcum, quod is ita latine
 reddit:

Solibus exiguis puerum me noscite. Felix
Herculeum signum collocat, & Prodicti.

Recte *Prodicti*. Nam Hercules Prodictus
 à Prodicto Sophista fingitur in bivio dubius,
 quam vivendi viam ingredi melius esset, &
 quia virtute duce optimam elegit, hinc
 postea quali Deus vialis in biviis celebratus.
 Ad illum certe alludit Persius sat. V. vs. 34.

Cumque iter ambiguum est, & vita nescius
error

Diducit trepidas ramosa in compita mentes
Me tibi supposui.

Conjunctio autem Mercurii cum Hercule
 in una statua, quam Pausanias refert, idem
 N 5 desi-

designat munus. Ita ille Antholog. lib. I. cap. 38. n. 4. viatores affatur :

Ὡ τῶν δ' εἰσχοῦλες ἀτάρπιον οἱ τε πατ' ἀγρίας
Δαμόθεν, οἱ τ' ἀπ' ἀγρῶν νεῖθε πατ' Ἀρεόπολιν.
Ἄμμεν ὄρον φύλακες, διοσσι θεοί, ὧν δ' μὲν Ἑρμῶς
Οἶον ὄρε' μ' ; ὅτ' αὖτε δ' Ἑρακλῆς.

*Qui hanc properatis viam, sive ad agros
Ex oppido, sive ab agris tenditis ad urbem,*

*Nos terminorum custodes, duo dii, quorum
hic quidem Mercurius,*

Ut vides me, hic autem Hercules. &c.

Iidem quoque juncti conspiciuntur in lapide, ante veteris portæ Capenæ situm, ad ipsam viam Appiam effosso, cum inscriptione: III VIVM EX VOTO RESTITUIT apud Fabrettum de col. Traj. c. 6. pag. 174.

Rursus civitas Corcyra Marcum Patronum et benefactorem, forte iter reipublicæ nomine suscepturum, ΕΡΜΑΙ ΗΡΑΚΛΕΙ Mercurio & Herculi commendat, apud Spon. Miscell. erud. Antiq. Sect. I. pag. 14.

Idem porro Hercules pariter ac Mercurius à studiis rei faciendæ fuit cultus, & quæ in terræ visceribus invenirentur, eorum gratia illi habita, auctore Horatio lib. II. sat. 6: ubi stultus ita vovet: vs. 10.

*O si urnam argenti fors qua mihi monstret!
ut illi,*

*Thesauro invento qui mercenarius agrum
illum*

*Illum ipsum mercatus aravit, dives, amica
Hercule.*

Sicut enim Mercurius apertis lucris & negotiationi præest, ita Hercules opertis lucris, sive thesauris, si veteribus Scholiastis ad hunc locum credimus; Arnobius vero lib. IV. adv. gent. utrumque lucra promoveri monuit, & Philostratus, in Sophistis, ἑρμῆαιον appellavit thesaurum, in ædificio re-
pertum. Plerique etiam utrumque iusto cultu, ut καρδοῦν & πλατοδοτεῖν venerabantur, Herculem quidem hac insuper ratione, quia divitiæ non sine virtutibus acquiruntur, quodque Hercules labore proprio adeptus est omnia. Alludit Pers. sat. 2. vs. 10. in voto avari: *O! si sub rastris crepet a-
genti mihi seria, dextro Hercule!* Ex quo loco, uti & ex illo Horatii discimus, quis ille fuerit deus, cujus liberalitati thesauri, tanquam *Dei beneficia*, tribuuntur in l. 63. §. 1. D. de A. R. D. l. 3. C. Th. l. un. C. de thesaur. θαῖ τῶν eos Leo vocavit Nov. 61. Alibi Juppiter quoque thesaurorum inventor laudatur, ut in inscriptione de thesauris Decebalis, in medio flumine Sargelia absconditis, & a Trajano, indicio præditoris repertis, quæ a Johanne Trö-
stero laudatur lib. I. Daciae c. 13. sed cu-
jus fidem non levi ratione suspectam habet
Marqu.

Marqu. Gudius in corp. inscript. pag. 2.
n. 7. Verba ejus hæc sunt:

IOVI. INVENTORI. DITI. PATRI
TERRAE. MATRI.
DETECTIS. DACIAE. THESAURIS.
CAESAR. NERVA. TRAJANVS.
AVG. SAC. POS.

CAPUT XI.

DE LARIBUS VIALIBUS ET GENIIS VIARUM.

*Lares viatorum dii, quia Mercurio geniti.
Varia Larum genera, Cœlestes, Dome-
stici, Militares, Rurales & Publici,
quorum imagines argenteæ. l. 6. & 19.
D. de auro & arg. leg. elucidatur. La-
res viales proprie sunt animæ defuncto-
rum, qui vivi vias curassent. Horum
sepulchra ad vias Alias dicuntur Manes,
Heroës & Genii. Tres horum classes.
Genius loci, Genius viarum est angelus
vialis. Gen. 24. vers. 7. Mal. 3. vs. 1.
Psalm. 91. vs. 11. & liber Tobiae illustra-
tur. Larum vultus & sigillaria deo-
rum vialium gestabant peregrinantes:
nummus Augusti & Horatius exponuntur.*

Au-

Augustus Divus, dum vivus. Mos viatorum rationis capsulas & parva templa secum ferendi, ad Amos V. vs. 26. & Act. XIX. vs. 24. Publici lares fingebantur habitu peregrinantium, cum cane adstante. Cœnæ & sacrificia eorum cibus prope vias. Culinae in sepulchris. Compitalia illorum festa, non stata, sed conceptiva. quanta cum religione illa celebrata. l. 12. C. Tb. de pagan. multa luce donatur.

Jure quidem suo & merito nunc Lares nobis memorandi sunt, viarum & compitorum dii incerti, plebeji & inferioris ordinis, semideis certe minores, quos Charinus itineri accinctus compellat apud Plautum Mercat. V. sc. 2. vs. 23. *Invoco vos, LARES VIALES, ut me bene juvetis. & Milite. glor. IV. sc. 8. Palæstrio, rebus omnibus ad iter compositis, ad Larem:*

Etiam nunc saluto te, familiaris, priusquam eo.

Conserui conserveque omnes bene valet & vivite.

Demipho apud Terentium Phormione Actus II. sc. 1. vs. 81. prima post reditum prece, quasi de via, ut explicat Donatus; Lares & Penates it adoratum:

At

*At ego deos penates hinc salutatum domum
Devortar: inde ibo in forum*

Claudianus lib. I. de laud. Stilic. vf. 118.

Vixque salutatis laribus, vix conjuge visa.
Inscriptio apud Gruterum pag. 78. I.

FORTUNAE
REDUCI. LARI
VIALI. ROMAE
AETERNAE.

Recte Turnebus lib. VII. Advers. cap. 15. suspicatus est, Lares viales esse, qui viis praesunt, quosque invocant, qui peregre proficiscuntur; at causam muneris addit nullam. Vulgi iudicium adfert Arnobius lib. III. advers. gentes: *Lares, inquit, arbitratur vulgus vicorum atque itinerum deos esse, ex eo, quod Graeci vicos cognominant lauras.* Sed voces populi vanæ non sunt audiendæ. Veram rationem ex Theologia Romana nobis indicat Ovidius lib. II. Fast. vf. 615. quod Lares ex furtivo concubitu Mercurii, Viarum praestitis, cum Lara Nympha sunt procreati. Hanc enim, dum ad inferos ob garrulitatem deferre iussus, reluctantem violat,

*Fitque gravis, geminosque parit, qui com-
pita servant,*

Et vigilant nostra semper in Urbe Lares.

Lar

Lar autem Hertrusca vox est, & principem, præstitem ac ~~οὐρανίου~~ significat, ut docuit vir summus Josephus Scaliger, in castigat. ad Propert. lib. IV. Glossæ Philoxoni: *Lares*, ~~θεοὶ οὐρανίδιοι~~. *Lares familiares*, ~~ἡρώες οὐρανίδιοι~~. Ovidius lib. V Fast. vers. 129

Præstitibus Maja Laribus videre Kalendaræ

*Aram constitui, parvaque signa Deum.
Causa tamen positi fuerat cognominis illis,
Quod præstant oculis omnia tuta suis.*

*Stant quoque pro nobis, & præsent mæ-
nibus nostris*

Et sunt presentes, auxiliumque ferunt.

Hinc variarum rerum Antistites Dei Lares dicebantur, quorum numerus et nomina sunt ignota: alios enim privatim, post fores, alios in atrio, aut vestibulo, alios in cubiculo, ad focum, vel in domo intima, & alios denique publice in templis colebant, Hieronymus in Esaiam: *Nullus erat locus, qui non Idololatriæ sordibus inquinatus fuerit, in tantum, ut post fores domorum Idola ponerent, quos domesticos appellant Lares, & tam publicæ, quam privatim animarum suarum sanguinem iis funderent. Et primum quidem (ut lares permarios, a Livio memoratos præteram, de quibus cap. 13. infra agam.) erant Lares Cælestes,* quos

quos versari credebant in eo spatio, quod Lunam & terram interjacet: *Inter Lunæ gyrum & nimborum ac ventorum cacumina aërias esse animas, sed eas animo, non oculis videri, & vocari Heroas, & Lares, & Genios*, ex Varrone scribit Augustinus lib. VII. de Civ. Dei c. 6 Tertullianus de spectac. c. 5. ex antiqua inscriptione, Romæ in Circo defossa: **LARES. COILLO. POTENTES** vocat, lapis vero Gruteri 6. pag. 1004. habet **COMITIO POTENTES**: inepte Salmas. Exerc. Plin. pag. 641. *colio potentes* legendum esse putavit. vid. Illustr. Spanhem. in Diatriba de Vesta cap. XV. Erant et lares *Familiares*, domestici, quæis foci, tecti & familiæ cura, de quibus in saxo Tiburtino, apud Gudianum pag. 62. n. 10. **DIIS DEABUS LARIB. FAMILIAR.** Tertullianus Apol. c. 13. *domesticos deos*, Propertius l. IV. 1. 133. *matris deos*, Tibullus lib. 1. Eleg. XI. vs. 15. *Lares patrios*, Suetonius *Lares cubiculi* vocat, additque eorum custodiæ apponi solitum puerum, in Domit. c. 17. Erant lares *militares*, præfides eorum, qui castra sequebantur. Martianus Capella lib. 1. de Philol. & Merc. nupt. *In secunda itidem*, inquit, *cœli religione mansitabant, præter domum Jovis, quæ ibi quoque sublimis est, ut est in omnibus prædiatus, Quirinus Mars,*
lares

lares militareis, Juno ibi quoque domicilium possidebat. Eosdemque esse puto, quorum meminit Livius, in devotione Decii, lib. VIII. c. 9. Janæ, Juppiter, Mars pater, Quirine, Bellona, Lares, Divi Novensiles, Dii indigetes, Diæ, quorum est potestas nostrorum, hostiumque Diique Manes, vos, precor, veneror &c. Erant præterea Lares Grundules, à grunniendo, & Rurales, agrorum præfecti, in lapide luculento Gru-teri memorati pag. 251. vicus larum ruralium. Hi inter Deos CAMPESTRES referendi, quorum meminit lapis apud Fabrett. de aquæd. pag. 106. Virg. lib. III. Georg. vi. 343. de pastore armentorum:

- - - Omnia secum

Armentarius Afer agit, tectumque, La-remque,

Tibullus lib. I. Eleg. I. vi. 23.

Vos quoque felices quondam nunc pauperis agri

Custodes, fertis munera vestra, Lares.

Calpurnius Ecl. II. vi. 64.

«Nos quoque pomiferi Laribus consuevimus horti

Mittere primitias, & fingere liba Priapo.

Denique erant quoque Lares Urbis Romæ, Senatus auctoritate consecrati: Patrii penates familiaresque, qui huic Urbi & Rei-

Reipublicæ præsidetis, Cicero in fit pro domo c. 57. & *Hostilii*, urbium custodes, à quibus hostes arcebant. Atque hi sunt *Publici* illi, de quibus pulchra inscriptio existat apud Gruterum pag. 106. n. 4. LARIBUS. PUBLICIS. SACRUM. & alia apud Spon. Misc. erud. antiq. pag. 114.

GENIO. DOMNOR. CERERI

T. POBLICIUS. CRESCENS. LARIBUS
PVBLICIS. DEDIT. IMAGINES. ARGEN-
TEAS. DUAS

Imagines enim eorum erant ex argento. Petronius cap. 29. *Præterea grande armarium in angulo vidi, in cujus ædícula erant Lares argentei positi.* Ubi clarissimus Burmannus in notis erudite monuit, ad lares hosce pertinere quod Marcellus scribit in l. 6. in f. D. de auro & arg. leg. *Heredem meum volo fideique ejus committo, ut in patriam meam faciat porticum publicam, in qua poni volo imagines argenteas.* & in l. 19. eod. *Sed nec candelabra, nec lucernæ argenteæ, vel sigilla, quæ in domo reposita sunt, vel imagines argenteæ argenti appellatione continentur.* Hinc in veteri lapide LARIBUS PUT. CIV. apud Grut. pag. 10. & apud eundem pag. 174. n. 7. quidam municipibus Rheginis legat inter alia LARES. ARGENTEOS. SEPTEM. Horum quo-

quoque fuit *facellum Larium* Romæ, de quo Tacitus XII Annali 24. & AEDES. LARUM IN. SUMMA SACRA VIA.; cuius in fragmento Ancyrano meminit Augustus.

Ad hos etiam publicos referendos puto, *Lares illos viales*, quibus publicum sacrum fiebat, à Servii Tullii temporibus, ut statim dicemus. Primitus quidem omnis Larium cultus privatus fuit & domesticus. Unusquisque enim in sua familia, animas majorum, qui prioris vitæ adjuti fuerant honestate, in Lares convertit, easque, tamquam auxilium laturas, est veneratus. Servius ad VI. AEn. v. 152. *Apud majores omnes in suis domibus sepeliebantur; unde ortum est, ut Lares colerentur in domibus.* Post vero animæ Heroum, virorum illustrium & Imperatorum, qui regia, vel Optimum, vel populi auctoritate in Deos relati essent, inter Lares cultæ. Festus in *lanæ*: *Lares animæ putabantur esse hominum redactæ in numerum Deorum.* Divus Augustinus lib. IX. de Civ. Dei cap. II. ex Plotino, in igni Platonico tradit: *ex hominibus fieri Lares, si meriti boni sunt.* Apulejus de Deo Socratis scribit, animam defuncti larem dici, *si quieto ac pacato numine domum possidet.* Eos vero qui male vixissent, aut violenta morte periissent, in malos de-

monas converti; quibus loco carnificum **Dii** utantur, in puniendis flagitiosis & impiis hominibus, secundum Plutarch. Quæst. Rom. 51. communis opinio erat, quam etiam in Christianis Antiochenis Chrysostomus reprehendit, homilia 11. in Lazar. Servius ad III. Æneid. vers. 168. *Labeo, in libris, qui appellantur, De Diis Animalibus* (quibus origo animalis est) in quibus ait: *Esse quedam sacra, quibus animæ humanæ vertantur in Deos, qui appellantur animales: quod de animis fiant. Hi autem sunt dii Penates & VIALES.* Ecce lares Viales animas, ait, humanas esse, nempe eorum, qui, dum in vivis essent, viarum fuerant curatores. Jam autem Viocurorum quantus apud Romanos fuit numerus! quo enim quisque pietate in patriam magis valuit, eo majorem in viis muniendis & sternendis operam impendit. Prætereo Appios, Gracchos & Cottas, ipse Julius Cæsar viæ Appiæ curator fuit; Augustus viarum, quæ circa Romam, curator constitutus milliarium aureum fecit; Claudius vias, inter montes excisas, maximis impendiis fecit, Trajanus *κατ' ἐξῆς* dicitur curator viarum, apud Gruterum pag. 199. n. 1. & quotquot ad Constantinum usque fuerunt Imperatores, vias vel novas fecerunt, vel veteres collapsas instaurarunt; ut parte II. hujus opuscu-

opusculi, pluribus congestis veterum testimoniis, ostendam.

Horum igitur animas cœlo locatas, tanquam deos tutelares, colebant, qui peregre proficiscebantur. Hesiodus *lpy.* 123. alique Græci *δαίμονας* appellant homines, aureæ ætatis ævo sanctos. Glossæ veteres interpretantur *ἡρώας καὶ αἰωνοδιδίους*; Censorinus de die nat. cap. 3. scribit: *Eundem esse Genium & Larem, multi veteres memoria prodiderunt.* Id vero an recte fecerint, dubitari posset, nisi diversas vocis Genii significaciones distinguamus: nam genii viventium sunt. GENIO ET LARIBUS est in lapide Reinesii cl. 1. n. 158. & alibi in descriptione Urbis in Quirinali Reg. VI. ædicula GENII LARUM memoratur. Optime vero Apulejus de Deo Socratis ostendit, Genium aliquando accipi pro animo humano, exuto corpore suo, & libero stipendiis vitæ, quem plerique immortalem esse, alii ad extremam mundi conflagrationem durare existimabant. Hunc veteres Lemurem, vel Deos Manes honoris gratia vocabant, eumque posteriorum suorum curam agere, & nunc pacato quietoque numine domum possidere, nunc sepulchra inhabitare & lucos iuxta vias, ibique viatoribus prodesse sibi persuadebant. *In lucis habitant manes pi-
orum, qui Lares viales sunt,* ait Serv. ad

III. *Æneid.* vi. 302. Maxime autem animas melioris meriti, & Divis adscriptas, ~~θεῖαι~~ vel ~~θεῶν~~, vel ~~ἡρώων~~ vocabant, uti Xiphilinus de Augusto et Hadriano id testatur. At Plinius lib. VII. cap. 55. irridet *vanitatis humanæ conamina, sensus inferis dandi, & Manes colendi, deumque faciendi, qui jam etiam homo esse deserit.* Alius hujus nominis significatus est, ut Genii sint medix quædam potestates inter summum æthera & infimas terras, in isto interstiti aëris spatio, per quas desideria nostra & merita ad Deos commeent, qui ultro citroque portent hinc petitiones, inde suppetias, ceu quidam utrinque interpretes & salutigeri: talem cuique a Jove attributum esse præsidem ducemque futurum, ait Marcus Antoninus lib. V. §. 27. Hominum custodes eos vocat Hesiodus, *præstites* Minucius Felix, quod præsent hominum actionibus; Plinius vero rursus innumeros deos reprehendens lib. II. c. 7. ait: *Major cœlitum populus, quam hominum intelligi potest, cum singuli quique ex semetipsis totidem deos faciant, Junones Geniosque adoptando sibi.* Tertius denique intellectus est, ut Genium accipiamus pro Deo, qui vim obtineret rerum omnium gerendarum, quique cuivis Numini, populo, loco, urbi, & viæ, tanquam gubernator, præses & custos tutela-

tellaris adscriptus est.. Hinc GENIO VIARUM Lutatins in via Appia posuit apud Reines cl. i. n. 299. & L. Lucretius Faustinianus, in lapide Vorburgi, in Hollandia effosso, copulat Larem vialem cum genio loci apud Spon. Miscell. pag. 113. & Matth. Sylloge. epist. 66. FELICITATI. LARI VIALI ET GENIO LOCI. Multa de genio dixi in Dissert. De perjurio per genium Principis cap. 2. & alia plura monuerunt eruditione præstantes viri, sed unus nobis sufficiet Prudentius, qui lib. II. contra Symmach. vs. 444. omne hac in re Romanorum studium complexus est:

*Cur Genium Romæ mibi fingitis
unum?*

*Cum portis, domibus, thermis, stabulis so-
leatis*

*Assignare suos Genios, perque omnia mem-
bra*

*Urbis, perque locos Geniorum millia multa
Fingere, ne propria vacet angulus ullus ab
umbra.*

Ut vero triplex ille Genii significatus, in hac Deorum vialium materia, clarior evadat, sciendum est, veteres cum Hebræis scivisse, omnia Angelorum ministerio geri, atque hos comitari iter facientes. Abrahamus servo suo, uxorem Isaac petiture Genes. 24. vs. 7. inquit: *Jehova, colorum Deus,*

O 4

mittet

mittet Angelum suum ante te. Psaltes c. 91. v. 11. Angelis suis præcipiet de te, ut conseruent te in omnibus viis tuis. Malachias 3. v. 1. Ecce ego missurus sum Angelum meum, qui expediat viam ante me.. Angelus Dei quoque antecessit castra Israëlitarum Exod. xiv. v. 19. & xxiii. v. 20. Mitto angelum ante te, ut te custodiat in via, & ducat in locum illum, quem præparavi. Plurima etiam de Raphaele, angelo viali, fabulis ex Persarum superstitione adspersis, reperiuntur in libro Tobiae, cujus votum erat c. 5. v. 24. Qui in cælo habitat Deus, prosperet iter vestrum, & Angelus Dei proficiscatur vobiscum. Ex his desuntum & depravatum est, quicquid gentiles de geniis viarum, & diis deabusque præsidibus provinciarum somniarunt; nam & animas, corpore solutas, in cælum se conferre, & interpretes inter deos & homines agere, Geniosque totî mundo & cuivis loco præfidentes, hominum votis adesse, prout quique egerent in vita, tradiderunt, uti ex Platone, Maximó Tyrio, Jamblichó aliisque vulgatum est. Diogenes Laert. lib. VII. segm 151. de Stoicis: Quosdam item esse daemones dicunt, qui hominum affectibus tangantur, inspectores humanarum rerum. Heroas quoque relictas proborum animas. Virg. lib. VII. Æneid. v. 135.

--- fron-

- - frondenti tempora ramo
Implicat & Geniumque loci, primamque
deorum

Tellurem, Nymphasque & adhuc ignota
precatur
Flumina.

Horat. lib. 11. ep. 2. vs. 187.

Scit Genius, natale comes, qui temperat
astrum,

Naturæ Deus humane.

Calpurn. Ecl. V. vs. 25.

- - - tum cespite vivo
Pone focum, Gensumque loci, Faunum-
que Laremque.

Salvo farre voca.

Petronius genium loci absolute tutelam vo-
 cat c. 57. *Ita tutelam hujus loci babeam*
propitiam. Inscriptio Grut. pag. 105. n. 2.

DEO TUTEL. GENIO LOCI. In alia

Fratrum Arval. apud Turre pag. 389.

SIVE DEO SIVE DEAE IN CUJUS

TUTELA HIC LUCUS LOCUSVE

EST. Sed quod Raphaël apud Tobiam ait,

c. 12. vs. 15. unum se esse ex septem an-

gelis illis, qui referunt preces sanctorum

& egrediuntur coram gloria sancti, ex eo,

ut & ex septem spiritibus, qui in conspe-

ctu throni Agni missi dicuntur in omnem

terram, apud Johann. Apoc. I. vs. 4. & V.

vs. 6. scriptores Ecclesiastici quidam sep-

tem finxerunt supremos & generalissimos totius universi administratores, τὰς αὐτὰς μεγίστας δυνάμεις ἔχοντας, ut Clemens Alexandrinus ait, lib. VI. Strom. Eusebius lib. IV. Præparat. Evang. c. 7. verba Moſis Deut. 32. vſ. 8. ad hosce Genios tranſtulit; Origenes Principes Tyri, Perſarum & Græcorum, apud Ezechielem & Danielelem memoratos, gentium dæmonas interpretatur, homil. 35. in Lucam, eoſque *communes mundi aurigas*, Homil. 14. ſuper Num. appellavit Vid. Reineſ. ad cl. 1. Inſcr. n. 4. Antiqui vero Aſtronomicæ diſciplinæ magiſtri Genios ſoli tribuebant, uti ex Macro. lib. 1. ſat. c. 19. & Firmico lib. IV. c. 11. oſtendit Petrus Daniel Huetius ad Origenis pag. 212. Atque hæc de Geniis viarum ſufficiant.

Nunc alia non minus amœna obſervatio ſequatur, eos, qui iter ſuſciperent, Larum, deorumque vialium & viocurorum vultus, in nummis ſignatos, *νομισματικὰ χεῖρνα* ut vocat Chryſoſtomus, aut ſigillaria, id eſt, parva minutaſque ſimulacra, ſalutis cauſa ſecum tuliffe, quod crederent ab iis ſe juvari. Monuit hoc doctiſſimus Chifletius in Anaſtaſi c. 4. ubi nummum exhibet, a duobus amicis diviſum, cujus partem dextram, Auguſti capite ſignatam, ſervabat, qui Romæ manebat, ſperans Auguſtalis vul-

vultus, ut publici Laris cultu, amicum
abeuntem in itinere suo felicem fore. Si-
nistram cum Agrippæ effigie secum ferebat
proficiscens, se fortunatum putans, si hunc
in pera haberet viarum curatorem. Sic
Plutarchus de Sylla scribit, eum imaginem
Apollinis secum tulisse. Alexander M. Her-
culem & comitem occasus secum portabat &
ortus, auctore Statio lib. IV. Sylv. carm. 6.
Virgilius lib. 1. Æneid. vs. 382. pium Æne-
am raptos ex hoste Penates secum vexisse
refert, quos Varro sigilla lignea vocat.
Seneca epist. 40. ait, amicos peregre eun-
tibus imagines dedisse. Plinius lib. 35. c. 2.
Vultus Epicuri per cubicula gestant ac cir-
cumferunt secum. Sic numismata amuleti
inservientia habebant foramen ad trajicien-
dum funiculum, quo ad collum gestarentur,
& credebantur juvari in omni actu suo, qui
Alexandrum expressum vel auro gestitant vel
argento, scribit Trebell. Pollio in trig. ty-
rann. c. 14. fin. Asclepiades Philosophus idem
moris habuit, teste Ammian. Marcellino lib.
xxii. Dea celestis argenteum breve figmen-
tum quocunque ibat, secum efferre. De se A-
pulejus in Apol. Morem mihi habeo, quoquo-
eam, simulacrum alicujus Dei inter libellos
conditum gestare, quem mox Mercuriolum
vocat. Sic quoque ille nummi divisi por-
tator in pera viatoria gestabat simulacrum
vio-

viocuri. De Augusto Suetonius cap. 30. *Desumpta sibi Flaminia via Arimino tenus munienda, reliquas triumphalibus viris ex manubiali pecunia sternendas distribuit.* et cap. 47. *Non est, ut opinor, provincia, excepta duntaxat Africa & Sardinia, quam non adierit.* Ad illius quoque publici beneficii memoriam apud posteros propagandam, multi nummi sunt cusi, cum Augusti effigie, & titulo ab una parte; ab altera cum arcu dichyræo, vel bifori, id est duarum portarum, in via super pilas fornicatas posito, in cujus supremo fastigio victoria quadrigam triumphalem agitans conspicitur, causa honoris adscripta his verbis: QVOD. VIAE. MVNITÆ. SINT. Sed nummus ille, de quo loquimur, simul præfert effigiem Agrippæ, viri citra controversiam optimi, Augusto socero, Senatui ac populo gratissimi, qui que stupendis sumtibus vias fecit ac refecit. Laudat eum Strabo lib. IV. quod viis militaribus Galliam munivit. Dio lib. XLIX. *Agrippa ultro factus Ædilis, omnia ædificia publica omnesque vias privatis impendiis refecit.* Mirum in modum explicationem hanc confirmat inscriptio apud Gruterum pag. 106. & Gudium pag. 63. n. 4. LARIBUS. AVGVSTIS. Alia apud Spon. Miscell. pag. 114. LARES. AVGVST. AGRIP-

GRIPPA. Ovidius non modo lib. 11. Fast. vi. 634. & seqq. Augustum Laribus adjungit, sed etiam in quovis compito & larario domestico cum duobus Laribus ejus Genium fuisse, tum alibi, tum lib. v. Fast. 145. notat:

Mille Lares, Geniumque ducis, qui tradidit illos,

Urbs habet; & vici numina tria colunt.

Appianus lib. v. Bell. civ. p. 746. scribit, Augustum oppidatim inter deos tutelares consecratum esse, cum Pompejum fugasset ex Sicilia & Lepidum in ordinem redeisset. Sed Horatius lib. IV. Ode 5. ad Augustum, diserte eum Laribus inferi, & ab unoquoque inter Deos viales coli, scribit:

Te multa prece, te prosequitur mero

Defuso pateris: & LARIBUS tuum

Mistet numen; uti Græcia Castoris

Et magni memor Herculis.

Ubi in transcurso observandum est, Poëtas esurientes & superstitiosos provinciales Augustum adhuc viventem pro Deo habuisse, eique aras, templa, quæque alia in adulationem maximi Principis excogitari poterant, exhibuisse, cum apud Senatum, & in publico civium cultu, non nisi post apotheosin, Divus fuerit. Horat. lib. 11. ep. 1. eum ita alloquitur:

Præ-

*Præsentī tibi maturos largimur honores,
Jurandasque tuum per nomen ponimus a-
ras.*

Virgilius Eclog. I. ubi de eodem fermo est:

- - - Deus nobis hæc otia fecit:

*Namque erit ille mihi semper Deus: il-
lius aram*

*Sape tener nostris ab ovilibus imbuet a-
gnus.*

Non finit argumenti affinitas, ut tacito pede hic præteream morem Veterum, qui præter imagines Deorum eorumque symbola, etiam *vases*, ædículas, capsulas, parva templa & tentoria in peregrinationibus suis circumferre solebant, ut magis sibi propitios haberent deos, viarum & periculorum suorum comites. Huc enim tendit obscurus Amosi locus cap. 5. *vf. 25. 26. An sacrificia & munus obtulistis mihi in deserto quadraginta annis, domus Israël? Immo portastis tabernaculum Molochi vestri, & Kiun imaginem vestram stelle, deos vestros, quos fecistis vobis.* Omnes in eo consentiunt per סכית hic intelligi *tabernaculum* instar nostrorum papilionum factum; atque ita Lxx. vertunt & Stephanus Protomartyr exponit Act. vii. *vf. 43. In hoc autem Judæi, incertis laribus oberantes, & hospites portarunt simulachra Solis et Saturni, tanquam lares aut penates,*

tes, Ægyptiorum vel Phœnicum more.
De utrisque Servius ad v. 1. Æneid. v. 68.
ubi errantes Deos interpretatur *ἑῶνα*, id est
simulacra brevia, quæ portabantur in le-
cticis, & ab ipsis mota infundebant vatici-
nationem, quod fuit apud Ægyptios & Car-
thaginienſes. Ad Carthaginienſes, Tyrio-
rum colonos, & Chijun Saturni cultores,
pertinet Hannonis oratio Punica apud
Plautum in Poen. act. v. sc. 1. quam Petitus
lib. 11. Miscell. c. 1. ita Latine reddit:

*Et hospitalis tessera, Saturni imago (hanc
fero)*

*Inter nos: Esto aliquis finis itineris mei,
quo tandem integritati meæ requies
concedatur;*

*Ne solus, & miser, afflictuſque errem
huc illuc.*

Sic Philistæos idola secum in prælium du-
xisse, constat ex 2 Sam. v. v. 21. & Ephesi
venundata esse argentea Dianæ templa,
vnde *ἀργυρῶν Ἀρτέμιδος*, in quibus iter facientes
parvula deæ vialis simulacra, & admodum
minuta, ut puparum supellex, secum por-
tarunt, auctore Luca Act. xix. v. 24.
ubi plura dabunt eruditi Interpretes, qui-
bus jungatur Spencerus de LL. Hebr. rit.
l. 111. c. 3. diss. 1. & Cuper, Harpocr. p. 131.

Nos vero ut in viam, ad Lares Græco-
rum & Romanorum revertamur, satis ex
num-

nummo Augusti supra explicato ostendimus, non tantum Deos animales, sed & indigetes ac majorum gentium Deos à familiis in tutelam esse adscitos. *Επίτιον* *Δία* memorat Sophocles in *Ajace* Flagellifero vf. 494. Rubria familia Herculem et Mercurium, Cordia Castorem et Pollucem inter Penates adoptavit, ut ex eorum denariis apud Fulvium pag. 248. et 83. colligit Philippus à Turre de inscriptione M. Aquilii cap. 1. Idem confirmat Macrobius lib. III. Sat. cap. 4. et Arnobius Jovem, Minervam, Apollinem, Neptunum et Cererem in hanc classem refert lib. 3. cis. fin. Nolim tamen inde colligas, Lares hos simul viales fuisse, quilibet enim pro lubitu sibi Lares et Penates adsciscebat: Vitellius Narcissi et Pallantis imagines inter lares coluit, Sueton. cap. 2. et Severus Alexander, ut scribit Lampridius c. 29. *In larario suo & divos principes, sed optimos electos, & animas sanctiores; in quibus & Apollonium, Christum, Abraham, Orpheum & hujusmodi ceteros habuit.* Præter hoc alterum ei lararium fuit, in quo præclaros viros locabat, Virgilium, Ciceronem aliosque; cujusmodi lararium Antonini Philosophi Capitolinus quoque in ejus vita memoravit.

At Lares viales proprie erant animæ eorum,

rum, qui vias curassent, dum inter homines agerent; & horum cultus & figura singularis, aut saltem a forma larum privatorum diversa fuisse videtur. Publicorum statuae, cane adstante, peregrinantium habitu fingeantur, pelibus amictae. Plutarchus Problem. cap. 51. *Laribus, quos proprie vocant Praestites, canis praeficitur, ipsi autem caninis pelibus vestiuntur.* Secundum hanc formam Montfauconius unicum tantum Larem repertum putat, quem ex museo Ill. Boni exhibet tom. 1. Supplem. Antiq. lib. 5. c. 8. at simillimam ei imaginem aeneam, prope Xantham effossam, Marcus Zuerius Boxhornius dedit, Quæst. Rom. 6. Persius succinctos vocat Sat. 5. vs. 32.

Bullaque succinctis Laribus donata pependit.

Canis addebatur, tanquam liminum custos & fidissimum animal, quod rem familiarem custodire solet; unde Græcis custos *κύων* appellatur. Idem sunt pii in domum, & sagaces in hominibus cognoscendis; quapropter Ægyptii Anubim canino capite repræsentabant, non modo quod Oliridi & Isidi corporis fuerit custos, sed etiam quod canes Isidi, quando Olirem investigabat, duces fuerint, & fidos inquisitionis socios cum ululatu se præbuerint; idcirco etiam in Isidis festo canes pompam

P

ante-

antecedebant, auctore Diodoro lib. 1. cap. 87. Ad rem præsentem maxime pertinet Ovidius lib. V. Fast. vf. 137.

At canis ante pedes, saxo fabricatus eodem,

*Stabat: quæ standicum Lare causa fuit?
Servat uterque domum, domino quoque fidus uterque,*

*Compita grata deo, compita grata cani.
Exagitant & Lar, & turba Dianiasures:
Pervigilantque Lares, pervigilantque canes.*

In foribus quoque & atriis domorum Lares, pariter ac Apollo et reliqui viales, salutati, ibique statuta lararia. Plautus Mercatore Actus V. sc. 1.

Limen superum inferumque salve, simul autem vale.

Hunc hodie postremum extollo mea domo patria pedem.

Dii penates, meum parentem, familieque Lar pater,

Vobis mando parentem meum, rem bene ut tutemini.

In portis etiam, vel prope portas urbium, signa eorum à proficiscentibus votis & precibus culta. Ad nostros enim refert Broukhulius illud Arethusæ, sive Læliæ Gallæ, pro reditu Lycotæ, apud Propertium lib. IV. Eleg. 3.

Omni-

Omnibus heu portis pendent mea noxia vota.

In sepulcretis, prope vias & compita, inferiæ, id est, sacrificia diis inferis ferebantur, quæ constabant ex hostiis mactatis, liquoribus sparsis, lacte item, melle, oleoque, quas libationes Græci *χοάς* appellant. Epulum quoque funebre Laribus ponebatur, à prætereuntibus diripiendum, idque *mensam ponere* vocabant. Sic apud Fleetwood pag. 346. Fabia Secunda filio suo dulcissimo *contra vot. mensam posuit*, id est, funebre convivium paravit, more apud ipsos Christianos diu adhuc usitato, & qui rursus illustrare potest quod supra pag. 60. ad Esaiam diximus. Catalecta vet. Poët.

*Neque in culinam & uncta compitalia,
Dapesque ducis sordidas.*

Cœnæ illæ variæ. Dabatur aliquando viscératio, id est crudæ carnis largitio, & cum ludis epulum funebre splendidum ac sumptuosum, à populo absumendum. Præcipuam, sive novendialem, Cicero contra Vatinius *epulas dignitatis* vocat; reliquas vero ab herede ad viam paratas, & *filicernium* dictas, pauperes rapiebant. Catullus carm. 59.

*Uxor ne Meni, sæpe quam in sepulcretis
Vidistis ipso rapere de rogo cœnam.*
Persius sat. VI.

- - - *sed cœnam funeris heros*

Negligit iratus.

Culinæ sepulcris hunc in finem applicabantur. Festus: *Culina vocatur locus, in quo epulæ in funere comburuntur.* Græci *Ἐσέγι* vocant. Vide Scaligerum ad dict. loc. Catulli pag. 54. Umbris autem & Manibus cœnas has ferales apparabant, quod eas ex fumo victimarum ali credebant. Inde cum Charon rogasset, cur ad tumulos parentent, Mercurius, apud Lucian. in *Contemplantibus*, respondet; quia superstitibus persuasum est, umbras ab inferis reduces cœnare quidem utcunque liceat, circa nidorem volitando, bibere autem è foveis mulsum. Hinc etiam factum, ut in sacris literis, καὶ ἀνδρωποπιδεῖαν, sacrificia *lebbem*, panis & cibus Dei vocentur. Levit. III. vf. 11. Num. XXVIII. vf. 2. Ezechr. XLIV. vf. 7.

Magis proprie ad nostros pertinent *uncta* illa *compitalia*, quæ cum culinis Poëta conjungit. Hæc enim, secundum Philoxeni glossas, sunt θεῶν ἀγυαίων ἱερὰ αἱ γινόμεναι ἐν ταῖς τεταῖς, ὑπὸ τῇ ἀστυκόντων τοῖς νεκροῖς. *Compitalia Deorum viarum festa in triviis celebrari solita ab affinibus mortuorum.* Varro lib. V. de L. L. *Compitalia dies attributus Laribus, ut alibi: ideo ubi viæ competunt, tunc in compitis sacrificatur* Plinius

nus lib. XXXVI. 27. & Cicero in Pisonem cap. IV. *ludos compitalitios vocant.* Asconius ibi annotat, à magistris vicorum esse factos; etiam Calpurnius ecloga 4.

Ut quoque turba boni plaudat saginata magistris,

Qui facit egregios ad pervia compita ludos.

Hi quotannis non certo, sed incerto die concipiebantur, auctore Aufonio apud Pithœum l. l. Adversar. cap. 9. Festus: *Conceptivæ feriæ festa dicebantur, quæ incertis diebus servabantur quotannis, ut Sementinæ, Compitaliciæ.* Verba, quæ more majorum Prætor pronuntiabat, nobis ab interitu servavit Gellius lib. X. cap. 24. & Macrobius lib. I. Saturn. c. 4 ubi legitur illa: DIE. NONI. POPOLO. ROMANO. QUIRITIBUS. COMPITALIA. ERUNT. QUANDO. CONCEPTA. FUERINT. NEFAS. Ciceronis ætate incidebant in IV. Non. Januâr. ut ipse refert ad Attic. VII. ep. 7. Augustus *Compitales Lares ornare bis in anno instituit, vernis floribus & æstivis.* Sueton. cap. XXXI. In Fastis autem Kalendaribus, in feriis mensis Decembris LAR. legitur, quod Siccama cap. 18. *Laralia* interpretatur. Quanta cum religione illa fuerint celebrata Dionysius Halicarnass. tradit, lib. IV. cap. 14. *Servius Tullius per omnia compita iussit*

à vicinia Laribus propitiis sacella exstruit; & lege statuit, ut quot annis sacrificia fierent singulis familiis liba conferentibus. Illis vero qui pro vicinia sacra facerent in compitis, statuit non homines ingenuos, sed servos adesse, & illos in sacris faciendis adjuvare, quod famulorum ac servorum ministerium Laribus esset gratius. Quem diem festum Romani ad mea usque tempora constanter celebrabant, paucis post Saturnalia diebus, cum primis venerandum atque magnificum, à compitis Compitalia eum vocantes.

Magnificentia illa forte in lautis conviviis & multo igne consistebat; nam Sacrificia erant quasi convivia deorum, & LUCERNA LARUM est in vetere inscriptione. *Larga festos lucet ad lares sylvæ*, inquit Martialis. Ceteroquin pro luxu istius temporis sat frugalia & rustica fuisse videntur. Sextus Pompejus: *Pilæ & effigies viriles & muliebres, ex lana Compitalibus suspendebantur in compitis: quod hunc diem festum deorum inferorum (quos vocabant lares) esse putarent, quibus tot pilæ, quot capita servorum; tot effigies, quot essent liberi, ponebantur, ut vivis parcerent, & essent his pilis & simulacris contenti.* Ecce servos, qui nec caput, nec personam habebant, distinguit a liberis hominibus, atque illis

pilas

pilas stramentitias aut fœneas, his vero effigies ex lana suspensas esse ait, quibus Merrillius lib. V. Obs. cap. 28. addit manias, id est, ficta quædam ex farina, in hominum figuras, ex Macrobio lib. 1. sat. c. 7. Menalcas apud Virgilium Ecl. V. 67. pocula bina novi lactis & pinguis olivi crateras eis promittit. Theodosius Imp. in l. 12. C. Th. de paganis, vetat, ne quis *secretiore piaculo Larem igne, mero Genium, Penates nidore veneratus, accendat lumina, imponat tura, festa suspendat*: quæ verba Carolus Annibal Fabrot. ad h. t. tom. 111. Thes. jur. civ. pag. 1121. & diligentior Jacobus Gothofredus, in comment. illustrant. Horat. lib. 111. od. 23.

Si ture placaris & horna

Fruge Lares, avidaque porca.

Idem lib. II. sat. 5. vs. 12.

- - - dulcia poma

Et quoscunque feret cultus tibi fundus honores,

Ante Larem gustes venerabilior Lare dives.

Ipsi Lares vel focus eorum corona exornabantur. Plaut Trinum. 1. sc. 2. pr.

Larem corona nostrum decorari volo.

Cato de Re rust. cap. 143. monet villicum, ut *Kalendis, Idibus, Nonis, festus dies*

cum erit, coronam in focum indat, perque eos dies Lari familiari pro copia supplicet.

Juvenalis sat. IX. vs. 137.

Q parvi, nostrique Lares, quos ture minuto

Aut farre, & tenui soleo, exornare corona.

Tibullus lib. I. eleg. 3.

At mihi contingat patrios celebrare Penates,

Reddereque antiquo menstrua tura Lari.

Lares etiam inungebant. Idem Tibull. lib. I. Eleg. 7.

*Illius e nitido stillent unguenta capillo,
Et capite & collo mollia fersa gerat.*

Neque manus a sanguine abstinebant, ut cum die natali munus annale Genio solverent: nam VERVECES LARIB. & MATRI LAR. OVES immolatas vetus fratrum Arvalium inscriptio docet: *agni meminit* Plautus Rud. act. 4. sc. 6. *agna* Tibullus lib. I. eleg. 1. *porci* Propertius lib. IV. el. 1.

Parva saginati lustrabant compita porci.
Tabula marmorea Gruteri pag. 106. n. 13.

LARIBVS
 PRO. SALVTE. ET. INCOLU
 MITATE. DOMVVS
 Q. SERTORII
 COMPETALIB. LVDS
 ET. EPVLVM. VICINEIS
 IVN. DONACE. DO.
 MESTICA. EIIVS.

CAPUT XII.

DE SILVANO, PRIAPO, FORTUNA,
 BIVIA, QUADRIVIA, &c.

Inter plebejos & patellarios deos, Silvanus fuit numen viale, quia finium tutor, & deus silvarum, habitans in lucis & montibus. Symbolum ei cupressus. Variæ Inscriptiones, Cajus lib. 1. Inst. tit. 2. §. 2. & l. 17. §. 9. D. de act. emt. illustrantur. Priapus hortorum deus, vias monstrabat ad fontes excisos. Idem nautarum, & piscatorum numen, deusque litoralis. Fortuna Redux nondum Homeri ætate, sed diu ante Domitianum in Dearum classem relata, quod Pitiscus negavit. Viatorum conservatrix, salutaris & omnipotens credebatur; cum rota &

gubernaculo pilla. Reapse autem nihil fuit, ejusque cultores à sapientibus irrisi. Dea Bivia depravato Arnobii loco ex inscriptionibus redditur. Is Dea vialis Priscis ignota; contra Boxbornium. Dii Bivii, Quadrivii, Quadrivie, Dea Maira. Mater Stata, Adeona, Fessonia & Iterduca puërorum gressus custodiebant.

Hoc capite reliquos itinerum terrestrium Deos Deasque, *Silvanum, Priapum, Fortunam, Biviam, Quadriviam, Matrem Statam, Adeoneam & Fessoniam*, uno velut fasciculo complectar, nec ingrata, ut spero, varietas erit. Omnes hi plebeji & minorum gentium dii, de se ipsis apud veterem Poëtam ajunt; *Nos vappæ sumus, & pusilla culti Ruris numina. Plautus Cistell. act. II. sc. 1. vs. 45. minutos & patellarios deos vocat, quibus non in pateris, sed patellis epulæ appositæ. Martialis lib. VIII. Epigr. 50. Plebem Deorum dixit, imitatus Ovidium lib. I. Met. vs. 173. & in Ibin vs. 81.*

Vos quoque plebs superùm, Fauni, Satyrique, Laresque, Fluminaque & Nymphæ, semideùmque genus.

Quod *Silvanus viatorum numen* fuerit, ejus

ejus rei fidem facit lapis in via publica, quæ
Tuderto Corbariam itur, apud Gruterum
pag. 62. n. 11. & Romæ inter marmora
exstat hoc, referente eodem pag. 63. n. 9.

SILVANO

AUG. SACR.

PRO SALUTE

ITUS. AC. REDITUS

IMP. CAES. DIVI. F.

AVGVSTI.

Aliud in vinea Julii tertii apud eundem pag.
1071. PRO. SALUTE. ITV. ET. REDI-
TUM. BUTRAE. N. SILVANO. ET. DI-
IS. OMNIBUS. Adde inscriptionem ele-
gantem à Guichenone Hist. Sab. & Jacobo
Sponio ignot. Deor. aris n. 7. allatam;
quæ in urbe Aixme Tarantasiæ in Alpi-
bus reperta:

*Silvane sacra semicluse fraxino;
Et hujus alti summe custos hortuli,
Tibi hæc gratas dedicamus muscæ. (alii
maximas)*

*Quod nos per arva perque montis Alpico
Tuque luci suævolentis hospites.*

*Dum jus gubernò, remque fungor Caesarum
Tuo favore prosperanti sospitas.*

Tu me meosque reduces Romam sistito.

Daque Italæ rura te colamus præside.

Ego jam dicabo mille magnas arbores

T. Pomponii Victoris Proc. Augusto.

Ejus-

Ejusdem Silvani nomen, cum Herculis & Liberi nominibus, circulo inscriptum legitur, apud Prideaux Marmor. Oxon. pag. 308. ne deorum cuiquam loci prærogativa daretur. Ita enim cum Seldeno sentit Jac. Gothofred. de jure præc. p. III. c. 4. Verum Reines. ad cl. 1. n. 108. id nimis argutum vocat, cum clypei figura aliter inscribi nomina deorum non patiatur. Alias vero id fieri solitum, docet Aufon. de ludo sept. sap. *Ut in orbe tereti nomina eorum inscriberet, Ne primus esset, ne velimus quisquam.* Sic etiam explicari debet, quod Cajus, lib. 1. Inst. tit. 2. §. 2. ait, neminem servorum liberum esse, quorum manumissio in circulo adscripta est: etsi Joseph. Nerijs lib. 1. Anal. c. 27. & Meriti. lib. VII. Obs. c. 40. eum locum aliter interpretentur.

At quid illud monstri Silvanus? Latinum numen erat, rusticum, silvaticum & agreste, finium tutor. Virgilius lib. II. Georg. v. 493.

*Deos qui novit agrestis,
Panæque, Silvanumque senem
Nymphasque sorores.*

Idem lib. VIII. Æn. vers. 600.

*Silvano fama est veteres sacrasse Pelasgos
Arvorum pecorisque Deo, lucumque
dismque,*

Qui

Qui primi finis aliquando habuere Latinos.

Alibi, in monumentis lapideis sub CAMPESTRIBUS diis comprehenditur, apud Gruter. pag. 1015. n. 2. & Spon. Miscell. p. 107. Vetus scriptor agrorum in collectione Goelii pag. 294. tres Silvanos facit: *Omnis possessio quare Silvanum colit? quia primus in terram lapideum finalem posuit. Nam omnis possessio tres Silvanos habet: unus dicitur domesticus possessioni consecratus: alter dicitur agrestis, pastoribus consecratus: tertius dicitur orientalis, qui est in confinio luci positus.* Cum enim Silvano five Pani, velut universali materiario, omnia subiacere crederent, hinc possessiones suas, in tres classes distinctas, secundum aruspices, totidem Silvanis, velut præsidibus, assignabant. SILVANI DOMESTICI meminerunt lapides apud Grut. p. 64. n. 12. & Reines. cl. 1. n. 102. 103. Atque hic à Lare non multum differebat, & familiæ curam habebat, uti ex ambarvali sacrificio, Marti Silvano facto, apud Caton. de R. R. c. 141. intelligitur: *Pastores pecuaque salva servassis &c.* Alterum agrestem Servius ad Virgiliū lib. 1. Georg. v. 20. *deum sylvarum*, Ovidius lib. I. Metam. v. 192. *monticolam* appellavit:

*Sunt mihi Semidei, sunt rustica numina
Nymphæ, Fau-*

*Faunique Satyrique & monticolæ Silvani:
Quos quoniam cæli nondum dignamur honore
Quas dedimus, certe terras habitare si-
namus.*

Tertius autem, in luci confinio sepositus, idem est, qui *tutor finium* appellatur Horatio Epod. II. vs. 22. Silvanus autem non a silvis, sed ἀπὸ τῆς ὕλης, quod universæ materialis substantiæ dominator censeretur, nomen accepit, secundum Macrobi. lib. I. Saturn. c. 22. isque velut universæ rei rusticæ, silvarum & viarum DEUS SILVANUS, SALUTARIS, SALUTIFER; ELEUTHERIUS, itemque SILVANUS CUSTOS in antiquis Inscriptionibus appellatur, pag. 64. & 65. Gruteri, & Gudii pag. 42. n. 6. Jungitur quoque Herculi & Mercurio, tanquam muneris sociis, apud Gruter. p. 62. n. 7. 8. & Gud. pag. 41. n. 5. 6. Symbolum ejus cupressus, quam amabat, ut Apollo daphnin, Pan syringam. Virgil. lib. I. Georg. vs. 20.

*Et teneram ab radice ferens, Silvane,
Cupressum.*

Alium vero habitum ei dedit Ecl. x. vs. 24.

Venit & agresti capitis Silvanus honore

Florentis ferulas & grandia lilia quassans.

In primis autem Larum Præstes erat, ut Pluto Manium, Juppiter Deorum, & Janus Geniorum: ita sane Meursius putat exercit.

ercit. crit. part. 2. c. 1. Hinc apud Grut.
pag. LXV. 2.

SILVANO
SANCTO SACRO
LARUM. CAESARIS
N. ET COLLEGI MAGNI

Ubi male Reinesius ad cl. 1. n. 101. *sacro
larum* invertit, legendo *scholarum*: malo
etiam Scaliger *Silvanum Larum*, corrumpen-
do aliam inscriptionem Gruteri pag.
66. n. 1. sibi fingit, Prideaux applaudente
in append. marm. Oxon. pag. 113. Fabret-
tus enim in II. Dissert. de aquæd. n. 190. &
de col. Trajan. cap. 7. ostendit, *Silvanum*
collegii magni *Larum* & *Imaginum* tutela-
rem fuisse, sic enim lapis ab eo prolatus:
SANCTO. SILVANO SACR. EUTY-
CHES COLLEGII. MAGNI. LAR. ET.
IMAG. Cur vero *Silvanus* sodalicii hujus
tutor lectus sit, ratio esse potest, quod &
Lares & *Manes* cum *Silvano* in nemoribus,
lucis & silvis habitare credebantur. Pro-
pertius lib. III. El. 1.

Callimachi manes & Coi sacra Philetæ

In vestrum, queso, me finito ire nemus.

Atque ex his lucem accipit Galli Favonii
Jocundi testamentum, quod exstat apud
Gruter. pag. 871. n. 2. & Brissonium de
form. lib. VII. pag. 674 in quo is filios,
Jocundum & Pudentem, ea conditione he-
redes

redes instituit, ut ossa ejus intra quinquennium à Lusitania exportent, & via Latina condant; sin secus, omnia *templo Dei Silvani reparando* inferri, manesque suos opem Pont. Max. implorare jubet, ut sacerdotes *Dei Silvani* ossa in urbem referant, & sepulchro condant. Ceterum illud obiter addam, apud Ulpianum in l. 17. §. 9. *D. de act. emt.* personas, ex quarum rostris aqua salire solet, Cujacium lib. XI. obs. c. 2. explicasse Tullios & Silvanos, Lucretii, Festi & Celsi auctoritate; sed quia rostrum non convenit rustici illius numinis figuræ, alibi rectius eos interpretatus est *Silanos*, lib. XIV. obs. cap. 13. nam veteres Glossæ silanum *spintus* vertunt, et meliores illorum Auctorum Codices non *Silvanos* habent, sed *silanos*, id est fistulas, unde aqua salit.

Inter rusticos Lares porro fuit Priapus, hortorum Deus, dextra tenens falcem, ut avibus et furibus terrorem incuteret. Unde *custos furum atque avium cum falce saligna* vocatur apud Maronem IV. Georg. 110. Horatius. Epod. 2. vs. 19.

*Ut gaudet insitiva decerpens pyra,
Certantem & uvam purpure,
Qua muneretur te, Priape, & te, pater
Silvane, tutor finium.*

Ti-

Tibullus lib. I. El. 1.

*Pomosisque ruber custos ponatur in hortis,
Terreat ut seiva falce Priapus aves.*

Virgilius Ecl. VII. 33.

*Sinum lactis, & hæc te liba, Priape, quot-
annis*

Expectare fas est: custos es pauperis horti.

Prudentius l. I. contra Symm. vs. 111.

*Hic Deus, & patrio prænobilis Hellesponto,
Venit adusque Italos sacris cum turpibus
hortos*

*Sinum lactis, & hæc votorum liba quotannis
Accipit, ac ruris servat vineta Sabini.*

In aditu enim hortorum ad fures, ut dixi,
abigendos collocabatur prope viam; un-
de simul inter Deos viales honoratus. Apud
Horat. lib. I. serm. Ecl. 8. vs. 3. Priapus
de se

*- - - Deus inde ego, furum aviumque
Maxima formido: nam fures dextra coercet.*

Inde & in lucis colebatur, sicut Miphlet-
zeth apud Judæos idololatrias; vid. III. Reg.
15. & II. Paral. XV. 16. ubi in Latina,
quæ Hieronymo tribuitur, versione legi-
tur: *quod fecisset in loco simulacrum Pri-
api.* Seniores vero idolum hoc Astartem,
interpretantur: alii Belum Phégorium Pria-
pum fuisse crediderunt, qua de re Sel-
denus de diis Syris Synt. I. cap. 5. & II.
c. 2. 5. ad eundem est.

Q

Porro

Porro quia Priapus juxta vias, ideo apud auctorem carminis liberi in Priapejis 29. ignarus viarum inquit:

*Falce minax & parte tui majore, Priape,
Ad fontem, quaeso, dic mihi qua sit
iter?*

pariter etiam ac Hermæ in compitis, triviis & quadriviis ponebatur, cum virga in manu, quæ monstraret iter. Quin ipsis Mercuriis & Terminis Vialibus veretra longa & immania, ut Priapis, attribuebantur, quod Scaliger in notis ad h. 1. Romæ in ædibus Cardinalis de Cæsius se vidisse testatur. Inde &, ut puto, in Elide apud Cyllenenses Mercurius specie membri arrecti cultus, auctore Pausania in Eliac. 11. & Artemidoro l. 1. 47. εἶδον, inquit: δὲ ἃ ἐκ Κυλλήνης γενόμενον, Ἑρμῆ ἄγαλμα, ἔδεν ἄλλο ἢ αἰδεῖσθαι δεδημειγμένον λόγῳ τῇ φυσικῇ. Sed & quum Cyllenæ essem, vidi Mercurii simulacrum, nihil aliud quam pudendum: fabricatum ratione certa naturale. Fontes autem ad restinguendam sitim viatoribus excisos, ne quis dubitet, tñ! adscribo venustum epigramma quod Ocricoli, ad fontem oppido illi vicinum, conspici refert Henr. Salmuth ad Panciroll. lib. 1. tit. 21.

*Monte sub hoc triplici cunctis fluit unda sa-
lebris*

*Quæ levet arentem, si cupis, unda sitim.
Sisle*

*Siste gradum, repara vires, hoc fonte,
viator*

Dic, precor, ut vireat mons simul iste diu.
Proflus ut Ovidius lib. III. Amor. eleg. 6.
ad amnem propter viam fluentem:

Quis te tum potuit sitiens haurire viator?

Quis grata dixit voce: perennis eas?

Denique sicut Priapum a nautis et pisca-
toribus adoratum, ex Theocrito et Pin-
daro discimus, ita eundem portuum præ-
fidem et litoralem Deum fuisse, Jac. Nic.
Loënsis lib. III. Miscell. c. 15. ex Græco-
rum Epigrammatibus probavit. Antipater
Sidonius:

Λαίφρα δ' ἐνύφρα περιστρίχεται ταῦθ' ὁ Περίηϋ

Ἵμμιν δ' ὁρμήταις παῖς ἐνέπιο Βρομῖν.

*Vela bene texta rudentibus tendite, hæc
ego Priapus*

Puer Bromii vobis nactis portum dico.

Marcus Argentarius:

- - - τῷ σὺ Περίηϋ

Παιδὸρμ' ὅς παῖς ἄπτεο ναυιλίης.

- - - tu Priapo

Fretus omnem arripito navigationem.

Satyros Thyllus:

ταῦθ' ὅμιν πλάσσειν ἐπ' ἱμπορείῳ ὁ Περίηϋ

ὁ ἁρμόρμης ναντιλὴ τέφρομαι.

*Sic vobis navigantibus ad portum ego
Priapus*

Portuum appulsor a nauticis feris.

Q 2

Idem

Idem quoque marinum munus, ut cetera Epigrammata Græca, a Loënse conductâ mittam, ex Petronio cognoscere licet cap. 104. *Videbatur mihi secundum quietem Priapus dicere, Encolpion, quod quæris, scito a me in navem tuam esse perductum.* Catullus denique, in carmine de Priapo, apud Maurum Terentianum in carmine de Metris, omni eum oræ Hellepontiacæ præficit:
Hunc lucum tibi dedico consecroque, Priape,

Qua domus tua Lampsaci sita est, quaque Priape

Nam te præcipue in suis urbibus colit ora Hellepontiacæ, ceteris ostreosior oris,

Nunc missis Diis istis nimium masculis ad Deas accedamus. Quas inter eminet Fortuna Redux, majorum gentium Numinibus adscripta. Prostant de ejus itinerum tutelâ testimonia complura; at Dioni primas dabo, ut statim moneam tirones, ne cum Samuele Pitisco in lex. Antiq. sub Domitiano demum id cognominis Fortunæ tributum existiment. Dio enim lib. LIV. hunc in modum de Augusto scribit: *Ob reditum ejus, ac propter ea, quæ absens egisset, multa æcvaria in honorem ejus decreta sunt: quorum ille nihil accepit, nisi quod Fortunæ Reduci aram consecrari, diemque sui reditus inter serias referri, & Augustalia di-*
ci

ci passus est. Martialis VIII. 65. ob Domitiani reditum :

Hic ubi Fortunæ Reducis fulgentia late

Templa nitent, felix area nuper erat.

Claudianus Hon. Cons. VI.

Aurea Fortunæ Reduci si templa priores

*Ob reditum vovere ducum, num dignius
unquam*

*Hæc dea pro meritis amplas sibi posceret
ædes?*

Eandem obsecrat Horatius, ut Cæsarem conservet in Britannos iturum lib. I. Ode 35.

Serves iturum Cæsarem in ultimos

Orbis Britannos, & juvenum recens

Examen, Eois timendum

Partibus, Oceanoque rubro.

Item in Catalectis Virgilianis p. m. 242. & apud Pighium Herculi. Prodic. pag. 385.

T. Cæsius primus negotiator frumentarius, ex voto centenas coronas annuatim donabat Fortunæ Prænestinæ, in epigrammate sequente :

Omnibus hic annis votorum more suorum

Centenas adicit numero crescente coronas,

Fortunæ simulacra colens & Apollinis aras.

Veterum quoque monumenta, & nummi

Augusti, Getæ et Gordiani; tum gemmæ,

apud Augustinum, Tristanum, Gronovium,

Gorlæum & Choulum FORTUNAM

REDUCEM nobis exhibent, modo cum

gubernaculo, modo cum rota: illud iter maritimum, hæc terrestre designat; ubi vero rota & gubernaculum conjunguntur, iter mari terraque peractum intelligitur. Vide Cl. Henninium, in notis ad Bergierium lib. IV. sect. 43. ubi ex Boissardo A. R. VI. fig. 114. & Baudelotio de Dairval Util. des Voyages tom. I. pag. 337. ejus figuras repræsentat, cum inscript. SALVOS. IRE. SALVOS. REDIRE. Denique marmora antiqua plus vice simplici ejus meminere. Gruteriana 2. pag. 8.

I. O. M. ET
FORVUNAE, REDUCI
PRO. SALUTE. ITU. ET.
REDITU

In 1. pag. 88. junguntur lares viales:

FORTUNAE
REDUCI. LARI
VIALI. ROMAE
AETERNAE

In lapide 4. pag. 8. *genius loci*. in 8. 50. *Deus Mercurius*: in 6. pag. 77. *Juppiter Serenus* eidem associantur. Apud Cl. Hesselium, in appendice præfationis, ad Gudii corpus Inscript. n. 10. talis invenitur, ex basi columnæ marmoreæ, in horto Turcici cujusdam gynæcei, Constantinopoli descripta:

FORTUNAE REDUCI
OB DEVICTOS GOTHOS

&c

& ab altero latere

IC XC NI KA

Sed omnes elegantia superat epigramma vetustum, quod Cl. Grævius in Proleg. ad tom. X. Thef. & Ill. Gudius pag. 49. n. 4. ex Ligorio, cum orbe erudito communicarunt:

FORTUNAE. REDUC. VIATOR

CONSERVATRIC. SACR.

SEX. PERCILIUS. SEX FIL.

PRISCUS. MAGISTER

VICI. NOVANI. FABRICI

EX. V. S.

Vides Fortunam reducem *viatorum conservatricem* vocari. Hoc enim ut alia infinita cognomenta accepit, postquam Servius vim ejus divinam extulit cœloque locavit, auctore Plutarcho in Quæst. Rom. cap. 71. & 72. Homeri ætate nondum illa in deorum numerum erat relata, uti Pausan. lib. IV. c. 30. & Macrobian. lib. V. sat. c. 16. monuerunt; posteris autem temporibus late regnavit apud Græcos & Romanos, omnisque Italiæ ora maritima, ab Antio ad magnam Græciam, inter communes Deos & familiares eam retulit, ut ex Cæsio Prisco tradit Arnobius lib. 3. & Plutarchus de fort. Rom. Inde *Torquatiana* & *Tulliana* dicitur in saxis

Q 4

apud

apud Sponium sect. 3. n. 73. Idque nummus Pertinacis ostendit apud Oiselim tab. 42. n. 3. in quo visitur Fortuna, dextera navis gubernaculum tenens, cum inscriptione DIS CUSTODIBUS. Vocatur ADJUTRIX & SALUTARIS in lapidibus antiquis. *Omnipotens & rerum humanarum domina*, apud Virgilium VIII. *Æneid.* & Ciceron. pro Marcello. Inscriptio apud Reines. cl. 1. infer. 119. Fabrett. c. 10. n. 107. & Gudium pag. 47. n. 6.

FORTUNAE. AUG.
PRO. SALUTE. ET. REDITU.
DOMINORUM. N
SEVERI. PIL. ET. AN-
TONINI. PIL. AUG.

Si quis autem ex me quærat, quid Deæ hujus nomine intellexerint veteres? ei respondebo verbis Democriti apud Eusebium: τύχης εἰδωλὸν πλάσαντο, πρόφασιν ἰδίης ἀγνοίης. *Finxerunt idolum Fortunæ, propriæ ignorantie velamentum.* Antiphon, orat. adversus Herodem, eam opponit Providentiæ; contra Pindarus in numerum Parcarum retulit. Pausanias dearum potentissimam in rebus humanis prædicavit: aliis τύχη vocatur. Quidam quoque ei, ut ceteris diis, apud Martial. lib. I. ep. 13. & Sueton. Vespas. c. 10. exproabant, si minus secundam experirentur. Pedo Albinovanus Eleg. I. vf. 371.

Fortu-

*Fortuna arbitriis tempus dispensat iniquis,
 Illa rapit juvenes, sustinet illa senes.
 Quaque ruit, furibunda ruit, totumque
 per orbem*

*Fulminat, & cæcis cæca triumphat equis:
 Regna deæ inimitis parce irritare querendo,
 Sollicitare animos parce potentis heræ.*

Qui vero citra certi alicujus Dei vialis invocationem iter faustum essent experti, ad hoc, quod ipsi ignorabant, numen recurrerant; unde FATUM BONUM ei junctum in 7. pag. 1017. & ipsa Fortuna BONA vocatur in lapide 5. pag. 74. nam' omnem Deum, quem sibi propitium & faventem vellent, aut jam essent experti bonum vocabant: ut *bona Juno* apud Virgil. 1. Æneid. vf. 738. *precor Lympham & bonum eventum* apud Varron. lib. 1. de R. R. init. Vide Joh. Clerici art. crit. p. II. f. I. c. 9.

Cicero quidem in Topicis cap. XVII. *Latent, inquit, quæ subjecta sunt Fortunæ, cum enim nihil sine causa fiat, hoc ipsum est Fortunæ eventus, obscura, quod latenter efficitur.* Sed Aristoteli absurdum videbatur Fortunam esse Deam: quia ubi plurimum est mentis, ibi minimum sæpe Fortunæ, ubi autem plurimum Fortunæ, ibi minimum mentis. Ipse Plinius vesanos ejus cultores irridet lib. 2 cap. 7. *Toto quippe mundo & locis omnibus, omnibusque horis,*

Q 5 omni-

omniumque vocibus Fortuna sola invocatur. Una nominatur, una accusatur, una agitur rea, una cogitatur; sola laudatur, sola arguitur, & cum convitiis colitur; volubilis, à plerisque vero & cæca existimata, vaga, inconstans, incerta, varia, indignorumque faulrix. Huic omnia expensa, huic omnia feruntur accepta; & in tota ratione mortalium, sola utramque paginam facit. Adeoque obnoxii sumus sorti, ut Sors ipsa pro Deo sit, qua Deus probatur incertus. Juvenalis etiam per vulgi imprudentiam inter numina illam relinqui indicat sat. X. in fin.

*Nullum numen abest, si sit prudentia:
Sed te*

Nos facimus Fortuna Deam, cæloque locamus.

Fortunam excipiet Dea Bivia, quæ in biviis, ubi carri & cisia conducebantur, antiquitus fuit celebrata. Arnobius lib. IV. adversus gentes: *Ab erroribus viarum Dea Bivia liberat.* Editio Batava habet *Vibilia*, quod placuisse Cl. Scriverio ex notis ejus oræ adscriptis vidi inter MStos illustris Mastrichtii, Reip. Bremensis nuper Syndici, quem propter singularem pietatem, variam eruditionem & compluria in me merita, ample fatis laudare non possum. At quia de *Vibilia* altum apud omnes est silen-

silentium, ego olim legendum suspicabar *Vitellia*; hanc enim multis locis pro numine cultam, scribit Suetonius. In variantibus Arnobii lectionibus video & legi *Upilia* vel *Upibilia*. Sed nunc omnino cum Scaligero legendum puto *Bivia*, quæ bivius præfuit, ut Diana Trivia triviis. Sic enim in titulo apud Gruterum 5. pag. 84.

H. D.

IS. DEA

BIVIS. TRIVIS

QUADRIVIS. AVREL

VICTORINUS &c.

Marcus Zuerius Boxhornius, in Quæst. Rom. 12. elegantiae causa à milite Deam IS hic fictam putat, ~~sed~~ & *ire*, quod forsitan videret *is* in sequentium vocabulorum syllaba postrema id denotare, quod aut ire aut viam dicimus. Verum optime vidit eruditissimus Reinesius, in epistola 27. ad Rupertum, legendum esse I. H. D. D. DIS. DEAB *in honorem divinæ domus, diis Deabus.* quam emendationem amplectuntur Marquardus Gudius in not. & Joh. Georg. Grævius in proleg. thes. tom. V. Certe IS DEA omnibus gentibus & seculis est ignota: Dii autem Deæque semitales, Bivii, Trivii & Quadrivii in alia inscriptione pag. 1015. I. nominantur apud Gruterum:

IX.

IN. H. D. D.

BIVIIS. TRIVIIS.

QUADRIVIIS. &c.

Quadriviis vicani Bibienfes statuam, aut tale quid, ponunt, in hoc epigrammate apud Reinesium Cl. I. n. 140.

DIIS. QUADRIVIIS VICANI

BIBIENSES. D. S. P.

Aliud prope Viennam Austriae effossum apud Jacobum Sponium Miscell. pag. 84. & ignot. Deor. ar. 7. eadem feminumina praefert:

SILVANAB. ET

QUADRIBIS. AVG. SACRUM

C. ANTONIVS. VALENT.

cetera.

Huc etiam quodammodo pertinent tres Deae Mairae campestres, quibus Metenses, in pacis vico habitantes, votum faciunt apud Boissardum:

IN

HONOREM

DOMUS DIVI

NAE DIIS MAIRABUS

VICANI VICI PACIS.

Eodem referenda est *Mater Stata*, quae stratis viarum praefecta. Festus: *Stata Matris*

*tris simulacrum in foro colebatur; postquam id collustravit, ne lapides igne corrumpere-
rentur, qui plurimus ibi fiebat nocturno
tempore. Magna pars populi in suos quis-
que vicos retulerunt ejus deæ cultum. Scaliger
pro collustravit legi jubet Cælius stravit.
Nonnulli Vestam intelligunt, quæ a sisten-
do Statæ nomen acceperit, 'Εστία ἡ τὸ ἑστα-
σαι; sed invito Lipsio, de Vesta & Vestal.
cap. 1. Illud liquet, hanc vicorum Deam
fuisse, & Fortunæ Statæ meminit lapis Roma-
nus Grut. p. 79. n. 5.*

His addam denique minutas quasdam pue-
rorum Deas, quodammodo ad classē via-
lium pertinentes, ex Augustino lib. IV. de
civ. Dei cap. 21. ubi magnam Deorum tur-
bam ridens, *Quid necesse erat*, inquit, *Opi
deæ commendare nascentes, deo Vaticano va-
gientes, deæ Cuninæ jacentes, deæ Rumi-
næ sugentes, deo Statilino stantes, deæ A-
deonæ adeuntes, Abeonæ abeuntes?* Et: *Cur
enim esset invocanda propter sessos diva Fes-
sonia?* lib. VII. cap. 3. *Funio selecta & re-
gina, Jovisque soror & conjunx, hæc ta-
men Iterduca est pueris, & opus facit cum
deabus ignobilissimis Abeona & Adeona.*
Alius forsā Afræ, non Romanæ supersti-
tionis pusilla hæc numina esse putarit, sed
Attica juvenus per *Hegemonen*, velut co-
mitem & ducem suam jurabat, auctore Pau-
sania

fania in Bœoticis & Polluce l. 8. c. 9. & sicut Janus *Patulcius* vocatur Ovidio, ita *Junonis Patulciæ* meminit Titus Fabatius, Procurator Fisci, in lapide apud Reines. cl. 1. n. 33. Nec aliter *Pandam* vocabant, quæ Tito Tatio, ut Capitolinum caperet collem, viam panderat, auctore Arnobio lib. IV.

C A P U T XIII.

DE NEPTUNO, DIOSCURIS ET CETERIS DIIS MARINIS.

Via, iter & cursus de navibus. Oceanus & Thetys deorum marinorum antiquissimi: tum Neptunus, majorum gentium Ponti deus. Feriæ & ludi in ejus honorem celebrati. Ei supplicabant navigantes, gratias agebant, & vota solvebant. Neptunus Redux, Conservator & Σωτήρ dictus. Dii Cabiri, nec non Castor & Pollux nautarum servatores; templa & cultus eorum. Horum stellæ non nisi in extremo periculo apparebant; quotquot illis initiati a naufragio tuti; vota iis soluta. Dii marini minores Glaucus, Proteus, Nereus, Panopea, Portunus, qui & Melicerta. Nereides Nymphæ in classes divisæ. Dii marini in imo mari, senes &

Et cœrulei, an a diis littoralibus diver-
si. Flumina, Venti, Fluctus Et Tempe-
states inter divos. Victimæ Diis marinis
oblata, aliis nigræ, aliis albæ. Neptuno
taurus, Thetidi juvenca, ceteris bœdus.
Extâ in mare projecta: vinum in fluctus
fusum. Quomodo tutela navis differat ab
ejus insigni, Et ubi collocata. Actor.
XXVIII. vs. 11. illustratur. Navium
nomina a signis animalium. Navigantes
irato mari ungues resecebant Et capil-
los. Naufragorum tabulæ Et vestes in
templis Et arboribus suspensæ.

Hactenus de diis & deabus, quæ iti-
nera terrestria aperuere, nunc
Deos marinos, majorum gentium
& medioximos, inania nautis
præsidia, ut paucis explicemus, superest.
Proprie quidem Dii viales, ut via, ad
terram pertinent; at cursus, currere, iter
& via, apud Homerum, Aristophanem,
Virgilium & Catullum nautis crebro tri-
buuntur, uti Cerda ad III. Æn. vs. 190.
n. 4. observavit: quinimo sicut Græ-
ci naves currus & vehicula marina appel-
larunt, teste Polluce lib. I. c. 9. ita Var-
ro apud Nonium, nautas equisones nauticos
dixit, & Prætor edicto vetuit, ne iter in
flumine fiat deterius. Virgilius: Tendit iter
velis,

velis, portumque reliquit, lib. VII. *Æneid.*
 vi. 7. Cum ergo veteres hæc nautarum itinera,
 velut rem diram, contemplarentur,
 & mortem in aquis sædam haberent, quot-
 quot dolato consili ligno vitam fluctibus
 committebant, & vim tempestatum nulla
 ope humana superabilem experiebantur,
 Deorum sibi auxilio opus esse videbant,
 ut à naufragio, syrtibus, scopulis & aliis
 mille, quæ navigantes comitantur, Scyl-
 læ & Charybdis periculis essent tuti. Ho-
 ratius Ode 1. 14.

- - - *non tibi sunt integra lintea,*

Non Dî, quos iterum pressa voces malo.

Propert. III. Eleg. 20.

*Ergo ego nunc rudis Adriaci vebar æquoris
 hospes,*

Cogar & undisonos nunc prece adire deos.

Statius lib. II. *Achill.* vers. 297.

*Tunc ex more deis (ita namque monebat
 Ulysses)*

*Æquoreis, Austrisque litat, fluctuque sub
 ipso*

*Cæruleum regem tauro veneratur avumque
 Nerea, vittata genitrix placata juvenca est.*

*Hic spumante salo jaciens tumida exta pro-
 fatur.*

Quamquam porro alii fuerint Dii Viales
 terrestres, alii marini, & à neutris id quod
 non suæ sit potestatis & muneris postula-
 tum,

tum, Sol tamen & Luna, sub Apollinis & Dianæ nomine, in hac rursus classe principatum tenent, velut communes peregrinantium duces, ut supra vidimus pag. 119. & 147. Mercurio item & Herculi navigantes commendatos fuisse, ostendimus p. 158. & 192. Silvanum denique & Priapum, tanquam ab hoc munere non alienos, depinximus capite præcedente. Oceanus autem & Thetys Deorum marinorum antiquissimi memorantur, quia veteres credebant universa ex aqua principium habere; quam ob rem eosdem, ut communes deorum hominumque parentes coluere, sicut Potterus ad Lycophron. Cass. vf. 145. ex Orphci Hymno in Oceanum & Homeri Iliad. ξ. monstravit. Juniores quoque deos magno in honore eos habuisse Ovidius indicat 11. Metam. vf. 509.

- - - *Et ad cœnam descendit in æquora
Thetyn,*

*Oceanumque senem, quorum reverentia
movit*

Sæpe deos.

Deinde primus inter pelagi Deos fuit Neptuneus, a *nuptu* dictus, quod terras ac maria obnubit; vel *Νεπτεῦν*, ut Scaliger lib. 2. de caus. plant. vel ab Ægyptiorum *Νεφθου*, quod terræ extrema & mare contingentia notabat, interprete Plutarcho de

R

Isid.

Isid. & Osirid. nam quod Cicero a Latino
no vel nato derivat, nimis longe petatum
 est. Ita ille lib. 11. de nat. Deor. c. 26.
Datum est Neptuno, alteri Jovis, ut vo-
lunt, fratri maritimum omne regnum: no-
menque productum, ut Portunus à portu,
sic Neptunus à nando, paululum primis lit-
teris immutatis. Muneris originem nobis
 refert Diodorus Siculus lib. v. cap. 69. *In-*
ter alios Deos, Saturno & Rhea genitos,
ajunt Cretenses, Neptunum primum maris
negotium tractare cœpisse, classemque insti-
tuisse, hanc præsecluram à Saturno adeptum.
Ideoque fama apud posteros increbuit, quæ
in mari geruntur, in hujus arbitrio esse: &
propterea eum sacrificio nautæ honorant.
 Ipse de se apud Virgilium 1. Æneid. 137.

Maturate fugam, regique hæc dicite vestro:
Non illi imperium pelagi sævumque tri-
dentem,

Sed mihi forte datum.

Inde Neptunalia in ejus honorem X. Kal.
 Augusti navigiis celebrabantur, teste Kalen-
 dario vetere. DIES NEPTUNALIO-
 RUM vocatur apud Gruter. pag. 460. n. 3.
 eoque ferias institutas tradit Varro lib. 5.
 de L. L. & Aufonius in Ecloga de feriis 17.

Aut duplicem cultum, quem Neptunalia
dicunt,

Et quem de Conso, consiliisque vocant ?
Festa

Festa hæc navigiis, aut quæ celebrata quadrigis

Jungunt Romanos, finitimosque duces.

Eidem itineris duci, ut Scipio apud Livium vocat lib. 26. c. 45. supplicabant nautæ, *vos δὲ ἐπειρομένους δόματα, ut reditum velit laborantibus reddere*, Orpheus Argon. vf. 1365. Ei faustum iter tribuebant, Homer. Iliad. ix, vf. 362. & qui exitinere maritimo salvi redierant, gratias habebant maxumas eidem. Plaut. Trinumm. actus IV. 1.

*Salsipotenti & multipotenti Jovis fratri
& Nereo Neptune,*

Latus, lubens, laudes ago, & grates gratiasque habeo & fluctibus salsis

Quos penes mei potestas boni, navisque foret & meæ vitæ

Quod suis me ex locis in patriam urbisque mœnia reducem faciunt.

*Atque ego, Neptune, tibi ante omnes alios
Deos gratias ago atque habeo summas.*

Rurfus Gripus piscator Rudent. iv. sc. 2. vf. 1.

Neptuno has ego meo patrono gratias,

Qui salsis locis incolit pisculentis,

Cum me ex suis pulchre ornatum expedit

Templis reducem, plurima præda onustum.

Eidem votum solvebant ex itinere reduccs. Marmor Capuæ, via publica in basi seu ara apud Gruterum 62. n. 6.

NEPTUNO
SACRUM
VOT. IN. SICULO. FRETO
SUSCEPTUM. SOLVIT.

Huic etiam propicio & benevolenti, pro salute L. Minicii Fundani, Proconsulis Asiae sub Hadriano, L. Marius ex voto posuit hanc pag. 1014. 6.

D. M. PROPI... OLENT
NEPTUNO. SACR.
PRO. FELICI. ITU. AC. RED.

Nec mirum ergo est, quod Neptunus REDUX, ET CONSERVATOR, in nummis Augusti, Titi & Postumi vocatur. Et sicut propriam Deorum appellationem apud Græcos vocat Euripidis interpretes, ut *Ἀνακτες*, hoc est *σωτήρες* dicerentur, ita Neptunum *σωτήρ* dictum, apud Herodotum legas, lib. VII. c. 193. eique ædem hoc nomine apud Artemisium erectam; nimirum, ut ipse de se loquitur, apud Lucianum, in Jove Tragædo t. II. pag. 141. *σώζων τὰς πλείονας, servans, navigantes.* Vid. Spanhem dill. VII. de Præst. & usu num. p. 416. Eidem *reduci*, id est, *reducenti*, etiam positus lapis, Ostiæ erutus, adfertur à Grævio in præfat. ad tom. X. Thesaur. Antiq. Fabretto c. 5. pag. 405. & Gudio pag. 41. n. 4.

NEP.

NEPTUNO. REDUC.

SACRUM

Q. MANILIUS. Q. F. PAL.

SEVERIANUS.

VI. VIR. AUG. ET. FLAM.

TITIAL. V. S. L. M.

Rurfus eidem Neptuno propitio femper deo Antipatri filius, in infcriptione Chalcedonenfi, libens pofuit ΑΓΑΘΗΣ ΣΥΜΒΟΛΟΝ ΕΥΠΛΟΙΗΣ, *felicis fymbolum navigationis.* Uterque, & Sponius in Miscellan. pag. 332. & Wehlérus vidit & exfcripfit hoc monumentum; fed non unis oculis: utriufque explicationem conjunxit Fleadwoodus fyl. infcript. pag. 52. 53. Dligentius vero eandem emendavit, expofuit & Euripidis fimili loco in Troadibus vf. 78. illustravit vir Cl. Gottlib. Sigefridus Bayer, de diis vial. Græcor. c. 7.

Proximos Neptuno facimus Deos Cabiros fratrefque pilcatos, Caftorem & Pollucem, qui θεοὶ μεγάλοι, Δίοσσυροι, Ἀνακες, *Dii magni, DioscURI, Anaces*, five *Anacles* dicuntur apud Ælium Dionyfium, Paufaniam, Plutarchum & Varronem lib. IV. de L. L. Historia eorum ex Pindaro & Theocrito petenda eft. Varias eorum classes tradit Cicero in III. de N. D. c. 21. Δίοσσυροι apud Grajos multis modis nominantur. *Primitres, qui appellantur Anacles, Athenis*

ex Jove, rege antiquissimo & Proserpina nati, Tritopatreus, Eubuleus, Dionysius. Secundi duo, Jove tertio nati & Leda, Castor & Pollux. Tertii dicuntur a nonnullis Alco & Melampus, Emolus, Atrei filii, qui Pelope natus fuit. Plures Dioscuros recensent Damascius apud Photium cod. 242. Euseb. de præp. Evang. l. i. c. 7. & Eustathius ad Odyss. A. pag. 438. at de ingente narrationum diversitate queritur Strabo lib. X. & Varro lib. IV. de LL. vulgi errorem notat, quod Dioscuros Cabiros, seu Deos Magnos Samothraces, cum Castore & Polluce confundat. Sed nobis sufficit, quod utrique & Cabiri & Gemelli ad numina nautarum vialia pertinent, ideoque missis reliquis, quæ Bochartus in Chanaan 1. c. 12. Fabrett. de col. Trajani c. 3. Vossius de orig. & progr. idol. lib. II. c. 36. & Tobias Gutberlethus, in dissertatione, de Mysteriis deorum Cabirorum, summa diligentia dixerunt, quæ ad institutum nostrum pertinent, prosequemur.

Et primum quidem Samothraces illos *Cabiros*, id est potentes, lingua Ebraicâ, vel *Divipotes*, ut Varro & Tertullianus interpretantur, navigantibus omnibus utiles visos fuisse, preces ad eos missas, et tabulæ pictæ, et cæsaries ipsis oblata apud Orpheum Argonaut vs 465. Apollonium

Ionium Argonaut lib IV. vs. 1548. Callimachum epigr. 51. & Ciceron. de N. D. lib. III. c. 37. fati ostendunt. Castor quoque et Pollux, postquam a Jove patre ad superos relati (sunt enim Indigetes et adscriptitii Dii) istiusmodi sibi stationem impetrarunt, ubi commode navigantibus præessent. Quare θεοὶ σωτῆρες appellantur apud Artemidorum Oneir. II. c. 42. et Ælianus lib. 1. Hist. c. 30. et lib. 4. cap. 5. Tzetzes in Lycophronem ὁ δὲ καὶ θαυμάσαντες αὐτὰς οἱ Ἀθηναῖοι, Ἀνακτας, ἤτοι θεούς, καὶ σωτῆρας ἐκάλεσαν. *Quapropter admirati eos Dioscuros Athenienses, Ἀνακτας, id est Deos & salvatores, appellarunt.* Pausanias in Corinthiacis: *In basi, inquit, Neptuni insculpti sunt οἱ Τυνδαρεω παῖδες, ὅτι δὴ σωτῆρες καὶ ἕτοιμοι γυναικῶν, καὶ ἀνθρώπων ἐπὶ ναυτιλομένων.* Tyndari filii, quod ipsi quoque salutaria creduntur navibus & vectoribus numina. Hesperum et Luciferum Ledæos juvenes vocant nonnulli. Quidam Geminos esse in Zodiaco putant. Hinc Homerus ἑτερομήρους eos vocat, aitque alternis diebus vivere ac mori. Sidera appellantur apud Petronium cap. 99. *Ego cum Gytone, quicquid erat, in altum compono, & adoratis sideribus intro navigium.* Nam veluti stellæ supra navigia apparebant. Seneca I. Nat. Q. 1. *In magna tempestate apparent quasi stellæ velo insi-*

dentēs: adjuvari se tunc periclitantes existimant, Pollucis & Castoris numine. Optimum enim omen si gemini ignes visentur.
Theocritus Idyll. 23. de Dioscuris:

ΑΛΛ' ἔμπης ὑμῶς τε καὶ ἐκ βοῦθ' ἔλατε νᾶας
αὐτοῖσιν ναύταισιν ὀιομένοις θανέσθαι.

Λίψα δ' ἀπολήγοντ' ἀνεμοί, λιπαρά δὲ γαλάνα
ἀμπέλαγος, νεφέλαι δὲ διέδραμον ἄλλυδις ἄλλαν.
Ἐκ δ' ἄρκτοι τ' ἐφαίνεσαν ὄναι τ' ἀνὰ μέσσοι ἀμαυρῇ
Φάτιν, σημαίνουσα τὰ πρὸς πλῆαν εὐδία πάντα.

*Attamen vos etiam ex profundo retrahitis
naves,*

*Una cum ipsis nautis, qui se morituros
esse putabant.*

Statim vero venti desinunt, & mitis tranquillitas.

*Per mare, nebulaeque diffugere aliae alio.
Et rursus apparent ursae, atque inter
medios asinos obscurum*

Præsepe, significans ad navigationem serenam omnia.

Imitatus est Horatius lib. I. Carm. Ode 12.

Dicam & Alciden, puerosque Leda:

Hunc equis, illum superare pugnīs

Nobilem; quorum simul alba nautis

Stella refulsit.

Defluit saxis agitatūs humor,

Concidunt venti, fugiuntque nubes

Fit minax (quod sic voluere) ponto

Unda recumbit.

Hinc

Hinc in nummis aliisve antiquis monumen-
tis, vulgo cum duabus stellis conspicui;
astroque comantes Tyndarides à Valerio
Flacco lib. V. vs. 367. et fratres Helena;
lucida sidera ab Horatio Ode I. 3. 1. ap-
pellantur. Vide Spanhemii Observat. in
hymnum Callimachi in Pallad. vs. 24. pag.
557.

Hos statuīs, lucis, templis, festis et
sacrificiis perfectis dignati sunt, non tan-
tum Samothraces, sed et omnes Græciæ
populi, ut Pausanias passim docet, et ex
aliis ejusdem bonæ notæ scriptoribus osten-
dit Meursius lib. IV. Græc. feriat. et Pe-
trus Castellanus de festis Græc. in Α'ναιστα.
Insigne quoque monumentum reperias apud
Montfauconium supplem. antiq. t. 1. lib. 4.
c. 4. ex quo discimus, Dioscuros Cabiros,
ut magnos deos, Athenis cultos fuisse.
Quod Gemelli etiam *Dii magni* apud Ro-
manos dicti fuerint, inscriptio Gruteri
ostendit pag. 98. n. 9. CASTORI
ET POLLUCI DIIS MAGNIS.
Servius ad III. Æneidos v. 12. *Varro unum*
esse dicit Penates & magnos Deos. Nam &
in basi scribebatur MAGNIS DIIS.
Et idem Varro & alii complures magnos
Deos affirmant simulacra duo virilia Casto-
ris & Pollucis, in Samo-Thracia ante por-
tum sita, quibus naufragio liberati vota sol-

uebant. Hos quoque, tanquam imperium in ventos et nubes habentes, multa prece, & publica & privata, Romani colebant. Æthicus in Cosmograph. de Tiberi: *Insulam facit inter portum urbis & Ostium civitatem, ubi populus Romanus cum Urbis præfecto, vel Consule, Castorum celebrandorum causa egreditur, solemnitate jucunda.* Iisdem ædes duæ erant dedicatæ, altera in foro Romano, altera in circo Flaminio, ut notum est. Hos etiam adorabant navigia intrantes, ut æquora panderent, ac iter per ea suaderent. Plinius lib. II. H. N. 37. *Polluci & Castori id numen assignant, eosque in mari deos invocant.* Statius Propeemptico Metii Celeris:

- - - *proferte benigna*

Sidera, & antennæ gemino consistite cornu

Oebalii fratres: vobis pontusque polusque Luceat

Rutilius lib. I. Itin. v. 155.

Pande precor gemino placatum Castore pontum.

Temperet æquoream dux Cytheræa viam.

Non autem nisi in supremo discrimine apparebant, cum vel metus vel periculum præcessisset, cumque nautæ nullum, nisi à Numinis auxilio, exitum sperare poterant. Unde *ad præces deos à Laconibus dissol-*

cū, ut observavit Isaacus Vossius ad Catullum pag. 289. ubi is ad Manlium carm. 68. v. 63.

*At velut in nigro jactatis turbine nautis
Lenius adspirans aura secunda venit.
Jam prece Polluces, jam Castora implo-
rante,*

Tale fuit nobis Manlius auxilium.

Addo Arrianum lib II. in Epictet. cap. 18.

τῷ θεῷ μέμνητο, ὁ καὶ ὅσον ὀπίκαλῃ βοηθὸν ἢ παρο-
σάτω, ὡς τὸς Διδοῦρος ἐν χειμῶνι οἱ πλείοντες. *Dei
memento, illum adiutorem invocato & com-
militonem, ut Castorem & Pollucem, qui
in tempestate navigant. Aristophanes Pa-
ce v. 221.*

Ὀνδρεῖς τε παύσπετα τῶν ἀγῶν μάλας.

*Ἀλλ' εἰ τις ἡμῶν ἐν Σαμοθράκῃ τυγχάνῃ
Μεμνημένος, οὐκ ἐστὶν ὀΐσασθαι καλόν.*

*Nunc viri aliquid patiemur; nunc ma-
gnum certamen:*

*Sed si quis nostrum in Samothracia est
Initiatus, nunc orare tempestivum est.*

Ubi Scholiastes oi, inquit, ἐν κινδύνοις γενόμενοι
ἐπεκαλῶντο τὰς τὸς Δαίμονας, τὰς ἐν Σαμοθράκῃ, τὰς
τε Κορύβαντας, ἢ τὴν Ἑκάτην. In periculo consti-
tuti invocabant Samothracum Deos; &
Corybantas, & Hecaten. Quod initiatos
Cabiis, ait, contra tempestates maris tutos
esse, id etiam tradit vetus Apollonii inter-
pres ad lib. I. v. 917.

Ἀρήκτες ἀγανῆσι τελευφορέησι θεμίτας
 Σωότεροι κρυοίσσαν ὑπὲρ ἅλα ναυίλοιντο.

*Intemerandis legibus imbuti & severis ini-
 tiati cultibus*

*Certiori cum incolumitate formidolosum na-
 vigarent mare.*

Ubi Scholium: τὰς τελετὰς λέγει, τὰς ἐν Σαμοθράκῃ
 ἀγομῆαι, αἷς, ἢ τις μυθήσῃ, ἐν τοῖς κατὰ θάλασσαν
 χειμῶσι, δὲσώζεται. *Initiationes dicit, quæ ce-
 lebrantur in Samothrace, queis si quis initia-
 tus fuerit, in tempestatibus in mari conser-
 vatur.* Propertius etiam, multum sævien-
 te tempestate, parum à morte remotus,
 diu optatos querit Tyndaridas lib. 1. El. 17.
 Horatius l. IV. Od. 8.

Clarum Tyndaridæ fidus ab infimis.

Quassas eripiunt æquoribus ratis.

Claudianus de bello Gildon. vs. 210.

Sic cum præcipites artem vicere procellæ,

Affiduoque gemens undarum verbere nutat.

Descensura ratis cæca sub nocte vocati

Naufraga Ledaï sustentant vela Lacones.

Qui ab itinere erant reduces, vota ante
 discessum, vel in periculo nuncupata, iis
 solvebant. Orpheus altero κρητῶν hymno vs. 4.

Οἷτε Σαμοθράκην ἱερὴν χθόνα ναϊετάοντες

• Κινδύνοις θνητῶν ἀπερύκετε ποντοπλανήτων.

*Quique Samothracum habitacula sacra co-
 lunt*

Casibus eximitis per cœrula velificantes.

Eude-

Eudemus, cum salvus procellas effugisset,
navim donavit Cabiris, apud Callimachum
Epigramm. 51.

Θῆκε θεοῖς Σαμόθρακι: λέγων ὅτι τὴν δε κατ' ἐυχὴν.

Ω λαοί, σωθεῖς ἐξ αἰὸς ὡδ' ἴδετε.

*Donavit Diis Samothracibus, dicens quod
hanc ex voto,*

O populi, servatus ex mari hic posuit

Sic etiam Fl. Valerius Rufus, legatus pro-
vinciæ Galliæ Narbonensis, *Magnis diis
votum quod abiens fec. post. reditum de suo
solvit*; in marmore apud Gruter. pag. 1019.

1. & in alio pag. 1016. 3.

CASTORI. ET. POLLUCI.

SACRUM.

OB. FELICEM. IN. PATRIAM.

REDIT. TOT. SUPERAT.

NAUFRAGII. PERICULIS.

EX. VOTO. CUM.

SOCIIS.

L. M. P.

C. VALERIUS. C. F. AGELL.

Pelagi quoque imperium tenere Glaucus;
Panopea, Melicerta, Thetis, & Nereus,
qui θεοὶ θαλάσσης, ἰνάλιοι, διαπόντιοι Græcis, *La-
res permarini* Livio lib. XL. cap. 52.
Servio sæpius *Dii marini* dicuntur, ad V.
Æneid. vl. 241. & 824. De his quoque
Stra-

Strabo ait, lib. VI. commemorat pag. 277.
 Senatum Romanum, cum a Tito Flami-
 nio, Siciliae Prætor, certior esset factus
 periculorum maritimorum, missis legatis,
 rem sacram procurasse τοῖς τε καλαχθάνοις θεοῖς
 καὶ τοῖς Σαλατῖοις, diis *Manibus* & *Marinis*:
 Apud Pollucem lib. I. c. I. n. 23. inter
 alia deorum cognomina referuntur θαλάττιοι,
 καὶ οἱ αὐτοὶ ἐνθαλάττιοι, *Marini*, qui & *Pontici*.
 Plerosque complexus est Lucillius:

*Inoque, Glaucoque & Nereo, dein Meli-
 certa;*

*Et Samothracum diis, æqueoque Jovi,
 Servatus dicat è pelagi Lucillius undis:*

*Hos crines, aliud namque habet ille
 nihil.*

Virgilius I. Georg. 437.

*Votaque servati solvent in littore nautæ
 Glauco & Panopeæ & Inoo Melicertæ.*

Melicerta Latinis *Portunus* vocatur, quia
 portuum præses, apud eundem lib. V.
 vl. 239.

*Dixit, eumque imis sub fluctibus audit
 omnis*

*Nereidum Phorcique chorus Panopeaque
 virgo;*

*Et pater ipse manu magna Portunus
 euntem*

Impulit.

Ubi Servius notat: *Portunus Deus mari-
 nus,*

mus, qui portubus præest. Dicebatur *Portunus* et *Portumnus*: nam in tribus lapidibus apud Gadium pag. 3. n. 6. est *EDITUUS PORTUMNI* & pag. 59. *PORTUMNO BONO. DEO. TRANQUIL.* verum pag. seq. n. 1. legitur *PORTUMNO & PORTUNAE TRANQUILLAE SACRUM.* Arnobius lib. III. pag. m. 113. *Per maria tutissimas præstat Fortunus commeanibus navigationes: & cur insanum mare tam frequentes exposuit crudelium naufragiorum ruinas?* Festus eum, tanquam maris & portuum curatorem, clavim manu tenere, in voce claudere scribit: *Portumnus clavim manu tenere fingeatur, & Deus putabatur esse portuum.* Alios id genus Virgilius recenset dict. lib. V. vf. 822.

*Tum variæ comitum facies, immania cete,
Et senior Glauci chorus Inousque Palæmon,
Tritoneque citi, Phorcique exercitus omnis.
Leva tenent Ibetis & Melite Panopeaque
virgo,*

Nesæ, Spioque, Thaliaque Cymodoceque.
Valerius Flaccus lib. I. vf. 188.

Tum læti statuunt aras, tibi, rector aquarum,

*Summus honos: tibi cæruleis in littore
vittis.*

*Et Zephyris Glaucoque bovem, Tbeti-
dique juvencam*

Dejicit

Dejicit Ancæus.

Nereides erant Nerei e Doride filiæ, quas *centum aquoreas Nereo genitore puel- las* Catullus; *Nymphas natantes incolasque aquatiles* Prudentius *ὀκείαντες* appellavit. Nomina earum retulit Homerus Iliad. 18. Schemata & classes dedit Montfaucon. tom. 1. Ant. p. 385. qui etiam in supplem. t. 1. lib. 2. c. 7. figuras deorum marinorum ex pavimentis aliquot mulivi operis expref- fit. Squamis quibusdam in facie & in pe- ctoribus eos, velut peculiari nota distinctos, Fabrettus repræsentavit de col. Trajan. c. 9. pag. 308. DII AQUATILES vocan- tur in lapide Reinesii cl. 1. n. 69. Omnes vero in imis voraginibus antrisque mar- ris habitare credebantur, uti Turneb. lib. xvi. advers. cap. 32. cum Servio expli- cavit illud Virgilii lib. 1. Æneid vs. 125. *imis stagna refusa vadis*. Manilius lib. V. vs. 11. de urinatoribus:

*Corpora qui mergunt undis, ipsumque sub
antris*

*Nerea, & aquoreas conantur visere
Nymphas.*

Omnes præterea fenes dicebantur, quod capita eorum alberent spumis aquarum, auctore Servio ad lib. iv. Georg. vs. 403. Amictus cœruleus; unde *Glauci cœruleati* meminit Vellejus Paterculus lib. 11. c. 83.

&

et Apulejus lib. IV. de comitibus Veneris:
Adsumt, inquit, Nerei filiae, chorum canentes, & Portumnus caeruleis barbis bispidus. De omnibus denique hisce marinis notandum, eos fere inter deos plebejos & pusilla numina referendos esse; quia; pariter ac Lares supra, erant homines beneficio mortalium in Deos relati. Unde Medioxumi vocantur; ut Illustris Cuperus lib. III. obs. c. 16. docuit ex isto Servii loco ad III. Aeneid. vi. 134. *Quidam aras superiorum deorum volunt esse: Medioxumorum, id est marinorum, focos.*

Ceterum an iidem fuerint dii marini & litorales quaesitum est; Jacobus Nicolaus Loensis lib. III. Miscell. c. 15. Apollinem Actium & Helleponticum Priapum intelligit per deos litorales Catulli carm. 4. Turnebus lib. 25. Advers. c. 21. Glaucum, Panopæam & Melicertam interpretatur, ex Virgilii lib. I. Georg. 436.

*Votaque servati solvant in litore nautæ
 Glauco, & Panopæa, & Inoo Melicertæ.*
 Gevartius ad Statium Deos marinos à litoralibus distinguendos esse contendit, cum hi potissimum fuerint Di Cælestes, ut Apollo in ætæ apud Apollonium, & Palias litoræa apud Statium i. Achill. Vossius autem ad d. I. Catulli nullum fere deorum majorum minorumve esse, ait, cui fanæ

in litoribus sacrata non fuerint; & quamvis marini dii plerumque pro turba innotinata, imis in gurgitibus habitante, & pro medioxumis ponantur, nil tamen video, quod obftet, quominus omnium Deorum, qui nautis præfunt, simulacra, templa & aras in litoribus posita credamus Virgilio lib. V. *Æneid.* vf. 237. Dionysius enim Halicarn. lib. I. cap. 38. similiter scribit, veteres cuique deorum loca convenientissima dedicasse; montes & nemora Pani, Nymphis prata & loca virentia, at *litora & insulas marinis numinibus.* Apud Boissardum quoque *Antiq. tom. VI. p. 30.* Satyrus colliculo insidens dextram porrigit mulieri nudæ, addita subscriptione:

SILVANO. LITORALI. ET.

MUSAE LACHES

Sicut porro Veteres Oceanum religiose colebant, tanquam Deum, ita fluvios quoque Deos & Diis sacratos legimus. *Ægyptii* Nilo, *Indi* Indo fluvio sacra faciebant, auctore *Philostrato* lib. II. de vita *Apollon.* c. 19. & 31. *Persæ* in fluvium non immejebant, nec in eo lavabant, aut abluebantur; nec cadaver injiciebant, nec alia immunda; quia aquam, ut numen, colebant, *Herod.* lib. I. cap. 138. & *Strabo* lib. XV. extr. *Apolloniatae*, *Epiri* cives, *Æanti* fluvio, ab *Epidamniis* sibi in adjuto-

torium misso, *at Deo immolaverunt*, eo-
 que duce in omnibus deinceps præliis uti
 instituerunt, Valer. Max. lib. 1. c. 5. n.
 ult. In Umbria, fons & fluvius Clitumnus,
præsens numen, atque etiam fatidicum, for-
 tes indicasse dicitur, apud Plin. lib. VIII.
 epist. 8. De Romanis Cicero lib. III. de N.
 D. c. 20. *Fontis delubrum Maso ex Corsica
 dedicavit, & in augurum precatatione Ti-
 berinum, Spinonem, Anemonem, Nodinum,
 alia propinquorum fluminum nomina vide-
 mus.* Germanorum Deus & numen patri-
 um censebatur Rhenus, uti ex reperto
 apud Coloniam Agrippinensem sigillo æ-
 neo; ad figuram Tiberini patris, monuit
 Freherus; ejus inscriptio erat: DEUS RHE-
 NUS. Maxime vero ex specu nascentes pro
 Diis celebrantur, eisque aræ statuebantur.
 FONTIBUS DIVINIS SACR. est in la-
 pide Brixiano apud Gruter pag. 172. n. 7.
 Seneca epist. 41. *Magnorum fluminum ca-
 pita veneramur, subita ex abdito vasti
 amnis eruptio aras habet: coluntur aqua-
 rum latentium fontes, & stagna quædam
 vel opacitas vel immensa altitudo sacravit.*
 Hanc ob rem *sacra, lucos & aras*, patriis
 amnibus dicata, memorat Tacitus lib. I.
 Annal. c. 79. & in fontibus fluminum na-
 tare nefas erat. Idem lib. 14. Ann. c. 22.
 de Nerone, qui cum fontem aquæ Marcæ

ad urbem deductæ nando incesſerat, videbatur potus ſacros & ceremonias loci corpore toto polluiſſe, ſecutaque anceps valetudo iram Deum affirmavit. Immo in quibuſdam navigare vetitum. Plinius lib. VIII. epiſt. 20. de lacu Vadimonis: *nulla in hoc navis: ſacer enim eſt.* Hinc etiam fluvios tranſituri adorabant, uti ſupra cap. 1. pag. 10. ex Heſiodo, Arriano, Virgilio & Silio vidimus ; iſque in trajicieſdo equos vel tauros conſecrabant & immolabant, Sueton. lib. 1. c. 81. & Plutarch. in Lucullo. Iiſdem quoque, ut Diis, parvi nummi ærei, quos ſtipes vocabant, honoris cauſa, vulgo injiciebantur. Seneca lib. 4. Qu. nat. 2. de Nili venis, inter ſcopulos erumpentibus: *In hac ora ſtipem ſacerdotes, & aurea dona præſecti, quum ſolenne venit ſacrum, jaciunt.* Plinius dict. epiſt. 8. Clitumni gurgitem, ait, adeo purum & vitreum fuiſſe, *ut numerare jactas ſtipes poſſis.* Sueton. Aug. c. 57. *Omnes ordines in lacum Curtii quotannis, ex voto pro ſalute ejus, ſtipem jaciebant.* Ubi plura Caſaubonus, quocum Rupertus jungatur ad Florum lib. II. cap. 20. §. 7. & ad Valer. Max. lib. I. c. 4. qui horum numinum ſimulacra dormientia pingi ſolita, Tiberis & Maronis fluvii exemplis oſtendit. De fontis nomine, videſis etiam Grot. ad Marciani Capellæ

pellæ lib. 1. & Reines. ad cl. 1. n. 51. Inscript.

Venti denique, Fluctus & Tempestates, inter maritima numina, suas habebant aras, statuas & templa, in quibus navigaturi hostias offerebant ac precabantur; cum enim sæpe homines viderent, ex procellis & tempestatibus se nulla arte eluctari posse, ipsique votorum, quantum fatis est, Diis fecissent, tandem ad harum invisibilium potentatum auxilium convolabant. Pausan. in Corinth. pag. 106. in Sicyoniæ regione Titane: *Ara est ventorum, ad quam nocte una quotannis sacerdos sacrum facit*, Herodotus lib. VII. cap. 178: *In delubro Thujæ ara est ventis constituta, iisdemque sacrificatum*. Quod Persæ Ventos coluerint, cum Herodoto lib. I. c. 131. tradit Strabo lib. 15. Lacedæmonios ventis equum immolare, et adolere in monte Taygeto, nos docet Festus, in voce *October*. Hesiod. *theog.* vf. 871. Boream, Zephyrum et Notum ex Diis ortos, ait, reliquos vero ex Typhæo. Athenienses Boreæ, tanquam adfini suo, templum apud Ilissum fluvium struxerunt, auctore Herod. VII. c. 189. et Pausania Attic. c. 19. Thurii quoque τῇ Βορρῇ ἱδρυσάν *Boreæ rem divinam fecerunt*, et decreverunt, ut ventus ille sit suus civis, domumque ei et agrum assignarunt, singulisque annis sacra ei fecerunt, teste Aliano lib.

lib. XII. c. 61. Idem Megalopolitas fecisse memorat Pausan. in Arcad. c. 36. Πεποιή-
ται Βορέα τῷ Ἀνέμῳ Τέμενθ, καὶ οἱ Μεγαλοπολίται
Θυσίας θύουσιν ἀνά πᾶν ἔτος, καὶ θεῶν εἰδένος Βορέαν ὕστε-
ρον ἄγουσιν ἐς τιμὴν, ἅτε σωτῆρα γενόμενον σφισιν ὑπὸ Λα-
κεδαιμονίων τε καὶ Ἀγιδῶ. *Factum est templum
Boreæ vento, & Megapolitani sacra illi
faciunt quotannis, nec quoquam Deorum
minus venerantur Boream, quippe qui ser-
vaverat eos à Lacedæmoniis & Agide.* Se-
neca lib. V. Natural. Quæst. cap. 17. *Di-
vus Augustus templum illi (Circio vento)
cum in Gallia moraretur, & vovit &
fecit.* In lapide apud Reinesium inscript.
pag. 186. navicularius mercator Orithyæ,
Aquilonis conjugii, votum solvit:

HORITHYÆ

L. BARBIVS. L. LIB.

THEOPOMPUS

NAV. MERKAT

V. S.

Horichya illa est Erechtei regis Athenien-
sium filia, amata raptaque ad Ilyssi ripas a
Borea Thracio; uti præter alios late de-
scribit Ovidius lib. VI. Metam. vf. 683. ubi
Boream deum vocat:

Dilectaque diu caruit Deus Orithyia.

Posses quoque, cum Reinesio, Ὁρεθυῶν
unam Nereidum Nympharum hic intelli-

gc-

gere, quam Homerus Iliad. 2. v. 48. Hyginus fab. 1. & Suidas nominarunt. Vid. Meurf. de regib. Atheniens. lib. II. cap. 13. Certior ventorum cultus ex alio lapide, in Africa reperto, colligitur, apud Spon. Miscell. pag. 77. & Burcardum Gotthelfium Struvium V. Cl. ac de sacris hisce præclare meritum, Antiq. Rom. synt. cap. 1. pag. 169.

V I N T I S

BONARUM. TEMPES
TATIVM. POTENTIBVS
LEG. III. AUG. DEDIC.
Q. FABIO. CALVITINO

LEG. AVG. PR. PR.

Venti bonarum malarumque tempestatum auctores sunt; sed JOVEM O. M. TEMPESTATIUM DIVINARUM POTENTEM, ex alia inscriptione supra vidimus & illustravimus cap. VI. pag. 103. quibus nunc accedat Virgil. lib. 1. Georg. v. 27. ubi Augusto adulatur, eumque *tempestatum potentem* fore ait, instar Jovis, aut si velit, *An Deus immensi venias maris, ac tua nautæ numina sola colant.* Videas Cl. Turre de Diis Aquilej. pag. 296. & seqq.

Tot vero quæ de ventorum cultu jam adduximus loca convincere possunt Dacierium, qui ad Horat. lib. 1. carm. 25. fin.

non commeminit ventis quicquam dedica-
ri; at si illis immolatum est, cur non &
dedicatum? recte ipsi regerit Celeb. Bent-
lejus. Invocatos eos esse docet Propertius
lib. III. Eleg. 5.

*Di maris, Ægei quos sunt penes equo-
ra, Venti.*

Ubi in notis Cl. Broeckhusius addit Lu-
cretium lib. V. vs. 1225.

*Summa etiam cum vis violenti per mare
venti*

*Induperatorem classis super æquora verrit,
Cum validis pariter legionibus atque ele-
phantis;*

*Non Divum pacem votis adit? ac prece
quæsit*

*Ventorum pavidus paces animasque se-
cundas?*

Fluctus placatos Cicero indicat lib. III.
de nat. Deor. c. 20. *Nostri duces, mare in-
gredientes, immolare fluctibus hostiam con-
sueverunt.* Et senex Charmides, apud
Plautum Trinum. Actus IV. sc. 1. grates
gratiasque habet *fluctibus salsis.* De Tem-
pestatibus loco eod. Tullius, rejiciens in-
finitam illam superstitionis rationem: *Quod
si nubes retuleris in deos, referenda certe
erunt Tempestates, quæ populi Romani ri-
tibus consecratæ sunt.* His templum dedica-
vit L. Cornelius Scipio, Barbati filius,
teste

teste antiquissima inscriptione, quam Sirmondus & Anonymus doctis commentariis illustrarunt, in thes. Grævii tom. IV. pag. 1832. cum enim, capta Corsica Aleriaque urbe, Scipioni magno constitisset victoria, ob Corsici maris rabiem, **DEDET. TEMPESTATEBUS. AIDE. MERITO**, Tempestatibus ædem merito dedit, sive sacrauit. Ad eandem ædem pertinet Ovidii locus, non vero ad illam, quam M. Marcellus, a periculo navigationis in Corsicam liberatus, struxisse fertur, extra portam Capenam, lib. VI. Fast. 193.

Te quoque, Tempestas, meritam delubra fatemur,

Cum pene est Corsis obruta classis aquis.

Epignomus apud Plaut. Stich. III. sc. i. init.

Cum bene re gesta saluos convortor domum,

Neptuno grates habeo & Tempestatibus.

Astra, quæ ortu suo Tempestates, ut tonitrua, fulmina, grandines & nimbos cierent, Phænomena, scriptores appellant Arcturum, Hædos, Hyadas, Oriona, & Pleiadas; atque id de priore Apollon. lib. II. Argon. Aratus & Plautus Rud. Prol. vi. 5. testantur.

S 5

Nam

*Nam Arcturus sum, signum omnium quam
acerrimum*

*Vehemens sum, exoriens cum occido ve-
hementissimum.*

De Hædis & Hyadibus Ovid. lib. 1. Trist.
Eleg. XI. vs. 13.

*Sæpe ego nimboris dubius jactabar ab
Hædis,*

*Sæpe minax Steropes fidere pontus erat
Fuscabatque diem custos Erymanthidos
Ursæ;*

Aut Hyadas seris hauserat auster aquis.
Statius Thebaid. IX. vs. 460.

- - - cum Plejadas haurit,

*Aut nigrum trepidis impingit Oriona
nautis.*

Contra Ursæ duæ, in Aquilonari regio-
ne, Helice & Cynosura, amicæ nautarum
fidissimæ, uti Barthius lib. 34. Advers.
c. 15. multis Veterum locis ostendit. Ovid.
IV. Trist. El. 3. vs. 1.

*Magna minorque seræ, quarum regit al-
tera Grajas,*

Altera Sidonias, utraque sicca, rates.
Idem Epist. 18. vs. 149.

*Nec sequar aut Helicen, aut, qua Tyros
utitur, Arcton:*

Publica non curat sidera noster amor.
Manil. 1. vs. 294.

Summa tenet ejus miseris notissima nautis
Si-

*Signa, per immensum cupidos ducentia
pontum;*

*Majoremque Helice major decircinat ar-
cum;*

*Septem illam stellæ certantes lumine si-
gnant,*

*Qua duce per fluctus Graje dant vela
carinae.*

Angusto Cynosura brevi torquetur in orbe.
Valer. Flacc. lib. I. vs. 17.

*- - - nec enim in Tyrias Cynosura
carinas*

*Certior, aut Grajis Helice servanda ma-
gistris.*

Cur autem noxiis Tempestatibus ædes
sacras & aras posuerint, in promptu ratio
est; quia Deos quosdam, ut prodesent,
celebrabant, quosdam, ne obessent, pla-
cabant, ait Gellius lib. V. c. 12. ubi Væ-
jovem deum, qui non juvandi potesta-
tem, sed vim nocendi haberet, eadem ra-
tione cultum fuisse, tradit. Romani ve-
teres diis asperioribus sacrificabant, ne no-
cerent, ait Servius ad III. Æneid. vs. 120.
Similiter eosdem, sub Palatio colle, Febris
& templum & aram ædificasse, scribit Æ-
lianus lib. XII. cap. XI. Idem tradit Va-
ler Maximus lib. II. c. 5. n. ult. & firma-
tur ex inscriptionibus Gruteri pag. 97.

FEBRI-DIVÆ, SANCTÆ, MÆ-
GNAE

GNAE &c. Contumeliæ, Impudentiæ ;
Malæ Fortunæ & spurciorum fana Sel-
denus dabit de diis Syr. proleg. c. 3. Pru-
dentius scabiem addit, Hamartigenia :

*Par furor illorum , quos tradit fama di-
catis*

*Consecrasse Deas , Febrem Scabiemque
facellis.*

Ceterum per mare iter facturi Neptuno
taurum, Thetidi juvencam, bovem Glau-
co immolare solebant. Sic Homerus Al-
pheo & Xantho tauris factum ait, Iliad.
XI. vs. 727. & XXI. vs. 131. Alexander
tauros, Neptuno cæsos, in mare proje-
cit, apud Indos, Arrian. lib. VI. pag.
415. Lucullus *Eupbrati taurum immola-
vit, gratias ei pro transitu agens*, ut in
vita ejus scribit Plutarchus pag. 507. Di-
dymus ad Odyss. γ. "Εθνος ποσειδῶνι πάντες
μή δια τὸ βίαιον τῆς θαλάσσης, μέλανας δὲ δια τὴν
χρῆσαν δὲ ὕδατος τὴν αἰάαν δὲ βάρυν. Virgilius lib.
III. vs. 118.

*Sic fatus , meritos aris mactavit honores ,
Taurum Neptuno , taurum tibi , pulcher
Apollo ,*

*Nigram Hiemi pecudem , Zephyris felici-
bus albam.*

Hoc ipsum quoque Servius multis locis ex-
plicavit ad Æneid. II. 202. III. 21. 85. &
118. IX. 627, nisi quod Paulo Leopardo
lib.

lib. XX. Emendat. cap. 23. iusto concisior videtur. Cur vero tauros mari & fluminibus immolarint, ejus rei causam Eustathius pag. 1237. a mugitu petit, quem mare & fluvii imitantur: *μεμυκός ἦν τε ταύρος*; de Xantho fluvio cecinit vatum pater Iliad. φ. Eadem ratione taurina cornua fluvii appingi, notant veteres Critici ad Euripidem, Orest. vf. 1380. ubi Oceanus fluminum pater *ταυροειδὲς* vocatur. Inde & Neptunus *ταύρεος ἐννοσίγαιος*, *Taurinus Neptunus* Hesiodo audit Scut. Herc. vers. 104. De Eridano Virgilius, *taurino cornua vultu*. De Tiberi Claudianus, *taurina levantur cornua*. V. Spanhem de præst. diff. VII. pag. 394. Niger vero taurus Neptuno immolabatur, quod maris agitati fluctus ejus coloris esse viderentur, uti ex Homero, Virgilio aliisque probat Rad. Fornerius lib. I. Rer. quod c. 15. & 16. ut nobis persuaderet in l. I. §. 16. D. de aq. & aq. plu. pro aqua *increscit*, legendum esse *nigrescit*. Plane ratio victimarum fiebat pro qualitate numinum, & ad similitudinem quandam: nam inferis nigras pecudes, superis albas, serenitati candidas, at procellosis ventis atrisque tempestatibus, quas Typhonas vocant, nigrum agnum immolabant; uti ex Aristophane in Ranis vf. 871. & ex Græcorum commentariis referunt Gyrat.

Gyraldus de Navigiis cap. 9. & Leopardus d. l. Inter Latinos vero Servius monuit ad dict. vf. 118. Horatius Epod. X.

Libidinosus immolabitur caper :

Et agna Tempestatibus.

Tenii quidam nautæ, tempestatem passi, cum vix quinto die Athenas appulissent, diis vota reddunt hædo parvo & macilentto, quod qui ex hac causa sacra faciebant, quam minimo poterant sumtu pietatis officio defungi. Athenæus lib. IX. c. 6.

Πέμπτῳ ἴδνον ἡμέραν οἱ Τήνιοι

Πολιοὶ γέροντες, πλὴν πολὺν πεπλωκότες

Λεπλὸν ἱερὸν, ἢ μικρὸν ἐκ λῶ ὅκ φορά.

Quinto sacra die faciebant Tenii,

Senes cani, quod longa essent defuncti navigatione,

Gracilemque & parvum hædum immolabant, pelle detracta.

ubi perperam viri docti λευκὸν pro λεπτὸν scribi voluerunt, quod Casaubono displicuit, & ex superioribus refellitur: nam marinis numinibus atras victimas immolandas tradit Porphyrius apud Euseb. Præp. Evang. lib. IV. cap. 9. & Spanhem. ad Aristoph. pag. 311. Intestina autem in mare jaciebantur. Virgilius V. Æneid. 771.

Tris Eryci vitulos & Tempestatibus agnam

Cedere

*Cedere deinde jubet, solvique ex ordine
funem.*

*Ipse caput tonsa foliis evinctus olivæ
Stans procul in prora pateram tenet, ex-
taque salsos*

Porricit in fluctus, ac vina liquentia fundit.
Apud Livium lib. XXIX. c. 27. Scipio, è
Sicilia in Africam trajecturus: *Secundum
eas preces, cruda exta, caesa victima, uti
mos, in mare porricit, tubaque signum
dedit proficiscendi.* Silius lib. XVII. vs. 48.

*Ipse alacer Sicula discedens Scipio terra
Abscondit late propulsis puppibus æquor,
Cui numen pelagi placaverat hostia taurus,
Factaque cæruleis innabant fluctibus exta.*
Statius lib. II. Achilleidos 299.

*Cæruleum regem tauro veneratur, avumque
Nerea, vittata genitrix placata juvenca est.
Hic spumante salo jaciens tumida exta
profatur.*

Una cum extis simul etiam vina fundeban-
tur in fluctus. Virgilius lib. V. vs. 238.
& 776. & Statius lib. III. Silv. 2. in Pro-
pemptico Metii Celeris vs. 23. de classe Æ-
gyptiaca, quæ Palladi in Surrentino lito-
re positæ fecerat:

*Prima salatavit Capreas, & margine
dextro
Sparsit Tyrrhena Mareotica vina Mi-
nervæ.*

Navi-

Navibus solutis, cum litorales Dii & conspectu fugissent, ad ea, quæ secum in navibus habebant, Deorum simulacra, in amaris ponti periculis, confugiebant. Neque enim domus illæ fluctuantes Diis custodibus vacuæ esse debebant, unde veterum mos, etiam pueris notus, sculpendi vel pingendi Deos in puppi, quorum tutelæ navigium erat consecratum. Dii illi *Tutela navis* vocantur apud Senecam epist. 76. & Petronium cap. 105. Virgilius lib. X. *Æneid.* 171. *aurato fulgebat Apolline puppis.* Horatius lib. I. Ode 14. *Nil pictis tumidus navita puppibus Fidit.* Lucanus lib. III. vs. 510. *non robore puto Ornatas decuit fulgens Tutela carinas.* Papinius lib. VIII. Theb. vs. 269. *Solus stat puppe magister Pervigil, inscriptaque Deus, qui navigat, alno.* Persius sat. VI. vs. 29. *Jacet ipse in litore & una Ingentes de puppe Dii.* Sed Ovidius lib. I. Trist. El. 10. pr. præterea *παραδουμωρ*, quod in prora erat, & nomen navi dabat, a tutela in puppi distinguit:

Est mihi, sitque precor flavæ tutela Minervæ

Navis; & à picta casside nomen habet.
Valerius Flaccus lib. I. Argon. vs. 301.

*Visa coronatæ fulgens tutela carinæ
Vocibus his instare duci.*

tute-

Tutela autem Palladis erat simulacrum.
Idem lib. VIII. vf. 203.

*Puppe procul summa, vigilis post terga
magistri,*

Hæserat auratæ genibus Medea Minervæ.
Silius lib. XIII. Punic. vf. 78.

*Trojanam ostentat trepidis de puppe Mi-
nervam.*

Quandoque Deorum effigies in prora po-
litæ, tanquam *παράσημον* & insigne, a quo
nomen navigio imponebatur. Sic verbî gra-
tia in Actis Apostol. XXVIII. vf. 11. na-
vis Alexandrina, qua D. Paulus Syracusas
a Melita vectus, erat *παράσημον Διοσκουρίδων*, cum
insigni Castorum. Ammonis in Græcia cul-
ti sacram triremem. narrat Dinarchus apud
Harpocrationem : *Ἀμμωνίῳ ἢ ἑὶ Ἀμύνων ἡ ναὺς*
τείνετο. Prætoria navis, ab Ifidis signo,
ISIS III. vocatur, in inscript. vetere apud
Pighium Herc. Prod. pag. 367. & alia id
genus exempla congeffit Clarissimus Stanle-
jus in notis ad Æschyl. Sept. cont. Theb. vf.
214. Cave tamen cum eo credas, *παράσημον* &
Tutelam unum idemque fuisse. Optime hæc
distinxerunt Viri Cl. Josephus Scaliger in
Eusebianis ad A. 634. Meurs. ad Lycophron.
n. 1299. Salmasius Exercit. Plin. pag. 403.
Daniel Heinsius ad Silium lib. 14. vf. 543.
Selden. de Diis Syr. syne. 2. c. 16. Bö-
chart. lib. 11. Geogr. c. 4. Fabrett. de
col.

T

col. Traj. c. 4. p. 112. Gud. ad Phædr. lib. IV. fab. 24. Schefferus lib. III. de milit. nav. cap. 1. & recentiores alii. Quamquam enim unum ejusdem Dei simulacrum nonnunquam in prora & puppi, plerumque tamen παράσημον animalis figura erat, aut heroïs, aut alterius rei; ut ærata tigris, immanis Triton, Phrygii leones, & centaurus apud Virgilium; capricornus in vetere inscriptione Gruteri pag. 1030. & pegasus in trierarchi nave, cujus filius ex *liburnæ parasemo nomen accepit*, ait Scholiaſtes Juvenalis Sat. IV. verſ. 77. Quamvis etiam Lactantius lib. 1. cap. XI. Scholiaſtes Lucani d. I. & Gloſſæ Græco Latinæ παράσημον tutelam vocarint, id tamen errori magis tribuendum videtur: fane bruta, Deorum vialium ſymbola, jam vidimus ſupra pag. 104. & ſeqq. quodque hiſce temporibus multa navigia aves, vel quadrupedes in ſummo malo vel ejus vexillo pro ſigno gerunt, id a proris veterum fluxiſſe puto.

Denique, ut omnem nautarum cultum abſolvamus, naufragium deprecaturi ungues & capillos reſecabant, eoſque iratis diis marinis, ceu ultimum votum offerebant, & naufragio liberati ſolvebant. Hinc naufragus quidam Anthol. lib. VI. cap. 21. cp. 1.

Γλαΐς

Γλαύκῳ, ἢ Νηεΐ, ἢ Ινοΐ, ἢ Μελικέρτῃ

Καὶ Βυβίῳ Κρονίδῃ, ἢ Σαμίθρῃ Θεοῖς

Σωθεῖς ἐκ πελάγους Δακτύλιος ὠδε κέκαρμαι

Τὰς τρίχας ἐκ κεφαλῆς, ἄλλο γὰρ ἔδεν ἔχω.

Glauco, & Nereo, & Inoi, atque Meli-
certæ

Et Saturnio marino, & Cabiris Samo-
thraciæ,

Salvus ex naufragio Lucillius, sic detondi
Crines capitis, aliud enim nihil habeo.

Idem tradit Lucian. in Hermotimo in fin.

& Artemidorus Oneirocrit. lib. 1. cap. 23.

Ναυαγῆσαντες μὲν, ἢ ἐκ μεγάλης σωθέντες νόσῃ, ξυών-

ται οἱ ἀνθρώποι, *naufragi vel e gravi morbo*

liberati tondentur. Ex eodem more Casellius

Durantius lib. 11. Var. cap. 10. lucem affun-

dit Lucæ in Actis. Petronius cap. 63. ra-

suram *ultimum naufragorum votum* appel-

lat, & cap. 104. *Audiot enim non licere cui-*

quam mortalium in nave, neque ungues

neque capillos deponere nisi quum pelago

ventus irascitur. Nonius: *Qui liberi fie-*

bant ea causa calvi erant, quod tempesta-

tem servitutis videbantur effugere, ut nau-

fragio liberati solent. Juvenalis sat. XII. v. 81.

Tum stagnante sinu gaudent ibi vertice
raso,

Garrula securi narrare pericula nautæ.

Qui ex undis & tempestate servati in tem-

plo Neptuni vel Isidis, una cum vestibus,

in quibus evaserant, tabellas dicabant, in quibus casus & naufragii pericula depicta. Multis hunc morem illustrat Ezech. Spanhem. ad Plutum Aristoph. vf. 938. nobis sufficient Horatius lib. I. Ode 5.

*me tabula sacer
Votiva paries indicat ; uvida
Suspendisse potenti
Vestimenta maris Deo.*

Juvenalis XII. vf. 27

*Ex quam votiva testantur fana tabella
Plurima, pictores quis nescit ab Iside
pasci?*

Cicero lib. III. de Nat. Deor. c. 37. *Tu, qui Deos putas humana negligere, nonne animadvertis ex tot tabulis pictis, quam multi votis vim tempestatis effugerint in portumque salvi pervenerint? In arboribus etiam antiquis ac ob vetustatem aridis Diis littoralibus dona votiva ac tabulas suspendebant.* Virgilius lib. XII. Æneid. vf. 766.

*Fortē sacer Fauno foliis oleaster amaris
Hic steterat, nautis olim venerabile lignum:*

*Servati ex undis ubi figere dona solebant
Laurenti divo, & votas suscipere vestis.*

CAPUT XIV.

DE FATIS DEORUM VIALIUM.

Sapientiores unum credebant numen supremum, etiam Jurisconsulti; sed vulgus ex operationibus ejus innumeros sibi deos effecit. Horum simulacra priscis invisa, & a Poëtis irrita. Cur aliquando Dii omnes, confessus & concilia deorum invocarentur. Quid sit ex visu votum facere. Numen, cujus sexus ignotus, Si deus, si dea, alloquebantur. Deus ignotus Atheniensium Actor. XVII. vs. 23. Dii locales & tutelares generaliter invocati. Dii municipes extra regionem non valebant. Lares & Penates domestica potestate tractati, pignerando & permutando. Tertullianus & l. 6. §. 3. D. de rer. divis. illustrata. Cultus lucorum & deorum vialium duravit ultra Caroli M. tempora; licet variis Principum edictis & Canonibus conciliorum ei obviam itum esset. l. 12. C. Tb. de paganis & Capitularia laudata. Sanctorum statuas in viis quibusdam hodiernis videri rudera deorum vialium, & nunc minus, quam in primis Christianis excusanda. Duo superstitionis exempla lepida. Conclusio cum monito.



Superest de fatis Deorum vialium quædam adjiciamus. Et primum quidem illud rursus pro certo hic est habendum, sapientioribus Græcorum & Romanorum, ex solo intellectus lumine, fatis patuisse, a perfectione divina abhorreere, si plures uno Dii statuuntur: nam sicut admiranda mundi harmonia unum duntaxat ejus moderatorem arguit, ita contradictorium esse videbant, plura dari infinita, immò finitos fore Deos, si plures essent paris potestatis, qui & se invicem impedire, aut contraria velle possent. Hinc unum Deum, & mentem, & fatum, & Jovem, multisque aliis pro ratione officiorum nostrorum, appellari nominibus, docebat Zeno, auctore Laërtio lib. vii. c. 135. ejusque tota Stoicorum secta, ut ait Servius ad 1. Georg. vi. 5. & 1v. Æneid. vi. 638. Similiter unius Dei, numero singulari, ab his imbuti, Pomponius in *l. 2 de Just. & jur.* Ulpian. *l. 9 §. 3. de Rer. divis.* Paul. *l. 32. §. 4. D. de recept. qui arb.* & Marcianus in *l. 4. §. 1. ad L. Jul. pecul.* meminere. Hinc quoque Eleis, Arcadibus, Corinthiis & Lacedæmoniis θεοὶ πάντες ἐν κοινῷ, omnesque dii dæque σύμβωμοι colebantur, teste Pausania; perinde ac si unum deum, unumque sacrorum genus agnoverint. Vulgus

gus autem diversas Numinis virtutes & operationes, variis nominibus insignitas, abjecta ratione, pro totidem diis habebat, unde polytheismus hominum ridicule superstitionum latissime manavit. Huic etiam errori longo ævo firmato, gentium prudentiores se accommodabant, omnem illam ignobilem Deorum turbam sic adorantes, ut meminerint, cultum ejus magis ad morem, quam ad rem pertinere, ut ait Seneca, apud Augustinum lib. v. de Civ. Dei cap. 10.

Altera observatio fit, vulgata licet, ipsos gentium saniores, non probasse morem simulacra deorum conficiendi & adorandi: Plato quippe lib. x. de LL. vehementer eos reprehendit, qui in omni trivio delubra & altaria exstruant, vana religione commoti; & Numa Pompilius, Romanorum rex, vetuit, hominis vel bestię forma, Deum in publico fingi; nefas esse putans, augustiora exprimere humilioribus, neque adspirari aliter ad Deum, quam mente posse, ut Plutarchus refert, in ejus vita. Varro quoque scribit, antiquos Romanos, plus quam annos centum & septuaginta, Deos sine simulacro coluisse; idque si porro mansisset, castius Deos observatos fuisse, exemplo gentis Judęę probat, & tandem concludit: *Quī primi simulacra*

*Deorum populis posuerunt, eos civitatibus
suis & metum demsisse, & errorem addi-
disse, apud Augustin. de Civ. Dei lib. iv.
c. 31. Secundum hunc morem antiquum
Herculis Thebani & Ægyptii templa sine
idolis fuisse; tradit Philostratus, lib. v.
Apollon. cap. 5. & Silius lib. III. Punic.
vi. 30.*

*Sed nulla effigies, simulacrave nota Deo-
rum*

*Majestate locum & sacro implevere ti-
more.*

Rudes quidem ipsa numina in simulacris
habitare credebant, sed ipsi Poëtæ genti-
les largiter riserunt. Horat. lib. i. Sat. 8.
vi. 1.

*Olim truncus eram ficulnus, inutile li-
gnum:*

*Cum faber, incertus scantium faceretne
Priapum,*

*Maluit esse Deum. Deus inde ego furum
aviumque*

Maxima formido.

De eodem Martialis lib. viii. Ep. 40.

*Non horti, neque palmitis beati,
Sed rari nemoris, Priape, custos,
Ex quo natus es, & potes renasci,
Furaces, monco, manus repellas,
Et sylvam domini focus reserves
Si defecerit hoc, & ipse lignum es.*

Tan-

Tantus porro, in tam diversis Paganismi regionibus, increverat Dæmoniorum numerus, eorumque potestates tam variae erant & incertae, ut misella plebs, præter Jovem, deos deasque omnes crebro invocaret, iisque donaria solveret, ne præteritum Numen aliquod iratum sibi sentiret. Sic Hippocratis discipuli, in noto jurejurando, post Apollinem Medicum & Æsculapium, *θεῶν πάντας καὶ πᾶσας* testes invocabant; & ritu veteri Romano, in omnibus sacris, post specialia, quæ ad ipsum sacrum, quod fiebat, necesse erat invocari numina, *omnes dii vel deæ confuse invocantur*. auctore Servio ad lib. i. Georg. vi. 10. Apud Gruterum pag. 2. n. 11. I. O. M. ET CONSESSVI DEORVM DEARVMQVE. pag. 3. n. 5. JOVI. O. M. ET DIIS DEABVSQVE IMMORTALIBVS & pag. 4. n. 7. IOVI. ET IVNONI REGINAE, ET GENIO LOCI, ET D. D. OMNIBVS vota solvuntur. Sed nostro instituto maxime inservit lapis, apud Smetium & Gruterum mendosè, integer vero exscriptus apud Mabillon. Itin. Ital. p. i. pag. 46.

PRO. SALVTE. ITVS. AC. REDITVS
D. N. SANCTISSIMI. TI. AVG. ÆDICVLAM
CONCILII. DEORVM. DEARVMQVE

Quidam ne in sexu errarent, utrumque conjungebant. Ita Onomacritus in Hymnis, qui Orpheus vulgo creditur, Minervam alloquitur *Ἀρσέν μὲν ἔσθ' ὁ θεὸς ἴφους*. SIVE DEO SIVE DEÆ. C. Terentius Dexter votum solvit apud Fleetwood. pag. 6. Livius lib. vii. c. 26. de M. Valerio pugnante: *Precatus deinde, si deus, si diva esset, qui sibi præpetem misisset.* Gellius lib. ii. c. 28. *Hosliam si deo, si deæ immolabat.* Servius ad lib. ii. Æneid. vs. 351. ait, in Capitolio clypeum consecratum fuisse, cui inscriptum GENIO VRBIS ROMÆ SIVE MARS SIVE FEMINA. Macrob. lib. iii. Saturn. c. 9. *Si deus, si dea es, cui populus civitasque Kartbaginiensis est in tutela.* Alii vero, imitatione Græcorum, qui ὁ θεός & ἡ θεός dicunt, Deum, pro magno quovis numine, dicebant, ut Virgilius de Junone, vel Alceto: *Nec dextræ erranti deus absuit*, lib. vii. Æneid. vs. 498. ubi Servius numina utriusque sexus videri, ait, quia incorporea sunt, &, quod volunt, assument corpus. Sic Africani Astarten *Cælestum* appellabant, nec sexum idoli prisca gentium mysteria distinguunt, ut utriusque naturæ vis ineffabilis indicaretur. vid. Selden. de diis Syris proleg. c. 3. & synt. 2. c. 2. Lunam quoque feminam ac marem habitam, supra vidimus

mus pag. 129. In Cypro item simulacrum
 barbatae Veneris ^{Ἀφροδίτην} vocabatur; quia,
 ut Macrobius ait, putant eandem marem
 ac feminam esse; quæ corpore & veste erat
 muliebri, natura autem virili, eique viri
 in muliebri, mulieres in virili veste sacri-
 ficabant. Arnobius vero lib. III. adv. gent.
 recte paganos infectatur pag. 104. quod
 ita corpora crediderint Deum; eique ge-
 nitalium membrorum partes dederint, ut
 sufficere prolem posset: *Non enim, inquit,
 deus mas est, sed nomen ejus generis mascu-
 lini est; quod idem vos dicere in religione
 vestra non quitis: nam consueistis in preci-
 bus, SIVE TV DEVS ES, SIVE DEA,
 dicere: quæ dubitationis exceptio dare vos
 diis sexum, disjunctione ex ipsa declarat.*

Alii rursus, cum mente finita modum,
 quo Deus existit, non caperent, nec plurā
 de eo perciperent, quam cæcus, cui na-
 tura lucis explicatur, Deum ignotum sibi
 colendum instituerunt. Plane Athenienses,
 receptis omnium Diis extraneis, ne forsan
 incognitus lateret, etiam ^{ἀγνώστου} *deū ignoto*
 deo aram dedicarunt, auctore Paulo, in
 Actis apud Lucam XVII. vs. 23. Firmant
 hanc inscriptionem in numero singulari,
 tum scholia Græca, tum Lucianus & Laër-
 tius, usi Drusius & Grotius ibi annota-
 runt: Pausanias vero, Philostratus & Ter-
 tul-

tullianus, cum ἀγνώστῳ θεῷ aras fuisse ajunt, aut multas aras tali inscriptione, aut aliam pluraliter, præter illam singulariter inscriptam, intellexerę. Nil sane opus est, ut cum Hieronymo ad Titum lib. 1. dicamus, inscriptionem aræ non talem fuisse, ut Paulus asseruit, sed ita: ΘΕΟΙΣ ΑΣΙΑΣ ΚΑΙ ΕΥΡΩΠΗΣ ΚΑΙ ΑΙΒΥΗΣ ΘΕΟΙΣ ΑΤΤΙΚΕΤΟΙΣ ΚΑΙ ΉΕΝΟΙΣ. DIIS ASIAE ET EUROPAE ET AFRICAE DIIS IGNOTIS ET PEREGRINIS, Paulum vero, quia non pluribus indigebat Diis ignotis, cum veram religionem Athenienses edocere vellet, unum tantum ignotorum deorum suum esse Deum ostendisse; pia quadam vafritie, ab Erasmo omnibus commendata, quibus studium est, Ethnicos aut Principes mala educatione depravatos, ad pietatem adducere. Alii vero, cum Occumenio, aliter verba inscriptionis referunt; alii eam primis Ecclesiæ seculis confictam volunt. Vide totam ejus historiam apud Meurs. de Piræo cap. 10. & Sponium in dissertat. de ignotorum atque obscurorum deorum aris, in Thef. Gronovii tom. VII: pag. 233.

Ignoti porro plerisque peregrinantibus erant dii locales & regionum tutelares, quorum nomina non temere solebant divulgari, ut hostibus difficilior eorum evocatio

catio esset, ideoque generaliter invocabantur ab advenis, & in devotionibus urbium formula erat: *sive vos quo alio nomine fas est nominare*. Sic Hanno Plautinus, cum Calydonem venisset, *Deos Deasque* venerabatur, qui urbem eam incolebant. Virgilius lib. IV. *Æneid* vs. 576. *sequimur te, sancte deorum, quisquis es*. Cydippe apud Ovid. *Epist.* XXI. vs. 91.

Protinus egressæ Superis, quibus insula sacra est,

Flava salutatis tura merumque damus.

Coloniæ plerumque metropoleon sacra retinebant, eodẽque loci præfides statuebant, uti ex antiquis Auctorum juxta ac Nummorum monumentis liquet. Municipia vero sua retinebant sacra, quæ ab initio habuissent, cum in civitatem recipebantur, auctore Festo, unde Cicero lib. I. de Nat. deor. cap. 29. *Alia species Junonis Argivis, alia Lanuvinis. Et quidem alia nobis Capitolini, alia Afris Ammonis Jovis*. In summa sua cuique non provinciæ modo, sed & civitati religio erat, & numina pagi ex Prudentio cognovimus, a quibus religio pagana est appellata. *Sacrorum Tusculanorum* meminit lapis Grut. pag. 479. n. 6. alius *Dei Nemausensis*, apud Poldum in *Antiquit. Nemauf.* pag. 180. alius *Surrentini Dei*, apud Spon.

Miscell.

Miscell. sect. III. pag. 114. *Genios civitatum & coloniarum* memorant Arnob. lib. I. & Tertullian. de idolol. c. 22. GENIUS COL. PUT. apud Reines. cl. I. n. 161. GENIVS LVGDVNI, in nummo Albin, apud Vaillantium. Æschylus in ἑπὶ Θήεας, EOS πολιοῦχος δαίμονας vocat, alias δαίμονες πολιῦχοι, vel θεοὶ πατέρες, & πάντες, qui a patribus nostris, & in patria coluntur, vel ἑπὶ χῶραι & ἐν χῶραι dicuntur, in quorum tutela tota erat regio, eosque à proficiscentibus cultos ex Æschylo & Stephano Byzantino constat. Servius ad I. Georg. vs. 302. *Genium dicebant antiqui naturalem deum uniuscujusque loci, vel rei, vel hominis.* Catalogum deorum, qui peculiari cultu, singulis in civitatibus vel provinciis consecrati erant, videre licet apud Tertullian. apolog. c. 24. Lactant. lib. I. c. 15. Prudent. in Symm. II. & Sidonium carn. 9. ubi singulis versibus binos includit. Exstat etiam vetus epigramma, quo singuli singulis hunc in modum includuntur:

*Dodone tibi, Juppiter, sacra est,
Jūnōi Samos & Mycena diti.
Unde Tænaros æquorisque regi.
Pallas Cecropiæ tuetur arces.
Delphos Pythius orbis umbilicum,
Creten Delia, Cynthiosque colles.*

Fan.

*Faunus Menalon Arcadumque silvas:
Est tutela Rhodos beata solis.*

*Gades Herculis, humidumque Tibur.
Cyllene Cereri dea nivosa.*

Tardo gratior aestuosa Lemnos.

Eunæ Cererem murus frequentat.

Raptam Cyzicos ostreosa divam.

Formosam Venerem Cnidos Paphosque.

Sunt sexcenta id genus alia municipa-
lium numina propria, quorum nomina ex-
tra municipia & colonias illas non legun-
tur, in quibus peculiari consecratione de-
dicata fuere: *Dii topici, id est locales, ad
alias regiones nunquam transeunt*, ait Ser-
vius ad Virgil. lib. VII. *Æn.* VI. 47. neque
Romanis dii erant, quia *Romæ non colun-
tur, qui, per ipsam quoque Italiam, mû-
nicipali consecratione censentur*, ait Ter-
tullian. apolog. cap. 24. Quamvis enim in
Italia & in provinciis essent Pontifices ma-
ximi, qui consecrationes rite peragerent,
tamen Romani ut omnia municipalia, *Vul-
gus, Equites, Oratores, & Magistratus
municipales*, ita & Deos eorum, tanquam
minus legitimos habebant. Minucius initio
Octavii *deos municipes* vocat, & Tertul-
lianus lib. 2. ad nat. c. 8. *ridet Deos de-
curiones cujusque municipii, quibus honor
intra muros suos determinatur.* Minoris
adhuc fiebant dii domestici, Lares atque
Pena-

Penates, ut idem nos docet Apolog. cap. 13. *Domesticos Deos, quos Lares dicitis, domestica potestate tractatis, pignerando, venditando, demutando, aliquando in cacabulum de Saturno, aliquando in trullam de Minerva, ut quisque contritus atque confusus est, dum diu colitur, ut quisque deum sanctiorem expertus est domesticam necessitatem.* Id vero sine dubio intelligendum est, de Laribus privatim constitutis, qui sacri non erant, sed profani, ut Marcianus indicat in l. 6. §. 3. D. de rer. div. quando ait: *Sacræ res sunt hæ, quæ publice consecratae sunt, non private, vel private potius, uti Laurent. Theodor. Gronovius ad marmor. bas. cap. xi. ex Pandectæ Florentino legendum esse contendit: nulla enim consecratio fuit privata, nec sacra privata quasi dedicata res faciebant sacras: ne scilicet peregrinæ religionis aliquid invehetur, a qua abhorrebant Romani. Hinc private feriæ dicebantur sacrorum propriorum, velut dies natales, operationis, denecales, & privata sacra, quæ pro singulis hominibus, familiis & gentibus fiebant, ut Festus scribit, in private, & publica; qui etiam in voce sacer addit, quod privati suæ religionis causa deo dedicarent, id Pontifices Romanos non existimasse sacrum: at sacra*

stantini M. saltem sub extremis imperii annis, ejusque liberorum magnum fuit studium, in omni pagana superstitione penitus eruenda, uti ex Theodoro, Sozomene & Julio Firmico Materno discimus. Extat etiam Theodosio Valentiniana l. 10. C. Tb. de pagan. ut si quis profano ritui deditus, templum usquam, vel in itinere, vel in urbe adoraturus intraverit, quindecim pondo auri inferre cogatur. Plenius deinde Theodosius M. in l. 12. C. Tb. eod. omnem deorum cultum, per universum Orientem fustulit, pœnis in eos constitutis, qui *Larem igne, mero Genium, Penates nidore venerati accendant lumina, imponant tura, aut ferta suspendant; quive mortali opere facta & ævum passura simulacra imposito ture venerentur, vel redimitis vittis arbore, vel erecta effossis arcespitibus vanas imagines, plena religionis injuria, honorare temptaverint.*

Manlit nihilominus mos ille ad arbores adorandi, post sacra Christiana inducta; tum quia pietatis speciem præ se ferre videbatur, tum quia durum est & novos mores discere, & antiquos una dediscere; tum denique quia Christiani una cum gentilibus vivebant & itinera suscipiebant; unde in Concilio Carthaginensi Cod. Africani can. 58. iterum ab Arcadio & Hono-

rio Augustis petitur, ut reliquæ idololatriæ, in simulacris, lucis, lapidibus unctis & arboribus coronatis tolli præcipiantur. D. Augustin. serm. 241. *Quicumque in agro suo aut villa, aut juxta villam aliquam, arbores, aut aras, vel qualibet fana habuerit, ubi miseri homines solent aliqua vota facere &c.* Neque in Africa tantum, sed etiam in Italia, Gallia, Hispania & Germania arborum & lucorum cultus tam altas egerat radices, inde a Druidum usque temporibus, quibus celsa quercus Jovis signum erat, ut in eo evellendo Patres in Conciliis, Pontifices Regesque ipsi multum debuerint infudare. Vid. Gregor. M. lib. VII. epist. cap. 20. Gregor. Turon. lib. II. Hist. c. 10. Concilium Arelat. II. can. 20. Altisiodorense can. 3. Toletan. XVI. can. 2. & Francoford. can. 43. Burcardus in Collect. can. pag. 270. *Venisti ad aliquem locum, id est ad fontes, vel ad lapides, vel ad arbores, vel ad bibia, & ibi candela aut faculam pro veneratione loci accendisti.* Vide etiam Eligii homiliam apud Dacherium t. V. pag. 215. Baluzium ad Regimon. lib. II. cap. 358. & 359. quæque supra diximus p. 82. 83. & fateberis applicari hic posse, quod Prudentius cecinit contra Symm.

Sic

- - - *Sic observatio crevit*

Ex atavis quondam male cæpta, deinde secutis

Tradita temporibus, serisque nepotibus aucta.

Inter Reges Carolus M. eminet, qui huic malo obicem ponere voluit, si modo potuisset. Sic ille apud Baluz. tom. 1. Capit. tit. 63. pag. 235. *De arboribus, vel petris, vel fontibus, ubi aliqui stulti luminaria vel alias observationes faciunt, omnino mandamus, ut iste pessimus usus & Deo execrabilis, ubicunque invenitur, tollatur & destruatur.* Eandem superstitionem apud Langobardos sustulit Rex Luitprandus lib. 11. LL. Langob. tit. 38. §. 1. *Qui ad arborem, quam rustici Sanctium vocant, atque ad fontanas adoraverit medium pretii sui componat in sacro palatio.* Sic Heroldus edidit, sed alii pro *Sanctium* malunt *Sacrum*; quia ut porci, ad sacrificium idonei, Varroni & Festo *sacres*, & majalis votivus, in L. Salica tit. 2. §. 14. *Sacrius* appellatur, ita arbores consecratæ *Sacri* dicuntur in Concilio Antisiod. can. 3. Audoenus lib. 11. vitæ S. Eligii c. 15. *Fontes & arbores, quos Sacrios vocant, succidite.* Similiter Ladislaus, Hungariæ rex, in decreto, de synodi sententia, an-

te sexcentos annos facto c. 22. *Quicunque ritu gentilium juxta puteos sacrificaverint, vel ad arbores, & fontes, & lapides oblationes obtulerint, reatum suum bene luant.*

Est sane stupendum, tot canonibus Conciliorum & Regum Edictis superstitiones has tolli nondum potuisse, quarum vestigia infimis quoque seculi tertii & quarti decimi temporibus indicavit Rev. Montfauconius tom. 1. suppl. lib. III. cap. 9. Quinimo si hodie ad Pontificiorum triviam, compita & portas nos convertamus, nonne rudera deorum vialium quam plurima ibi comparent? Videmus ibi pro Diana Beatam Virginem, pro Hercule magnæ molis Christophorum, & pro Mercurio sanctum quendam viatorum Patronum esse collocatum: apparent ædiculæ, luci, aræ, tabellæ votivæ & aliæ hujuscemodi deorum vialium reliquiæ, ad crucifixi Servatoris nostri imaginem positæ. Ipse Cornelius a Lapide ad Act. xxviii. vs. 11. scribit, pro Castore & Polluce à navigantibus nunc invocari B. Mariam, S. Paulum, S. Nicolaum, Xaverium, Telmum aliosque: & Cardinalis Baronius ad A. XLIV. cap. 72. defendere conatur, eadem licentia, qua Deorum delubra in Ecclesias Christianorum sunt commutata, alios quoque ritus, bene-

benedictionibus expiatis, divino cultui recte consecratos fuisse. At vero quod Gentium vulgus lapides & ligna pro diis sibi erexit, haud mirandum est: ipsi enim lapides erant, cordibus eorum in lapideam duritiem conversis. Primi etiam Christianorum Patres excusandi videntur, quod insanabile hoc cacœthes non prorsus abolere voluerunt; alius enim eorum temporibus erat finis, alius usus retinendi ritus & applicandi sacris veri Dei. Postquam vero per gratiam Dei lux Evangelii ubivis nunc radiat, quid de cultu illo inepte sedulo, vel de Sanctorum decuriis habendum sit, unusquisque facile videt; cum nemo sit sanctus sicut Jehovah, ut Channa cecinit 1. Sam. 11. vs. 2.

Equidem non diffiteor, ab horum opinione alienum esse, quod vulgus paganum credebat, ipsos deos signa & statuas inhabitare; nec me fugit, quid Agobardus, Gregorius & Athanasius jam olim responderint, imagines Sanctorum depingi, non ut adorentur, sed ut quandam pulchritudinem reddant, & rerum prætoritarum memoriam sensibus imperitorum ingerant, qui ea, quæ in codicibus legere non possunt, sic in parietibus videndo addiscere possint. Verum, ut alia centies reposita præteream, quot abusibus cultus ille ob-

noxius sit, duobus exemplis ostendam. Cum enim anno reparatæ salutis MDCXLVII. statuæ Deæ Nehalennix, in extremo Zelandiæ angulo, repertæ essent, & Pontificius clerus asseveraret, monumenta ista Beatæ Virginis typos & cultum referre, false eos derisit Marcus Zuerius Boxhornius, in libello, quem Blaucardus collectaneis Medico-Physicis cent. III. obs. XI. inseruit, miratus de novo festo inventæ Mariæ Nehalennicæ non cogitari. Alterum, non minus notatu dignum, ex Mabillonis Itin. Ital. referam pag. 145. Hispanos enim quosdam ab Urbano Papa multis precibus efflagitasse, narrat, ut concederet indulgentias ob cultum sancti cuiusdam, cui VIARII nomen. Negavit id Pontifex se facturum, nisi resciret, quis & qualis ille sanctus esset, & quo tandem argumento ejus sanctitas probaretur. Allatus tandem est lapis, in quo hæ litteræ S. VIAR. reliquæ erant, ceteris vel casu, vel joco hominis, qui superstitionem elusurus, ablatis. At periti judicaverunt fragmentum esse veteris inscriptionis, in qua quidam *Præfetu S. VIARUM* laudabatur.

Si quid omnino prisca moris retinendum erat, præstabat à paganis didicisse, non sine divini numinis invocatione itinerum
iti-

initia capeſſenda eſſe. Cum enim illi Deos Deaque, pro ſalute itus invocant & reduces facti, ſumma cum religione iis egerint grates: quanto magis & nos, qui verum Deum, filio ejus magiſtro, cognovimus, hoc facere æquius erat, ut peregre proficiſcentes ab ipſo itineris primordia duceremus: id enim & monita Apoſtolorum præcipiunt, & Divi Pauli perpetuus uſus firmat, qui non niſi *ἐὰν ὁ κύριος θελήσῃ* ſe iturum & rediturum pollicetur. Cæſarem Dictatorem novimus ſemper, ut primum conſediſſet, carmine ter repetito ſecuritatem itinerum aucupari ſolitum, *id quod pleroſque nunc facere ſcimus*, ait Plinius lib. xxviii. Hiſt. nat. c. 2. Hi vero ſurgent in judicio extremo, & hac in parte multos condemnabunt Chriſtianorum, quos longe magis admirari oportebat & prædicari virtutes Dei veri, qui ex tenebris nos in lucem mirabilem vocavit.

D E

TUTELA VIARUM

P A R S II.

Q U Æ E S T D E

MAGISTRATIBUS VIOCURIS.

C A P U T I.

DE REGIA CURA VIARUM PUBLICARUM.

*Via Publica solum publicum. l. 2. §. 21.
 D. ne quid in loc. publ explicatur. Inde
 * via basilica vel regales dicta, & ad
 regalia relata. Officii Regii est muni-
 re vias publicas, ad commercia & du-
 cendos exercitus. Laus ampla vias recte
 curasse. Prima viarum curatrix Semi-
 ramis, quæ aggeribus & viis à se ex-
 structis nomen dedit. Pœnorum inven-
 tum vias lapidibus sternere. Xerxis &
 Cyri cura viarum & pontium. Apud
 Hebræos Synedrium, deinde Reges vias
 struxerunt & refecerunt, quos inter
 eminet Salomo. Genes. XXXVIII. vs.
 14. illustratur. Thebis Telearchi, viri
 principes, Sparta Reges, Athenis A-
 rcopagita & Astynomi viarum curato-
 res. Indorum veterum Agoranomi &
 Asty-*

Astynomi ex Strabone: Indorum recentiorum, Sinensium, Peruanorum, Turcarum & Gallorum instituta laudatissima.

Superiore parte amœnitate magis materiæ, quam quod res ita postularet, fuit longior: proximum est, ut de Regibus & Magistratibus Viocuris dicam, qui tum alibi, tum maxime in Imperio Romano, iter commodum & securum proficiscentibus parare studuerunt. Quotquot enim viri sapientes, ab orbe condito, respublicas administrarunt, post religionis curam civibus peregre ituris inculcatam, id sibi negotii datum esse crediderunt, ut eos adversus latrones, sæva animalia, ceteraque incommoda securos præstarent; satis edocti, non solis votis auxilium Deorum parari, sed agendo, curando & bene consulendo omnia prospere cedere; ubi fœcordiæ atque ignaviæ te tradideris nequicquam Deos implorari, iratos infestosque esse, ut Cato ait apud Sallustium. Enimvero cum alter alterius beneficio egeat, nec omnis ferat omnia tellus, necessitas & utilitas suavit, terrarum occupatarum portiones quasdam, tanquam communes, seponi & muniri, per quas de regione in regionem iter fieret, ne segetes, vineæ, prata, saltus & silvæ,
pro-

promiscua via sumta, læderentur & conculcarentur. Cura igitur viarum publicarum non alii competit, quam ei, qui τὸ κοινόν in Republica habet; is enim solus speciale dominium, quod in solo publico populi est, exercet & administrat. Hoc est quod Ulpianus in l. 2. §. 21. D. ne quid in loc. publ. scribit: *Via publica solum publicum est, relictum ac directum certis finibus latitudinis ab eo, qui jus publicandi habuit, ut ea publice iretur, commearetur.* Publicare hic idem est, quod publicum facere, separare scilicet rem & eximere commercio privatorum, eamque publicis usibus, vi summi imperii, destinare. Id vero cum non possit privatus, solius Principis munus est, sive initio conditæ reip. sive postquam divisio agrorum inter cives facta est, certis finibus loca designare, quibus viatores & vectores utantur. Hinc Græci vias publicas βασιλικὰς, id est regias, Latini consulares & regales appellarunt, d. l. 2. §. 22. D. ne quid in loco publ. Siculus Flaccus de condit. agror. pag. 9. *viæ publicæ regalesque, quæ publice muniuntur.* Cicero pro M. Fontejo cap. 4. *ad rempublicam pertinere*, ait, *viam Domitiam muniri*, & Fridericus Imperator vias publicas inter regalia ponit. 2. Feud. 56.

Ne-

Neque jus tantum Principi competit vias constituendi, sed, si publicæ moderator utilitatis & rector commodi communis esse velit, omnino etiam curare debet, ne impetus latronum viatores spoliet aut occidat, neve aspera montium eos fatigent, ambages retardent, aut paludes iter morentur. Per vias enim, tanquam totidem nervos, vita, annona & satietas datur omnibus provinciis; quum domi nata quaquaversum facilius evehantur, & quicquid sub alieno sole nascitur, omnes litoris alieni pisces, manufacta peregrina, cuncta denique ad victum, amictum & habitationem pertinentia, ab extremis terrarum finibus, ad cives perducantur. Hujus rei cura gloriam olim ingentem peperit Cæsari, Appiæ viæ curatori constituto; majorem Pompejo Magno, annonæ præfecto; sed maximam Trajano, cui Plinius idcirco gratulatur, in Panegyri. c. 29. *Nec vero, inquit, civilius Pompejus, quam parens noster, auctoritate; consilio, fide reclusit vias, portus patefecit, itinera terris, littoribus mare, littora mari reddidit, diversasque gentes ita commercio miscuit, ut quod genitum esset usquam, id apud omnes natum esse videretur. Mitto nunc celeritatem mittendi literas, exequendi mandata, compescendi seditiones,*
&

& maxime facilitatem ducendi exercitus per vias militares, & quævis necessaria de loco in locum transferendi. Tibullus sane Valerii Messalæ laudes ab agricolis celebrandas ait, ob viam in Tusculana & Albana terra restitutam, lib. 1. Eleg. 8. vs. 61.

*Te canet agricola, e magna cum venerit Urbe
Serus, inoffensum retuleritque pedem.*

Stattius item solidi quondam diei iter, orbitis tacentibus impeditum, ad horas vix duas perductum esse canit, in descriptione viæ Domitianæ lib. IV. Sylv. 3. vs. 36.

*At nunc quæ solidum diem terebat
Horarum via facta vix duarum.*

Romani quidem viarum munitionem pro majestate imperii evexerunt, eaque re omnibus gentibus palmam præripuerunt, sed prima viarum curatrix, in Historiarum monumentis, Semiramis nobis occurrit, inter cujus opera decantatissima, Strabo lib. XVI. init. aggeres, qui Semiramidis vocantur, & vias, & pontes celebravit. Diodorus Siculus lib. II. Bibl. c. XI. non modo meminit *viæ nobilissimæ*, quæ Babyloniam ducebat, juxta quam illa obeliscum, inter septem orbis miracula numeratum, ornatus causa posuerit, sed & cap. 13. addit, versus Ecbatana immortale ipsius monimentum extitisse, in via
ad

ad Zarcæum montem, rupibus diffractis, cavisque locis ingestione terræ complanatis, expeditissima facta, *quæ ad hoc usque tempus illius nomine insignis est.* Idem inter alia Semiramidis opera c. 8. refert pontem, quinque stadia longum, & triginta pedes latum, super Euphratem, siccis olim regionibus immisum, qui nulli operum solertia concesserit. Propert. lib. 111. Eleg. 9. vs. 25. de eadem:

Duxit & Euphratem medium, quæ condidit arces,

Fussit & imperio surgere Bactra caput,
Multis autem, post Semiramidem, seculis Phœnices feruntur esse primi, qui invenerint *mensuras viarum*, easque lapide & filice muniverint: eorum enim Hercules non tantum spatium, quod sub uno spiritu confecerat, *mensuram viarum* sive stadium constituit, sed & in montibus, ad quos nullus patebat aditus, rupes secuit, ut *viatoribus iter aperiret*, & cetera molitus est, per quæ omnis terra & mare omnibus commune esset, omniumque usibus inserviret, auctore Dionysio Halicarn. lib. 1. Ant. c. 41. Æneas ideo apud Virgilium lib. 1. Æneid. vs. 426.

Miratur portas, strepitumque & strata viarum

ubi Servius: Primi enim Pœni vias lapidibus

dibus stravisse dicuntur, & Isidorus eum secutus lib. xv. Orig. c. ult. Primum Pœni dicuntur lapidibus vias stravisse: postea Romani eas per omnem pæne orbem dispensaverunt, propter rectitudinem itinerum; & ne plebs esset otiosa. In Ægypto viam laudat Strabo lib. xvii. qua, centum stadiorum itinere, Syena Phylas profectus fuerit, in cujus utroque latere viderat petras rotundas, politas, & propemodum sphaericas, majori saxo impolitas, in morem Mercurialium tumulorum, qui in viis Græcorum apponi solebant. Apud Persas Xerxes, velut naturæ dominus, montes in planum deduxit, convexa vallium æquavit, immo maria pontibus stravit, ad viarum commoditates & compendia, auctore Justino lib. ii. c. 10. Idem multa hominum millia impendit, ad montem perfoiendum, unde Catullus çarm. 67.

Ille quoque everfus mons est, quem maximum in oris

Progenies Phthiæ clara supervohitur.

Quum Medi properare novum mare: quumque juvenus

Per medium classi. barbara navit Athon.

Quam dextre Cyrus hoc regio munere functus sit docet Xenophon lib. i. de expedit. Cyri pag. 267. Quum enim sæpenumero tritis in viis cernere fuisset, viatores pedibus,

bus, manibus vel oculis male multatos, is effecit, ut omnibus in locis, ubi imperavit, cuivis tam Græco, quam barbaro, neminem lædenti, secure licuerit iter facere, quocumque vellet, & quicquid secum ipsi gestare commodum esset.

Apud Hebræos Synedrium quotannis emisit viros, qui vias reficerent, hiemalibus pluviis & tempestatibus cœnoscas, maxime vero illas, quæ ducerent ad civitates refugii: in biviiis quoque stipēs erectus, cui inscriptum *Miklat*, uti ex Maimonide in Rozeach c. 8. supra vidimus pag. 42. & Ligtfortus in cent. chor. Matthæo præmissa c. 50. confirmavit. Ibidem diximus, non absurde quosdam ex Genes. xxxviii. v. 14. & Levit. xxvi. v. 1. hariolari, lapides & signa, quæ viam monstrarent, apud eos in usu fuisse. Nonnulli putant Christum Matth. vii. v. 13. alludere ad latitudinem viarum publicarum cubitorum sedecim, & privatarum, cubitorum quatuor. Plane vias, quibus Emauntem, Gazam, Joppen & Bethlehemum tendebatur, scilicet stratas & amœnas fuisse, tradunt gentis illius scriptores; & de Solomone refert Josephus lib. VIII. Antiq. c. 7. n. 4. quod, cum summa solertia & diligentia in omnibus uteretur, & elegantiarum valde studiosus esset, viarum curam insuper non

dibus stravisse dicuntur, & Isidorus eum secutus lib. xv. Orig. c. ult. Primum Pœni dicuntur lapidibus vias stravisse: postea Romani eas per omnem pæne orbem dispensaverunt, propter rectitudinem itinerum, & ne plebs esset otiosa. In Ægypto viam laudat Strabo lib. xvii. qua, centum stadiorum itinere, Syena Phylas profectus fuerit, in cujus utroque latere viderat petras rotundas, politas, & propemodum sphæricas, majori saxo impolitas, in morem Mercurialium tumulorum, qui in viis Græcorum apponi solebant. Apud Persas Xerxes, velut naturæ dominus, montes in planum deduxit, convexa vallium æquavit, immo maria pontibus stravit, ad viarum commoditates & compendia, auctore Justino lib. ii. c. 10. Idem multa hominum millia impendit, ad montem perfodiendum, unde Catullus carm. 67.

Ille quoque everfus mons est, quem maximum in oris

Progenies Phthiæ clara supervehitur.

Quum Medi properare novum mare: quumque juvenus

Per medium classi barbara navit Athon.

Quam dextre Cyrus hoc regio munere functus sit docet Xenophon lib. i. de expedit. Cyri pag. 267. Quum enim sæpenumero tritis in viis cernere fuisset, viatores pedibus,

bus, manibus vel oculis male multatos, is effecit, ut omnibus in locis, ubi imperavit, cuius tam Græco, quam barbaro, neminem lædenti, secure licuerit iter facere, quocumque vellet, & quicquid secum ipsi gestare commodum esset.

Apud Hebræos Synedrium quotannis emisit viros, qui vias reficerent, hiemalibus pluviis & tempestatibus cœnoscas, maxime vero illas, quæ ducerent ad civitates refugii: in bivii quoque stipēs erectus, cui inscriptum *Miklat*, uti ex Maimonide in Rozeach c. 8. supra vidimus pag. 42. & Ligstotus in cent. chor. Matthæo præmissa c. 50. confirmavit. Ibidem diximus, non absurde quosdam ex Genes. xxxv. 11. vs. 14. & Levit. xxv. 1. vs. 1. hariolari, lapides & signa, quæ viam monstrarent, apud eos in usu fuisse. Nonnulli putant Christum Matth. vii. vs. 13. alludere ad latitudinem viarum publicarum cubitorum sedecim, & privatarum, cubitorum quatuor. Plane vias, quibus Emauntem, Gazam, Joppen & Bethlehemum tendebatur, filice stratas & amœnas fuisse, tradunt gentis illius scriptores; & de Solomone refert Josephus lib. VIII. Antiq. c. 7. n. 4. quod, cum summa solertia & diligentia in omnibus uteretur, & elegantiarum valde studiosus esset, viarum curam insuper non

habuerit: quotquot enim Hierosolyma regiae sedem, ducebant, nigro lapide constravit; tum ut ultro citroque commean-
tibus ita faciles essent, tum ut divitiarum & imperii magnificentiam ostenderet; currus etiam distribuit & disposuit per civitates, quæ *urbes curruum* dicebantur.

Lacedæmoniis tantæ dignationis visa fuit viarum cura, ut eam Regibus mandarent, eosque solos de iis cognoscere voluerint, auctore Herodoto lib. vi. cap. 57. Thebani nonnisi summos & principes viros huic negotio præsecere, quos Telearchas appellabant: nam cum is magistratus non nisi in stercorem ex angiporis ejiciundorum & aquarum derivandarum procuratione quædam constitisset, Epaminondas eum ad magnam dignitatem ac majestatem evexit, narrante Plutarcho, in præcept. reip. ger. cap. 37. cui accedat Valerius Maximus lib. III. cap. 7. ext. 5. *Epaminondas, cum ei cives irati sternendarum in oppido viarum, contumeliæ causa, curam mandarent (erat enim illud ministerium apud eos sordidissimum:) sine ulla cunctatione id recepit, daturumque se operam, ut brevi speciosissimum fieret, asseveravit: Mirifica deinde procuratione abjectissimum negotium pro amplissimo ornamento expetendum Thebis reddidit.* Athenis senatus Areopagi-

opagiticus vias curabat, ne quis eas obstrueret, neve præsepimenta ædium longius extenderet, teste Heraclide de Rebusp. Erant præterea singulares magistratus, ad decorem & commoditatem iustius reip. instituti: ὁδοποιοὶ viarum munitionem, ἐπιστάται τῶν ὑδάτων aquarum inductionem, ἀστυνόμοι vero munditiem urbis, sordibus sublatis, procurabant: horum omnium vero inspectionem Plato lib. vi. de Rep. & Aristoteles uno ἀστυνομίας vocabulo comprehendunt lib. vi. Polit. c. 7. Dicti autem sunt ἀστυνόμοι ab ἀστυ & νόμος; sive quod ἀστυ per excellentiam notet Athenas, ut cum dicimus curatores Urbis, id est, Romæ; sive quemadmodum Terentius, in verbis, *an in astu venit*, Athenas intelligit, quia scena ibi fingebatur. Vid. Tanaq. Faber ad Timon. Luciani cap. 1. & Meurs. in Theseo cap. 17. qui alibi etiam de numero Astynomorum docte disputat, lib. 1. Attic. lect. c. 19. et quinque fuisse in Piræo, quindecim in urbe evincit.

Apud Indos veteres alii Præsectorum annonæ, alii urbi præerant: illi, ἀγορανόμοι, conficiebant vias, et per dena stadia lapidem locabant, diverticula et distantias indicantem: hi vero, ἀστυνόμοι, hospitem procurationem gerebant, diligenter inspiciendo, quomodo peregrini acciperentur et

alerentur, ægrotantium quoque curam habebant, et mortuos sepeliebant, ut Strabo pluribus exposuit lib. xv. *Geograph.* pag. 707. & seq. Apud Indos quoque hodiernos viæ publicæ, immensis sumtibus constratæ, peregrinis admirationi sunt: singulis enim quingentis passibus acervi mercuriales reperiuntur dealbati, ne facibus opus sit ad iter nocturnum; alicubi etiam ædiculæ sunt positæ, in quibus aqua ad bibendum, et ignis ad accendendum tabacum, teste Tavernierio lib. I. et IV. Itin. Per totum porro imperium Sinen- se viis nihil est commodius, nihil nitidius, maxime in Australioribus provinciis, ubi minor equorum et curruum est usus, auctore Preyelio in Sina c. 22. Quin et apud barbaros Peruanos, in America, duæ viæ, quinque et viginti passus latæ cernuntur lapidibus stratæ, et arboribus undique tam pulchre cinctæ, ut vias a sapientissimis populis extructas non æquarint tantum, sed etiam superarint, uti ex variis tradit Cl. Henninius ad Bergierium lib. 2. sect. 28. Turcæ item inter ea, quæ maximis sumtibus exstruere student, ponunt vias publicas; quæ apud ipsos spectabiles et eximiæ sunt, auctore Leunclavio Pand. Hist. Turc. pag. m. 203. et 227. Denique apud Francos quanta viarum et pontium in-
stau-

staurandorum & purgandorum fuerit cura, Capitularia Dagoberti, Caroli M. et Caroli Calvi ostendunt, apud Baluz. tom. 1. Capit. pag. 122. § 14 et t. 11. pag. 69. Hodie in Gallia plures magistratus, majores, medii & minores huic muneri præfunt; unde vix aliud regnum in orbe Christiano reperias, quod vias publicas, tam intra quam extra urbès, adeo commode habeat instructas & lapidibus stratas; id quod in primis de patria sua Aurelia gloriatur Annæus Robertus lib. 2. rer. jud. cap. 3. Cetera huc pertinentia se daturum promisit diligentissimus de la Mare, in tractatu Gallico de la police tom. v.

CAPUT II.

DE CENSORIBUS, PRIMIS PRÆFECTIS VIARUM ROMANARUM.

Via a veħa, vel ab īo, aut ex dicta, describitur ex Ulpiani l. 2. §. 21. D. ne quid in loc. publ. Dividitur in publicam, privatam & vicinalem: hæc nunc publica est, nunc privata, si ex agris privatorum collatis facta. Omnis via militaris fuit publica, sed non omnis publica fuit militaris. Salmasii, Jac. Gorbolfredi & Ziegleri differentie rejectæ. Vias militares latiores & nobiliores fu-

isse vulgaribus publicis, & a militibus
 ipsis stratas, ne otiosi essent. l. 4. C. Th.
 de curs. publ. explicata. Numerus via-
 rum Romanarum, earumque divisio in
 urbanas & rusticas. Utræque inter mo-
 numenta magnificentissima magnitudinis
 Romanæ, iudicio Strabonis & Dionysii.
 Censores viis utriusque generis præfetti
 duplici ratione eas straverunt, glarea vel
 filice: unde strata viarum, & glarea
 pro via. Appiam viam, ceterarum re-
 ginam, Appius Claudius Censor inchoa-
 vit, Cæsar aliique absolverunt. Ejus
 laus ex Procopio &c. Inscriptio spuria.
 Livio lux. Fata Censuræ & munerum
 Censoriorum.

Nunc ad Romanos, terrarum do-
 minos, accedamus propius, quo-
 rum in viis publicis communien-
 dis aggerumque molibus exstru-
 endis peritia fuit et diligentia singularis.
 Quamvis enim primis Reip. temporibus,
 cum ad deducendos exercitus, ad usum
 commerciorum, et ad annonam advehen-
 dam, viis non indigerent, earum stratu-
 ra ignorata fuerit, postea tamen rem ad
 tantum fastigium evexerunt, ut cum Pro-
 pertio exclamare liceat:

*Omnia Romanæ cedunt miracula terræ,
 Natu-*

Natura hic posuit quicquid ubique fuit.
 Ut rem ab ovo ordiamur, viam Varro a *vebendo* appellatam, et prius *veham* fuisse dictam, scribit, propter vecturas, lib. 1. de R. R. c. 2. et lib. 1v. de LL. *Via est, qua potest ire vehiculum, dicta a vehiculorum incurfu*, ait Isidor. lib. xv. c. 16. nisi quis, cum Julio Cæsare Scaligero, vocem hanc ab *eo*, *vado*, vel cum Josepho Scaligero ab *via*, id est, *vicus*, *pagus* derivare malit, vid. Menagii Amoenit. cap. 36. Via describi potest cum Ulpiano, quod sit portio territorii, ad directum certis finibus latitudinis, relicta ab eo, qui jus publicandi habuit, ut ea publice iretur, *commearetur*, l. 2. §. 21. *De ne quid in loc. publ.* Dividitur in publicam, privatam & vicinalem. Publica est, cujus solum est publicum, quæque publice munitur, & qua publice *commeatus* est: hæc sub libera Republica *Prætoria* vel *Consularis*, sub Augustis, more Græcorum, etiam *basilica* vel *regalis*, aliquando *agger publicus* appellatur in l. 2. *C. Tb. ne quis in palat.* l. 5. *C. Tb. de itin. mun.* Privata est, quam quisque in fundo suo, vel in agro vicini jure servitutis habet, eaque alias *agraria* dicitur. Vicinalis via, quæ in vicis est, vel a vico in vicum ducit; publica est, si ex collatione publica

constituta est; privata vero si ex agris privatorum collatis facta, in usum viciniae, ut unusquisque possit ad particulas suas jure pervenire: horum tamen memoria si non extat, publicarum viarum numero habetur *l. 3. pr. D. de loc. & itin. l. 2. §. 22. D. ne quid in loc.* Siculus Flaccus de condit. agror. pag. 9. Vicinales vias, ait, de publicis divertere in agros, & sæpe ad alteras publicas pervenire: plerumque vicinorum erant communes, tanquam ex mutua collatione ad usum vicinalem factæ, utque omnis, qui in vicum abit, per illas transiret: hinc etiam apud Aggenum comment. in Frontin. pag. 62, a lignariis & privatis viis distinguuntur. Seneca lib. v. de benef. cap. 24. *Cæsar agellos, in quibus vicinalis via, militi suo donavit.*

Publicas vias, de quibus solis nobis hic agendum est, alias *militares* dici, ait Theophilus ad §. 5. *Inst. de lege Aquil. Publica* *μὲν ἐστὶν ὁδὸς, ἣ τις καὶ μιλιτάρια λέγεται,* nec videtur Ulpianus discrimen agnoscere, quum in *l. ult. D. de locis & itin. publ.* inter vicinales vias, quæ publicarum numero sunt, & ceteras vias militares hoc interesse ait, quod viæ militares exitum ad mare, aut in urbes, aut in flumina publica, aut ad aliam viam militarem habeant; vicinalium autem pars in militares vias exeat, pars line

sine ullo exitu intermoriatur. Ita etiam via militaris pro quavis publica & prætoriana capienda videtur apud Livium lib. XLIV. c. 43. Curtium lib. v. c. 13. Sueton. Aug. c. 49. Rei agrar. scriptores pag. 146. 254. & Eumenium in Gratiar. act. c. 7. Aper-te Dagobertus viam publicam appellat, *qua Dux egreditur*, t. 1. Capitular. Balu-zii pag. 122. n. 13. Salmasius tamen ad Solin. pag. 477. vias regales a militaribus distinguere videtur: *Ex viis publicis quædam vel regales, quæ & consulares, ac prætoriae distæ, vel militares.* Mendose opinor; quia Prætoriae viæ, & consulares eædem sunt, quæ militares; miles enim & annona ad usum militiæ eo tendebat. Sed quia Constantinus in l. 4. C. Th. de curs. publ. ait: *a publico itinere aliquando aliqua militari via devertendum esse*, ideo Jac. Gothofredus, tom. 2. C. Th. pag. 514 & 515. militarem viam putat fuisse transversam, & obliquam, sive *παρόδον*, *chemin de traverse*; publicam autem & basilicam, quæ a civitate in civitatem insigniorem recta tendit. Casparus Zieglerus lib. 2. de regal. c. 17. §. 5. conjicit, viam consularem fuisse, quæ in directum procedit ab Oriente in Occidentem, aut a Meridie in Septentrionem: militarem vero, quæ ex quacunque civitate in aliam, ubi-

cunque illa sita esset, viatores duxerit. Mihi autem probabilius videtur, omnem quidem viam militarem esse publicam, sed contra omnem publicam non esse militarem: potuit enim esse discrimen in latitudine, vel in genere munitionis, quia viæ angustæ & scruposæ magnum malum in agmine properante. Hyginus de limit. constit. pag. 152. *Per actuatrios limites iter populo, sicut per viam publicam, debetur: ita enim cautum est lege Sempronia, & Cornelia, & Julia. Quidam ex his latiores sunt XII. pedibus, ut hi, qui sunt per viam publicam militarem acti: habent enim latitudines viæ publicæ.* Forfan etiam illæ præcipue militares dictæ, quæ, alio nomine proprio deficiente, in usum exercitus consularis, a militibus strætæ essent; nam inter militiæ labores plus semel refertur instructio viarum. Livius lib. xxxix. cap. 2. *Flaminius Cos. ne in otio militem haberet, viam a Bononia perduxit Arretium.* Quintil. lib. 2. cap. 3. *Stratum militari labore iter sæpe deserimus, compendio ducti.* Tacitus lib. 1. Ann. cap. 20. *Manipuli ante cæptam seditionem Nauportum missi, ob itinera & pontes.* Præcipuas fane & nobiliores vias non aliunde militares dictas, ex his collegit Fabrettus de col. Traj. c. 2. ejusque straturæ
 .imagi-

imaginem plus ſemel in columna iſta reperriri teſtatur. Addit duas inſcriptiones pulcherrimas, alteram Aquilejenſem, alteram Spalatenſem; in priorē apud Gruter. pag. 152. n. 4. hæc leguntur:

- - - VIAM. QUOQUE.

GEMINAM. A. PORTA. USQUE. AD.
PONTEM. PER. TIRONES. JUVEN-
TUT. NOVAE. ITALICAE. SUAE.
DILECTUS. POSTERIORIS. LONGI.
TEMPORIS. LABE. CORRUPTAM.
MUNIVIT. AC. RESTITUIT.

Viæ regiæ, ut Iſaacus Voſſius tradit, erant xxxi. e quibus Flaminia, Præneſtina, Lavicana, Campana, Appia & Ardeatina in ipſa Urbe initium capiebant. Ceteræ erant Latina, Tiburtina, Collatina, Nomentana, Salaria, Æmilia, Claudia, Valeria nova & vetus, Oſtienſis, Laurentina, Setina, Quinctia, Gallicatna, Triumphalis, Patinaria, Cimina, Cornelia, Tiberina, Aurelia, Caſſia, Portuenſis, Laticulenſis, Flavia & Trajana. Præter has verò aliarum fit mentio, ut Æliæ, Anniæ, Aſinariæ, Gabinæ, Juniæ, Mianciæ, Pompejæ, Poſtumiæ, & Vitelliæ; ſed illæ aut rami Viarum Conſularium, aut pars earum diverſi nominis fuiſſe videntur.

dentur. Addendæ quoque sunt viæ, quæ intra Urbis mœnia initium & finem capiebant, ut Via Sacra, Suburana, Nova, Fornicata, Recta, Lata, Alta semita &c. Atque has *urbanas* appellare possumus, sicut Prætor, in materia interdictorum, vias publicas in rusticas & urbanas divisit, quarum illæ cum itineribus publicis junguntur *l. 1. D. de locis & itin. l. 2. §. 24. D. ne quid in loc. publ.* Utræque autem inter decora magnitudinis Romanæ, quæ in sui admirationem totum rapiebant orbem, primas facile tenuerunt, judicio Strabonis lib. v. Geograph. pag. 235. inter tria enim, quæ a Græcis neglecta, apud Romanos autem magnifica fuerunt, primo loco ponit curam *σπρώσεως ὁδῶν, sternendarum viarum*, deinde aquæductus & cloacas subjungit. Idem fere fecit Dionysio Halicarnassensi lib. III. cap. 91. *ἔγωγ' ἔν, inquit, ἐν τρισὶ τοῖς μεγαλοπρεπέ-
στατοις κατοσκευάσμασι τῆς Ῥώμης, ἐξ ὧν μάλιστα τὸ τῆς
ἡγεμονίας ἰμφαίνεται μέγεθος, τὰς τε τῶν ὑδάτων,
αἰγωγὰς τίθεμαι, καὶ τὰς τῶν ὁδῶν σπρώσεις, καὶ τὰς
τῶν ὑπενόμων ἐργασίας.* Ego sane in tribus magnificentissimis urbis Romæ structuris, ex quibus maxime apparet amplitudo imperii, pono aquæductus, viarum straturam, & cloacarum fabricam. Non sine causa Dionysius, de sola Urbe loquens, aquæductus

ctus mirabiles præponit: Roma enim, quia in montibus posita, & convallibus sublata, ac cœnaculis suspensa erat, non optimis viis, & angustissimis semitis utebatur, ut Cicero ait II. Agrar. c. 35. At Strabo laudaturus prudentiam & splendorem Populi Romani, merito primum locum dedit viis publicis: nam aquæductus Romæ tantum & in magnis urbibus Italiæ, cloacæ vero in sola urbe erant, at viæ Prætoriae ab Oriente in Occidentem, & a columnis Herculis ad meridionales Ægypti fines protendebantur. Sic enim visum fuit reipublicæ sapientissimæ, auctoritatem & majestatem imperii sui propagatum, & metum exteris injectum iri, quorum principes & legati, Romam commeantes, non sine stupore cultum & potentiam intueri poterant. Tenebant ipsos ad viarum crepidines tot templa, prætoria, arcus triumphales, cenotaphia, atque innumera alia monumenta elegantissima, quorum vel sola rudera deformata nunc temporis advenas viatores delectant atque morantur.

Si quæras ex quo tempore Romani ad vias muniendas animum adjecerint, Strabo rursus, dicto lib. V. respondebit, priscos Quirites, majoribus ac magis necessariis rebus occupatos, pulchritudinis Urbi

bi conciliandæ, quæ ex infimo nata, diuque occupatæ magis, quam divisæ similis fuit, nullam suscepisse cogitationem; posteriores vero, ac maxime sibi æquales, regnante Augusto & Tiberio, eam donariis multis ac elegantibus implevissent. Prima autem initia munitionis ab A. V. cccx. repetenda existimo, quo creati sunt Censores, publicorum jus privatorumque locorum habentes, Liv. lib. iv. c. 8. Unde Cicero lib. iii. de LL. c. 3. *Censores populi civitates, soboles, familias, pecuniasque censento: Urbis templa, VIAS, aquas, ærarium, vectigalia tuento.* Exemplorum quantum satis est ex unico Livio deprohere licebit. Appii enim Claudii censuram claram fuisse ait, *quod viam munivit*, lib. ix. c. 29. Sic C. Flaminius Cenfor viam Flaminiam munivit, epit. xx. M. Livius & C. Claudius Censores viam è foro Boario ad Veneris, & circa foros publicos faciendam locaverunt, lib. xxix. c. 37. Rursus Q. Fulvius Flaccus & A. Postumius Albinus Censores vias sternendas filice in Urbe, glarea extra urbem substernendas, marginandasque primi omnium locaverunt, pontesque multis locis faciendos, & clivum Capitolinum filice sternendum curaverunt, lib. xli. c. 27. En duplicem rationem sternendi vias, glarea vel filice,

filice, de qua perite disputat Nic. Bergierius lib. 2. de viis sect. 30. quamque similiter conjungit Ulpian. in *L. 1. §. 2. D. de via publ. & itin.* & Tibullus lib. 1. Eleg. 8. vs. 59.

*Namque opibus congesta tuis, hic glarea dura
Sternitur, hic apta jungitur arte flex.*

Pro via filicibus strata, Lucretius & Virgilius *strata viarum*, inferiorum autem temporum scriptores *stratam* simpliciter dixerunt. Procop. lib. 11. de Bello Perf. C. 1. *Στράτα γὰρ ἡ ἐσρωμένη ὁδὸς τῇ Λατείνων καλεῖται φωνῇ. Strata Latino sermone via vocatur.* Paulini, Juvenci & Britonis loca du Frene in Glossario attulit, quibus accedat *l. 6. C. Tb. de itin. mun.* ubi *stratarum opera* inter fordida munera numerari vetatur. Inde Italicorum *strada*, & Germanorum *Strasse*, *Strasburg*, *Strada Montana* &c. Ab altero muniendi genere, quod fiebat terra scruposa, e littribus & ripis depromta, vias militares & aggeres *glaream* appellari conjecit Scaliger lib. 2. Aufon lect. c. 27. ex Augustino de Civ. Dei lib. xxii. c. 8. *Sed ista non similiter innotescunt: neque ut non excidant animo, quasi glarea, memoria crebra lectione teruntur.* Aufonius ad Paulum Ep. 10.

*Aut iteraturum qua glarea trita viarum
Fert militarem ad Blaviam.*

Inter

Inter omnes autem Italiæ vias eminuit inprimis Appia, sive ejus antiquitatem, sive longitudinem, operas, & sumtus in munitionem stupendos, sive oppida ejus & diversoria, sive deinceps fossæ per paludes Pomptinas navigabilis eique propinquæ utilitatem spectes. Accurate & eleganter eam describit tum Horatius lib. 1. Sat. v. tum Strabo lib. v. Geogr. ubi pag. 237. primas huic viæ dedit: γνωριμώταται δὲ τῶν ὁδῶν, ἥ τε Ἀππία, καὶ ἡ Λατίνη, καὶ ἡ Οὐαλεσία. *Nobilissimæ viarum sunt Appia, Latina & Valeria.* Antea vero pag. 223. fossæ illius naturam commoditatemque declaravit, Appiæ viæ ipsam multis in locis appositam, tradens, implerique & palustribus & fluvialibus aquis; navigari plerumque noctu, ut qui navim vesperi intrant, mane egressi via Appia pergant; luce vero trahi etiam navim, tanquam remulco, a mulabus. Propter tot igitur et tantas doctes singulares non sine causa Statius lib. 2. Sylv. 2. vf. 11. cecinit:

Flectere jam cupidum gressus, qua limite noto

Appia longarum teritur regina viarum.

Auctor ejus sine dubio est nobilissimus ille Appius Claudius, cui postea Cæco fuit cognomen, qui M. Valerio Maximo et P. Decio Mure Cofs. A. U. ccccxlvi. a porta

porta Capena usque ad urbem Capuam, eam muniendam curavit, in Censura, uti præter Livium Festus & Frontinus testantur. Nomen ejus felicioris memoriæ ad posteros fuit, quod primus rem tantam & unus perfecit; licet alii Censores plura postea adjecerint, ad utilitatem & firmitatem viarum, uti Fulvius Flaccus & Postumius Albinus *vias extra urbem glarea substruendas ad aggerem, marginandasque*, id est, ad latera lapidibus grandioris notæ stringendas, *primi omnium locarunt*. Liv. lib. xli. c. 27. Appii nostri memoria servatur in inscriptione Gruteriana pag. 389. n. 4. sed quam Gudius in corp. Inscript. pag. 373. inter spurias retulit; ejus verba sunt ista:

APPIUS. CLAUDIUS.

C. F. CAECUS.

CENSOR. COS. BIS. DICT. INTER
 REX. II. PR. II. AED. CUR. II. Q. TR.
 MILIT. III. COMPLURA. OPPIDA.
 DE. SAMNITIBUS. CEPIT. SABINO
 RUM. ET. TUSCORUM. EXERCITUM.
 FUDIT. PACEM. FIERI. CUM
 PYRRHO. REGE. PROHIBUIT. IN.
 CENSURA. VIAM. APPIAM. STRA

Y

VIT

VIT. ET. AQUAM. IN. URBEM. AD
DUXIT. AEDEM. BELLONAE. FECIT.

De eodem Paulinus, in carm. ad Cyther.

Posthæc & ad nos pergere incæptat viam,

Qua sternit aggerem silex,

Cui munitor Appius nomen dedit.

Appius scilicet viam stravit, quousque potuit, alii vero, ut Gracchus, Cæsar vel Augustus, propagatis reip. finibus, eam producerunt Brundisium usque, auctore Horat. lib. 1. Epist. 18. vs. 20. & Tacito lib. 2. Annal. c. 30. ubi Lipsius videatur in notis & lib. 3. de magnit. Rom. cap. 10. ubi Procopii elegantem hujus viæ descriptionem illustrat, de Bello Goth. lib. 1.

Belisarius via Latina exercitum duxit,

Appia ad lævam dimissa. Hanc Appius,

Romanorum censor, ante annos nongentos

struxerat, & a se dederat nomen. Longitudinem

ejus quinque dierum spatium vir

expeditus possit emetiri. Ab Urbe Roma

Capuam pertinet, ea latitudine, ut duo

currus ex adverso obvii libere queant per-

vadere, & commeare. Et est sane hæc via,

præter ceteras spectabilis: siquidem Appius

ex alia, & longinqua tunc, ut reor,

regione excisos lapides, & hos quidem si-

liceos, ac suapte ingenio durissimos, in hanc

viam vehendos curavit. Quos planos dein-

de ac leves redditos, & quadratos incisione

factos

factos junxit, & in ordine locavit, metalli nihil; vel alterius rei inferendo. Sunt tamen ita connexi & valide inter se hærent, ut speciem visentibus præbeant, non conjunctos ita, sed congenitos esse. Et quamvis tot jam seculis atterantur assiduis plaustris jumentisque, tamen neque serie sua vel minimum exeunt, & dimoveantur, neque franguntur, aut levorem suum amittunt. Eodem fere tempore, quo hæc Procopius scribebat, Theodoricus, Gothorum Rex, viæ Appiæ a Trib. usque Terracenâ iter & loca, quæ confluentibus ab utraque parte paludum per omnes retro Principum inundaverant, usui publico & securitate viantium, admiranda propitio Deo felicitate restituit, teste inscriptione apud Gruter. pag. 152. n. 8.

Ceterum etsi florente Republica Censura fuerit summæ auctoritatis, & honorum quasi apex, sensim tamen quædam ejus partes magistratibus accreverunt, aliæ privatis exercendæ delatæ sunt, postquam Augustus, arrepto imperio, nomen Censuræ abolevit, potestatem vero, ut alia magistratuum munia, in se traxit, nullo adversante, Tacit. lib. 1. Annal. c. 2. Ubicunque ergo in Imperatorum monumentis vox Censoris occurrit, fere Præfectum morum notat, quo titulo Cæsar usus fuit, Sueton.

lib. 1. cap. 76. Posterioris autem ævi scriptores Censuram pro gravitate vultus, cum dignitate conjuncta, usurparunt, uti Salmasius ad Capitolini Antonin. c. 22. Spanhemius de præst. & usu diss. xii. & Philippus a Turre in monumentis vet. Antii de inscript. M. Aquilii cap. 3. notarunt. Memorabilis ceteroquin est inscriptio Græca simul & Latina Thyatirenorum in Lydia, apud Sponium Itin. tom. 3. pag. 123. in qua Vespasianus, qua Cenfor, vias curasse dicitur:

IMP. CAESAR. VESPASIANUS
AUG. PONT. MAX. TRIB
POT. VI. IMP. XIII. COS. VI
DESIG. VII. CENSOR. VIAS
FACIENDAS. CURAVIT

CAPUT III.

DE ÆDILIBUS CURULIBUS ET MUNICIPALIBUS, VIARUM URBANARUM CURATORIBUS.

Ædiles Curules plateas Urbis stratas refici, & lutofas purgari iusserunt, eorumque exemplo Ædiles municipiorum & coloniarum. L. un D. de via publica & si quid aliter, quam à Jac. Gothofredo explicatur. Qui Græcis fuerunt ἀστυνόμοι, Latinis sunt Ædiles, contra Cujacium aliosque. Muneris Ædilitii erat curare, ut plateæ exaquentur, & sumtibus eorum, qui proximas ædes possident, reficiantur, tum ne ædificia ventrem faciant in publicum, neve morticina projiciantur, aut ferocia animalia molesta sint, qua publice iter sit. Idem aliquando extra ordinem, ex multitudinitate pecunie, vel privatis sumtibus vias straverunt; sicut Collegio Quæstorum viarum stratura est mandata. Ædiles inter magistratus, qui quatuordecim Urbis regiones sortito tuebantur. Vicomagistri è plebe cujusque viciniae electi.



Enfores merito excipiunt Ædiles, qui, tanquam illorum subadjuvæ, magnam partem politicarum curarum in se susceperunt.

Triplex eorum in Urbe fuit ordo: alii dicebantur

cebantur *Plebei*, Tribunorum ministri; alii *Cereales*, Annonæ curatores; alii denique *Curules*, a sella curuli, cui honoris causa insidebant, appellati. Atque hi posteriores, uti munere, dignitate & potestate præ ceteris eminebant, & Ædiles *priores*, *majores*, vel *nobilissimi* sæpe numero audiunt, ita soli quoque proposuerunt edicta, & inter Viocuros sunt referendi. Munera eorum potiora Cicero lib. III. de LL. c. 3. tribus verbis complexus est: *Sunto Ædiles curatores Urbis, Annonæ, Ludorumque solennium*. Cura urbis latissime patebat, sed circa tria rursus maxime versabatur, circa ædes, balnea & vias publicas. Paulus urbanas vias *ad Magistratus* pertinere scribit, in l. 2. §. 24. *D. ne quid in loc. publ.* & anteriores Oilius atque Trebatius, apud Venulejum in l. ult. *D. de cloac.* novam cloacam facere, eum concedere debere, ajunt, *cui publicarum viarum cura sit*. Sed quinam illi? nimirum præter Censores, quos vidimus, tales erant Quatuorviri viarum & Ædiles. Illorum munus erat vias urbanas & rusticas consulares sternere, hi vero, exemplo Astynomorum apud Athenienses, plateas urbanas & suburbanas non modo sterni jubebant, & stratas refici, sed etiam purgamenta, sordes, stercorea, & quicquid viarum

arum usui officeret removebant. Auctorem hujus rei locupletem habeo Plautum Stich. Act. 11. sc. 2. vs. 27. ubi Dinacio servulo, comice imperanti:

Cape illas scopas, tu hoc converte,
Gelasmus parasitus, apud se, vel ad auditores conversus, belle subjicit, quod nunc in adagio est:

Sine suffragio populi hic quidem Edilitatem gerit.

Cicero quidem vias Urbis, in montibus positæ, non optimas fuisse ait, II. Agrar. c. 35. nimis etiam cœnosas & lutulentas, ob multitudinem hominum, jumentorum & vehiculorum eas experti sunt Juvenalis sat. III. vs. 247. & Martialis lib. V. ep. 23. vs. 6. lib. VII. Ep. 60. vs. 6. verum tanto major cura fuit adhibenda, ut viæ, vallibus complanatis, exaequarentur, & a luto purgarentur, maxime postquam plateæ non silice modo, sed & pretiosi generis lapidibus cœruleis vel alterius coloris strætæ fuerunt. De monstro illo hominis Elagabalo scribit Lampridius: *Stravit ex saxis Lacedæmoniis ac Porphyreticis plateas in palatio, quas Antoninianas vocant.* Sed diu ante huc pertinet memorabilis historia, quam refert Dio Cassius lib. 59. ad A. U. C. DCCXCII. Caligula enim, quum in foro pro tribunali sedens, forte multum

cœni in angiportu quodam vidisset, jussit id in vestem Flavii Vespasiani, cui tunc *Ædili purgandorum angiportuum cura incumberebat*, conjici. Brevius eandem rem narrat Suetonius in Vespasiano cap. v. *Ædilem, ait, cum C. Caesar succensens, curam verrendis viis non esse adhibitam, luto jussit oppleri, congesto per milites in prætextæ sinum.* Atque ita eveniebat, ut vere dici posset cum Horatio lib. 2. Epist. 2. vs. 71.

Puræ sunt plateæ, nihil ut meditantibus obset.

Num eodem munere *Ædiles* in municipiis & coloniis functi sint, non opus est testimoniis anxie quaesitis firmemus, in re liquida, cujusque tam ampla descriptio reperitur in titulo Pandectarum, *De via publica, & si quid in ea factum esse dicatur*, qui totus ἐν τῷ Ἀστυνομικῷ μονόβιβλῳ τῷ Παπινιανῷ, ex libro singulari Papiniani, *De officio Ædilium*, desumptus est. Is enim *I*ctorum coryphæus, forte in gratiam municipiorum, & coloniarum quarundam, per provincias sparsarum, quæ Græcas magis, quam Latinas literas callebant, librum hunc singularem Ἀστυνομικὸν Græce composuit, ut *Ædiles* ibi munus suum viarium discerent, & ad exemplum *Ædilium Curulium Urbis matris* jussu sua componerent

rent, cujus illæ quasi effigies parvæ simulacraque esse quædam videbantur, ut ait Gellius lib. xvi. c. 13. Neque enim accedo Jacobo Gothofredo, qui ad *l. 2. C. Th. de itin. mun.* fragmentum illud ad *Ædiles urbanos* pertinere existimavit: jubet enim Papinianus *Astynomos suos* studere, ut quæ κατὰ τὴν πόλιν secundum civitatem quæque sunt viæ exæquentur, utque mutant eos, qui vias effodiant vel subruant, καὶ τὸν νόμον, secundum legem municipalem cujusque urbis.

Non etiam placet, quod summus Cujacius, tum ad hanc *l. un.* tum lib. xxii. Obs. c. 31. alium fecit *Ædilem*, alium *Astynomum*; cujus vestigia legentes, Bertrandus & Guil. Grotius minus proprie librum hunc *Astynomicum*, de officio *Ædilium* Latine transferri putarunt. Quod si enim nomina rebus consentanea esse oportet, quale nomen, quæso, *Ædilibus* magis conveniet, quam *Astynomorum*? quia urbis erant curatores, & Cicero sibi *Ædili* designato totam Urbem tuendam esse commissam profitetur, lib. v. in Verr. cap. 14. Praeterea optimæ Glossæ *Ἀστυνομίας* *Ædilatum* exponunt, *Ædilatus* autem, Festo interprete; *Ædilium* dignitas est. Et quamvis *Athenis* viginti *Ἀστυνόμοι* viis maxime, ἀγορανομῆαι autem foro

rerum venalium fuerint præfecti, atque Ulpianus, Demosthenis Scholiastes, ad orat. contra Timocratem, eos ita distinguat pag. 819. Ἔστι δὲ Ἀγορανόμος, ὁ ἐπόπτης τῶν ἀνίων τῆς ἀγορᾶς. Ἀστυνόμος δὲ ὁ ὅστις εἴσει καθαρίαν τινα πολιν ἀσχολεύμενος, ὁ παρ' ἡμῶν πατήρ. *Est autem Agoranomus inspector rerum venalium in foro: Astynomus, qui in eo occupatur, ut urbs munda sit, qui apud nos πατήρ appellatur; minime tamen inde sequitur, Romæ & in coloniis Romanis, ab Astynomis diversos fuisse Ædiles: quid enim vetat, quo minus hi utramque & Agoranomi & Astynomi, ex instituto populi, ornarint spartam? etsi Ædiles Romani plerumque, apud Graecos scriptores, ἀγορανόμοι à munere potiori appellentur. Denique ad Agoranomos pariter ac Astynomos, confuso horum munere, apud ipsos Graecos, querelas de immunditie viarum delatas esse, ex Libanio discimus, declam. 36. pag. 794. Ἀγορανόμοι ἢ καὶ Ἀστυνόμοι, οἷτοι κατὰ φρονήτας αὐτῶν εὐ κολαΐζετε' οἱ τοσούτον νέμειν ὑπηρεσίας τῇ πόλει, ὥστε λίμνας θλάς ἐν αὐτῇ συνεῶναι, καὶ ὀλίγους εἶναι τῆς ἀγορᾶς παραχρῆ. Vertit Morellius: *Fori autem & annonæ præfecti atque Ædiles, ita leges despicientes non castigatis: qui tantum urbi curæ impendunt, ut paludes totas in ea constituent, & loci passim in foro occurrant perlubrici.* Haec*

Haec poterant Cujacio refellendo sufficere; quo magis vero cura viarum Aedilitia patefcatur, age conferamus, quae Papinianus ad munus Astynomorum retulit, cum his, quae de Aedilibus, & Romanis, & municipalibus, nunc quidem occurrunt, nec ovum ovo similis apparebit. Primum ait, Astynomis curae esse, ut viae exaequantur, nec effluxiones aquae coelestis noceant domibus, & ponticuli fiant, ubicunque oportet. Sic vero Agrippa, Aedilis Curulis ultro factus, omnia aedificia publica, omnes vias privatis impensis refecit, & cloacas expurgavit, auctore Dione lib. 49, ad A. 710. Idem firmat antiqua inscriptio, Beneventi reperta, apud Fabrett. cap. ix. Inscript. 72. & Gudium pag. 72. n. 5.

C. ENNIUS. M. F.

C. BERGONIUS. Q. F.

AEDIL.

VIAM STRAVERUNT.

ET LACUUS FECERUNT.

Deinde vetant, ne parietes aedificiorum procumbant, aut ventrem faciant, in viam publicam: curant, ut mundaе sint viae publicae, & reficiantur sumtibus eorum, qui proximas aedes possident, pro regione singularum aedium, ita ut, si jure conductionis eas teneant, istum sumtum locatori.

toribus imputent in pensionem; denique non permittunt ante officinas quicquam propositum esse, quo populo iter deterius sit, & dant operam e via publica κόπρον ἐκβάλλειν, morticina & exuvias caeforum animalium tolli; id quod civium sanitati apprime conducit; praeterquam quod ejusmodi purgamenta adeo invisa erant, ut ea vel pede calcasse nefarium, & mali alicujus praefagium haberetur. Haec omnia vero Ædilibus curae fuisse, praeter loca superius laudata, Seneca ostendit epist. 86. cum *nobilissimos Ædiles ait, functos officio exigendi munditias.* & Paulus in l. 12. D. de peric. et commod. rei vend. *Lectos Ædilis, cum in via publica positi essent, concidit.* Eodem pertinet parasiti *edictio Ædilitia*, apud Plautum Capt. act. iv. sc. 2. si cujusquam schropham aut petronem in via publica conspexerit; nec forte alios, quam Ædiles, Geta Plautinus intellexit Truc. act. 11. sc. 7.

Qui bona sua pro stercore habet, foras jubet ferri: metuit

Publicos, mundissimus est. - - -

Ab eadem cura viarum, repetendum videtur Edictum Ædilium Curulium, in l. 40. 41. & 42. D. de Ædilit. edict. quod parte tertia nobis erit explicandum. Neque

que enim hi munere suo satis se perfunctos censebant, si stercore, caesorumve animalium exuvias e medio removissent, sed canes etiam feroces ac belluæ, humanum sitientes sanguinem, procul a viis relegandæ erant, quo iter facientes sine periculo iis se tradere possent. Has utique partes Plato, in Republica sua, Astynomis mandavit lib. vi. *Ad viarum structuram earumque exornandarum curam, ne aut homines injuria afficiantur, aut ipsæ feræ noceant, sed ut tam in ipso urbis ambitu, quam in suburbiis consentanea quæque gerantur, magistratus sunt eligendi qui appellentur ἀσυνόμοι, id est AEdiles.*

An vero cura sternendarum platearum AEdilibus etiam injuncta? ita quidem videri posset, quia Livius lib. x. c. 23. de Cn. & Q. Ogulniis, AEdilibus Curulibus, scribit: *Semitam saxo quadrato à Capena porta ad Martis straverunt. Et eodem libro c. ult. ab AEdilibus Curulibus via a Martis silice ad Bovillas perstrata est. Varro lib. iv. de LL. Clivus Publicius ab AEdilibus plebei Publiciis, qui eum publice ædificarunt. Ovidius lib. v. Fast. vf. 287.*

Plebis ad AEdiles delata licentia talis Publicios, animus defuit ante viris.

Rem populus recipit, mulctam subire nocentes, Vin.

*Vindicibus laudi publica cura fuit.
 Multa data est ex parte mihi: magnoque
 favore
 Victores ludos instituere novos.
 Parte locant clivum, qui tunc erat ar-
 dua rupes,
 Utile nunc iter est, Publiciumque vo-
 cant.*

Nec defunt exempla in coloniis & municipiis viarum & clivorum, ab Ædilibus munitorum. Apud Gudium pag. 70. n. 1. LUCILIUS. AED. VIAM. SILICE. STRAVIT. Capacius item lib. 1. Hist. Neap. refert inscriptionem, adversus quam contraria probatio audienda non videtur: JULIUS. FRONTO. AED. DUXIT. VIAM. A. FORO. FECIT. CLIVOM. Verum cura sternendarum viarum in Urbe apud Censores & IV. viros, in municipiis apud Quinquennales fuit; Ædiles vero, aliquando ex mulctatitia pecunia, jussu Senatus & Populi, aliquando etiam privatis sumptibus, ob *primum adscensum ad bonoris amplioris gradum*, & *πρῶτον ἐπιφάνειαν ἀρχῶν*, ut Cicero & Plutarchius vocant, extra ordinem vias munierunt. Prioris exemplum in Publiciis illis fratribus dabit Festus: *Publicius appellatur, quem duo fratres L. M. Publicii Maleoli Ædiles Curules (Varro & Ovidius plebejos vocant) pecu-*
ariis

ariis condemnatis ex pecunia, quam ceperant, munierunt, ut in Aventinum vehiculis Velia venire possint. Posterius docet lapis Cremonæ, in via publica descriptus, apud Gudium Thef. inscript. pag. 73. n. 1.

T. PRAESENTIUS. Q. F.

P. HELVECIUS. P. F.

AED. OB. HONOREM.

IN. VIAM. H. S.

Aliquando stratura in Urbe Collegio Quæstorum fuit mandata, sed Claudius ejus loco gladiatorum munus injunxit, propriis nummis per omnes annos celebrandum, Sueton. lib. v. cap. 24. & Tacit. lib. xi. Annal. c. 22. Augustus instituit, ut annui magistratus ordinarii, v. c. Aediles, Tribuni & Prætores quatuordecim urbis regiones sortito & extra ordinem tuerentur, vicos vero magistri e plebe cuiusque viciniæ electi, quibus veste, quam magistratus gerunt, ac lictoribus binis certis diebus uti concessit, Sueton. Aug. c. 30. Dio lib. 55. Idem septem cohortes opportunis locis constituit, ut binas regiones Urbis unaquæque cohors, adversus raptores aliasque personas atroces tueretur, præpositis iis Tribunis, & super omnes spectabili viro, qui per totam noctem vigilabat, et *Præfellus vigilum* appellatus, l. 3. D. de off. præf. vig. Victor

&c

et Rufus duos Curatores cuique regioni assignant, quod cuius Principis inventum sit, nescimus; de Alexandro Severo autem scribit Lampridius c. 33. *Fecit Romæ curatores Urbis quatuordecim, sed ex consularibus viris.* Vicorum etiam magistratos viis urbanis præfuisse non temere dixerim: aliud enim est via, quæ suo nomine appellatur, aliud vicus, sive continuata ædium series, in quas Hebræorum quoque et Græcorum urbes divisæ fuerunt. Inspectores earum Dio ^{severæ ævæ} Victor vicomagistros vocavit. Crebra eorum fit mentio in lapidibus antiquis. Apud Gruterum pag. 249. n. 8. MAGISTRI VICORUM URBIS REGIONUM XIII. in basi prægrandi occurrunt; et apud Gudium pag. 26. n. 6. L. Flaminius Priscus CURATOR ET MAGISTER TRIVII VICI AURELII laudatur. Magistros vicorum in prætexta compitalitios ludos fecisse, Asconius in Pison. pag. 159. scribit, ad quorum imitationem, de magistris vici rustici extra Urbem, Calpurnius Eccl. 4. cecinit:

*Ut quoque turba boni plaudat saginata
magistri,*

*Qui facit egregios ad pervia compita
ludos.*

CA.

CAPUT IV.

DE MAGNIFICA VIARUM STRUCTURA, SE-
CUNDUM LEGEM VIARIAM GRACCHI
TRIBUNI.

Legis Semproniae auctor C. Sempronius Gracchus, Trib. pl. qui populo carissimus, quod in viis rusticis muniendis ornatum cum utilitate conjunxit. Viæ ad amussim directæ & latæ, ut duo currus aduersi transire possent: l. 2. §. 21. Done quid in loc. publ. & Lex XII. Tabb. explicatur. Viæ per Italiam duplici modo munitæ. Earum firmitas ex strue pavimento supposita. Ad latera limbi peditibus destinati. Aliquando agger medius pediti, latera jumentis trita. Agger, ab aggestu terræ, pro via militari. Partem viarum nobilem constituunt Pontes, quibus vias divisas Romani studiose junxerunt. Viæ per columnas milliares distinctæ in sua intervalla. Harum antiquitas, forma & usus. Mensuræ viarum celebriores. Lapides minores, è quibus in equos vel vehicula scansio commodior. Stapedes nulli in veterum sellis, quando ceperint usurpari. Munus stratorum. Curionis Tribuni lex Viaria, de muniendis & reficiendis viis. Consulum cura viaria.

Z

Haecte.

Hactenus viæ maxime urbanæ nos tenuere, nunc ad rusticas & militares oculos conferamus, in quibus muniendis majestas imperii, jam sub libera Republica, in tantum eluxit, ut sine testibus classicis narratio nostra fidem vix inventura videatur. Fundus ergo hujus capituli sit Lex Sempromia, quam C. Sempromius Gracchus, Tribunus plebis A. U. C. DCXXX. de viarum munitione tulit, auctore Plutarcho in Gracchis cap. 9. cujus verba hæc sunt pag. 837. Ἐσπούδασε μάλιστα πρὸς τὴν ὁδοποιίαν, τῆς τὸ χρείας ἅμα καὶ τῆς πρὸς χάριν, καὶ κάλλος ὀφειλουμένης. εὐθέως γὰρ ἦγοντο διὰ τὴν χωρίων ἀρτεμίαν καὶ τὸ μὴ ἐξορνεῖτο πέτρας ξυστῆναι, τὸ δὲ ἅμω χάμασιν ἀκρίως ἐπικυκλῆναι. πεμπλαμένω δὲ τῶν κοίλων καὶ ζευγνυμένων γεφύραις, ὅσα χαίμαρροι διέκοπτον ἢ φάραγγες, ὑψώθη δὲ τῶν ἐκατέρωθεν ἴσων καὶ παραλλήλων λαμβανόντων, ὁμαλὴν καὶ καλὴν ὅψιν εἶχε διόλου τὸ ἔργον. πρὸς τὴν τοῖς διαμετρήσας κατὰ μίλιον ὁδὸν παῖσαν (τὸ δὲ μίλιον οκτὼ σταδίων ὀλίγον ἀποδεῖ) κίονας λιθίνους σημεῖα τε μέτρα κατέστησεν. ἄλλως δὲ λίθους ἱλατίον ἀπέχουσας ἀλλήλων ἐκατέρωθεν τῆς ὁδοῦ διέθηκεν, ὡς εὐραδίως τοῖς ἵπποις ἔχουσιν ἐπιβαίνειν ἐκ αὐτῶν ἀναβολίως μὴ δεομένους. *Elaboravit potissimum in viis muniendis, tam utilitatis, quam oblectamenti ἔχοντα natus habens rationem. Ducebantur enim directæ ad amussim per agros viæ, atque hinc lapide quadrato sternebantur, hinc gla-*

glarea aggeribus aduectis referebantur. Complebat & pontibus iungebat lacunas, torrentibus vel specubus excavatas, ac lateribus pari inter se fastigio utrinque comparatis, æquabilem habebat & visendam undique opus faciem. Adhuc viam omnem per milliaria dimensus (capit autem paullo minus octo stadia milliare) columnas lapideas spatii signandi gratia locavit. Alios lapides modicis inter se intervallis hinc inde secundum viam disposuit: quibus equitantes sine subjicibus ephippiariis conscenderent commodius equos.

Omne punctum Gracchus tulisse censendus est, quod in viis muniendis utile dulci miscuit, eoque operis publici genere maximam sibi civium benevolentiam conciliavit. Magistratibus enim in provincias ituris, pariter ac privatis, nihil jucundius esse poterat, quam itinera sua, tam peditum, quam equitum, & vehiculis utentium commoda facilitate juvari. Ornatum viis addebat, quod ad lineam rectam erant constructæ, latitudine sufficiente, & longitudine ingenti. Prospectus quoque amœnitate viatores, per celsam exaggerationem ambulantes, ab itineris labore & tædio plurimum levabantur. Quod vitæ rectæ fuerint, cernere licet, tum ex ruderibus viarum publica-

rum, tum ex tabulis itinerariis, in quibus linearum ductus de mansione ad mansionem fere sunt recti; tum denique ex Ulpiano, qui viam definit *solum publicum, relictum ad directum certis finibus latitudinis*, in *l. 2. §. 21. D. ne quid in loc. publ.* ubi directum est rectum ad amussim, uti Lucretius lib. IV. vs. 613. dixit, *simulacra viis directis* tendere, id est, lineis rectis. Latitudo viarum Italiae vix egrediebatur pedes quatuordecim: cum enim illae ab annis circiter bis mille stratae sint, quando currus minus erant frequentes, id spatium sufficere tum videbatur, ut duo vehicula adversa transire possint. In provinciis autem viae exaggeratae fuerunt latiores pedum triginta, quadraginta, aliquando etiam sexaginta, quam latitudinem viis quoque castrensibus dederunt Gromatici. Hyginus de limit. pag. 152. Actuarios limites, per viam publicam actos, latiores, ait, fuisse XII. pedibus: *habent enim latitudines viae publicae*. Adeoque ad vias privatas referre malim, quod Varro lib. VI. de LL. & Cajus in *l. S. D. de S. P. R.* ajunt: *Via latitudo ex Lege XII. tabb. in porrectum octo pedes habet; in anfractum, id est, ubi flexum est, sedecim*: nam via publica majorem line dubio requirit latitudinem, ne alterum vehicu-

hicu-

biculum obvio alteri sit impedimento; at si via per servitutem constituta, prædio fervienti plus decedere non debebat, quam opus fuerit uni vehiculo per eandem orbitam ducendo & reducendo. Adde quod Cælius lib. vii. ad Edictum provinc. de servitutibus egit, pariter ac Javolenus in l. 13. §. 2. *§. 3. D. eod.* ubi hanc latitudinem *legitimam* appellavit.

Ad materiam quod attinet, olim viæ in urbe tantum Silice sternebantur, extra vero Glarea; sed Gracchus, pro differentia locorum, alias rusticas, lapide quadrato, alias vero glarea aggeribus advectis munivit. His vero tertium viæ genus addit Ulpianus in l. 1. §. 1. *D. de via publ. & itin.* quam *terrenam* vocat, cui nec glarea injecta, nec stratum ex silice impositum, forte quod aridum solum imbribus emolliri non posset, vel pingue soli & ventis fatis expositum esset; sed de hoc silet Plutarchus. Modum & formam communem vias muniendi pulchre nobis descripsit eruditissimus Bergierius lib. ii. sect. 17. Aperiebantur duo sulci, æquali distantia, ad funiculum, per medios campos tensum; inter sulcos, evacuata terra molli, longior fossa arena aliave materia firmiore implebatur, ne si minus solida hujusmodi basis esset, tota structura la-

hefactaretur. In humidis locis vel inter colles dejectis aggeres struebantur, altitudine quinque, vel decem, immo & viginti pedum, ut dorsum viæ æquo itinere procederet. Huic denique pro loci genio, nunc glarea injecta, nunc lapides duriores ad hoc dolati impositi, artificio tam concinno, vix ut tenuissimam cultri aciem inter juncturas figere possis. De collibus excisis & cavitatibus sumtu incredibili complanatis, evidenter scribit Strabo l. v. pag. 235. Fossam optime depinxit Statius, in via Domitiana lib. iv. Sylv. 3. vs. 40.

*Hic primus labor inchoare sulco,
Et rescindere limites, & alto
Egestu penitus cavare terras,
Mox haustas aliter replere fossas,
Et summo gremium parare dorso,
Ne nutent sola, ne maligna sedes
Et pressis dubium cubile saxi.
Tunc umbonibus hinc & hinc coactis,
Et crebris iter alligare gomphis. &c.*

Præcipua itaque viarum firmitas non modo ex silicum apte junctorum magnitudine & duritie, sed etiam ex strue supposita proficiscitur; cujus rationem in viis publicis, quæ Remis conveniunt, Cl. Bergierius lib. II. sect. 18, in parte autem viæ Appiæ Cl. Montfauconius tom. 4. Antiq. part. 2. lib. 1. c. 1. curiosis oculis in-

investigarunt. In ima enim viæ parte hic impositos lapides, cæmento firmissime coagmentatos; tunc aliud stratum superpositum, glareæ, minuto lapide & cæmento constans; & huic demum saxa, unius vel duorum pedum, imposita superius constituere pavementum reperit. Hoc vero innumeris licet viatoribus, jumentis, rhedis & vehiculis, per annos circiter bis mille, tritum, non obstantibus etiam cæli humidioris incommodis, prope Fundos, in Campania, ostendat partes sui integerrimas, & glaciei instar adeo perpolitas, ut ingruente pluvia equi fallente vestigio labantur. Nonnullis in locis præterea conspicui, ait, limbos, ab utroque latere, peditibus destinatos, latitudine non prorsus bipedali, & altitudine pedis unius ac dimidii. Andreas vero Palladius lib. III. de Archit. c. 3. vias quasdam observavit, in triplex spatium partitas; cujus medium, leni acclivitate surgens, & filice munitum viatori pedibus eunti fuerit destinaquum, bina reliqua autem, sabulo aut glareæ operta, equis & jumentis. Agger ille ab *aggestu* terræ dictus, Græcis *ἄγγος* & *ἄγος*, ἀπὸ τοῦ ἁγνύειν, *agger viæ* à Virgil. lib. v. *Æneid.* vi. 273. & *itinerarius agger* ab Ammiano vocatur lib. XIX. cap. 6. Isidorus lib. XV. Orig. c. ult. ejus formam

& materiam recte describit: *Agger est media strata eminentia, coaggeratis lapidibus, vel glarea, aut silicibus strata: ab aggere, id est, coacervatione dicta, quam Historici viam militarem dicunt.* Plane Imperatores *aggerem publicum*, pro via publica, in l. 5. C. Tb. de itin. mun. Sidorius *antiquum aggerem*, pro via diu trita; & Rutilius *Aurelum aggerem* pro Aurelia via dixere. Vid. Bergier. lib. 11. sect. 17. & notas Varior. ad Rutil. l. 1. vs. 39.

Pontium præterea rationem habuit Gracchus, qui nobilem viarum partem constituunt, immo viæ sunt super aquas; unde *Pontes, per quos itinera celebrantur, iuvare oportere*, dicitur in l. 36. C. Tb. de oper. publ. Et sane pontes tot commoda viatoribus adferunt, ut Romani summæ religionis duxerint eos in fluminibus facere, & Varro existimarit, Pontifices à ponte sublicio factò & restituto nomen tulisse. Omnes quoque viarum curatores antiqui & recentiores id studiose egerunt, ut pontes, fluminibus rapidis & profundis impositi, firma materia consolidarentur. Inter præcipua antiquitatis monumenta computatur pons Narniensis, miræ magnitudinis, & arcubus celsissimis, ab Augusto, ut ferunt, constructus, cujus Martialis meminit lib. VII. Ep. 92. quem-

quemque Aug. Martinellus libello singulari Italica lingua descripsit. Inter Caligulae opera plurima, Plinius *tot pontes tantis impendiis factos* miratur lib. xxxvi. c. 15. Trajanum Xiphilinus scribit *πλεῖστα ἀναγκασιότατα καὶ ἐν ὕδασι καὶ ἐν λιμένι κατασκευάσαι, plurima necessaria tam in viis, quam portubus instaurasse*: hæc inter flumina pontibus junxit plurimis, quos Alexander Severus deinde, pæne in omnibus locis, instauravit, auctore Lampridio cap. 6. Magnificentiam pontis Trajani supra Danubium, Mysiæ ac Daciæ ripas copulantis, Dio Cassius lib. 68. depinxit; sed Lud. Ferd. Marsilius, in epistola ad Montfauconium, tom. 11. Thes. Sallengr. pag. 990. Dionem aut rei veritatem non edoctum, aut adulationi infervisse judicat, cum inter minima populi opera pons ille referendus sit. Illic ergo cum Bergierio conferendus est, qui lib. iv. sect. 38. fidem Dioni habuit, aliosque pontes admirandos, in Urbe, per Italiam, & per Provincias factos, facunde explicavit. Vere Aristides tom. 1. Orat. 14. ait: *Romanos terram omnem dimensos pontibus variis fluvios junxisse.*

Non minorem viantibus utilitatem & voluptatem præstitit Gracchus, quod primus Romanorum singula milliaria dimen-

fa lapideis columnis diligenter distinxit, quæ vulgo *lapides*, aliquando *lapides milliares*, Græcis *σημεῖα* appellantur, quia singuli mille passus, erecto lapide, velut signo, erant distincti. Inde primus, secundus, tertius lapis pro milliariorum, apud Veteres crebro usurpatur. *Octavum marmor* vocat Martialis lib. ix. ep. 65. Alii rursus, suppresso lapidis nomine, solum numerale ponunt: *ad duodecimum à Cremona*, lib. II. Hist. c. 24. ait Tacitus. Usus earum est antiquissimus: apud Indos enim supra ex Strabonis lib. xv. vidimus, fuisse certos magistratus viocuros, qui per decem stadia lapideas columnas posuerint, diverticula distantiasque indicantes. Mature etiam ex Italia lapides illi in provincias perlati; quia Polybius vias a Columnis & Carthagine nova usque ad Rhodanum, sua ætate, a Romanis per octona stadia descripta, & milliariorum lapidibus distincta refert lib. III. c. 39. Idem Strabo lib. VII. pag. 223. de Egnatia Macedonia via scribit: *βεβηματισμένη κατὰ μίλιον, καὶ κατεσηλωμένη μέχρι κυψέλης, καὶ Ἑβρὸς ποταμῶ, per passus distincta secundum milliariorum, ad singula erecto lapide usque ad Cypselum & Hebrum fluvium.* Forma harum columnarum fuit rotunda, vel quadrata, vix ultra pedes octo: impositæ stylobatis minoribus, inscri-

scriptum habebant numerum milliarium, v. c. M. P. VIII. quibus aut Roma aut alia urbe distabant: quædam etiam in basi præferebant nomen Imperatoris aut illius, qui eas vel fecit vel refecit, uti ex augustis inscriptionum operibus Gruteri pag. 154. Reinesii pag. 294. Sponii pag. 186. Fabretti pag. 413. & Gudianii pag. 71. tum etiam ex Sirmond. notis ad Sidon. carn. 24. Bergierio lib. iv. sect. 39. Historia Acad. reg. t. 2. pag. 379. & 383. & Montfauconio Supplem. Antiq. tom. iv. lib. 5. videre licet. Finis earum insignis erat, ut ex cujusque numero iter facientibus constaret, quot millibus passuum, quoquo irent, ab Urbe, vel ab initio viæ abessent, simul etiam viæ mensuris velut animarentur, columnis instar continuæ porticus hypæthræ ornarentur, & denique tædium ex itineris longitudine levaretur. Belle Quintilianus lib. iv. Inst. orat. c. 5. *Partitio reficit audientem, non aliter, quam facientibus iter multum detrahunt fatigationis notata inscriptis lapidibus spatia: nam & exhausti laboris nosse mensuram voluptati est, & hortatur ad reliqua fortius exsequenda scire, quantum supersit: nihil enim longum videri necesse est, in quo quid ultimum sit, certum est.* Rutilius itinerar. lib.

II. 7.

In-

Intervalla via fessis præstare videtur,

Qui notat inscriptus millia crebra lapis.

Quod autem Plutarchus milliarium paulo minus octo stadia Græcorum capere ait, ex aliis quidem haud certum esse videtur, sed firmant Polybius lib. 3. c. 39. Strabo lib. VII. pag. 223. & Isidorus lib. XV. Orig. c. 16. *Stadium octava pars milliarium est, constans passibus cxxv.* De variis aliarum gentium mensuris viarum pulcher Hieronymi locus est in Joel III. 18. *Unaquæque gens certa viarum spatia suis appellat nominibus: quum Latini mille passus vocant, & Galli leugas, & Persæ parasangas, & rastas universa Germania.* Romanos certum est per milliaria mensos, quibus a mille passibus est nomen. Passus autem pedes quinos continet Romanos; qui nostro vulgari paullo erant majores. De mille passibus illis obvia sunt veterum loca, Cicero autem lib. VIII. ad Attic. epist. 9. & Valerius Maximus lib. I. c. 8. n. 4. uno verbo *milliarium* dixerunt. Leugas, leucas, leuvas Gallorum Perionus a λευκός, albus, derivat, quod locorum intervalla lapidibus candidis designarentur. Bochartus a Phœnicibus eas repetit; sed quia ex actis martyrii S. Genovevæ discimus, *leugas veteri Gallorum lingua nuncupari*, verisimilior est Spelman-

manni & Barthii sententia, cum Britan-
 norum *lead*, vel *leac̃b*, lapis, vel cum
 Germanorum *leuf*, *leope*, ut est in Ælfrici
 glossario, Celticum hoc vocabulum con-
 venire, quo mille & quingentorum pas-
 suum quantitas finiebatur, teste Jornan-
 de de reb. Get. c. 36. vid. Voll. de vit.
 ferm. lib. II. c. XI. & III. c. 19. Persa-
 rum *Parasangæ* varientur pro diversis lo-
 cis, alii eas sexaginta stadiorum esse di-
 xerunt, alii triginta, alii quadraginta,
 apud Strabonem lib. XI. pag. 317. sed in
 medio numero acquiescunt Eruditorum
 plurimi, Herodoti auctoritate. De *Rasta*
 Germanorum plura scriptorum loca dedit
 du Frene in Glossario; nos contenti eri-
 mus ejus spatium ex vetere Agrimensore
 indicasse apud Goef. in rei agrar. Auct.
 pag. 322. *Sunt mensuræ, quæ ad viato-
 res, seu ad cursores pertinent. Minima
 pars Stadium est, habens passus cxxv. Octo
 stadia Milliarium reddunt, mille passus
 habentem. Milliarius & dimidius apud
 Gallos Leuvam facit, habentem passus
 mille quingentos. Duæ leuæ, sive mil-
 liarii tres, apud Germanos unam Rastam
 efficiunt. Nos per leucas fere computa-
 mus, in quas tria hodierna milliaria Ita-
 lica, sed quatuor vetera Romana veni-
 unt; uti ex itinerario Antonini, Nithar-
 do;*

do, lapidum intervallis, aliisque argumentis Ciofani ad Ovid. lib. IV. Trist. Eleg. 10. & Lips. cent. ad Italos epist. 59. ostenderunt. Adde de omni hoc argumento Briffon. lib. IV. sel. ant. c. 8. Bergier. de publ. & milit. viis lib. III. sect. 11. 12. lib. IV. sect. 42. & Cellar. Geogr. ant. lib. I. c. 11.

Restat de columellis faxeis dicamus, quas Gracchus fieri curavit, ut earum præsidio alii equos incenderent, alii de vehiculo descenderent, fessii denique onus deponerent, atque ita omnium, maxime vero senum, commoditati prospiceretur. His enim difficillimum erat corpora saltu in equos subjicere, ut juvenes solebant apud Virgilium, nondum inventis stapedibus: in quorum originem Ill. Cuperus ad Lactantii cap. 5. diligentissime inquisivit. Vix autem ante sæculum Christianum quartum earum mentio occurrit, neque Xenophon de arte equestri, nec Julius Pollux inter equestria ornamenta scandularum meminere, uti pridem docuerunt Joannes Tortellius, Galeottus Martius, Vossius, Salmasius, Sant-Aman-tius, Magius alique. Primus Hieronymus in Epistolis scribit: *cum quasdam accepit litteras, jumentum conscensurum, jam pedem habuisse in bistapia*; atque ejusdem

ævi

ævi esse videtur inscriptio Romana passim laudata, quam tamen Gruterus spuris inseruit: *dum virguncula Durmionia placere cuperem, casu defiliens equo, pes hæsit stapiæ, tractus interii. in rem tuam mature propera. vale.* Honoratiores equos adscensuri a servis aliisque sublevabantur, maxime à curatoribus equorum, qui a sternendis equis *Stratores* dicti, apud Valentinianum in *l. 1. C. Th. & l. un. C. de castrensiæ*. Spartianum, Ammianum & in Inscriptionibus Gruteri pag. 101. n. 7. & 389. n. 2. nisi cum Jac. Gothofredo tom. 1. *C. Th.* pag. 228. a via sternenda eos dictos velis, quod Imperatoribus & Magistratibus viam sternerent, domi militiæque foras procedentibus. Sed quidquid sit de etymo, constat stratores eodem fuisse, qui ab Italis *staffieri* appellantur, quod staffas tenent, quas Græci recentiores *σκάλας* & *καλμαρας* vocarunt. vid. Frêne in Gloss. voc. *saltatoria*, *stapes*, *strepæ*, & ad Cinnamum pag. 471. seqq.

Satis ergo abundeque Gracchus, quamvis seditiosus tribunus plebis, & venustati viarum publicarum, & commodis viatorum, equitum pedumque prospexit. Imitatus eum deinde est Scribonius Curio A. V. DCCIII. sub bellum Cæsaris civile, itidem Tribunus plebis, ut sibi per hanc
occa-

Eruditis suum hac de re iudicium relin-
quimus. Vide Contaren. de Frument.
Roman. largit. c. 9.

Non soli autem Tribuni, sed etiam Con-
sules aliquando viarum munitiones extra
ordinem ultro suscepisse leguntur; Stra-
bo enim lib. v. pag. 217. scribit: συναπτε-
σαν ἀλλήλοις Μάρκος Λέπιδος, καὶ Γάιος Φλαμίνιος
καθελόντες δὲ Λίγυας, ὁ μὲν τὴν Φλαμινίαν ἔστρωσεν ἕως
Ρώμης διὰ Τυρρηνίαν καὶ τῆς Οὐμβρικῆς, μέχρι τῆς ὁδοῦ
Ἀρμιμίονος τόπων· ὁ δὲ τὴν ἐξ ἧς μέχρι Βονωνίας, κακείθεν
εἰς Ἀκυληίαν. *Collegæ in consulatu fuerunt M.
Lepidus & C. Flaminius: qui devictis Li-
guribus, hic Flaminiam viam stravit a
Roma per Etruriam & Umbriam, usque
ad Ariminum: ille deinceps ad Bononiam
usque & inde usque ad Aquilejam.* Cl. Cel-
larius lib. 11. Geograph. c. 9. in fin. veretur,
ne Geographus Censores prope cognomi-
nes cum his Consulibus confuderit; Li-
vius enim epit. 20. C. Flaminium Censo-
rem viam Flaminiam munivisse ait; is au-
tem censuram gessit cum L. Æmilio Pap-
po. A. V. DXXXIII. Idem vero Livius lib.
XXXIX. c. 2. refert, priores etiam Con-
sules A. DLXVI. harum viarum curam ha-
buisse, eo tamen discrimine, quod de C.
Flaminio scribit: *viam a Bononia perduxit
Arretium*; de M. Æmilio autem: *viam à
Placentia, ut Flaminie committeret, A-*

riminum perduxit. Fateor, in libera republica, vias urbanas & rusticas maxime Cenforum jussu esse munitas: id enim supra vidimus ex Livio pag. 334. cui Strabo d. l. v. & Aurelius Victor. c. 72. addi possunt, tradentes, viam Æmiliam ab Æmilio Scauro censore stratam esse. Cassiam quoque viam ab eodem illo Cassio Longino nonnulli dictam putant, qui A. DC. cum Valerio Messala Cenfor laudatur in Fastis & apud Plinium lib. xvii. c. 25. At si cogitemus, quanti animi quantique consilii fuerint reliqua Cenforum munia, quodque de omnibus majoris momenti rebus, quæ ad summam Reip. pertinerent, Consules cognoverint, quidni hos pariter, ac Tribunos plebis, crescente imperii & Urbis majestate, studuisse credamus, ut populi gratiam inirent, ob vias inchoatas, extensas, vel reparatas, ubi perierant? nam tantæ rei cum soli Cenfores non sufficerent, aliis quoque minoribus magistratibus mature fuit opus, qui in partem hujus curationis venirent, eosque ordinario munere sublevarent, de quibus capite sequente agemus.

CAPUT V.

DE QUATUORVIRIS, DUUMVIRIS ET
CURATORIBUS VIARUM.

Quatuorviri viarum intra Urbem curandarum quando creati. Dicti Viocuri apud Varronem & Tironem. Diversi ab Aedilibus; a Scaligero & Turnebo discessum. IV. viri iteris, pro itineris, olim pars fuerunt xxvi. virorum, sed ab Augusti ætate inter xx. viros, magistratus minores, ex Equitibus lectos, tam extra Urbem, quam in Urbe vias curarunt, contra Lipsium. Pro Duumviris, curatoribus viarum extra Urbem, instituti plures Curatores viarum, ἀπὸς ita dicti. Horum dignitas, apparitores & potestas coercendi. Paulus & Venulejus illustrantur. Differunt a curatoribus operum publicorum. Nomina eorum lapidibus viariis inscripta, & viæ ab illis appellatæ. Corbulonis querela de istorum incuria, & fraude mancipum, qui certa spatia viarum munienda conducebant.



Uo tempore primum Quatuorviris intra Urbem, Duumviris extra Urbem viarum cura mandata fuerit, non satis liquet. Pomponius autem nos docet, vigente adhuc, sed tot

M. BAEBIO. M. F.

ROM. SECUNDO.

AED. . . ET I. D. II. VIR

VIOCURO EX SC. II. D. D.

Eanden *Viocuri* vocem compositam Cujacius lib. xii. Obs. c. 40. ex antiquissimo Notarum libro, qui vulgo Tironi ac Senecæ tribuitur, & in calce Inscriptionum Gruteri extat, pag. 7. produxit. Turnebus quoque lib. xxi. adv. c. 17. in vetere lexico eam reponendam esse censuit, ubi scriptum invenit *Viaculus*, ὁδῶν ἐπιμελητής: verum sicut Mercurius DEUS VIACUS vocatur, in lapide Gruteri pag. 55. n. 5. ita viaculus posset tolerari, cum rem intelligamus. Scaliger quoque ad Festum in *viator* retinet *viaculus*, & vicimagistrum interpretatur, qui & viator dictus Glossæ: *Viator* ὁδοιπότης, ἀμφοδάρχης. Frequentius hi viocuri in inscriptionibus a numero vocantur IIII. VIRI VIAR. CURAND. Aliquando dissimulato τῶ vir IIII. VIAR. CURAND. apud Gruter. pag. 423. 430. nonnunquam IIII. VIRI VIAR. omisso CURANDAR. pag. 26 n. 10 immo & IIII. VIRI ITER iteris, ut nonnulli volunt, pag. 1066. n. 7. 1078. n. 14. 1083. n. 11. nam veteres iter iteris, itiner itineris dixerunt, teste Pacuvio, Nævio, Accio & Hygino, cujus est *iteris muniendi causa*.

Aa 3

Eo-

Eodem ἀρχαίον^{us} usum esse Symmachum lib. vi. epist. 28. Juretus observavit, & Flooard. lib. xiv. carm. 18.

Aut mercede carens fert iteris solator abire.

Frequens horum Quatuorvirorum in lapidibus literatis, rarior apud scriptores rerum Romanarum fit mentio; sed illustris est Dionis Cassii locus lib. LIV. ex quo discimus, veterem fuisse consuetudinem, ut populus quotannis xxvi. viros crearet Magistratus, quorum munia deinde sorte distribuebantur. Ex his fiebant Triumviri monetales, Triumviri capitales, Quatuorviri curatores viarum in Urbe, Decemviri stlitibus judicandis, Duumviri curatores viarum extra Urbem, & Quatuorviri, qui in Campaniæ præfecturas mittebantur. Augusti vero tempore, sublati jam posterioribus hisce Duumviris & Quatuorviris xx. tantum viri ex Equitibus legebantur, cum ante xxvi. viri ex liberis Senatorum constitui solerent. Veteris illius xxvi. viratus meminit quoque Festus in præfectura, ex emendatione Cujacii lib. xi. Obs. c. 24. De xx. viratu vero ex Tacito lib. III. Annal. c. 29. Dione lib. 58. & Spartiano in vita Juliani c. 1. liquet. Electio autem Equitum inter viginti viros erat velut janua, quæ aditum ad honores patefa-

refaceret, eaque cum auctore Tacito d. l. fieri soletet quinquennio maturius, quam per leges annales Quæsturam petere liceret, hinc apparet nostros etiam Quatuorviro^s, τῶν ἐν τῷ ᾧ αἵτι οὐδὲν ἐπιμελειέμενους, *intra Urbem viarum curatores*, creatos esse è juvenibus, qui viginti annos vel ultra haberent. Ne quis ambigat, en inscriptionem ex Grutero pag. 423. n. 4. in qua alter Quatuorvirorum annos **xxi**. alter **xx**. habuisse dicitur, cum obiret:

D. M. S.

Q. JUL. CLARO. C. V. IIII. VIR
VIARUM CURANDARUM
ANN. XXI.

Q. JUL. NEPOTIANO V. C.
IIII. VIRO VIARUM CURAN
DARUM ANN. XX.

CALP. SABINA. FILIS

Duum viros autem, qui extra Urbem, forte in suburbiis & regionibus vicinis, vias curarant, Augusti tempore jam abrogatos fuisse, Dio Cassius d. l. refert, neque ulla eorum vestigia reperio, nisi quis ad illos trahere velit antiquam inscriptionem Romanam, in via Quinctia, apud Gruter. pag. 26. n. 10.

CERERI SACRUM

L. . . AP. . . PAL. ET

P. STATIUS. P. F. PAL. AURELIUS.

A a 4

II.

II. VIR. CURATORES

Q. LARONIUS. Q. F. HOR. QUADRATUS
 L. MEMMIUS. SEX. F. PAL. PETRONIANUS
 L. MEMMIUS L. F. PALAT. GALLUS
 MENSOR. ITER. HONOR. IN. CUR. FUNCT.

IIII. VIR. VIAR.

Causa, cur desierint, potuit esse varia; sive quod ob segnitiam munere non fungerentur; sive quod non sufficerent tam arduæ provinciæ; sive quod extra ordinem reperti essent, qui singulis destina- rentur viis, uti Thermus curator viæ Flaminiae laudatur apud Ciceronem lib. 1. ad Attic. ep. 1. Cæsar viæ Appiæ curator constitutus, Plutarch. ej. vit. c. 8 & ipse Augustus quo facilius Urbs undique adiretur, desumpta sibi Flaminia via, Arimino tenus munienda, reliquas triumphalibus viris ex manubiali pecunia sternendas distribuit, auctore Suetonio lib. 11. c. 30. Idem munus hoc incertum mox stabile fecit; nam *quo plures partem administrandæ reip. caperent, nova officia excogitavit: curam operum publicorum, viarum, aquarum, alvei Tiberis &c.* ejusdem Suetonii verba sunt c. 37. Miscuit is autem vera Augusti instituta cum illis, quæ ex instauratione tantum ei tribuenda sunt, ut sæpe solent Auctores; curam namque viarum dudum fuerat cognita, sed *novum*
 offi-

officium dici poterat, quia quod antea vagum, nunc perpetuum munus erat factum, & quasi magistratus illud gerentes ἀπλῶς viarum curatores dicebantur; ut statim A. U. C. DCXXXII. L. FABRICIUS. C. F. CUR. VIAR. FACIUNDUM. CURAVIT: IDEMQUE PROBAVIT, ex ponte Fabricio Romano legitur apud Gruter. pag. 160. n. 3.

De hisce Curatoribus viarum Lipsius quædam erudite disseruit in lib. III. Annal. Taciti Exc. E. sed quod Quatuorviros vias intra Urbem tantum, Curatores vero extra curasse ait, in eo me non habet adstipulantem: quamvis enim sub libera republica IV. viri intra muros hoc munus gesserint, tamen sublati Duumviris, viarum extra Urbem curatoribus, illorum partes IV. viris pro parte accrevisse, & deinceps, creatis ab Augusto Curatoribus, id discrimen haud perpetuo observatum fuisse, ex marmoribus didicisse videor, in quibus viæ rusticæ a IV. viris strætæ aut correctæ leguntur. Sic apud Gudium corp. inser. p. 52. n. 2. P. Avidius Sabinus IIII. vir viarum curand. Flaminie; & Annia & Valeria. Pag. 99. n. 1. L. Cælius Rufus V. C. IIII. vir viarum sternendarum viæ Sentimie, Ardeatinae & Laurentinae. Pag. 121. T.

Cuspius Felix 1111. *vir vie Flam. cur.*
 Pag. 125. A. Gabinius Priscus 1111. *vir*
viar. curand. Latinae, Lavicanae & no-
ve Trajanae. Denique pag. 138 n. 6.
 M. Senlius Genialis 1111. *vir viar. vie*
Cassiae & Flaminiae laudatur. Idem evin-
 cunt duæ inscriptiones Gruterianæ, in
 Urbe repertæ, pag. 199. n. 1. & 248 n.
 8. quarum prior Trajanum κατ' ἐξουσίαν Cu-
 ratorem viarum appellat. Verba ejus
 hæc sunt:

EX. AUCTORITATE

IMP. CAES. DIVI. NERVAE. FIL.
 NERVAE. TRAJANI AUG. GERMA-
 NICI. DACICI. PARTHICI. PONTIFI-
 CIS MAXIMI. TRIBUNIC. POTEST. V.
 COS. V. P. P. CURAT. VIARUM
 L. LICINIUS. C. F. CURA. IIII. VIR
 M. JULIUS. M. F. FRONTO IIII. VIR
 T. CAELIUS. Q. F. COCCEJANUS. IIII. VIR
 SEX. FLAVIUS. L. F. FALTO IIII. VIR
 CIPP. TERM.

VIAM TRAJAN. . . BRUTT.

SALENTIN. . . PUBL.

&c. &c.

Quemadmodum vero cura viarum sin-
 gularium, jam ante Augustum, summa
 dignitas fuit, quæ aut Viris Consularibus
 commissa, aut viam ad consulatum sterne-
 bat,

bat, uti C. Marci Figuli & Julii Cæsaris exemplis constat, deinde etiam ipsi Imperatores, uti Augustus & Trajanus, munus Curatoris viarum non sunt dedignati, ita eidem non è plebe viri, sed genere illustres, & gradu honoris commendati præficiébantur. Mõnuít hoc Bergierius lib. i. sect. 5. ex Statio lib. iv. sylv. 4. qui in censum honorum Victorii Marcelli, viri Prætorii, refert, quod a Domitiano factus erat curator viæ Latinæ:

*Quique tuos aliis subtexit munere fasces
Et spatia antiquæ mandat renovare Latine*

Idem lib. iv. sylv. 9. Plotium Grippum extollit, quod præfectus erat annonæ & stationibus omnium viarum:

*Te Germanicus arbitrum sequenti
Annonæ dedit: omniumque late
Præfecit stationibus viarum*

Similiter Plinius, cum Cornuto Tertullo, eodem anno. A. DCCCLII. quo Consulatu abierat, viæ Emilie cura mandata esset, vehementer lætatur, quod provincia laudis & honoris sæcunda ei contigisset, lib. v. Epist. 15. *Recesseram in municipium, cum mihi nunciatum est, Cornutum Tertullum accepisse Emilie viæ curam. Expressere non possum, quanto sim gaudio affectus, & ipsius, & meo nomi-*

ne &c. Adhærebat huic dignitati imago Magistratus, apparitores & accensi. Frontinus lib. II. de Aquæd. *Cum viarum frumentique curatores, qui quarta parte anni publico fungebantur ministerio, ut curatores aquarum, judiciis vacent privatis publicisque, apparitores & ministeria, quamvis perseveret adhuc ærarium erogare, tamen etiam Curatorum videntur defuisse inertia & segnitia, non agentium officium.* Antoninus ipsis etiam coercitionis potestatem dedit, in eos, qui in viis deliquissent, teste Capitolino in ejus vita cap. XI. *Dedit Curatoribus regionum ac viarum potestatem, ut vel punirent, vel ad Præfectum Urbi puniendos remitterent eos, qui ultra vectigalia quicquam ab aliquo exegissent.* Præterea Paulus lib. v. *sent. tit. 6. §. 2.* scribit, quod sollicitudo, ne quis via publica aliquem prohibeat, ad hosce viarum curatores pertinuit; & Venulejus denique in *l. 2. D. de cloac. novam*, ait, cloacam facere ab eo demum concedi debere, cui viarum publicarum cura sit. Maxime si quis fuerit simul *Curator viar. & cloacarum*, qualis M. Poplicius Modestus, tempore Antonini Pii, occurrat, apud Gudium Inscript. pag. 17. n. 6. Alias vero cloacæ curationi riparum & alvei Tiberis annectuntur apud Gruter. p. 381. n. 3.

Di-

Distincti a nostris erant *Curatores operum publicorum*, sed hactenus pares, quod optimi quique utrique muneri præficerentur; uti Aulus Vitellius, qui postea Imperator, Africae proconsulatu defunctus curam operum publicorum administravit Sueton. ejus vita c. 5. & Flavius Sabinus, Vespasiani frater ejusque filius operum publicorum curator audit in lapide Gruteri 2. pag. 128. Confer Phil. à Turremonum. vet. Antii pag. 106. Videntur etiam alii fuisse *Correctores viarum corruptarum*; extra ordinem dati, qualis T. Vettius Probianus V. C. *Corrector iter. viae Flaminiae & Cassiae Cimintiae vet. et Aureliae triumphal.* apud Gudium laudatur pag. 31. n. 10. Lapis Reinesii cl. 1. n. 249. meminit C. Julii Scyleros, V. C. *Procuratoris Augusti viar. cur.* quem is explicat collegam Curatoribus datum, & proxime curam gesturum; at quid vetat, quo minus ipsum ex Claudii mandato gessisse dicamus? Idem rursus curæ fuit M. Hypsæo, qui apud Gruter. pag. 374. n. 5. PROC. AUG. VIAE OST. ET CAMP. appellatur, non quod prædia & villas Augusti, in viis istis sitas, simul administravit. Aliter P. Plautius Pulcher dicitur Curator viarum sternendarum, a vicinis lectus, ex auctoritate Tiberii Claudii Augusti,

gusti, apud eundem pag. 452. n. 5.

Nostri vero Curatores plerumque in monumentis priscis generaliter CUR. VIAR. vel ἐπιμεληται τῶν ὁδῶν dicuntur, ut C. Gigantius Jocondus, V. C. CURAT. VIAR. apud Gudium pag. 126. n. 3. aliquando viæ singularis CUR. VIAE. LATINAE Gruter. p. 354. n. 5. & Cajus Julius Severus ἐπιμελητὴς ὁδῶν Ἀππίας, apud Montfaucon. Palæogr. lib. 11. pag. 159. quandoque duarum vel plurium; ut C. Ofenius V. C. *curator. viæ Latinæ & triumphal.* Gud. pag. 133. M. Isacius Fufficianus *bis cur. viar. Aureliae. Triumphal. Claudiae & Cassiae Ciminiae* Gud. pag. 127. denique C. Oppius *Cur. viar. Clodiae, Anniae, Cassiae, Ciminiae & trium Trajanarum* laudatur in 4. Gruter. pag. 466. Horum quoque & ceterorum nomina in viis aliquando legebantur, si vel novam fecissent, aut veterem sua impensa refecissent; nam alias ambitiosum id in privatis habebatur, & *indomitam*, ut Horatius vocat, *subscribendi licentiam* Theodosius in l. 31. C. *Th. de op. publ.* restrinxit. Major honos erat, si via ab Auctore & Curatore suo nomen ferret, ut Pompeja, Quinctia, Domitia &c. de quibus accipi debet Siculus Flaccus de condit. agror. pag. 9. *Viarum*, ait, *non omnium*

mnium una eademque est conditio: nam sunt viae publicae regales, quae publice muniuntur & auctorum nomina obtinent: nam & curatores accipiunt, & per redemptores muniuntur.

Redemptores illi erant architecti, mechanici & opifices, qui vias & pontes certa æris summa faciundos a Curatoribus conducebant, nam antiquitus emere pro accipere ponebatur, & *redemptores operum*, qui opera facienda conduxerunt, crebro apud veteres occurrunt. Alias *mancipes* dicuntur, quod manu digitove sublato ostendebant, se opus illud conducere, auctore Festo, quem Hotmanus lib. xi. Obs. c. 10. illustrat. Hos inter referendus est Cn. Cornelius Musæus MANCEPS. VIAE. APPIAE apud Gruter pag. 622. 2. Eosdem mulctavit Cn. Domitius Corbulo Senator, quod pecuniam acceptam viarum refectioni non impendissent. Tacitus lib. 111. Annal. 31. *Corbulo plurima per Italiam itinera fraude mancipum & incuria magistratuum interrupta & impervia clamitando executionem ejus negotii libens suscepit: quod baud perinde publice usui habitum, quam exitiosum multis, quorum in pecuniam atque famam damnationibus & basta sæviebat.* Dio Cassius eandem miseriam plenius enarrans

rans lib. 59. Magistratus illos *Curatores viarum* explicat, de quorum segnitia, in munere non agendo, Frontini quoque querelam vidimus.

C A P U T V I.

DE AUGUSTO, TUTORE VIARUM MAXIMO.

Via publica titulis Romanorum Principum dedicata, quorum impendiis vel auspiciis munitæ erant. L. 4. C. de privil. dom. Aug. ex Sidonio illustrata. Bergierius & Henninius laudantur. Augusto in viis muniendis prævit Julius Cæsar; sed ipse viarum per Italiam & provincias maximus curator. Arcus triumphales eam ob rem in ejus honorem positi, nummi publice cusi, & lapides milliares inscripti. Milliarium aureum in capite fori Romani ab ipso statutum, in quo omnes Italiae viæ militares defierunt. Num ab eodem initium dimensionis lapidum, an vero a portis, an a continentibus ædificiis, dissentiunt Eruditi, qui conciliantur. L. 154. D. de V. S. explicatur. Milium Constantinopolitanum a Romano diversum. Cursum publici ab Augusto instituti stationes, in mutationes & mansiones divisæ.
Quid

Quid sit cursus vehicularis & angaria in l. 18. §. 4. D. mun. & bon. quid diploma in l. 137. §. 2. D. de V. O. Viæ publicæ, a Vespasiano, Trajano aliisque Imp. aut factæ aut resectæ, per indicem monstrata.

INter publicæ magnitudinis opera, à quibus vel instructis vel instauratis Principes Romani titulos quæsiuerunt, vias publicas haud postremum sibi locum vindicare, aperte liquet ex Theodosii junioris constitutione, in l. 6. C. Tb. de itin. mun. & l. 4. C. de priv. dom. Aug. ubi instructio viæ publicæ, & pontium stratarumque opera, titulis magnorum Principum dedicata dicuntur. Patuit hoc olim ex innumeris lapidibus seu columnis, quæ in viis Italiæ & Provinciarum millia passuum notabant; quarum nonnullæ solos milliarium numeros, pleræque vero simul titulos & nomina Principum inscripta habebant, per quos, vel quorum ævo & auspiciis viæ factæ, resectæ & in pristinum statum restitutæ fuissent. Sidonius Apollinaris, in Propemptico ad libellum, carm. 24.

*Egressus foribus meis, libelle,
Hanc servare viam, precor, memento,
Quæ nostros bene ducit ad sodales,*

Bb

Quo-

*Quorum nomina sedulus notavi.
Antiquus tibi nec teratur agger,
Cujus per spatium satis vetustis
Nomen Cæsarum viret columnis.*

Nos quoque ex columnis milliariis, Annalibus & nummaria suppellectile, quantum satis est, discimus, Imperatores, à Julio Cæsare ad Constantinum fere omnes, admirabili liberalitate vias munivisse, quoque magis ob æquitatem & pietatem celebrati, eo majorem in iis operam posuisse; aliis ex vivo montium saxo excisis, aliis pavimento consolidatis, aliis glareæ exaggeratis, aliis rursus immensa profusione exornatis, & ponte conjunctis. Opus hoc non unius fuit, sed plurium Principum, immo totius pæne orbis provinciarum, adeo ut Surita in præf. ad Antonini Itiner. haud sciat, an non de humanis operibus & mundi miraculis hoc longe maximum fuerit, ab Ortum ad Occasum regionum itinera complanata, strata & infinitis milliarium intervallis dimensa habuisse, ut membra provinciarum late diffusa cum capite conjungerentur. Quominus autem plura ea de re hic dicamus, fecit Nicolaus Bergierius, in præclaro illo opere, de publicis & militaribus imperii Romani viis, ubi lib. I. sect. 15. ad 20. Principes omnes, qui suis impendiis
vias

vias publicas curarunt, tanta eruditionis copia recensuit, quæque deerant clariss. ejus interpretes. Henninius in notis tanta diligentia supplevit, ut in hac antiquitatis parte & aliorum & meæ diligentia posuerint metam. Ne vero asymboli videamur, de Augusto, Principum primo & optimo, tantum selectiora quædam in medium proferemus.

Præiverat huic Julius Cæsar Dictator, quem ut patrem in plerisque sibi imitandum proposuit: is vero uti nihil eorum omittebat, quæ ad ampliandum imperium tuendumque Reip. commodum facerent, ita inter alia magnificentia opera, non modo siccare Pomptinas paludes, & viam munire a mari supero per Apennini dorsum, ad Tiberim usque destinavit, auctore Suetonio c. 44. sed etiam viæ Appiæ curator constitutus, magnam de suo pecuniâ ei impendit, eaque ex re majorem sibi populi favorem conciliavit, ut certatim novos honores quærerent, quibus delatis ei grates debitaæ agerentur, ut scribit Plutarch. ej. vita c. 8. De eodem exstat lapis apud Gruter. pag. 149. n. 1.

C. JULIUS CAESAR. VIAM. INVIAM.
SOLERT. S. ET. IMPENDIO. ROTAB.
REDD.

Bb 2

Mul-

Multis autem post se *parafangis* eum reliquit *Augustus*; nam quo *facilius* undique *Urbs* adiretur, primum defuncta sibi ultro *Flaminia* via, *Arimino* tenus munienda, reliquas triumphalibus viris ex *manubiali* pecunia sternendas distribuit, teste *Suetonio* lib. 11. c. 30. *Dio Cassius* lib. 53. addit, hanc rem adeo gratam fuisse *Senatui* populoque *Romano*, ut duos arcus triumphales, alterum in ponte *Tiberino*, alterum *Arimini*, in iisque iustæ magnitudinis statuam ei poni curaverit. Vide *Fabrett.* de aquæd. diff. 1. Extant & nummi eam in rem culi apud *Augustinum*, *Erizzum* & *Spanhemium*, in quorum aliis averfa facie legitur: QUOD VIAE MUN. SUNT: in aliis vero columpæ milliaræ cernuntur, his verbis inscriptæ: S. P. Q. R. IMP. CAES. QUOD. V. M. S. EX. EA. P. Q. J. S. AD. A. D. E. *Quod viæ munitæ sunt, ex ea pecunia, quæ iussu Senatus ad ærarium delata est.* Idem quoque, pace terra marique parta & *Iano* clauso, præcipuus auctor viarum *militarium* fuit per provincias, ut dignitas imperii ibi eluceret. In *Hispania* VIAM. SUPERIORUM. COSS. TEMPORE. INCHO. ET. MULTIS. LOCIS. INTERMISSAM. PRO. DIGNITATE. IMPERII. LATI-OREM.

OREM. LONGIOREMQUE. GADEIS. USQUE. PERDUXIT, verba sunt inscriptionis Emeritæ repertæ apud Gruter. pag. 149. n. 4. Aliud ejusdem opus viarium in eadem provincia laudatur apud Gruterum pag. 153. 1. Aliud cum elogio PATRIS PATRIAE in via Aurelia Galliæ, invenies apud Bergier. pag. 510. De pontibus, magna viarum parte, ab eo structis marmor Gruteri pag. 160. n. 2. & Procop. lib. 1. de bello Goth. testantur. Qua diligentia denique in Alpibus vias struxerit, rupibus quantum id fieri licuit excisis, easque latronum excidio purgaverit apud Strabon. lib. IV. pag. 204. videre licebit.

Nobis duo inprimis instituta ejus viae memoratu digna, & Themidis cultoribus scitu necessaria esse videntur, nimirum Columna aurata in foro polita, & Cursus publicus. Prior vulgo *milliarium aureum*, Tacito l. Hist. c. 27. & Sueton. Othon. c. 6. vel *milliarium Urbis* l. 154. de V. S. Plutarcho χερσοῦς κίον vocatur. Auctorem ejus Augustum laudat aperte Dio Cassius lib. 54. Αὐτὸς τε προσέτις τῇ αἰετῇ τὴν Ρώμην ὁδὸν αἰετῆς, καὶ τὸν χερσοῦν μίλιον κεκαμημένον ἔθηκε. Ipse viarum, quæ sunt circa Romam, Curator constitutus *milliarium aureum*, quod vocatur, fecit. Locum,

ubi posita fuerit, signavit Plinius lib. III. Hist. nat. c. 5. de ambitu Urbis, ex emendatione Lipsii lib. III. de Magn. Rom. c. 2. & Fabretti: *Ejusdem spatii mensura, currente à Milliario in capite Fori Romani flatuto, ad singulas portas, quæ sunt hodie numero xxiv. ita ut xii. portæ semel numerentur, prætereantur ex veteribus vii. quæ esse desierunt, efficit passuum per directum clo. clo. clo. lccc. lxxv. Ad extremâ vero tectorum, cum Castris Prætoriiis, ab eodem Milliario, per Vicos omnium viarum mensura colligit paullo amplius vii. M. P.* Figuram ejus depingi, & Vespasianum, Nervam ac Hadrianum refectores laudari apud Gruter. corp. inscript. pag. 154 n. 4. credidit Miffon Itin. Ital. p. 1. ep. 38. Verum hoc æque dubium est, quam quo pacto accipi debeat, quod de usu illius columnæ scribit Plutarch. in Galba. c. 31. Ἐβάδιζεν εἰς ἀγορὰν, ἣ χευσθεῖς εἰσῆκει κίων, εἰς ὃν αἱ τετρακμήναι τῆς Ἰταλίας ὁδοὶ πάσαι τελευτῶσιν, *Progressus in forum, ubi aurca columna est posita, in quam viæ militares Italiæ desinunt.*

Plerique Antiquarii ex hoc loco colligunt, miliarios lapides, in viis Italiæ, a columna ista numeros suos inchoasse; idque ipsam *milliarii* vocem indicare, nec alium scopum Augusti fingi posse, quam
ut

ut in foro esset principium & meta omnium itinerum, utque viæ militares ab eo numerarentur. Ita sentiunt viri maximi Anton. Augustinus lib. iv. Emend. c. 7. Baron. in Martyrol. ad xi. Aug. Salmas. ad Solin. pag. 642. Turneb. lib. v. Advers. cap. 1. alique minorum gentium scriptores. Lucas autem Holstenius primus in alia abiit, in dissertatiuncula, *de Milliario aureo*, quæ tum post notas ejus in Stephanum Byzantinum, tum in Grævii Thef. Antiq. tom. iv. pag. 1805. reperitur. Movet ipsum partim usus loquendi vulgaris, quo primum milliare, non a medio foro, sed ab Urbe, id est a portis Urbis numeratur: partim lapis milliari primus in via Appia extra Urbem reperi- tus, qui intra Urbem amplissimam politus esse & inveniri debuisset, si a milliario aureo passus mille metiaris. Calculum Holstenio adjecit Fabrettus de aquæduct. diss. III. n. 243. sed nullo argumento allato probationem in alium locum rejecit. Jurisconsulti vero passim provocant ad Æmilii Macri l 154. *D. de V. S. Mille passus, non à milliario urbis, sed à continen- tibus ædificiis numerandi sunt.*

Simeam sententiam quæris, nullum qui- dem hætenus vidi Auctorem, quo proba- retur, numerum lapidum a Milliario au-

reo cepisse. Solus etiam Plutarchus ait, omnes Italiæ vias in columnam illam dedisse; aliud vero est finire, aliud inchoari, & ab utroque rursus differt numerari. Nihilominus, ob rationes supra allatas, prior sum in eorum sententiam, qui ajunt, si de longitudine itineris quærat, miliaria vulgo numerata fuisse a milliariorum Urbis, & ad milliarium Urbis. Quod autem Macer ait, ea à continentibus ædificiis numerari, id forsan singulare fuit in lege Julia vicesimaria, quam in d. l. 154. explicavit. Illa autem ratione caducorum cavebat, ut testamenta post mortem testatoris à præsentibus intra triduum, ab absentibus vero intra quinque dies aperirentur, cum supervenerint, auctore Paulo, *lib. iv. Sent. tit. 6. §. 3.* His ergo viginti millia passuum data in dies singulos, sicut alius in *l. 2. §. 3. D. Quis ordo & l. 3. de V. S.* eosque passus à continentibus ædificiis numerari placuit, si alicui heredum Romæ in municipium proficiscendum fuerit, ne tam necessario vetigali mora fieret, ut ait Paul. d. l. Forte etiam alio fini mille passus in lege dicebantur, de quibus numerandis dubitatum; vel in ea Romæ vox fuit, quæ continentibus ædificiis finitur, *l. 2. pr. l. 87. D. de V. S.* vel denique Macer de eo, qui intra

intra continentia, sed non multis passuum millibus a loco, ubi testamentum aperiretur, fuerat, disputasse videtur. Optimum est quod eligas. Ego autem ista magis verisimilia putem, quam si, cum aliis, in *d. l. 154. mille passus non à muro Urbis*; vel cum Gothofredo verbis transpositis: *mille passus non à continentibus ædificiis, sed a milliario Urbis numerandi sunt*, legamus.

Diversa quæstio est, an lapides Italiæ milliares a Milliario aureo numeros suos duxerint, an a portis Urbis, an vero a continentibus ædificiis? Media sententia mihi probabilior videtur. Et primo quia Gracchus notas numerales columnis inscripserat dudum; has vero ab Augusto mutatas nondum legimus, & vix est, ut eæ sine confusionis metu mutari potuerint. Deinde altum apud veteres est silentium de lapidibus milliariis intra Urbem positis; hæc autem, Plinio teste, tam spatiosa fuit, ut lapis primus, secundus, & tertius, ad singulas portas ducens, positus esse debuerit intra mœnia. Cum illo mihi velim quis conciliet quod Paulus in *l. 42. D. de excus. tut.* centesimum *ab Urbe* milliarium, & Aurelius Victor in Epitome *ex Urbe*, dixerunt. Item quod Sueton. Aug. c. 94. nemus ad

quartum lapidem viæ Campanæ, & alibi in Claud. c. 23. relegationem intra lapidem tertium ab Urbe memoravit. Juvenalis sat. vi. vs. 277. *Horam a superstitionis ex libro sumtam ait, Ad primum lapidem vestari cum placet.* Si tu reponis, quartum extra Urbis muros lapidem primum vocari; quid faciemus Festo, qui *Initium*, ait esse, *quo quid incipiat, ut viæ Appiæ, Porta Capena?* certissimo indicio partem viæ Appiæ, quæ intra Urbem erat, non pro via publica, intervallis dimensa, sed platea habitam; idque multo magis de viis, quæ ab ipsis portis incipiebant, dicendum erit. Jam si addas suburbia ab eodem milliario aureo per vicos omnium viarum porrecta ad septem millia passuum, ut supra ex Plinio audivimus, ubi sodes inter ædificia contigua collocabis hortos, qui *inter lapidem secundum & tertium, irrigantur infra viam Ardeatinam & Asinariam?* ut scribit Festus in *Retricibus*. Denique instar omnium sit Martialis lib. vii. Ep. 30. ad Regulum:

*Quicquid villicus Umber, aut colonus,
Aut Tusci tibi Tusculive mittunt,
Aut rus marmore tertio notatum.*

Antequam ab aureo nostro milliario discedamus, illud non prætereundum est, in nova Roma, ad ejus exemplum, Μίλιον
fuisse

fuisse, in medio foro, ædi Sophianæ proximum, sed structura & amplitudine a Romano longe diversum: neque enim nuda erat columna lapidea, cum globo aureo, sed ædificium editius, fornicibus constans, statuis aliisque ornamentis decoratum. Gyllius, in Constant. topogr. l. II. cap. 23. *μικρον* dictum putat atrium amplissimum; quod *Augusteum* vocabant: sed magis est, ut vicina videantur, quia in Descriptione Urbis Constantinop. Regio quarta continere dicitur *Milliarium aureum, Augusteum, Basilicam &c.* Minime Carolus du Frene, in Constantinop. Christiana lib. I. cap. 24. dubitat, ab eo vias militares & itinera numerata esse; nec fidem habet Hesychio & Codino, qui, ante instauratum a Constantino Byzantium, illius meminere. Sane multa Constantinopoli, ad imitationem veteris Romæ, ab illo instituta fuisse, vel inde patet, quod urbem in quatuordecim *κλίματα*, regiones, has autem in vicōs divisit trecentos viginti duos; singulis quoque regionibus unum curatorem, *εργωνάρχην* Codino dictum, & quinque ferme *ἀμφοδάρχας*, id est vicomagistros præfecit, quibus per noctem tuendæ urbis cura mandata, uti laudata Descriptio ostendit. Meminit illarum Regionum l. 22. C. Th. de div. off. & Nov.

Nov. 43. c. 1. Milii vero Codinus, Nicetas, & alii apud du Frene d. l. Vereor autem, ut originem *Piliorum* hodiernorum, quæ mediis in foris erigi solent, à *Pilis aureis*, ad similitudinem milliarii Romani confectis, recte repetierit: nonne enim sufficit vox pilæ vel piluræ, ad quam alligati rei plebis ludibrio exponuntur? Sed de his viderint, quibus otium est.

Nos ad alterum Augusti viarium institutum properamus, de quo ita Suetonius in ejus vita c. 49. *Quo celerius ac sub manum annunciari cognoscique posset, quid in provincia quaque gereretur, juvenes primo modicis intervallis per militares vias, dehinc vehicula disposuit.* Credebat scilicet prudentissimus Princeps, provincias cunctas facilius tranquille gubernari posse, si quid in singulis gereretur celerrime cognosceret; ideoque ut Persæ olim, Cyro auctore, angaris & astandis, Græci hemerodromis usi, ipse primum juvenes expeditos, dehinc vehicula per vias publicas disposuit, ex quibus Hadriani tempore cursus fiscalis enatus est, teste Spartiano in ejus vita c. 7. Huic fini viæ militares divisæ erant in Stationes, quarum aliæ *Mansiones*, aliæ *Mutationes* dicebantur. Illæ hospitia ampla manendi &

& quiescendi causa praebebant, in his vero veredibus, iumenta & vehicula mutabant peregrinantes, uti ex titulis utriusque Codicis *de cursu publico*, nec non ex Itinerario Burdegalensi discimus, & Guido Pancirolus, in Not. Imp. Spanhemius de Praest. & usu num. diff. xiiii. Lipsius cent. iii. ep. 59. Cuperus lib. iv. Obs. 2. Idem ad Lactant. de mort. persec. cap. 45. toto argumento exhausto, pluribus explicarunt. Multae vero leges ex his lucem mutantur, v. c. quod Arcadius Charisius in l. 18. §. 4. D. de mun. & bon. ait: *Cursus vehicularis sollicitudo, item angariarum praebitio personale munus est*: praepositi quippe mansionum & angariarum sola animi provisione, & laboris intentione, sine aliquo patrimonii detrimento cursum publicum curabant: vehiculorum autem subvectio & angariarum praestatio fuit patrimoniorum munus, possessionibus indictum, d. l. 18. §. 21. l. 10. §. 2. l. 11. D. de vac. & excus. Angariae illae ab angaris, seu cursoribus Persarum dictae, qui ad praestandos sibi equos, vi compellere poterant; unde *ἀγγαρεύω* compello, Matth. xxvii. vs. 32. & *angariare naves* l. 4. §. 1. D. de veteran. Paullin. Epist. 37. *Jumentum angariavit in vias duras.*

Ad rem cursualem quoque pertinent dis-

plo-

plomata, quibus licentia dabatur magistratibus cursus publici usurpandi. De his Venulejus scribit in *l. 137. §. 2. D. de V. O.* eum, qui Ephesi daturum se spondit, *neque diplomate, diebus ac noctibus, & omni tempestate contemta, iter continuare cogi, neque tam delicate progredi debere, ut reprehensione dignus appareat.* Nemini autem, quacunque conspicuus fuerit dignitate, pro sua voluntate, cursu publico uti licuit, sed opus erat codicillis, duplicata charta scriptis, sive literis publicis, a Principe, Præfecto prætorio, vel aliquando a rectoribus provinciarum obtentis, quas etiam *evectiones* vocabant, ut quævis cursui necessaria præstentur, *l. 27. §. 2. D. de leg. Corn. de fals. l. 8. C. Tb. de curs. publ.* Plin. lib. x. ep. 14. *festinationem tabellarii diplomate adjuvi.* Capitolin. in Pertin. c. 1. *quod sine diplomatibus cursum usurpaverat pedibus iter facere coactus est.* V. Bergier. lib. iv. sect. 15. ibique Hennin. in notis.

Satis, nisi fallor, ex his speciminibus constat, quantus viarum curator fuerit Augustus, & si cui ea non sufficiant, is duo monumenta, ob vias munitas addere poterit, à Reinesio ipsi vindicata, epist. 48. pag. 442. Nunc in proclivi foret ostendere, quam gnaviter boni quique

Prin-

Principes ejus vestigia presserint, suæque magnificentiae argumenta per orbem terrarum stupendis sumptibus propagari studuerint, nisi inutilis & nimiae diligentiae id esse videretur. Nec tamen silebo, quod Tiberius Claudius Cæsar Augustus, CENSOR. VIAM CLAUDIAM. VALER. A. CERFENNIA. OSTIA ATER. MUNIVIT. IDEMQUE. PONTES. FECIT. XLIII. apud Reinesium cl. III. n. 80. eodem nempe modo, quo supra pag. 340. Vespasianum vidimus, qua Censorem, vias munivisse. De hoc Aurelius Victor ej. vita *Per omnes terras, qua jus Romanum est, viae operibus maximis munitæ, & cavati montes per Flaminiam prono transgressu.* De optimo Trajano præter nummum, effigie jacentis mulieris, cum rota, arundine & inscriptione VIA TRAJANA, satis obvium, adest egregius lapis Gruteri pag. 446. n. 4. Auximi descriptus, in quo curator quidam viarum, TRIUM TRAJANARUM laudatur. Adde his Principi æqualem & testem oculatum Galenum, Method. med. ix. 8. *Vias, inquit, Trajanus refecit, quæ quidem earum humidae aut lutosæ partes erant, lapidibus sternens, aut editis aggestionibus exaltans, quæ senticosæ & asperæ erant, eas expurgans; ac flumina, quæ transiri non possent, pontibus*

*tibus jungens; ubi longior, quam opus erat, via videbatur, aliam breviorē exscindens; sicubi vero propter arduum collem difficilis erat, per mitiora loca deflebens; jam si obfessa feris, vel deserta erat, ab illa transferens, ac per habitata ducens, tum asperas complanans. De ceteris Imperatoribus, Hadriano v. gr. Antonino Pio, Severo & Caracalla crebræ loquuntur marmorum inscriptiones, apud Gruterum pag. 156. 163. Sponium Miscell. p. 270. Reines. lib. 111. Var. lect. c. 16. & Fleetwoodum Syll. inscr. pag. 105. ubi duo Imp. littus, adsiduis maris adluentibus fluctibus ad labem ruinæ labefactatum, aggeribus marini operis in fundamentis extruxisse leguntur, ut *commeantibus in via Severiana periculum abesset*. Pulchra item est inscriptio Gudiana pag. 71. n. 1. in qua Imp. Antoninus Pius bono reip. natus dicitur, *quod viam ante hac lapideam, utiliter stratam & corruptam, filice novo, quo firmior commeantibus esset, per milliaria sum. XXI. sua pecunia fecit*. De M. Aurelio Philosopho Capitolinus in ej. vit. c. 4. *vias Urbis atque itinerum diligentissime curavit*.*

CAPUT VII.

DE PRAESIDUM CURA VIARUM
IN PROVINCIIS.

*Præsides & Proconsules, per omnem pæ-
ne terrarum orbem, vias muniverunt
& signarunt; per Syriam, Gallias,
Lusitaniam & Britanniam; cujus qua-
tuor viae regiae, à Romanis constructae.
Curatores viarum extra ordinem a Pro-
consulibus constituti. L. 7. §. 1. D. de
off. Procons. illustratur. Viae provincia-
les malis hominibus purgatae. Cursus
publici cura Praesidibus mandata, ab
Anatolio restituta. Stratores & præ-
cursores Regum atque illustrium. Jo-
hannes Baptista Christi metator, ad
Esa. 40. vs. 3. Mal. 111. vs. 1. Cur-
nemo Proconsulum stratores suos habere
potuerit? l. 4. §. 1. D. de off. Procons.
male a Goveano correctæ, nec felicius a
Ravardo & Reinesio explicata. Vera
ejus sententia. Statores Proconsulum a
stândo, ministrando. Militum ministe-
ria sunt apparitorum. Ingressus Prae-
sidum in provincias solennis, ubi ingre-
di moris erat L. 4. §. 5. l. 5. D. de
off. Procons. illustratur.*

Præsidis nomen generale est, eo-
 que & Proconsules, & Legatos
 Cæsaris, & omnes, qui provin-
 cias regunt, complectimur, præeun-
 te Macro in *l. 1. D. de off. Præs.* Hi
 vero majus imperium habentes, de omni-
 bus causis, de quibus Romani magistratus,
 cognoscebant, nec quicquam erat in pro-
 vincia, quod non per ipsos expediretur
l. 7. §. 2. l. 8. l. 9. D. de off. Proc. l. 10.
11. 12. D. de off. Præs. Viis ergo sternen-
 dis, aperiendis, signandis & everfis resti-
 tuendis incumbendum eis fuit inprimis,
 tum ut exercitus Romani commodius per
 provincias ducerentur, tum ut majore ce-
 leritate Roma & Romam nunciari possent
 omnia, tum denique ut ipsi cum comita-
 tu suo facilius provinciarum urbes obi-
 rent, & in conventibus publicas contro-
 versias, hiberno maxime tempore, ab ar-
 mis otiosi cognoscerent. Sane rudis sit,
 qui intra Italiæ fines, qua Urbs adibatur,
 stetisse putet viarum magnificentiam; ab
 ortu enim ad occasum regionum itinera
 strata & lapidibus milliaribus dimensa fue-
 runt. *Romani vias per omnem pene or-
 bem disposuerunt, propter rectitudinem iti-
 nerum, & ne plebs esset otiosa,* ait Isidor.
lib. xiiii. Orig. c. 16.

Stante republica jam duo illustria via-
 rum

rum militarium, per Galliam Aquitanicam
 atque Macedoniam stratarum & signata-
 rum exempla dedimus supra pag. 362.
 His accedat, quod Cicero Fontejum, Gal-
 liae Praetorem, Legatis suis viarum muni-
 tiones mandasse refert orat. pro Fonte-
 j. cap. 4. *Cum majoribus negotiis M. Fonte-
 jus impediretur, & cum ad Remp. perti-
 neret viam Domitiam munire, Legatis
 suis, primariis viris, C. Annio Bellieno &
 C. Fontejo negotium dedit. Itaque prae-
 fuerunt, imperaverunt pro dignitate sua,
 quod visum est, & probaverunt.* Majore
 vero diligentia paullo post Agrippa, Au-
 gusti gener, Gallias quaquaversum viis or-
 navit, & quatuor maxime, & longitudine
 & operis difficultate spectabiles, Lugduno
 duxit, auctore Strabone lib. III. pag. 208.
 Idem studium fuit Q. Venidii Rufi, Le-
 gati Augustorum Severi & Antonini, ac
 praesidis Phoeniciae; uti ex columna milli-
 aria discimus, quae passibus circiter quin-
 gentis extra Sidonem adhuc exstat, in
 via, qua Tyrum itur, quamque Nicol.
 Poiressonus vidit & exscripsit apud Spo-
 nium pag. 270. & Gudium pag. 69. n. 1.
VIAS. ET MILLIARIA. PER. Q. VE-
NIDIUM RUFUM. LEG. AUG. PR.
PR. PRAESIDEM PROVINC. SYRIAE.
PHOENIC. RENOV. Similiter Imp.

Julius Verus Maximinus, & Jul. Verus Maximinus Cæsar, in Lusitania, hanc in rem opera Q. Trajani Decii, Legati, viri illustris, & ejusdem forte, qui post Philippos imperavit, usi dicuntur in lapide Gruteri pag. 151. n. 5. VIAS. ET. PONTES. TEMPORE. VETUSTATIS. COLLAPSOS. RESTITUERUNT. CURANTE. Q. DECIO. LEG. AUG. PRÆF. PRÆT. A. BRACCARA. AUG. M. P. Ad hanc quoque classem pertinet mutilum marmor Arelatense apud eundem pag. 159. n. 8. in viri cujusdam illustris auxiliaris Præf. prætorio Galliarum memoriam positum, quod DE ARELATE. MA. . . MILIARIA. PONI. S. M. P. I. id est de Arelate, Sextanorum oppido, ad Maritimam usque coloniam, miliarios lapides poni sua pecunia curavit, uti vir præclarus, Thomas Reinesius, repudiata Scaligeri sententia, qui lib. 2. Aufon. lect. c. 30. Arelatem *māmiliariam* dictam fuisse ex eo conjecerat, bene explicavit lib. III. var. lect. c. 16. Britannia denique, teste Cambdeno, in ejus descriptione pag. m. 37. vias admirando opere, per omnem regionem, alicubi desiccatis paludibus, alibi aggeratis vallibus, a Romanis munitas & constratas accepit, ea latitudine, ut occurrentia sibi invicem vehicula.

hicula libere exciperent. Vulgus quatuor tantum hujusmodi vias esse voluit, *Wallingstreat*, *Ikenildstreat*, *Fosse & Erminstreat*; sed illæ præcipuæ fuere. *Cheminios regales* vocat Edwardus Confessor in LL. cap. 12. 13. quorum *duo in longitudinem regni*, *alii duo in latitudinem distenduntur*.

Viarum ergo regiarum cura ad Rectores provinciarum pertinuit, quibus & stationes navium, portus, litora, turres & castella in limitibus, omnesque provinciarum abscessus, in utroque Codice crebro, sed maxime in titulis *C. de itin. mun.* & *de litorum & itinerum custodia* commendantur. Ulpianus etiam inter officia Proconsulis retulit, ut si in celebrem civitatem vel provinciæ caput adveniret, opera publica circumeat, inspicendi gratia, an facta tectaue sint, & si qua cœpta sunt, curet, ut consummentur, prout vires ejus Reip. permittunt; *curatoresque operum diligentes* solenniter præponat, l. 7. §. 1. *D. de off. Procons.* Tales sunt, a quibus Javolenus, in l. 12. *D. de muner.* munitionem *viarum* quandoque extra ordinem exigere ad tempus, ait; quosque Charisius in l. 18. §. 7. *D. eod.* dicit *ad faciendas vias eligi solere*. Congruit item bono & gravi Præsidi, ut pacata &

quieta provincia fit, id quod non difficile obtinebat, si latrones, plagarios & grassatores, viatoribus insidiantes, sollicitè conquereret, eorumque receptores coëreeret: nam & in mandatis Principum erat, ut curet is, qui provincie præest, malis hominibus provinciam purgari, l. 3. §. l. 13. D. de off. Præs. Iisdem cursus publici inspectio mandata fuit, qui ad publicas necessitates expediendas in civitatibus & stationibus non poterat velox esse sine viis publicis recte munitis. l. 4. l. 15. C. Th. de curs. publ. l. 7. C. Th. de div. off. Capitolin. in Pertin. c. 1. & Symmachus lib. II. ep. 27. Graviter Aurelius Victor in Trajano: Noscendis ocius, quæ ubique è Republica gerebantur, admodum media publici cursus: quod equidem munus satis utile, in pestem orbis Romani vertit posteriorum avaritia, insolentiaque, nisi quod his annis (sub Constantio) suffecte vires Illyrico sint, Præsecto medente Anatolio. Boni malique in Republ. nihil est, quod in diversum traduci nequeat moribus præsentium.

Cum vero Proconsules magno comitatu & pompa in provincias proficisci solerent, mirum videri posset, qua ratione Ulpianus in l. 4. §. 1. D. de off. procons. scribat: Nemo proconsulum striatores suos habere potest,

test, sed vice eorum milites ministerio in provinciis funguntur. Sensus legis eruendus erit ex significatione vocis *stratoris*, qui varius fuit. Et primum quidem vix hoc loco intelligi possunt, qui Proconsulem sustollunt inequum, de quibus late supra egimus pag. 367. nulla enim hujus rei prohibendæ ratio esse potuit, cum cuivis etiam privato eorum copia patuerit. Probabilius alii cogitant de viarum stratoribus, qui totum iter disponunt. Notum enim est, quoties reges, aut eorum vicarii iter faciunt, præmitti qui hiantia solident, exstantia complanent, & per devia compendium faciant, ne quid itineri obstat aut moram faciat; Xenophon ἰδοπαῖς appellavit. Sic Malach. III. vs. 1. *En ego præmitto angelum meum, qui parabit viam antefaciem meam.* Et Joannes Baptista idcirco Servatoris nostri Strator, præcurfor et metator à Petro Chrysologo ferm. 125. vocatur, quia ipse viam Domino stravit sternique mandavit, secundum vaticinium Esaiæ xl. vs. 3. 4. juncto Matth. III. vs. 3. Sponius quoque Miscell. pag. 233. Diomedem stratorem viæ Appiæ ex marmore nobis sistit, Cupero non refragante, ad Lactant de mort. pers. c. 5. Videntur præterea stratores in officio Præfectorum Prætorio, Proconsulum et Præsidum re-

vêra fuisse, secundum *l. ult. D. de jure immun.* & *l. 1. C. de off. Præs. prat. Afr.* In actis etiam Cypriani *Galerii Maximi Proconsulis strator*, sicut in inscriptione Tarraconensi apud Gruter. pag. 389. n. 2. Silius *Hofpes T. Claudii Candidi, optimi Præsidis strator* vocatur. Dici ergo posset, mentem Ulpiani esse, neminem Proconsulum propriis viarum stratoribus uti posse, cum milites in promptu sint, qui eo officio fungantur: nam pars prior hujus capituli iter ab Urbē in provinciam describit; quoniam in præcedente *pr.* vetantur metatis in transitu onerare provinciam, per quam transeunt, & in sequente *S. 4.* edictum de adventu suo, mittere jubentur: postea demum officium eorum, ubi provinciam libi destinatam ingressi sunt, exponitur.

In alia autem omnia abiit Goveanus lib. I. var. c. 42. legendo *statores servos*, pro *stratores suos*; quia servi admitti non debeant ad publicum ministerium, quale est apparitorum Proconsulis, qui ad coercendos & carceri mancipandos delinquentes ipsi præsto erant & famulabantur. Nam *stare* est verbum ejus rei, uti Scaliger in Priapeja ex Manilio docuit pag. 200. Ita *statores, milites & municipalia ministeria* jungit *l. 10. D. ex quib. caus. maj.* Cicero
Pro-

Proconsul & Imperator Statores suos cur literis ad Caelium Prætozem mittit, lib. xi. ep. 29. STATOR PRÆTORIS apud Grut. pag. 1031. n. 3. & STATOR PRÆTORIANORUM in 8. pag. 546. memorantur. Verum Goveano non potuit adfentiri Cujacius lib. xi. Obs. c. 1. quia Ulpianus *stratores suos*, id est domesticos, proprios, & a se in id ministerium constitutos, opponit militibus, qui exteri potius, quam sui sunt Proconsulibus; nec sane opus est *servos* legamus, qui suorum nomine continentur. Felicior Rævardus lib. 1. Var. c. 12. Ulpianum ex Lampridii Alexandro Severo cap. 52. explicasse videtur: is enim Princeps *Apparitores nullos esse passus est Tribunis aut Ducibus, nisi milites ante ire voluit; jussitque ut ante Tribunal quatuor milites ambulant; ante Ducem sex; ante Legatum decem; bique ad domos suas reciperentur.* Similiter Reinelius ad cl. 1. Inscript. 19. Ulpianum ad Alexandri constitutionem respexisse putat, qua Ducibus & Proconsulibus, loco stratorum, quibus olim stipati, milites assignavit. Sed præterquam quod Ulpianus pleraque sua jam ante Severum sub Caracalla scripsit, male Proconsulum, in provinciis pacatis, cum ducibus et judicibus militaribus instituitur comparatio.

Neutris quidém domesticos licuit ad apparendi officium adhibere; sed Proconsules habuerunt apparitores publice constitutos, ante tribunos et duces milites ambulabant.

Quid ergo? legis nostræ series indicat, Proconsules lictoribus, virgariis & officialibus in provinciis usos esse, non vero domesticis & propriis, sed publicis, qui hic *milites*, alibi *commentarienses*, *manipes carceris*, *clavicularii*, & *serales ministri* vocantur. Hi reos carceri traditos custodiebant, l. 1. C. de custod. reor. in provincia quavis publici erant, ac perpetui l. 34. D. de reb. cred. neque Proconsul eos secum ex Urbe ducebat, sed constitutos reperiebat; gravi ratione, ne prædarum occasio inde nasceretur, dum rei aut eorum potentiam perhorrescerent, aut conniventium custodiæ elaberentur, uti Jacob. Gothofredus notat ad l. 1. C. Th. de custod. reor. verba sequentia: *Illud observabitur, ut neque his, qui stratorum funguntur ministerio, neque ministris eorum liceat crudelitatem suam accusatoribus vendere, & innocentes intra carcerum septa leto dare.* Ecce! quos Ulpianus *milites* vocat *ministerio vice stratorum fungentes*, eos Constantinus *stratorum ministerio* fungi ait, et utroque loco ministri,

stri, quos penes officium custodiæ reorum erat, intelligendi sunt, non vero milites armati, & in numeros relati: nam civiles apparitores Ulpianus alibi etiam *manum militarem*, in l. 68. D. de rei vind. eique æqualis Alexander *militare officium* in l. 2. C. si manc. ita venier. vocant, alibi iidem in pœnam *militia solvuntur*, in l. 4. C. Tb. de execut. & l. 3. C. de div. off. ubi stratores rursus habes, sed alio forte sensu. Cui vero carcerum custodes & executores milites appellati, non una est ratio; nam si res ferret, erant armis instructi; & qui circa latus Magistratum hærent, militare dicuntur. Vid. Ampliss. Bynkershoek lib. III. Obs. c. 14. & qui custodiam militarem à carcere bene distinguit, Lipsium in Excurs. ad Tacit. lib. III. Annal. lit. B. Ceterum vocabula *stratoris* & *statoris* a librariis nonnunquam videntur permutata esse; unde varietas lectionis in l. 10. D. l. 1. C. aliisque locis quibusdam supra laudatis. Cujac. ad l. 1. C. de strator. nihil referre putavit stratores dixeris, an statores; sed officia eorum diversa fuisse, Salmas. notavit, ad Capitolini Antonin. c. 8. & ad Vulcatii Avidium Cass. c. 8.

Inter ceteras autem provinciarum vias illa quam maxime eminuit, per quam accessus

cessus ad urbes metropoles ordinarius erat; scribit enim Ulpianus in eadem l. 4. §. 4. 5. & l. 7. D. de off. Procons. Proconsuli ingressuro provinciam hoc observandum fuisse, ut edictum de adventu suo mitteret, & maxime excusaret; ne publice vel privatim sibi occurratur: ut deinde ea parte ingrederetur, per quam ingredi moris esset, & quas Græci *ἐνδοχίας*, id est, accessus ad urbem appellant: magni quoque facere provinciales servari sibi consuetudinem & prærogativam, in civitates nobiliores primum veniendi; ubi magnis provincialium studiis, laudibus, feriatis diebus, aliisque publici velut gaudii significationibus adventus ejus celebrabatur. Etsi vero excusasset occursum solennem, sine dubio obviam ei processerunt multi, cujuscunque conditionis homines, lætissimo agmine, fausta omnia congerentes, viamque totam floribus, coronis & odoribus complentes; genere adulationis antiquissimo, & frequentissimo, cujusque plura apud unum Sueton. vestigia reperimus lib. II. c. 98. lib. IV. cap. 13. & lib. VI. cap. 25. De Metello Valer. Max. lib. IX. cap. I. n. 5. scribit, quod in Hispania adventus suos ab hospitibus aris & thure excipi passus sit. Hirtius de B. G. c. 51. Nihil relinquebatur, quod

quod ad ornatum portarum, itinerum, locorumque communium, qua Caesar iturus erat, excogitari posset; cum liberis omnis multitudo obviam procedebat, hostiæ omnibus locis immolabantur. Plura veterum loca de floribus per viam sparsis, & florum aspergine apud Lips. ad Tacit. II. Hist. c. 70. Casaubon. ad Sueton. Calig. c. 13. Freinshem. ad Curt. lib. v. c. 1. & ad Florum lib. II. c. 7. videre licet. Ovid. iv. Trist. 2. vs. 49.

Quaque ibis manibus circum plaudere
tuarum,

Undique jactato flore tegente vias.



DE

D E

TUTELA VIARUM

P A R S III.

D E

LEGIBUS, AD VIARUM SECURITATEM PERTINENTIBUS.

C A P U T I.

DE EDICTO VIARIO ÆDILIIUM CURULIUM.

Ædiles Curules, ob curam viarum sibi mandatam, noxia animalia haberi vetant, qua vulgo iter fit. Verba Edicti viarii, in l. 40. 41. & 42. D. de Ædilit. ed. an sint genuina, an recentiora, & à quo surrogata. Charondas, Cujacius & Strauchius Edictum mutilantes refelluntur. Leunclavii defensio Florentina, Græcorum auctoritate, an recta? Quid sit Aper minor, quid Verres; contra Lipsium. κίτρινος & verrem, & aprum notat, non caprum. εὐαγρος porcus ferus, vel domesticus. Duæ observationes Grammaticæ

maticæ ad illa Edicti verba: animal quod noceret, siue soluta sint siue al- ligata. Conjectura de verbis Pauli sepa- randis ab Edicto. Solidi ducenti in E- dicto a Triboniano positi pro viginti mil- libus sestertiorum. Aureus solidus de- mum tempore Alexandri Severi, Soli- dus vero absolute pro aureo serius usur- pari cœpit. Robertus Cenalis notatur. Pondus Aurei olim majus, quam Solidi, sub Justiniano idem. l. i. C. Tb. de pon- derat. emendata. Tribonianus cum so- ciis defenditur.

Egum appellatione non tantum XII. tabulas et rogationes Con- sulares, sed latiore significatu Edicta quoque Ædiliū, Præ- torum et Principum, aliasque generales Constitutiones intelligimus; sicut Cicero Prætoris Edictum *legem annuam*, et Jcti Rescripta Principum *leges* appellarunt. Inter varia autem jura, ad viarum et vi- atorū securitatem pertinentia, eminet inprimis edictum Ædiliū Curulium pul- cherrimum, et multarum observationum fecundum, in quo tamen illustrando nec Veteres, nec Recentiores valde labora- runt. Cum enim Jctorum tempore satis illud usu expositum esset, supervacue for-

forſan operae plenior ejus interpretatio viſa fuit, aut certe architecti Pandectarum eam totam praetermiſerunt. Mihi autem plenius explicandum, et primo quidem loco videbatur Ediſtum, quod non modo ad Urbis dominantis ſecuritatem, ſed et ab illis Magiſtratibus propoſitum eſt, quibus proprio quaſi munere cura platearum fuit mandata, ut ſupra vidimus p. II. cap. 2. Praeterea fuit illud priſcis temporibus tam utile et neceſſarium, ut ei adſcribi poſſit *Bonum factum*. Quid enim utilius eſt, quam viatores abſque Mauri jaculis et arcu itineri ſe dare poſſe? et quid magis neceſſarium, quam ut animalia ferocia, et humanum ſitientia ſanguinem e publico in vincula ſua, vel ad Garamantas et Afros proſcribantur? Viam, in qua non eſt leo, quamque violenta nulla fera conſcendit, metaphorice laudat Eſaias XXXV. vſ. 9. Solonis quoque legem de cane, qui momorderit, noxae dando, ut ſcitam ad ſecuritatem et valde gratioſam Plutarchus laudat, in ej. vita c. 40. Galenus denique meth. med. ix. 8. inter Trajani curas refert, ut viae feris obſeſſae purgarentur.

Sed miſſis ambagibus ipſa verba Ediſti Aedilitii videamus, quæ duo Jurisconſultorum principes, Ulpianus & Paulus, uter-

uterque libro secundo ad *Edictum Ædiliū Curulium*, sequentem in modum nobis retulerunt, in l. 40, & seqq. de *Ædil. ed.* Ajunt *Ædiles*: *Ne quis canem, verrem, vel minorem aprum, lupum, ursum, pantheram, leonem, aliudve, quod noceret animal, sive soluta sint, sive alligata, ut contineri vinculis, quo minus damnum inferant, non possint, qua vulgo itēr fiet, ita habuisse velit, ut cuiquam nocere damnumve dare possit. Si adversus ea factum erit, & homo liber ex ea re perierit, solidi ducenti: si nocitum homini libero esse dicetur, quanti bonum æquum judici videbitur, condemnnetur: ceterarum rerum, quanti damnum datum factumve sit dupli.*

Hiscē verbis, an aliis cascis magē & obsoletis, hoc *Edictum* propositum fuerit, non temere dixerim: posterius autem ex *Gellii lib. iv. Noct. Att. c. 2.* con-
jicere licebit, ubi partem *edicti Ædiliū Curulium*, more suo, genuinis & priscam majestatem redolentibus verbis, ita enarrat: *Titulus serporum singulorum ut ei scriptus sit coerato, ita ut ei intellegi recte possit, quid morbi vitiiue quoique sit.* Forſan juniores *Ædiles*, in *translatitiis* *edictis* suis, verbis recentioribus uſi ſunt; aut, quod magis placet, *Julianus*, in *compōſitione* *Edicti perpetui*, cuius pars

Dd

&

& appendix fuit *Ædilitium*, ridiculum esse censuit, malle sermonem durum, quo majores locuti essent, quam quo tunc politius loquerentur. Verum de his quilibet sentiat, prout lubet.

Nos potius videamus, quid de verbis *vel minorem aprum* habendum sit, quae *Ludovicus Charondas*, tanquam abundantia, primus notis II. II. inclusit, etli *Florentiae* & in *Vulgata Accursii* reperiantur. Colorem hæc annotatio haberet, si voces duas priores tantum ad glossema retulisset, quas *Iustinianus* quoque in §. i. *Inst. si quadr. paup.* omisit; unde *Cujacius*, in notis ibi, non dubitavit, eas in *Edicto nostro* superesse. At hæc ratio si admittatur, longe plura in *Edicto* delenda forent, quae dicto §. i. defunt; neque *Triumviris*, qui *Institutiones* composuerunt, solenne fuit, propria & integra *Legum* vel *Edictorum* verba nobis dare, sed plerumque contenti sunt, eorum sententiam expressisse. Nihilominus *Johannes Stravchius*, in diss. *Ædilitia* posteriore c. 4. §. 5. cum *Charonda*, acriter contendit, *Ædiles* tantum locutos esse de verre domestico, voces autem *vel minorem aprum* una dictura esse delendas; quippe quæ ipsi *Scioli* manu irrepssisse videntur, non capientis, quid verres inter feras faciat.

Pro-

Provocat hunc in finem ad Theophilum & Basilica, quae aprum non agnoscant; sed quod addit, *in Institutis nihil est de apro*, id αὐτοψία refutat. Contra Johannes Leuclavius Notatorum lib. 11. n. 45. aduersus Criticos ita sentientes, Græcorum rursus produxit auctoritatem, quos utrumque vertere ait, verrem quidem κάπρον, et aprum minorem σύαγρον. At vero in Basilicis et in eorum Synopsi una tantum vox occurrit lib. XIX. tit. 10. n. 26. Ο' κύνα ἄγριον, ἢ κάπρον, ἢ ἄρκτον, ἢ λύκον, ἢ πανθῆρα, ἢ λέοντα, ἢ ἕτερον βλαπτικὸν ζῶον etc. *Qui canem ferocem, aut verrem, aut ursum, aut lupum, aut pantheram, aut leonem, aliudve noxium animal.* Nec aliter Harmenopolus lib. VI. προσχ. tit. 1. §. 2. ο' ζῶον ἄγριον βλαπτικὸν οἷον κύνα, κάπρον, λέοντα, λύκον, ἢ ἑπὶ τῶν ὁμοίων. *Qui ferum animal, quod nocere possit, ut canem, verrem, leonem, lupum, atque id genus.* Denique Theophilus, in paraphrasi §. 1. *Inst. si quadr. paup.* una voce contentus est, isthoc tantum discrimine, quod pro κάπρον ponit σύαγρον hoc modo: κύνα, ἢ σύαγρον, ἢ ἄρκτον, ἢ λέοντα ἔχον ἐν ἐκείνῳ τῷ τόπῳ, δι' ἧς παρέχεται πληθ. &c.

Si meam sententiam postulas, non multum causæ video, cur constantem Pandectes Florentini, Vulgatæ & Haloandri lectionem deseramus: prohibent enim Æ-

diles *minorem aprum*, id est parvum, non valde dentatum, qua vulgo iter fit, haberi; quia grandiores & primæ magnitudinis aprî, ut Petronius vocat, vel ob nimiam ferociam, rarius prope vias & plateas in vinculis habebantur, vel sane si habebantur, sub verris vocabulo erant comprehensi, quod quemvis porcum testiculatum notat, non vero exsectum, ut Lipsius voluit lib. 11. Variar. lect. c. 17. Deinde ad Græcos quod attinet, illis similiter *κάπε*, vel *ὄς κάπε*, tam de porco ferro, quam de domestico *ἐν ἔχω* dicitur, uti Henricus Stephanus, ex Homero & Hesiodo, multis probavit. Sexus enim nomen est, & *κάπε* τὸ αἰδεῖν τῶ ἀνδρὶ exponitur Suidæ; *καπριζειν* Aristoteles dicit de sue femina verrem appetente, quod Latini est *furire*. Glossæ *verres κάπε*, & alia *κάπε*, *verres*. Græcis verò transmarinis *κάπε* est aper, inde & Romani per aphæresin aprum dixerunt; neque *κάπε* cum capro debet confundi, id quod quibusdam magni nominis interpretibus accidisse, Paulus Leopardus lib. 11. Emendat. cap. 10. observavit. Varro lib. 1v. de L. L. *Apri ab eo, quod in locis asperis, nisi à Græcis, quod si κάπε*. Sic Callimachus hymn. in Dian. vs. 155. *χλόνη κάπεον* vocat, quem Homerus Iliad v. vs. 535. *ὄν ἄγριον* *aprum*

aprum silvestrem appellavit. Quando igitur Basilica *verrem* *καπρον ἄγριον* vertunt, simul *aprum minorem* comprehendunt, sicut Theophilus utrumque & ferum & domesticum porcum voce *σῶαγρον* complexus est: aper enim, citra aliud proprium nomen, *σῶς ἄγριος*, porcus ferus, *porcus e silva*, aut *porcus agri*, at Poëtis frequentius *σῶαγρος* vocatur, uti Athenæus lib. ix. Deipnos. cap. 14. ex Antiphone & Dionysio demonstravit. Similiter apud Latinos nemini ignotum esse, quod apri sues vocentur, ait Varro lib. ii. de R. R. c. i. Illudor. lib. xii. Orig. cap. i. *Aper a feritate vocatus; unde & apud Græcos σῶς ἄγριος, id est ferus dicitur, omne enim quod ferum est & immitte abusive agreste vocamus.*

His de animalibus immundis, ad nauseam sorte pertractatis, priusquam ad rem veniamus, duas Grammaticas observationes subjiciam. Et primo quidem admonendi sumus, *animal, quod noceret*, idem hic esse, quod nocere posset vel soleat: hoc enim loquendi genus, quo verba actum significantia pro potentialibus accipiuntur, omnibus fere scriptoribus familiare est, quoties periculum instans & certo eventurum indicatur. Pomponius, in l. 21. D. de statulib. ait: *Videbitur pro*

hoc accipi debet, videri poterit; & sic verba xii. Tabb. Veteres interpretati sunt: Si aqua pluvia nocet, id est nocere poterit. Nec aliter Ulpianus, in l. 2. §. 31. D. ne quid in loc. publ. verba Prætoris: Quo ea via, idque iter deterius fit, fiat, exponit, siue statim deterior via sit, siue postea: etenim quædam sunt talia, ut statim facto suo noceant, quædam talia, ut in præsentiarum quidem nihil noceant, in futurum autem nocere debeant. Sic Pilatus apud Marcum xv. vs. 6. unum ex vinc-tis dimittebat, id est dimittere solebat, Matth. xxvii. vs. 15. Cicero lib. v. in Verr. cap. 49. sorores veniebant, hoc est venturæ erant, & Tacitus vi. Annal. 43. cedebant, pro cedere volebant. Similia dabit Cujac. lib. xiv. Obs. cap. 9. Casaubon. in Suetonii Jul. cap. 29. & Gronov. ad Livium lib. 34. cap. 1. & 37. cap. 17.

*Altera observatio erit circa structuram vocum: animal, siue soluta sint, siue alligata, quæ congrua est, non ratione ejus, quod dicitur, sed quod intelligitur. Vulgus hanc figuram, ignoto prisca nomine, *συμβολή*, Vossius autem *συμβολή*, quasi intelligentiam, appellat, ejusque usus non modo est in collectivis nominibus, quorum numerus singularis vim habet pluralivi, sed etiam in alijs, Cicero pro Milone:*

Si

Si tempus est ullum jure hominis necandi, quæ multa sunt. Virgil. lib. viii. Æneid. vf. 427. *Fulmen, quæ plurima calo dejecit.* Pollet etiam dici, verba *sive soluta sint*, non ad proximum *animal*, sed ad animalia diverſi generis, prius memorata, referri debere; ut cum Solinus ait cap. 23. *Polypus & chamæleon glabra sunt.* Tacitus V. Hiſt. cap. 5. *Parentes, liberos, fratres vilia habere.* Forte non errabimus; ſi totam l. 41. de *Ædil. ed.* ad Pauli interpretationem Ediſti referamus, eſſi ejus verba nunc in omnibus exemplaribus pro verbis *Ædiliū venditentur*: niſi quis putet longe pluribus verbis conceptum fuiſſe Ediſtum, & *Ædiles tollendæ dubitationis gratia bis*, & τὸ αὐτὸ, *id eſt de eodem idem dixiſſe, ne quæ dubitatio ſuper-eſſet*, ut ipſe tautologus loquitur Ulpianus in l. 1. §. 7. *D. de Ædil. ed.*

Ultimo loco & hoc addendum eſt, in ſanctione hujus Ediſti manifeſtum deprehendi emblemata Triboniani & ſociorum, qui *ſolidos ducentos* poſuerunt pro pœna viginti millium ſeſtertiorum. Olim enim ſeſtertiiſ agebatur, quorum centum unum aureum efficiabant. Vide l. 1. §. 12. *D. de extr. cognit.* juncto Tacito lib. xi. *Annal.* cap. 7. & Gronov. de pec. vët. lib. ii. cap. 5. Sub occupata republica horum

Aurèorum mature fit mentio, apud Plinium, Juvenalem, Dionem, Suetonium & Jurisconsultos, neque omnia horum loca, ubi aureus occurrit, interpolata esse dicere ausim, cum Wissenbachio, in Emblem. Tribon. ad l. ult. D. de jus in voc. licet non diffitendum sit, millia sestertiorum Pauli *lib. 111. tit. 5. §. 10.* in aureos mutata esse, in *l. 25. §. 2. D. de Sct. Silan.* & alibi quoque, uti Cujac. *lib. XIX. Obs. cap. 31.* notavit. *Aureorum solidorum* primus meminit Lampridius in Alex. Severo cap. 39. ut tamen incertum sit, illius, an sui, id est Constantinei seculi voce usus fuerit. Quapropter nec accedo Roberto Cenali, qui de pond. & mens. rat. in Thes. Grævii tom. XI. pag. 1548. scribit: *Leges quotquot scriptis redactæ sunt a Jctis, qui Alexandri Mammææ tempore floruerunt, de solidis aureis didrachmalibus, quorum quatuor unciam implent, intelligendas esse.* Solidus vero absolute pro aureo usurpatus ante Diocletianum vel Constantinum M. vix legitur; quo imperante, & gaudente mutationibus veterum institutorum, id vulgo obtinuit, uti Scaliger. in postumo de re monet. libello, in Thes. Gronovii tom. IX. & du Frene, in Dissert. de Imp. Constant. numm. n. 76. ex Codice Theodosiano, Isidoroq

Isidoro aliisque ostenderunt. Adeoque minime solidi, vel aurei, ab Ethnicis Imperatoribus signati, sed quos Imperatores Christiani cuderunt, ita ut singuli sextam uncie partem, & septuaginta duo libram auri efficerent, hic intelligendi sunt; hos enim Justinianus precibus Viglii Pontificis inductus, ubique gentium valere iussit.

Nota sunt quæ de solidi æstimatione viri summi, Cujacius lib. xix. Obs. cap. 31. & Hotman. lib. iv. Antiq. pag. 678. acrius, nec sine conviciis, disputarunt. Sane pondus & pretium, uti olim aureorum, ita postea & solidorum variavit. Prisco tempore quadraginta aurei ex libra signabantur, ut Plinius scribit lib. xxxiii. cap. 3. Sed paullatim imminuti, & ævo Alexandri Severi ad duas drachmas contracti sunt; sub Constantinopolitanis autem Imperatoribus pondus diversum & minus fuit. Plerique Constantini ævo 84. sub Valentiniano autem 72. solidos in libram auri computatos, ajunt, atque ita, temporibus distinctis, conciliant *l. 5. C. de suscept. & l. 13. C. Tb. ead. cum l. 1. C. Tb. de ponderat.* sed quia ne sic quidem quaternorum scriptulorum constat ratio, forsân Panciroli & Savoti de numm. antiq. p. 111. cap. 17. emendatio est recipienda, qui in

Dd 5

d. l. 1.

d. l. 1. pro VII. solidis VI. & pro XIV. potius XII. scribendum esse voluerunt, id quod etiam Joh. Fred. Gronovius lib. IV. de pec. vet. cap. 13. calculo suo probavit. Aureus olim differebat a solido proportionē fescupla, ita ut 48. aurei libram auri efficerent: sed a Constantini & Juliani tempore ejus pondus ita decrevit, ut tempore Justiniani solido par fuerit; quapropter solidus & aureus promiscue accipiuntur, ut constat ex l. 24. D. de injus voc. junct. §. f. Inst. de pœn. tem. lit. l. 5. §. 6. D. de his qui effud. junct. §. 1. Inst. de oblig. quæ quasi ex del. & l. 37. §. 1. D. de pecul. junct. l. 1. C. comm. de legat. Vid. Ant. Augustin. lib. 11. Emendat. cap. 9. & Covarruv. in vet. numism. collat. cap. 111. tom. 1. Oper. pag. 576. Hoc vero non eo dictum volo; ut nota quædam falsi, audaciæ aut stultitiæ inuratur Pandectarum architectis, tanquam male de nobis meritis: quicquid enim hi ad mores sui temporis detorserunt, mandato Justiniani est tribuendum; qui Prætorum aut Ædiliū edicta confirmaturus, simul monetam veterem interpretari, eamque suæ exæquare debuit, cum omnes Digestorum libros quasi a manu sua accipi voluerit. vid. ejus l. 1. §. 6. 7. l. 2. §. 10. l. 3. §. 20. C. de Vet. jur. enucl.

CA.

CAPUT II.

DE OCCASIONE ET NECESSITATE
ÆDILITII EDICTI.

Ædiles curules Edictum hoc proposuerunt, qua viarum, non autem fori inspectores, contra Maranum. Fuit illud a ceteris eorum Edictis, quæ vel supersunt, vel perierunt, separatum. Canes & molossi ad limina ditiorum. Verres & sues in baris pauperum urbanis. Vivaria aporum extra Urbem. Lupi, ursi, pantheræ & leones in caveis Magnatum, partim ad ostentationem, partim ad ludos Circi cruentos. Stupendus harum belluarum numerus, ex silvis Africanis & Syriacis, ferreis in caveis Romani advectus, tam sub libera, quam occupata Republica. Frequentes strages ab illis negligentius custoditis. Exordia hujus edicti ex jure Hebræo. Exod. xxi. vs. 28. seq. inde ad Phœnicas, ab his ad Græcos venit. Solonis lex de cane mordente, a Xenophonte, Platone & Paulo in Sententiis laudata, ab Ædilibus extensa, & diligentius, quam a Decemviris, exposita. Edictum hoc late valuit in provinciis, quæ pompam ludorum imitabantur. Amphitheatrorum index, quæ extra Romam.

Pri-

Primariam Edicti causam à cura viarum, Aedilibus curulibus mandata, repetendam esse cenfeo: neque enim hi munere suo satis se perfunctos rati sunt, si purae essent plateae, & ab omnibus, quae liberum transitum impedirent, vacuae; sed feroces quoque canes & saevas belluas procul a viis arcendas crediderunt, exemplo Astynomorum, quibus Plato, in Republica sua, mandavit. lib. vi. viderent, ne hominum corpora, visceribus suis nudata, a feris bestius in via publica comederentur. Hæc autem viarum urbanarum curatio, cum magnam, ut supra vidimus, muneris Aedili partem occupaverit, nihil causæ habuit doctissimus Maranus, cur in Parat. D. de Aedili edict. occasionem hujus Edicti retulerit ad animalia, quæ in foro & viis publicis venum exponebantur: quis enim unquam dixit aut scriptum nobis reliquit; leones & feras quasque bestias Romæ, instar equorum & boum, publice venales profutisse? aut forum ibi ferarum, sicut suum & jumentorum fuisse?

Non magis subscribo Alberico a Porta, Fulgesio, Zoefio, Bockelmanno, ejusque asseclis, qui unicum tantum Aedilium Curulium crepant Edictum; cujus primo capite emtoribus mancipiorum; alte-

altero his, qui jumenta emunt; & tertio viatoribus prospiciatur. Quæ enim conexio capitis tertii cum prioribus? & quidni potius dicamus, Ædiles de variis causis, ad jurisdictionem suam pertinentibus, exemplo Prætorum, diversa edicta proposuisse, inde a Plauti usque temporibus, qui *Edictiones Ædilitias* memoravit. Hæc vero deinde in unum corpus collecta, licet juris honorarii portio essent, Edictis Prætorum olim non continebantur, sed propria collectione, quæ tamen priori cohærebat, erant comprehensa: donec Julianus, cum Edictum perpetuum ordinaret, quædam ex iis seligenda esse duxit, *l. 2. §. 5. C. de vet. jur. enucl.* Theophilus ad §. 7. Inst. de J. N. G. & C. *Ædiles*, inquit, *de quibusdam causis jus constituebant, & Edictum eorum factum est portio, & cohæret edicto amborum Prætorum, Urbani & Peregrini.* Sic Gellii illud accipio lib. iv. cap. 2. *In edicto Ædilium Curulium, qua parte de mancipiis vendundis cautum est, id est in corpore edictorum Ædilitiorum, partibus & titulis distincto, ad quod Cajus, Ulpianus & Paulus singulares commentarios ediderunt. Ipsi sane Jcti Edicta distinguunt in l. 1. §. 2. 3. 4. l. 38. §. 1. 2. l. 63. D. de Ædilit. ed. & ne quis omnia*
 Ædi,

AEdilium edicta sub illum titulum relata credat, ecce deperditi cujusdam edicti, de puero alieno non castrando, meminit l. 27. §. 28. *D. ad L. aquil.* Ovidius nos docet lib. vi. Fast. vf. 663. AEdiles sumtus funeris edicto coarctasse; ne plures; quam decem tibicines pompam funeris irent. Alias item actiones, nobis incognitas, quæ certo tempore non finitæ, quia non rescindebant id quod jure civili ratum erat, ab illis proditas esse, ex l. 2. *D. de divers. & temp. præscr.* colligere licet; nisi cum Amplissimo Bynkershoekio, lib. iv. Obs. cap. 8. *propterea que ibi legamus per æque.*

Verius ergo est, canes & verres, stabula sua aliquando relinquentes, leones item & pantheras, claustra & caveas frangentibus, AEdilibus ansam dedisse prohibendi, ne in posterum promiscue haberentur. Et primum quidem ad *Canes* quod attinet, pericula frequentia viatoribus ab his imminuisse, nemo dubitabit; siue enim cogitemus, quod hi nocturni vigiles & custodes incorrupti, ob singulare robur, vigilantiam & fidem, ad limina ditiorum plerumque alerentur; siue quod decumanæ notæ canes, ad tutelam, gressus heriles comitantes, *Magna que taurorum fracturæ colla Britannæ* in obvios aliquando ruerent, eosque lacerarent; omnino,
in

in republica bene constituta, cautione opus fuit, ne quis inde quid noxæ caperet aut detrimenti. Usus præterea docuerat, *Verres* quandoque laceffitosis aut libidine actos ferocire, & homines adoriri, quinimo devorare, unde *Ælianus* suum animal antropophagum appellavit. *Verris obliquum meditantis iſtum*, cecinit *Horat.* lib. 111. od. 22. Neque dubitandum est, an sues Romæ fuerint frequentes; quia *Varro* aliquæ rei rusticæ scriptores copiose diligenterque de fructu magno ex suis disseruerunt. Idem quoque ad carnis pecudem primo loco suillam retulit, lib. iv. de L. L. *Virgilius* quidem lib. 111. *Georg.* quo rei pecuariæ præcepta tradidit, de suis mansuetis nihil dixit, & veteres *Jcti* hæsitant, an sues pecudum appellatione contineantur l. 65. §. 4. *D. de leg.* 3. quia feram quodammodo habent naturam, nec collo aut dorso domantur, nullam denique utilitatem præstant, dum vivunt. Vix tamen fundum quisquam colebat, quin sues & verres haberet; sed in ipsa quoque Urbe lutulentæ sues in plateis ruebant, auctore *Horatio*; & crebro itu forum nundinarium fundosque petere discebant, *Plinio* teste lib. viii. c. 51. *Stantis convicia mandræ*, ait *Juvenal.* lat. 111. vs. 237. id est haræ, in qua porci

porci includuntur. Aprorum quoque varia ceterorumque silvestrium extra Urbem primus togaci generis invenit Fulvius Hirpinus, qui in Tarquinienſi feras pascere inſtituit, nec diu imitatores deſuere L. Lucullus & Q. Hortenſius, auctore Plinio lib. viii. cap. 52. & ix. c. 56.

Major de Apro, Lupo, Urſo, Panthera & Leone dubitatio exſurgit; quis enim, dicat aliquis, tantæ vecordiae ut belluas has immanes, qua vulgo iter fit, habuiſſe velit? & quid opus fuit prohibitione, cum omnis vir bonus tetras haſce beſtias ex contubernio ſuo ad umbroſa nemora, ultra Sauromatas & glaciale Oceani proſcriptas optet? Verum non ita fuit Romæ. Prorſus enim ac Reges Medorum, Macedonum et Babyloniorum feras olim in caveis adamarunt, apud Xenophontem, Philoſtratum et Curtium lib. v. cap. 1. ac hodie Reges et Principes, oſtentationis gratia, et in magnificentiae argumentum, leones, pantheras, leopardos, tigrides, aliasque ejusmodi beſtias generoſas alunt, ſic etiam Magnates Romani, proximorum incurioſi, longinqua ſectabantur, et belluas in clathris et cancellis ferreis vel ligneis continebant, de quibus multa Heinſius ad Claudian. lib. iii. de laud. Stilicon. vſ. 272. et ad Silium

lium lib. i. vf. 569. De Pasitelesculptore Plinius scribit lib. xxxvi. cap. 5. *Accidit ei, cum in Navalibus* (hæc fuerunt in tertia regione Urbis ad Aventinum) *ubi feræ erant, per caveam intuens, leonem celaret, ut ex alia cavea panthera erumperet, non levi periculo diligentissimi artificis.* Neque unus forte & alter, sed plurimi ejusmodi bestias, sive feras, sive mansuefactas aluisse videntur, uti conjicio tum ex l. i. §. 10. *D. si quadr. paup.* tum ex Juvenal. sat. vii. vf. 75.

- - - *Nec defuit illi,*

Unde emeret multa pascendum carne leonem

Jam domitum: constat leviori bellua sumtu
Nimirum, Scapiunt plus intestina poetæ.

Deinde notum est, Leonum, urforum & pantherarum venationes, in cruentis Circi vel amphitheatri spectaculis, maxima copia, jam inde editas esse, ex quo Q. Mucius P. F. Scævola, in Curuli ædilitate, primus leonum pugnam dedit, Plin. lib. viii. H. N. cap. 16. Scaurus autem ædilitate sua varias, id est, pardos mares variegatos, centum quinquaginta universas milit, Pompejus quadringentas decem, Augustus quadringentas viginti, Plin. eod. lib. cap. 17. Domitius item Ahenobarbus, Aedilis Curulis, urfos Numidicos

Ee cen-

centum in circo dedit Plin. d. l. cap. 36. & ludis denique Circensibus Nasicæ & Lentuli, Ædilium Curulium, sexaginta tres Africanæ, & quadraginta urli atque elephanti luserunt, auctore Livio lib. 44. cap. 18. Hæ vero belluæ longo itinere & sumtibus immensis Romam delatæ, ibi, vel in municipiis agrisve vicinis, tantisper caveis includendæ & alendæ erant, donec dies edendorum ludorum veniret. Sub occupata republica major luxus & frequentia spectaculorum; qui tamen ad bestias damnati, post longum tempus nonnunquam executioni tradebantur, non quod deessent bestiæ, sed quia in tanto numero earum convehendo longa mora, & statum ludorum tempus erat expectandum. vid. l. 29. *D. de pœn.* & Vales. ad Euseb. Hist. Eccl. lib. v. cap. 1. Alioquin Historiæ Augustæ scriptores pleni sunt exhibitionum, in quibus animalia plurima producebantur & inulcata, quo populus jucundiore spectaculo frueretur. Dio Cassius venationes ita largiter a Trajano datas scribit, ut *mille feræ, interdum vero ad decem millia cæsa* fuerint. Adde Capitolin. in Gordian. c. 33. Valer. in vita Alexandri, & Salvian. lib. vi. de Gub. Dei. Lipsius sane ad Plinii paneg. c. 34. ubi liberalitas Principis illius laudatur,

nunc

nunc immanitatem ferarum, nunc mansuetudinem incognitam præbentis, admiratione cunctatur & hæret, unde hæc copia parari potuerit assidue, & sub uno Principe sæpius: nec enim una aut triplex Africa, cum Asia & Europa ei suffecisse videtur. Quanti labores iis conquirendis impensi fuerint, Petronius eloquatur ita canens cap. 119.

Queritur in silvis Mauri fera, & ultimus Ammon

Afrorum excutitur, ne desit bellua dente

Ad mortes pretiosa fames, premit advena classes

Tigris & auratagadiens vectatur in aula,

Ut bibat humanum, populo plaudente, cruorem.

Hac de causa venatio Leonum in silvis Africanis & Syriacis fuit privatis interdicta, nisi sacris codicillis id impetrassent; urfos vero venari per Numidiam cuivis, et comparare et alere licuit vid. l. un. C. l. 1. & 2. C. Tb. de venat. ferar. quæque Franciscus Amaya et Jac. Gothofredus, in commentariis, ibi observarunt.

Jam quidem ferreæ caveæ portatiles advehendis et continendis feris illis in usu erant, quas Græci δεξαμενæ, vel μελαίρας vocant, quarumque Symmachus lib. 11. epist. 77. uti Claudianus Paneg. III. in

laudem Stille. *vs.* 272. *retiū et clathrorum meminere:*

*Retibus & clathris dilata morte tenenda
Ducendæque feræ.*

Postea ilignas domus addit, seu caveas ligneas *vs.* 322.

*Hæc laqueis innexa gemunt: hæc clausa
feruntur*

*Ilignis domibus, fabri nec tigna polire,
Sufficiunt, rudibus sagis texuntur &
ornis,*

Frondes caveæ &c. &c.

Vix autem tanta diligentia in illis custodiendis adhiberi potuit, quin aliquando erumperent et media in civitate horrendas strages ederent. Tertullianus ad Martyres, c. 6. *Quoties feræ, & in silvis suis, & in mediis civitatibus, elapsæ caveis homines devoraverunt?* Ammian. Marcellinus lib. *xxviii.* cap. 1. *Maximinus effudit genuinam ferociam, pectori crudo affixam: ut sæpe faciunt amphitheatrales feræ, diffractis tandem solutæ posticis.* Lamprid. in vita Diadumeni c. 5. *Leo ruptis vinculis & quidem ferus effugit.* Triste exemplum legitur lib. *xvi.* *Historiæ miscellæ: Mense Martio exsiluit elephas e stabulo noctu, & interfecit multos, alios debilitavit.* Hinc Chrysostomus homil. 60. in Matth. vivaria publica, in quibus be-
stiar

stizæ ad spectacula custodiebantur, scribit, remota fuisse a Curia, Prætorio ac Palatio, ne forte bestiis erumpentibus, periculum his in locis cuiquam crearetur. Quinimo Nardinus Romæ vet. lib. iv. c. 2. Vivarium Romanum extra muros Urbis ad portam Prænestinam fuisse, ex rudibus ostendit; cui suffragatur Procop. lib.

1. Acie instructa circa Prænestinam portam, ad eam muri partem mox ducit, quam Romani Vivarium vocant. Jussit id sine dubio multitudo casuum luctuosorum, quæ nostros quoque Ædiles, ludorum editores, et pericula crebra edoctos, jam sub libertate excitavit, ut hoc Edictum, adversus cives ostentatores, vel Magistratus, aut privatos, ludos daturos, vel alios quoscunque proponerent, quo ipsi et cives formidine liberarentur.

Hæc de occasione & necessitate hujus Edicti sufficere poterant, nisi quis forte de ejus fonte, origine & progressu quædam attexi postulet. Quotquot, cum Terulliano, Cassiodoro & Hugone Grotio, in ea sunt sententia, leges Romanas de lege divina, ut antiquiore, formam esse mutatas, illi exordia hujus Edicti ex jure Hebræo Exodi **xxi.** *vs.* 28. repetenda existimabunt, inde ad Phœnicas, ab his ad Græcos pervenisse: nam Solon, aucto-

re Plutarcho, in ejus vita cap. 40. inter alias leges de damno, quod quadrupes dedisset, posuit hanc: *κύναι δακνόντα καραδῆναι κλοιῶ τετραπλήχει δεδεμένον. Canem, qui momorderit, catena quatuor cubitorum revinctum, noxæ dato.* Ad hanc respexit Xenophon lib. 11. Hist. Græc. *τῆς δάκοντας κύνας κλοιῶ δέσαντες παλαιὰ δάσαι: canes, qui momorderunt, catena vinclos, noxæ aedunt.* Eandem quoque repetiit Plato lib. xi. de LL. his verbis: *Εἰαν ὑποζύγιον ἢ ἵππου, ἢ κύων, ἢ τῶν θρεμμαίων σίνται, τι τῶν πέλας, καὶ ταυτὰ ἰκτίσεν τὴν βλάβην. Si jumentum, aut equus, aut canis, aut aliud quod domesticum animal nocuerit, dominus eodem modo damnum refarcito, ac si servus dedisset: nimirum noxam dedendo, vel restituendo quod alteri abesset, nisi intercesserit dolus.* An vero Paulus Solonis legem laudaverit lib. 1. Sent. tit. 15. §. 1. in verbis: *quadrupede cedat, quod etiam lege Pesulania de cane cavetur*, non satis constat. Cujacius, Augustinus & Rittershusius malunt *Solonia*, quibus ego assentior, donec natales legis *Pesulaniæ* clarius, quam adhuc factum est, in lucem proferantur. Nota erat lex Solonis Paulo, quæ in xii. Tabulas quoque translata fuit, tab. vii. *Si quadrupes pauperiem faxit, dominus noxi æstimationem offert; si nolet, quod noxit dato.*

Putat-

Putarunt namque Decemviri satis esse, damnum vindicari, quod contra naturam sui generis lascivia aut pavore dedisset quadrupes, id est, equus calcitrosus, vel bos cornupeta, aliudve animal, quod dorso & collo domatur, ut Ulpianus definit *Frag. xix. l. 1.* De ceteris animalibus, quæ ex generis sui natura sævire solent, non valde tunc temporis solliciti fuerunt, quia rarius illa Romæ habebantur. Canem vero, domus custodem sub quadrupedibus contineri, placuit in interpretatione Prudentum *l. 1. §. 5. l. 2. §. 1. D. si quadr.* forsan & utilis quadrupedaria ad bestias mansuefactas ac feras, quæ in aliqujus potestate essent, extensa fuit *d. l. 1. §. 2. 10. l. pen. D. eod.* Verum AEdiles deinde, ob luxuriam quæstionum, quotidie ex culpa emergentium, noluerunt amplius dominum ferocis animalis noxæ dando desungi posse, sed prudenter contra omnes, qui animal quodcunque ferox, sive ferum, sive mansuetum, sive mansuefactum, ibi habuerint, qua populi iter sit, pœnam pecuniariam, si nocuisset, proposuerunt; quo iter facientes fervarentur indemnes, & incauti domini plecterentur. Hæc vero tandem in extraordinariam fuit conversa, si reus non haberet in ære, uti infra ex Paulo *l. 1. tit. 15. §. 2. dicemus.*

E e 4

Pro-

Propositum est hoc Edictum initio Romæ tantum, sed deinde ob insignem utilitatem, maxime vero post compositum Edictum perpetuum, et datum omnibus in orbe Romano habitantibus jus civitatis, una cum ceteris AEdilium Edictis, late in provinciis valuit. *Τὰ δὲ τέτατον ἐδίκλα ἐκράτες, ὃ ἐν ταῖς ἐπαρχίαις.* Horum, AEdilium scilicet, edicta etiam in provinciis obtinebant, ait Theophilus, ad §. 7. Inst. de J. N. G. et C. Merito autem hoc ubi vis obtinuit, quia inter facientibus prospicit, et magnificentia luxurque per Italiam et provincias indies magis magisque, a Tiberii ævo, augebatur. Nam ut liberi parentum vitia facilius exprimunt, quæ specie amœnitatis blandiuntur, sic coloniæ et municipia pompam ludorum æmulabantur, adeo ut noxii, perditâ securitate suis epulis bestiæ saginas instruentes, illas, in apparatu arenæ, argenteis gelis incesserint, auctore Plinio lib. 33. c. 3. De Demochare, in civitate Platearum, munus gladiatorium edituro, sive vere, sive fictè, ita scribit Apulejus lib. IV. Metam Qui præterea numerus, quæ facies ferarum? nam præcipuo studio forensi advexerat etiam generosa illa damnatorum capitum funera. Sed præter ceteram speciosi muneris supellectilem, totis utrunque patrimonii viribus imma-

immanis ursæ comparabat numerum copiosum. Nam præter domesticis venationibus captas, præter largis emtionibus paratas, amicorum etiam donationibus variis certatim oblati, tutela sumptuosa sollicite nutriebat. Ipsi etiam de plebe municipales et libertini homines, favorem vulgi captantes, munera edebant; unde Juvenalis notas per oppida buccas, et Martialis futorum regulum cerdonem ludos edidisse, indignantur. Adde Plinium lib. 35. c. 7. et Tacitum lib. IV. Annal. c. 63. Vix denique colonia nobilior superest, in qua non insanarum istarum cædium reliquæ. Gallia magnam amphitheatrorum copiam dedit, nec minorem quam Italia; Forojulum, Arelate, Nemausum, Burdigala et Augustodunum rudera ostendunt. Tinnacenſe descripsit Baluzius in Historia Tutelenſi, Nemausenſe Joannes Poldus, Arelatenſe Josephus Guilius, Arauſionenſe Josephus de la Pife, Burdigalenſe Elias Vinetus, Veronenſe Torellus Sarayna. De Puteolano, Campano et Mediolanenſi Lipſius de Amphitheatris, quæ extra Romam, et Montſaucon. tom. III. Antiquit. pag. 158. adeundi sunt.

CAPUT III.

DE SENTENTIA EDICTI ÆDILITII.

Ædiles vetant haberi omne, quod nocere possit, animal, qua vulgo iter fit, ut canes feroces solutos; sed domus illos defensores vinctos ad limina ædium excubare permittunt. Ostiarii servi, pariter ac canes, in catena. Januis Græcorum & Romanorum inscriptum: Cave, cave canem. Philip. III. vs. 2. illustratur. Canes interdum clausi, noctu solvi, tam in Urbe quam ruri. Feras bestias prope viam licuit habere, claustris & caveis recte inclusas. Leones, pantheræ & ursi mansuesacti, sub jugum missi, bigas & quadrigas in publico traxere. Circulatores, qui serpentes aliaque animalia peregrina quæstus causa proponunt, in hoc Edictum incidunt, vel extra ordinem coercentur. L. ult. D. de extraord. crim. ab Accursio & Forcatulo perperam explicata. Quid sit habere, qua vulgo iter fit.

ÆDiles igitur ferocia quævis animalia, tam domestica, quam fera, haberi vetantes, qua vulgo iter fit, canem, verrem, aprum, lupum,

pum, ursum & pantheram exempli causa addunt: Ne quis vero existimaret reliquas, malefici generis belluas, ut tigrides, unicornes, elephantos, uros, vel etiam quadrupedes & jumenta, contra naturam generis sui efferata, ut equos calcitriones & boves petulcos permitti, *generaliter*, id est, in univ^{er}sū, tanquam clausulam generalem adjiciunt: *aliudve, quod noceret animal, sive soluta sint, sive alligata, ut contineri vinculis, quo minus damnum inferant, non possint.* Quorum verborum, sive ea Aedilium, sive Pauli sint, mentem ut recte percipiamus, rursus in memoriam revocandum est, quod supra ostendimus pag. 421. animal, quod noceret, idem hic esse, quod nocere posset vel soleat: non omnes enim omnino canes & verres ex publico pelluntur, sed feroces & immanes. Hinc Basilica canem vertunt, *κύνα ἀγρίαν*, atque ita in Synopli legendum esse, recte Labbæus animadvertit. Phædrus & Seneca canem acrem, Paulus ferocem appellavit in l. 2. §. 1. D. Si quadr. paup. eoque pertinet asperitas canis, ab Ulpiano memorata in l. 1. §. 5. eod. quam Græci *καγύνητα* appellant. Minime autem haberi prohibent vertragos & sagaces venaticos, quorum non sibi, sed domino venantium, haud mediocris mul-

multitudo fuit in divitum prædiis; neque reliquos mites, vocales & ad nocturnos strepitus sollicitos; quos Varro *domus defensores*, Phædrus *liminis custodes* appellavit. *Nil enim mali est, canes ibi quam plurimos esse, ubi permulti observandi, multaque servanda sunt*, ait Tullius pro Roscio cap. 32. In ipso Capitolio alebantur canes, semper in eos sævientes, qui soli ingrederentur; alii in æde Vulcani ædituos agebant, neminem allatrant, nisi sacrilegos, vid. Gell. lib. VII. cap. 1. & Valer. Max. lib. IX. cap. 13. Eleganter Columella lib. VII. de R. R. c. 12. *Quis hominum clarius, aut tanta vociferatione bestiam aut furem prædicat, quam iste latratu? quis famulus amantior domini? quis fidelior comes? quis custos incorruptior? quis excubitor inveniri potest vigilantior? quis denique ultor aut vindex constantior?* De canum fide, robore & sagacitate multa Plinius, Plutarchus, Ælianus, item Janus Vlitius ad Gratii Cynege. Joh. Cæjus de can. Britann. & Liplius cent. I. ad Belgas epist. 44. quo, post Julium Cæsarem Scaligerum, animalis hujus blandientis nemo fuit amantior. Verumenimvero quia dubitari poterat, an non canes feroces, ante aulas potentiorum, in vinctis, aut claustris habere liceat,

ceat, si nullum ab iis metuendum sit periculum, ideo AEdiles elogium suum declarant ulterius, in verbis: *sive soluta sint, sive alligata, ut contineri vinculis, quo minus damnum inferant, non possint*, tacite permittentes animalia, etiam fera, prope vias alligata habere, modo vincula sufficiant ad continendum, eaque non facile ab iis queant revelli. Hanc explicationem nobis suggerit particula *ut*, pro qua male Haloander *sive*, alii aut legunt, & confirmant Græci, tum in Basilicis lib. xix. tit. 10. n. 26. ζῶον λελυμένον, ἢ μὴ ἔτι δεδεμένον ὥστε μὴ δυνατόν εἶναι βλάπτειν, *Animal, sive solutum, sive non sic alligatum, ut damnum inferre nequeat*: tum Harmenopulus πρόχ. lib. v. I. tit. 1. §. 2. οἱ ζῶον ἀγχοῖν βλαπτέειν λελυμένον, ἢ μὴ ἔτι δεδεμένον, ὥστε μὴ δυνατόν εἶναι βλάπτειν ζῶον ἐν δημοσίᾳ παρόδῳ. Hoc ipsum denique indicant verba sequentia Edicti in l. 42. *ita habuisse velit, ut cuiquam nocere, damnumve dare possit*, quæ sola rem omnem conficiunt. Constat præterea Romæ, pariter ac apud Græcos, canes fuisse acres, ad liminæ ædium, sed vinctos catena, qui fures, januam intraturos, magno tumultu excipiebant. Apud Homerum Iliad χ. Priamus ait, se aluisse, κύνας πολεμικὰς ἐν προθύροις κειμένας, *Canes portæ custodes, qui pro foribus excubabant*: & AEschylus, in Agamem-

memnone, idcirco eos, qui res custodiunt, *κύνας* appellavit. Seneca, declamator Romanus, *catenarium canem* vocat lib. III. contr. 20 & alter Seneca lib. III. de ira c. 37. *Irasceris ergo catenario cani?* ubi male; Vossius, in Inst. orat. janitorem vel ostiarium interpretatur. Petronius cap. 72. ad *januam venimus, ubi canis catenarius*. Præsto autem erat plerumque atriensis, qui interventu suo canem placaret, & a foribus abduceret, Plaut. Mostell. III. sc. vi. 167. Quinimo janitores, sive ostiarii, æque ac canes catenati, in limine domini & in cellulis, quæ magnarum domorum aut insularum foribus erant adstructæ, excubabant. Multis id docuit Faber lib. II. Sem. c. 12. Brodæus lib. III. Misc. c. 3. & Sagittarius de jan. vet. c. 16. ideoque paucis erimus contenti. Meminit ostiarii Alfenus Varus in l. 61. D. de legat 3. Ulpianus in l. 12. §. 9. §. 42. D. de instrum. & instrum. leg. Sueton lib. VII. c. 16. *confugitque in cellulam janitoris, religato pro foribus cane*. Idem de clar. Rhet. c. 3. *Lucius Oclacilius Pelitus servisse dicitur, atque etiam hostiarius, veteri more, in catena fuisse*. Ovid. lib. I. Amor eleg. 6. init.

*Janitor indigne, dura religate catena,
Difficilem moto cardine pande forem.*

Hoc

Hoc amplius qui canem ejusmodi mordacem alebant, imagine canis, in pariete vel janua picti, cum inscriptione CAVE CAVE CANEM, monebant ingressuros, ut a cane sibi caverent. Varro Eumenidibus, apud Nonium, in voce *præbitio*, mihi est auctor: *Quod ea die mea præbitio, in janua, Cave cave canem, inscribi jubeo*: hoc est, cum hodie convivium parandum sit, januæ meæ cave canem inscribi jussi, ut ab aditu deterreantur, qui ad condictum venturi sunt. Petronius cap. 29. *Ad sinistram intrantibus, non longe ab ostiarii cella, canis ingens catena vinctus in pariete erat pictus, superque quadrata litera scriptum, Cave cave canem.* A Græcis illud sumtum esse, ex Lysistrata Aristophanis docuit Turnebus lib. xv. Advers. c. 4. & deinde proverbii more usurpatum a Veteribus, cum aliquem terere, arcere, vel hominem maledicum caveri vellent; unde & satyra Varronis hac inscriptione fuit. Huc etiam Thomas Gatakerus Advers. miscell. c. 38: illud Pauli referendum putavit Philipp. III. v. 2. *Βλέπετε τὰς κύνας, cavete canes*, id est, Ecclesiæ hostes, qui rabidorum canum instar Apostolos impetebant.

Vinctos ergo canes habere licuit, neque damnum ab iis datum luebatur, si quis

quis moniti & inscriptionis securus, in aream vel domum alienam se contulisset. In agris vero Catonis præceptum erat cap. 124. de R. R. *Canes interdiu clausos esse oportere, ut noctu vigilantiores sint & acriores.* Repetiit Varro lib. 1. de R. R. c. 21. *Canes potius cum dignitate, & acres paucos habendum, quam multos, quos consuescias potius noctu vigilare, & interdiu clausos dormire, catena vinctos esse, ut soluti acriores fiant.* Nocturnorum canum meminit Cicero pro Milon. c. 13. & illum tuto dormire posse, qui canem habet custodem, dixit Libanius in progymn. Ipse Canis de se apud Phædrum lib. III. fab. 7.

*Quia videor acer, alligant me interdiu,
Luce ut quiescam & vigilem, cum nox ve-*
nerit,

In Urbe vero & Municipiis æditui & janitores sub noctem in basilicis, insulis, & ædibus undique clausis, canes effertatos solvebant, atque in sacrilegos furesque mittebant vigiles hos, semper intentos, & super omnes stationarios sollicitos. Argumentum hujus rei peto ex Seneca, qui de brev. vit. c. XI. quosdam in causis agendis ita actuosos fuisse, scribit, ut eos a claudenda basilica immissi demum canes ejecerint. Atque hæc de animalibus ferocibus mansuetis.

Feras

Feras autem sævas & sanguine humano gaudentes, nunquam solutas, verum claustris & caveis inclusas habere licuit; modo vincula essent firma & sufficerent ad impetum earum reprimendum: alioquin si ex vinculis, quibus irritantur, erumpunt, sunt ferociiores, & iras ingentes, quas diu in pectore volverunt, exequuntur, auctore Liv. lib. 34. cap. 4. & 35. cap. 18. Libanius, in encomio Diance tom. 1. *Si forte quædam ex illis bestiis, quæ in vivariis diu maceratæ sunt, elapsa e cavea per civitatem discurrere cœpit, solo adspectu terrorem injicit. Continuo sibi quisque persugium querit, januæ clauduntur.* Bestias autem accipere debemus ex feritate magis, quam ex animalis genere: quid enim si leo sit mansuefactus, non erit Edicto locus, saltem quamdiu ad pristinam asperitatem non est reversus. Erant quippe mansuetarii, qui belluas sævissimas mansuefacerent, ut quæ antea ad occursum hominum expaverant, sub jugum missæ currus traherent, subsiderent in genua, ambulare per funem, atque in contubernium & domus divitum reciperentur. l. 1. §. 6. D. de postul. l. 4. D. A. R. D. Hinc in schematibus Deorum, Augustorum, & Augustarum bigæ quadrigæque elephantorum, leonum & panthera.

therarum conspiciuntur; ac Heliogabalus processit in publicum quatuor cervis junctis ingentibus: junxit sibi & leones, Matrem magnam se appellans: junxit & tigres, Liberum sese vocans, auctore Lamprid. in ejus vita c. 28. Quousque domitores illi profecerint late describit Manil. lib. IV. Mart. lib. I. ep. 105. Seneca Epist. 85. fin. & lib. II. de ira cap. 31. ubi: *Adspice intra domum urforum leonumque ora placida, trallantibus pueris pariter ac feminis, adulantesque domino seras. Ædiles igitur has domitas bestias haberi non vetant, quamdiu ferus, quem exuerant, non rediit animus: at si torvitas mitigata in perniciem vel damnum aliorum rursus exasperatur, qui eas aluit incidit in Edictum: nam ut Martialis de urso cecinit, lib. VI. Ep. 64.*

Sit placidus licet, & lambat digitosque manusque,

Si dolor, & bilis, si jussa coegerit ira, Ursus erit

Ita de leone Statius lib. II. Achilleid. v. 183.

Ut leo, materno cum raptus ab ubere, mores

Accepit, pectique jubas hominemque vereri Edidicit, nullasque ruit, nisi jussus, in iras:

Si

*Si semel adverso radiavit lumine ferrum,
Ejurata fides, domitorque inimicus, in
illum*

*Prima fames, timidoque pudet servisse
magistro.*

Eodem hoc Edicto tenentur Circulatores, qui serpentes, urfos, leones, simias, cercopithecus, aut similia animalia circumferunt, & quæstus causa ostendunt, ut tamen, pro ratione circumstantiarum, extraordinariæ quoque actioni sit locus. Paulus lib. 1. Sent. in l. ult. D. de extraord. crim. In circulatores, qui serpentes circumferunt, & proponunt, si cui ob eorum metum damnum datum est, pro modo admissi, actio dabitur. Male Accursius hunc locum accepit de agyrtis, qui propositis subito serpentibus, metum hominibus incutiunt, ut fugiant, & res suas dimittant, alii autem veniant, qui eas furentur. Potius circulatores hic sunt præstigiatores, qui animos hominum sensusque quadam veritatis specie illudunt, & ludicra edunt, coram populo, in modum circuli circumstante, unde & nomen. Glossæ *Circulator* ὀχλάγωγος, ἀγύρτης. Talis erat L. Clodius, *pharmacopola circumforaneus*, apud Ciceron. pro Cluent. c. 14. & *Circulator Antonius*, notissimus homo Hispani, apud eundem lib. x. epist. 32. Se-

neca lib. vi. de benef. c. xi. *Alter apud proximum circulatorem refedit.* Prudent. Hymn. in Roman. vi. 303. *Quos sæpe falsus circulator decipit.* Hi vero sæpius animalia peregrina, fera, mansuefacta, artefve edocta, accepto pretio proponebant, vel, ad populum alliciendum, gratis monstrabant. Petron. cap. 47. *Ego putabam petauristarios intrasse, & porcos, sicut in circulis mos est, portenta aliqua facturos.* Celsus lib. v. de medicina c. 27. n. 3. *Colubra tuto estur, ictus ejus occidit, & stupente ea (quod per quædam medicamenta circulatores faciunt) in os digitum quis indidit, neque percussus est, nulla in ea saliva noxia est.* Idem quoque impostores, cinctum forte cum anguibus faciebant, ad auctoritatem sibi conciliandam, inusitata specie; unde metus circumstantium. Steph. Forcatulus, Necyom. dial. 88. n. 4. *Circulatores, ait, sunt præstigiatores, qui carmine serpentes sopiunt, & deinde ferunt sibi innoxios, ut alios terreant: verum non terrendi, sed conciliandæ existimationis gratia, serpentes veneno spoliatos circumferebant, licet animos infirmiorum sæpe metus occuparet.* Similiter Bacchi, in festo Omophagiorum, sese tortis serpentibus incingebant, ut ait Catullus carm. 65. & inde ostenso angue terribiles erant, auctore Fir-

Firmico de err. prof. relig. c. 6. Prudentius adversus Symm. lib. 1. vf. 129.

- - - *Baccho caper omnibus aris*

Cæditur, & virides discidunt ore chelydros;

Qui Bromium placare volunt.

Nullum itaque noxium animal, sive id ferum, sive mansuetum, sive mansuefactum sit, *qua vulgo iter fit, habere licet.* Habere dupliciter accipitur: nam & eum habere dicimus, qui rei dominus est, & eum, qui dominus quidem non est, sed tenet l. 38. §. 9. D. de V. O. atque eodem modo verba *quæque ibi habuit*, in interdicto unde vi accipiuntur, ut non solum res proprias, sed etiam depositas, commodatas, oppignoratas & fructuarias comprehendant l. 1. §. 33. D. de vi & vi arm. Vulgo iter fit, qua cuivis e populo ire licet; sive viæ sint regię, sive aliæ quævis, per fundum privatum cuilibet patentes; subest enim hic eadem ratio, quam in l. 7. §. 1. & 2. D. de his qui dejecer. vel effud. adfert Ulpianus: *quia publice utile est, sine metu & periculo per itinera commeari, & quia iter facientibus prospicitur, non viis publicis studetur: semper enim ea loca, per quæ vulgo iter fit, eandem securitatem debent habere.*

CAPUT IV.

DE SANCTIONE ÆDILITII EDICTI
EJUSQUE ÆQUITATE.

Si liber homo ab animali feroce occisus, pœna est cc. solidorum: si vulneratus, judex eum, qui bestiam habuit, condemnat in id, quod bonum æquum videtur. Ceterarum rerum nomine quantum damni datum: factumve sit dupli. Hunc in finem prœdita est actio in factum, Ædilitia; quacum utilis actio noxalis de pauperie, & aliquando criminalis extraordinaria concurrit. Quatenus actiones brutorum ex simplicitate naturali dominis imputentur, sex speciebus distinctis explicatur. l. I. §. 11. D. si quadrup. paup. aliter quam a Grotio exposita. Exodi xxi. vs. 29. & Baba Kamma illustratur. Jus gentium Germanicarum, Saliorum, Ripuariorum, Saxonum &c. Cur Ædiles bestiis occidentibus nullam dictarint pœnam. Leges. hac de re Hebræorum & Græcorum explicatæ. Exempli brutorum quasi punitorum vetera & recentiora. Deo-danda Anglorum.

Vidi-



Idimus partem Edicti priorem prohibentem, superest de pœnali dicamus. Ajunt Ædiles: *Si adversus ea factum erit, & homo liber ex ea re perierit, solidi ducenti: Si nocitum homini libero esse dicetur, quantum bonum æquum judici videbitur, condemnnetur: ceterarum rerum, quanti damnum datum factumve sit, dupli.* Condemnatio diversa est ex re, cui nocitum est, & distinguunt Ædiles. 1. An liber homo occisus 2. An liber homo vulneratus 3. An in servi corpus vel in alias res damnum datum sit. Si liber homo, ab animali feroce occisus, datur ejus heredi, non ut heredi, sed ut uni de populo, actio in factum ad ducentos solidos; non pro liberi corporis æstimatione, quam nullam recipit, sed pro pœna mera, agnato, affini, vel cuilibet de populo agenti applicanda *arg. l. 1. §. 5. l. 5. §. 5. D. de bis effud.* Nec refert, mas an femina, filiusfamilias, an paterfamilias, infans an adultus perierit: nam & Homerus Iliad. XXI. eis versibus, qui referuntur in *l. 16. §. 8. D. de pœn.* infantis cædem *ἀνδραποδισμὸν* vocat; & Imperatores capite puniendum censent eum, qui infantem occiderit *l. pen. C. ad L. Corn. de sic.* Quinimo ipse summus legislator, in edicto de

bove cornupeta Exodi XXI. vs. 29. & 31. nominatim viri & mulieris, filii & filiae, id est parvuli & parvulae meminit, ne quis illud ad mares, & ætate majores tantum pertinere putet; quorum ut jactura major, ita vita pretiosior est. Rarius autem olim forte matrona honesta in via publica occidi potuit, quia *εισεως* a D. Paulo & Augusto apud Dionem laudatur. LANIFICA. PIA PUDICA. FRUGI. CASTA. DOMISEDA inter matronalia decora refertur in marmore vetere. Propert. III. Eleg. 10.

- - - *casta domi persederat uxor.*

Alterum sanctionis membrum est, si homo liber vivat, sed *nocitum* tamen ei esse dicatur; tunc enim dominus animalis, vel quisquis illud habuit, actione Ædilitia in factum, quasi ex delicto conventus, *quantum bonum æquum judici videbitur*, condemnandus est. *Nocitum* hic non pertinet ad damna, quæ in re hominis liberi facta sunt, puta si vestimenta ejus, vel quid aliud scissum corruptumve est, sed ea, quæ in corpus ejus admittuntur, ut si pedibus fortassis manibusque vulnus illatum est l. 1. §. 6. D. de his qui effud. id enim omnè, cum magnam habeat latitudinem, judex libero arbitrio instructus rescirci jubebit. *Æquum bonum auctoritas* hic

hic accipitur pro omni eo, quod beat & æqualitatem civium servat; adeoque opponitur juri summo, quod summa plerumque injuria, summa malitia & crux est. Cicero lib. 11. ad Herenn. *Ex æquo & bono jus constat, quod ad utilitatem communem videtur pertinere.* Plautus æquum a legibus separat Menæchm. IV. sc. 2. v. 10. *Qui neque Leges, neque Æquum bonum usquam colunt.* Terent. Heaut. IV. sc. 1. *Qui neque Jus, neque bonum, neque æquum sciunt.* Statius lib. 111. Sylv. v. 87. *Solum & sine fascibus æquum vocat,* cui fori rabiem & strictæ jurgia litis opponit. Hujusmodi igitur æquus judex rationem habebit impensarum, & honoris Medico præstiti, nec non operarum, quas vulneratus a tempore damni dati amisit, quasque inutilis ad labores factus, amissurus est, arg. l. 3. *D. si quadr. paup.* Deformitatis autem & cicatricum jure Romano nulla habetur ratio, quia hæc neque patrimonium liberi hominis minuunt, neque auferunt ei alimentorum quærendorum facultatem. l. fin. *D. de his qui dejec.*

Tertium sanctionis membrum est: *Ceterarum rerum, quantum damni datum factumve sit dupli.* Damnum, non a demotione, ut Paulus, cum Varrone & Isidoro; neque a *δανών*, quasi *dapnum*, ut

Scaliger & Menagius; nec a δαίμων, quod est εἰάζω, ut Grotius, nec ὅτι δαμνᾶν, affligere, ut Guietus; sed fortassis a δαμάω δαμνημι dictum, est τὸ ἐλαττον, cum quis minus habet suo; sive res ejus inanimata sit corrupta, scissa & lacerata, sive servus vel ancilla sint occisi vel vulnerati: adeo ut artificii, ad quod inutiles facti, & deformitatis quoque ratio habeatur, si pulchra horum facies deturpata sit, quum ante majoris vendi possent. Harmenop. προχ. lib. vi. tit. i. §. fin. Sic Horat. lib. ii. epist. 2. ad pretium pueri augendum refert, quod

Candidus & talos a vertice pulcher ad imos.

Juvenal. Sat. x. vf. 196.

Plurima sunt juvenum discrimina, pulchrior ille

Hoc, atque ille alio, multum hic robustior illo.

Alias damnum istud, quod quadrupes fecit, Consultis pauperies vocatur; quia dominum facit pauperiorem, nec tamen ab injuria facientis proficiscitur. *Nulla est injuria, nisi a consilio profecta. Nocere itaque nobis possunt muta animalia, ut ferum & lapis, injuriam quidem facere non possunt,* ait Seneca lib. ii. de ira c. 26. Damnum autem intelligimus pecuniarium,

nec

nec affectionis habetur ratio; quia pretia rerum non ex affectu, nec ex utilitate singulorum, sed communiter funguntur, l. 33. *D. ad L. Aquil.* l. 63. *D. ad L. Falc.* Neque hic inspicitur, quantum quis forte ex re corrupta lucrari potuisset, aut quanti res in eo anno, vel intra dies triginta retro pluris fuerit. *Damnum est amissio eorum, quæ habueris*, ait Quintilian. decl. 120.

Sic ergo in triplici specie, hactenus explicata, committitur pœna ab Ædilibus statuta, ad quam extorquendam comparata est actio in factum, honoraria, ex quasi delicto, pœnalis, quæ competit ei, cui nocitum est, & quandoque cuilibet de populo, adversus eum, qui animal ferox habuit, ad id, quod Edicto comprehensum est. Levius est hoc judicium actione legis Aquiliæ, quia præsens æstimatio, non præterita inspicitur: gravius contra in eo, quod semper in duplum tendit, si damnum rebus datum est, quum *damni formula*, ut Plinius vocat lib. ix. cap. 59. sui natura in simplum sit, & ab accidenti demum per inficiationem dupletur l. 2. §. 1. l. 23. §. *pen.* *D. ad L. Aquil.* Ratio est, ut metu gravioris pœnæ itinera publica reddantur tutiora, quod ut fiat Reipublicæ interest. Præterea cum hac Ædilitia

litia in factum actione primo concurrat utilis actio noxalis de pauperie, si damnum, à cane vel à verre domestico datum, ejus dominus inops refarcire non possit, *l. 2. §. 1. l. 4. D. si quadrup.* Sic enim non tam negotium & factum duplex spectatur, uti Cujacius voluit, quam quod actiones illæ ad diversa tendunt, & institutâ quadrupedariâ aliquid amplius in *Ædilitia* reperitur: nunquam enim, (ut hispida & insuavi oratione, cum Jctis, ait Justinianus) actiones, præsertim pœnales, de eadem re concurrentes, altera alteram consumit §. 1. *Inst. si quadr. paup. l. 2. D. de priv. del. l. 60. D. de obl. & act. l. 43. §. 1. §. l. 130. de R. I.* ibique Jac. Gothofredus. Deinde præter actionem de pauperie, cum *Ædilitia* concurrat actio extraordinariâ criminalis, de qua Pauli locum infra cap. v. videbimus ex ejus lib. 1. *sent. tit. 15. §. 2.*

Nunc antequam manum de tabula tol-
lamus, restat, æquitatem Edicti natura-
lem, & usum, vel non usum hodiernum
paucis investigemus. Ex naturali simpli-
citate actiones brutorum domino non im-
putantur, nisi quatenus ille potuit & de-
buit eas moderari, ne in damnum alio-
rum erumpant. Prioris ratio est, quia ab-
que facto suo nemo obligatur; postero-
ris,

ris, quia cohabitatio nostra nulli debet esse molesta, alias ex culpa, sive in faciendo, sive in non faciendo, obligatio oritur naturaliter, ut damnum refarciatur. Quod si enim ex regulis socialitatis quilibet mala alteri impendentia avertere debet, si id sine periculo fieri queat; quanto magis domini brutorum, ex regula generali de non lædendis aliis, & tuenda hominum æqualitate, refarcire debent pauperiem, eam ob causam illatam, quod isti ex debita custodia & circumspeditione aliquid neglexerunt, aut causam & occasionem malorum eventuum, qui prævideri poterant, vel ipsi dederunt, vel non subtraxerunt. *Qui occasionem præstat, damnum secisse videtur*, ait Paulus in l. 30. §. 3. D. ad L. Aquil.

Hoc vero ut accuratius intelligatur, videndum est (1. an ipse læsus petulantia sua v. gr. bovem cornu petere solitum, & fœnum in cornu habentem, aut canem mordacem irritaverit, vel magna negligentia; cum poterat, sibi ab illis non caverit, & talis de se queri debet. l. 2. §. 1. D. si quadr. paup. Paulus lib. 1. sent. tit. 15. §. 3. *Ei, qui irritatu suo feram bestiam, vel quancunque aliam quadrupedem in se proritaverit, eaque damnum dederit, neque in ejus dominum, neque in custodem actio*

actio datur. (2. *Si tertius canem irritavit & effecit, ut aliquem morderet, Aquilia vel in factum is qui instigavit, minime vero canis dominus tenetur l. 1. §. 6. D. si quadr. paup. l. 11. §. 5. D. ad L. Aquil.*) (3. *Si arietes vel boves inter se commiserint, id est cornibus se invicem petierint, & alter alterum occidit, cum Quinto Mucio, distinguendum est, utrum is perierit, qui aggressus erat, & cessabit actio, an vero is, qui non provocaverat, & competit actio, ut noxa sarcitur, aut in noxam dedatur animal, quod nocuit l. 1. §. 11. D. si quadr. paup. cuius rei ratio non tam in umbra juris, quod brutis competat, quærenda est, cum Grotio, lib. 1. de J. B. & P. c. 2. §. 3. n. 2. quam quod dominus arietis procacis & provocantis eum non custodivit.*) (4. *Si animalia nostra, citra nostram culpam, & contra naturam sui generis sponte commota, alteri damnum dederint, Grotius lib. 11. c. 17 §. 21. ex solo jure civili venire putat, quod damnum sarcire, vel animal dedere debeamus; id quod simili à furioso vel infante, qui damnum dedere, petito, & exemplo navis nostræ, in aliam impactæ, firmari videtur: sed quia noxa caput sequitur, in contrarium dici potest, quod dominus obftet læso, quominus is brutum capiendo vel*

vel occidendo damnum sibi repareret: major autem reparandae læsionis, quam domini est favor, ideoque recte a domino animalis postulatur, ut damnum repareret, aut si animal ipsi tanti non sit, illud noxæ dedat. Vid. Pufend. de J. N. & G. l. 111. c. 1. §. 6. & quæ notavi ad Ej. O. II. & C. lib. 1. c. 6. §. 11 & 12.

Quid autem (§. si bestia fera vel animal domesticum *domini culpa* damnum dedit, aut liberum hominem occidit? Omnis certe culpa, etiam minima, sufficit ad restitutionis obligationem; sed hoc amplius, si fera negligentius habita, & quidem in loco, quo vulgo iter fit, culpa augetur, & prope ad maleficiū accedit, ideoque pœnæ est locus, cujus metu cives fiant attentī, & plebs adversus potentiores muniat. Sicut ergo Aquilius, in Plebiscito suo hoc recte attendit, si corpore & in corpus, occidendo, vulnerando vel rumpendo, damnum a liberis hominibus fuerit datum, eoque duodecim Tabulis & legibus omnibus anterioribus, ob nimiam lenitatem, derogavit; ita Ædiles quoque, supplendi Juris Civilis gratia, pœnam pecuniariam proposuerunt, si quis magna negligentia feras habuisset prope vias publicas, eæque hominem liberum occidissent vel vulnerassent, aut in aliis rebus dam-

damnum intulissent. Quod si adhuc (6) *malitia quædam* notabilis accessit, & dominus a vicinis monitus, vel a magistratu jussus animal ferox non includat diligentius, nec dimittat, extraordinariæ pœnæ corporis afflictivæ erit locus: dolo enim carere non videtur, qui judicis mandato non obtemperat l. 199. de R. J. Ex lege divina dominus bovis hominem occidentis capite plēctitur, cui testato, tribus vicibus & coram magistratu erat denunciatum, ut bovem asservaret, eumque non asservaverit, Exod. XXI. v. 29. ubi, quicquid nudentur Rabbini, mors judicis sententia irroganda intelligitur, ne legis mitigatio, quæ proxime sequitur, frustranea sit. De bove autem Plato lib. IX. de LL. *Si jumentum aut quodpiam aliud animal quemquam occiderit, ejus consanguinei homicidam judicio persequuntur. Judicent autem agrorum magistri, quas & quot occisi consanguineus voluerit.*

Hæc sunt, nisi fallor, præcipua juris naturalis dictata, ex quibus controversiæ huc pertinentes decidi debent, quæque gentes moratiores, additis quibusdam, vel detractis, in judicando secutæ sunt. Sic Hebræorum Juris consulti, cum mitius statui viderent de bove casu damnum inferente, quam de bove petulco, Exod.

xxi. vl. 35. 36. animalia innocua a nocuis, convictis & contestatis accurate distinxerunt, & alia damna ex ipso corpore vivi animalis noxæ dati, alia vero ex præstantissimo, id est in solidum, rependi voluerunt. vid. Baba Kamma cap. 1. §. 4. & 11. §. 4. Iisdem placuit regula, nihil interessè occidat quis, an mortis causam præbeat; sed aliquando animal tantum lapidari, aliquando dominum ejus, vel commodatarium, aut conductorem simul occidi, aliquando multa pecuniaria prædicti voluerunt. Vide L'Empereur ad Baba Kamma cap. iv. §. 5. 9. & cap. vii. §. 7. ubi: *Nemo canem educabit, nisi catena ligetur.*

Apud veteres Teutones dominus animalis noxii obligatus fuit ad damnum restituendum; ut tamen animal domesticum a fero, & dominus sciens ab ignorante separaretur. In lege Salica Francorum tit. 39. *Si aliquis homo ex quolibet quadrupede, qui domesticus fuerit, occidatur, & hoc cum testibus poterit adprobari, dum illius dominus, cujus pecus erat, ante legem non adimplevit, medietatem de ipsa leudi componat, & pro alia medietate ipsum quadrupedem homini donet. Si vero pecoris dominus vitium in eo non intellexerit secundum legem exinde se potest defendere,*

dere, & de ipso pecore nihil solvat. Leudis est pretium hominis occisi, quo aut vivi redimitur vita, aut mortui componitur; idque *Weregildum* dicitur in simili lege Ripuarianorum tit. 46. nam apud nationes Germanicas non modo res & mancipia, sed etiam homines liberi, cujuscunque status & dignitatis, suam habuerunt æstimationem, uti ex earum legibus Schilterus docuit Exerc. ad D. XIX. §. 14. seqq. Græci *Πενέσιον*, Galli reparationem civilem vocant. Vid. Cujac. lib. XIV. Obs. cap. 4. In lege Saxonum tit. 12. *Si animal quodlibet damnum cuilibet intulerit, ab eo, cujus esse constiterit, componatur, excepta fayda*, id est, pœna. Idem Rex Rotharis constituit, in lege Langobardorum lib. 1. tit. 21. §. 3. Wisigothi autem, Burgundiones & Scoti mitius cum domino egerunt, cujus nulla esset culpa, eumque aut noxiam sarcire, aut animal in noxam dare voluerunt. LL. Wisigoth. lib. VIII. tit. 4. cap. 12. & Burgund. tit. 18. cap. 1. Saxones vero & Lubecenses, cum Alemannis hoc amplius domino verris, canis, aut bovis cornupetæ permiserunt litis æstimationem evitare statim derelinquendo caput, quod nocuit, Landr. lib. 2. art. 40. & jus Lubecense lib. III. tit. 11. art. 1. juncto jure Aleman. cap. 211. ubi

ubi quædam hujus Ædilitii Edicti, minus recte intellecti, vestigia, in verbis: *wes Hunt, adir Beer, adir Ochse, adir Pfert* &c. reperiuntur. De equis feritate sua nocentibus, duo sunt textus singulares in *cap. 13. § 16. x. de homicid.* quibus cum jungi potest Augustinus ad Publicolam, *epist. 154. in can. 8. cans. 23. qu. 5.* Hodie pœna ducentorum aureorum & duplici, ab Ædilibus dictata, cessat, & pro conditione causæ mulcta, aliquando & gravior pœna corporis afflictiva, arbitrio judicis, rarissime autem capitalis dictatur; qua de re, præter Scriptores criminales, Grot. p. 111. Introd. cap. 33. & Mornac. ad l. 1. D. si quadr. paup. adeundi sunt. Ita Carolus V. Nemes. art. 136. *Qui feram bestiam, genitali feritate præditam, habet patiturve, unde vitæ corporisve periculum aliis sit metuentum, eam dominus removeere tenetur: quod si enim illa damnum dederit, aut hominem occiderit, dominus feræ, pro conditione causæ, arbitrio judicantium pœnæ subjicitur, & quidem gravius, si admonitio Magistratus vel judicis præcesserit.*

Corollarii loco videamus, cur ipsis bestiis, quæ causa sunt proxima mortis, nullam Ædiles irrogarint pœnam? Quia scilicet in eas non cadit crimen, cum nec

G g 2 legem

legem nec legislatorem cognoscant, sed omnia impetu agant naturali, & vacent culpa, multo magis dolo: *nec enim potest animal injuriā fecisse, quod sensu caret*, id est rationis usu, judicio & affectu, ut ait Ulpianus in l. 1. §. 3. *D. si quadrup.* Cicero lib. 1. de Offic. cap. 16. *In equis, in leonibus justitiam non dicimus: sunt enim rationis & orationis expertes*, & Seneca lib. 1. de ira cap. 3. *feras ira carere, dicit, sed pro ira habere impulsus: Muta animalia humanis affectibus carent: habent autem similes illis quosdam impulsus.* Quod autem Deus Optimus Maximus ab omni bestia requirit sanguinem hominis, quem effudit Genes. ix. vs. 5. & bovem, qui virum aut mulierem cornu petiit, lapidibus obrui jubet, & carne ejus interdicat, etiam alienigenæ, Exod. xxi. vs. 28. non ea vere pœna est bestię, sed dominus punitur amissione animalis, non satis diligenter custoditi, & periculum ac scandalum vitatur futurum. Abenezra: *Deus pœnam imposuit domino bovis.* vid. Grot. lib. 11. de J. B. & P. cap. 21. §. xi. & Selden. de J. N. l. 1. cap. 4. Præterea horror simul injicitur hominibus, ne velint in eo delinquere, ob quod vident animal brutum impune non dimitti. *Pecora credendum est jussa interfici, quia flagi-*

flagitio contaminata, indignam sacri refri-
cant memoriam, ex Augustino scribit
Gratianus, in caus. 15. qu. 1. can. 4. Ad
imitationem Mosis, Solon quoque canem,
qui momorderit, noxæ dari præcepit,
bojæ quatuor cubitorum alligatum, ne
scilicet ita innexus noceret, utque læsus
de eo statuere posset, quicquid luberet,
sicut jam supra vidimus ex Plutarcho in
eius vita cap. 40. ubi quid sit κλοιός, sive
bojæ, ut Plautus loquitur, optime ex Xe-
nophont. Hellen. discere licet. Plato item
lib. ix. de LL. fancivit: Jumentum, aut
aliud animal, quod hominem occiderit,
cædis convictum morte plectitor, & extra
fines ejicitor: eadem scilicet ratione, qua
instrumentum, quo homicidium esset pa-
tratum, sceleris pœnas dedit, apud Pau-
saniam, & statuxæ aliæve res inanimatæ,
ex lege Draconis, in Prytaneo reæ cædis
judicatæ & in mare demersæ leguntur,
apud Demosthenem, Pausaniam & Suidam.
Vid. Petit ad LL. Atticas lib. vii. p. 523.
Ex Democriti lege animalia, quæ paupe-
riem fecerint, non noxæ, sed neci dari
jubentur, auctore Stobæo ferm. 42. Apud
Salaminios lex erat, ut sus inventa depa-
scens segetem alienam edentetur, ut re-
fert Alianus: idemque legibus Alemanni-
cis cautum est cap. 211. non in pœnam,
 G g 3 *sed*

sed ne iterum noceret. Illud vero mirum est, quod Plinius lib. viii. Hist. nat. cap. 16. scribit, Polybium referre, se *leo-nes*, urbium Africæ depopulatores, *cruci fixos vidisse, quia ceteri, metu pœnæ similis, absterrentur eadem noxa*. Idem lib. xxix. cap. 4. in monumentum Urbis, olim a Gallis captæ, *Supplicia*, ait, *annua canes pendunt, inter ædem Juventutis & Summani, vivi in furca sambuceæ arbore fixi*. Neque recentiora defunt exempla animalium, ob eadem factam occisorum, apud Boërium, Guidonem Papæ, Aerodium, Mornacium aliosque laudatos a Thomæ de noxia animal cap. 27. n. 31. idque Jure Alemannico cautum est, dicto cap. 211. §. 2. At Heigius, Clarus & Carpzovius tantum bestiam, quæ cum Sodomia commissa est, igne comburendam tradunt: in reliquis Anglorum mos placet, ut pretium brutorum, quorum impetu homo occisus est, in pios usus erogetur, & Deo donetur; *Deodande* vocant. Vid. Bracton lib. 111. tract. 2. cap. 5. n. 8. & du Frêne h. v.

CAPUT V.

DE EDICTO PRÆTORIS, DE DEJECTIS,
EFFUSIS ET PERICULOSE POSITIS.

Prætor Urbanus Edictis suis, in securitatem viarum, promissit actiones & interdicta: non vero extra ordinem punivit eum, qui seram bestiam colligasset, qua populi iter est. Pautus in Sent. explicatur. Verba Edicti Prætoris de dejectis. Ejus utilitas & necessitas quatuor argumentis demonstrata, petitis a multitudine hominum in Urbe, ab itinerum angustiis, altitudine ædium, earumque suggrundis, protectis & mænianis. Itinera post Neronis incendium latiora, & tamen angusta. Modus ædificiorum ex l. 1. §. 17. D. de op. nov. nunc. Homines plebei sub tectis habitantes, cœnacularii dicti. Cur mæniana in Edicto omitti. Secundum caput Legis Aquiliæ an egerit de dejectis & effusis, ad l. 5. §. 4. de bis qui eff. & l. 27. §. 4. ad L. Aquil. Jus Hebræorum ex Baba Kamma. Fundamentum Edicti est obligatio quasi ex delicto inhabitantis, quocum agitur actione in factum. Condemnatio ex primo Edicti capite quadruplex. Qua in re ea differat ab actione Edi-

litia, & Legis Aquilia. Quatenus cicatricum nulla ratio babeatur. Actio ex secundo Edicti capite in decem aureos popularis adversus quem detur. Cujacii emendatio l. 5. §. 12. D. de his qui dej. rejecta. Francisci Gallie Regis edictum ex Thuano.



AB Ædilibus Curulibus progredimur ad Prætores urbanos, qui adjuvandi, vel supplendi, vel corrigendi juris civilis gratia, varia jura in securitatem viarum introduxerunt; nunc enim datis actionibus pœnalibus damna a petulantibus vel imprudentibus habitatoribus, vel à nautis, cautionibus, & publicanis, in Urbe vel ruri, viatoribus data graviter coërcent; nunc etiam iis, quorum interest, interdicta prohibitoria & restitutoria, ne quid in via vel flumine publico fiat, quo iter vel navigatio deterior sit, pollicentur. Prius vero quam de singulis his agamus Pauli locus, ob vicinitatem cum præcedentibus, excutiendus est, cujus verba sunt *lib. 1. sent. tit. 15. §. 2.* quæ sequuntur: *Feram bestiam in ea parte, qua populi iter est, colligari Prætor prohibet. Et ideo sive ab ipsa, sive propter eam ab alio alteri damnum datum fuerit, pro modo admissi,*
extra

extra ordinem actio in dominum vel custodem datur; maxime si ex eo homo perierit, vel fuerit laesus. Summus Cujacius ad h. l. exultimavit *Praetorem* hic poni pro *Aedile*; non enim *edicto Praetoris*, sed *Aedilium* nos prohiberi ferox animal ibi habere, qua vulgo iter fit. Sequitur cum Cl. Noodt. lib. 1. Probabil. cap. 6. & , ut fieri solet, alii. Neque inelegans haec observatio prima fronte videtur, quia *Praetoris* nomen, pariter ac *Præsidis*, generale est; atque *Proconsules*, *Legatos Caesaris*, *Dictatores*, *Consules*, & , ut paucis dicam, omnes, qui jure vel exercitu praeunt, comprehendit; maxime vero *Aediles*, quia jus *Aedilitium* dicitur juris honorarii portio §. 7. *Inst. de I. N. G. & C.* & *Praetorias* stipulationes sic exaudiri oportet, ut in iis contineantur *AEdilitiae*; nam & haec a jurisdictione veniunt §. 2. *Inst. de divis. stip.* junct. l. 5. *pr. D. de V. O.* Verum huic explicationi gravissime obstat, quod *AEdiles* nullam extraordinariam actionem, quae in tergum & scapulas domini animalis daretur, sed poenam pecuniariam, laeso applicandam, introduxerunt. Deinde non fuit jurisconsultis in more, *Praetoris* & *AEdilium* vocabula confundere, quorum jurisdictio erat diversa, l. 63. *D. de AEdil. edict.* &

l. 31. D. de evict. Tiberius apud Tacitum lib. III. *Annal. cap. 53. Non Ædilis, aut Prætoris, aut Consulis partes sustineo.* Quinimo vix *Prætor* hic locum suum tueri potest: nam licet is edicta, ad securitatem viarum pertinentia, proposuerit, & Prætores de iisdem rebus, de quibus Ædiles, jus dixerint, omnium denique magistratuum jurisdictio Prætoria polliceri vocari, uti Cujac. lib. VIII. *Obs. cap. 38. & Cont. lib. 2. subsec. lect. cap. 16.* docuerunt, tamen Vir Clariss. Ant. Schultingius, in notis ad hunc Pauli locum, recte monuit, Prætorem vel Ædiles hujusmodi correctionem extraordinariam, qualis hic describitur, infligere non potuisse; quia mero imperio erant destituti, & omnia omnino crimina pertinebant ad Præfectum Urbi, *l. 1. pr. D. de Off. Præf. urb.* Forfan ergo melius vocem *Prætor* non Paulo, sed ejus enarratori Aniano acceptam feremus, qui tales minime nobis dedit Pauli libros, quales ex ejus officina prodierunt. Notum est, pœnas extraordinarias plerasque moribus esse introductas, ob inopiam reorum, ut qui non haberent in ære, luerent in pelle. vid. *l. 7. §. 3. D. de jurisdict. l. ult. D. de privat. delict. l. ult. D. de furt. l. ult. D. de injur. l. 1. in fin. D. de pœn.* Atque hinc for-

forſan cauſa eſt repetenda, cur Juſtinianus, in §. 1. *Inſt. ſi quadrup.* pœnam ducentorum ſolidorum, ob liberum hominem occiſum, omiſerit; quia tunc plerique extra ordinem criminaliter, maxime adverſus inopes agebant, quo magis temeritas eorum coërceretur.

His præmiſſis ad Ediſtum adverſus hos, qui effuderint, vel dejecerint, vel poſitum habuerint ſupra eum locum, quo vulgo iter ſit, à Prætorè propoſitum, nos convertimus, cujus duo ſunt capita. Prioris verba, auctore Ulpiano, in l. 1. *D. de his qui effud.* ita ſeſe habent: *Unde in eum locum, quo vulgo iter fiet, vel in quo conſiſtetur, dejectum vel effuſum quid erit, quantum ex ea re damnum datum factumve erit, in eum, qui ibi habitaverit, in duplum judicium dabo. Si eo iſtu bono liber periſſe dicetur, quinquaginta aureorum judicium dabo. Si vivet, nocitumque ei eſſe dicetur, quantum ob eam rem æquum judici videbitur, eum, cum quo agetur, condemnari, tanti judicium dabo. Si ſervus inſciente domino ſeciſſe dicetur, in judicio adjiciam, aut noxam dedere. Alterum caput his verbis conceptum fuiſſe, idem Ulpianus tradit, in l. 5. §. 6. D. eod. tit. Prætor ait: *Ne quis in ſuggrunda proteſtore, ſupra eum locum,*
qua*

multo difficilius, in tanta turba hominum;
ait Pompon. in l. 2. §. 9. de O. J. Sub
Nerone Seneca ad Helviam matrem c. 6.
Adspice agedum, inquit, hanc frequen-
tiam, cui vix urbis immensæ tecta suffi-
ciunt: maxima pars illius turbæ patria
caret: ex municipiis, ex coloniis suis, ex
toto denique orbe terrarum confluxerunt.
Idem lib. II. de ira c. 7. *Hæc tot millia*
ad forum prima luce properantia, quam
turpes lites, quanto turpiores advocatos
habent? Lucanus denique lib. 1. Pharf.
vs. 24. pleraque Italiæ oppida deserta &
vacua esse queritur, raros in illis errare
habitatores, nulloque custode domus te-
neri; sed deinde vs. 511. Romam. vocat

- - - *urbem populis victisque fre-*
quentem

Gentibus, & generis, coëat si turba,
capacem

Humani.

Cum illa multitudine hominum jam mi-
hi, quæso, compara plateas, non admo-
dum latas, & quantum periculi ex de-
jectis vel effusis turbæ imminuerit videbis.
Cicero suo tempore, Agrar. II. c. 35. *an-*
gustissimis semitis Romanos, præ Capua,
ufos fuisse ait. Seneca lib. II. contr. 9.
Tanta altitudo ædificiorum est, tantæque
viarum angustia, ut neque adversus ignem
præ-

ſomnum Druſo eripuiſſe cecinit, & ſat.
VI. vl. 78.

Longa per anguſtos figamus pulpita vicos.
Sed & quamvis latæ eſſent plateæ, tabernis tamen & pergulis inſitorum, cauponum, tonſorum & lanionum anguſtiores reddebantur, donec Domitianus ei rei modum impoſuit, cui Martialis idcirco gratulatur lib. VII. Epigr. 60.

*Stringitur in denſa nec ceca novacula
turba,*

Occupat aut totas nigra popina vias.

*Tonſor, caupo, coquus, lanio ſua limina
ſervant.*

*Nunc Roma eſt: nuper magna taberna
fuit.*

His tertium momentum accedat ab altitudine ædificiorum petitum, ex quorum ſupremis cœnaculis plebs Romana, teſtas fractas & rimofa vaſa dejiciens, lapſu graviore cerebra tranſeuntium ſeriebat. Initio quidem, cum per Urbis laxitatem licebat, unius tantum contignationis erant ædificia, culmo horrentia & e ſtramine conſtructa, ut Virgilius & Ovidius teſtantur: ſed poſtquam area plana infinitam illam hominum frequentiam recipere non poſſet, ad auxilium altitudinis ædificiorum res ipſa coëgit devenire; itaque altitudines, crebris contignationibus
coaxa-

tur, ut Zeno inquit, in l. 12. §. 1. C. de
edif. priv. Hoc sane ut credamus jubet
 tum servitus altius tollendi, a Jctis nostris
 toties memorata, tum crebra testimonia
 veterum de tectis ædium sublimibus, eti-
 am post illos Augustos exstructis. Senecæ
 Rhetoris sub Tiberio querelam jam ante
 audivimus; huic accedat junior Seneca
 ad Helv. cap. 9. *Quo altius turre*
sustulerint, quo latius vicos porrexerint, quo
majori mole fastigia cœnationum subvexe-
rint, hoc plus erit, quod illis cœlum ab-
scondat. Petronius, Neroni familiaris, Sa-
 tyr. cap. 120. *Ædificant aurò, sedesque*
ad sidera mittunt. Claudian. in 11. Conf.
 Silic. vf. 131

Qua nihil in terris complectitur altius
æther,

Cujus nec spatium visus, nec corda de-
corem,

Nec laudem vox ulla capit, quæ luceme-
talli

Æmula vicinis fastigia conserit astris.

Hoc amplius sciendum est, quod in
 partibus ædium superioribus, opifices ple-
 rumque & pauperes, cum familia ex
 conducto habitarent, qui *cœnacularii* id-
 circo in l. 11. §. 5. D. de pign. act. li-
 cuit illi, qui domus totas conductas, quæ-
 stus gratia, per singula cœnacula loca-

H h

bant,

patent Projectiones, siue partes domus ita prominentes, ut nusquam quiescant; qualia sunt mæniana & podia pensilia, unde adspectus est in vicos & plateas, *l. 2. l. ult. §. 1. D. de S. P. V.* Mæniana a Mænio sunt appellata: is enim cum domum suam venderet, excepit sibi jus unius columnæ; super quam tectum projiceret ex prouolantibus tabulatis, unde ipse & posterius munus gladiatorum spectarent, ut ex Festo & Asconio notum est. Mentio illorum fit in *l. 20. D. de S. P. V. & l. 2. §. 6. D. ne quid in loc. publ.* Græci *ἱερός* appellant, & *ἱεροσάπεια*, uti ex Glossis constat, & Cujacius lib. 1. Obs. cap. 30. ad *l. pen. C. de ædific. priv.* plenius explanavit. Similia sunt, quæ *παγαπητάκια* dicuntur, in *l. 39. C. Th. de op. publ.* In provinciis ea ædificare permissum fuit, in Urbe non semper, nec forte eo tempore, quo hoc Edictum proponebatur. Ammianus Marcellinus lib. xxvii. cap. 9. de Prætextato, Præfecto Urbis: *Mæniana sustulit omnia, fabricari Romæ priscis quoque vetita legibus.* Ut adeo factis ex his constet, muniendam fuisse multitudinem per plateas Romanas diffluentem, aduersus injurias, quæ ex alto iminebant. Audiamus Juvenalem sat. iii. vs. 268. ad avarum:

Hh. 2

Respi.

*Respice nunc alia ac diversa pericula noctis:
Quod spatium tectis sublimibus, unde ce-
rebrum*

*Testa ferit, quoties rimosa & curta fe-
nestris,*

*Vasa cadunt: quanto percussum pondere
signent*

*Et lædant silicem. Possis ignavus haberi,
Et subiti casus improvidus, ad cœnam si
Intestatus eas. Adeo tot fata, quot illa
Nocte patent vigiles, te prætereunte, fe-
nestræ.*

Ad historiam Edicti quod attinet, ne-
mo dubitat, quin paterfamilias, qui ipse
corpus solidum, ut tegulam, lapidem,
lignum dejecit ex ædibus suis, vel rem
liquidam ipse effudit in eum locum, qua
vulgo iter fit, vel constituitur, obligetur
naturaliter ad damnum refarciendum, &
lege civili insuper, ob crassam negligenti-
am, multari possit. Prius ex jure He-
bræorum tradit Baba Kamma cap. 411.
§. 2. 3. *Effundens aquam vel stercus in lo-
cum publicum, qua alius damnum patia-
tur, hujus damnum præstare tenetur.* Po-
sterius vero Aquilius tribunus plebiscito
suo Romæ introduxit cap. III. Quid
verò si habitantes cum eo uxor, filiusfa-
milias, hospes, cliens, libertus, aut fer-
vus dejecerint? Ipsi quidem dejicientes prin-

principaliter ex facto suo tenentur; ut tamen patrifamilias damnum quoque imputari possit, quatenus is, tamquam familiae suae princeps, poterat & debebat actiones eorum, quos sub tectum recepit, moderari, ut ne civibus essent molestiae, vel securitatem viarum impedirent. Sed quia rarius sciri potest, quis deiecerit aut effuderit, maxime si plures in eodem caenaculo habitent, vel si nocte dejectum sit, hinc utile visum fuit Praetori actionem poenalem proponere adversus aedium habitatorem, hoc fundamento, quod ille obligatus sit quasi ex delicto, id est ex facto illicito, sola culpa admissio: peccasse enim quodammodo videtur ob id, quod homines petulantes, incautos, parumve providos in caenacula recepit. *l. 5. §. 5. D. de obligat. & act.* ideoque aequum est, ut suam suorumque culpam praestet *l. 6. §. 2. D. de his qui effud.* vid Grotium lib. 11. cap. 17. §. 6. seq. & Pufend. lib. 111. de J. N. cap. 1. §. 6.

Marquardus Freherus lib. 11. Veris. c. 3. olim putarat, secundo capite Legis Aquiliae de dejecto vel effuso actionem prodatam fuisse; quia Ulpianus scribit, dominum aedium hac ex causa legis Aquiliae actione condemnari posse. *l. 5. §. 4. D. de his qui effud. vel. dej.* verum discessit ab

hac sententia, quia damnum deieciendo datum rupti, sive corrupti appellatione, in tertio capite legis Aquiliae, potest comprehendi *l. 27. §. 13. D. ad L. Aquil.* Sed tanti ponderis non visa fuit hæc ratio viro Ampl. Corn. van Bynkershoek lib. 1. Obs. cap. 13. quin censeret, caput illud egisse de dejectis, quod Prætores deinde, ob quæstionum luxuriam, Edicto complexi fuerint. Movet ipsum tum argumenti & utriusque tituli affinitas, tum quod Mucius actionem de dejecto ramo ex lege Aquilia esse dixit in *l. 31. D. eod.* tum Ulpiani auctoritas *d. l. 5. §. 4.* & denique quod actio pœnalis de dejectis, tanquam ex lege civili oriunda, perpetua est *l. 5. §. 5. §. ult. de his qui effud.* Et sane fatendum est, inter tot virorum clarissimorum de capitulo illo conjecturas ad *l. 27. §. 4. D. ad L. Aquil.* puta Cujacii, Chifletii, Freheri, etiam Jacobi Constantinæi lib. 1. subtil. enod. cap. 6. hanc maxime probabilem videri, ob *d. l. 5. §. 4.* Pace tamen Viri Illustris liceat qualescunque dubitandi causas in medium proferre: primo enim ex verbis legis Aquiliæ ita de-mum actio datur, si quis ipse corpore suo, non hospes aut servus, damnum dedit. Deinde damnum injuria datum est verum delictum, hic quasi ex delicto agitur. Ratio-

tiones porro Edicti supra allatae nondum forte tempore Aquilii tam evidentes fuerunt, ut tot inter alia damnorum genera opus esse crediderit capite de dejectis singulari. Ulpianus vero actionem in factum Praetoriam Aquiliae vocare potuit; quia lex ista, derogans omnibus legibus anterioribus, sive XII. Tabulis, sive aliis, fons erat omnium decisionum de damno dato, ad quam Praetor, tanquam legum interpretes, varias actiones accommodavit, quae eodem nomine Legis Aquiliae veniunt, & in perpetuum dantur. Utique multitudo periculorum & utilitas viarum Praetorem moverunt, ut duas has damni species gravius coerceret, quam in tertio legis Aquiliae factum erat; *neque adjecit culpe mentionem, vel inficiationis, ut in duplum detur actio, quamvis damni injuriae utrumque exigat*, ait Ulpian. in l. 1. §. 4. D. de his qui effud. Denique ex mente Praetoris hoc Edictum extensum est ab Urbe ad municipia, civitates & vicos, per quos vulgo iter fit; & si de nave dejectum, datur actio utilis in eum, qui navi praepositus est l. 6. pr. & §. 3. cod. At putator, qui non proclamavit, incidit in L. Aquiliam §. 5. Inst. de L. Aquil. vel extra ordinem punitur Paul. l. v. tit. 23. §. 12. nullus hic est habitator, qui con-

Ilh 4

veni-

niri possit, ideoque *l. 31. D. ad L. Aquil.* ab hoc Edicto aliena est.

Condemnatio ex primo Edicti capite non una est: nam (1) si damnum fordibus effulus datum sit in vestimenta alias veres, quæ æstimationem admittunt, Prætor adversus habitatorem in suo, vel conducto, vel gratuito, non vero contra ejus heredem, judicium dat in duplum damni dati. (2) Si liber homo ex ea re occisus, actio popularis datur ad pœnam quinquaginta aureorum, cuivis ex populo intra annum, non vero heredi, nec contra heredem *l. 5. §. 5. eod.* Ratio autem, cur Ædiles in *l. 42. D. de Ædil. ed.* graviolem ducentorum solidorum pœnam dictaverint, homine libero a feroce animali occiso, hæc est, quod gravius sit alere leonem, ursum & lupum, quam hominem negligentem recipere, non tamen ita nocere solitum, & tristis forsan casus excitavit Ædiles, ut rigidius viarum securitatem sibi mandatam tuerentur. (3) Si liber homo vivit, sed ei nocitum dicatur, perpetuo agere licet, in id quod æquum judici videbitur: is autem computabit mercedes medicis præstitas aliaque impendia, quæ in curatione facta sunt, & operas, quibus læsus caruit aut casiturus est: nam qui de actu tenetur simul tenetur de his, quæ illum ex
actus

actus vi sunt consecuta. Senec. v. contr. 5. Cicatricum vero aut deformitatis nulla fit æstimatione, quia liberum corpus nullam æstimationem recipit *l. fin. D. b. t.* & licet reciperet, non est, cui illa exsolvi possit, quia nemo membrorum suorum dominus est *l. 13. pr. D. ad. L. Aquil.* propter atrocem vero contumeliam injuriarum agi potest §. 9. *Inst. ad L. Aquil.* & duæ fiunt æstimationes, alia damni, alia contumeliæ, *l. 5. §. 1. ad. L. Aquil.* id quod adversus Titii censuram juris Romani observandum est, Obs. ad Laut. 268. Secundum Hebræorum leges, lædens nomine damni, doloris, curationis, cessationis & ignominie tenetur, apud Constantin. L'Empereur ad Baba Kamma cap. 8. §. 1. 2. Multi quoque, cum Gomezio & Zoësio, excipiunt virgines innuptas, quod oris gratia iis est instar dotis, & nunc difficilius maritum sunt nacturæ, nec inique! sed minime hac actione eis expeririandum, quæ rei læsæ æstimationem prosequitur. Apulej. in Apolog. *Virgo formosa, etsi oppido pauper, tamen abunde dotata est: adfert quippe ad maritum novam animi indolem, pulchritudinis gratiam, floris rudimentum.* (4) Si servus aliquid dejecerit, vel ex ejus cœnaculo aliquid sit effusum aut dejectum, in solidum obli-

gatur dominus, non modo, qui auctor fuit servo deijciendi, sed etiam qui scivit, & cum prohibere posset, non prohibuit; ipse enim deiecisse videtur; at si dominus ignoravit, actio noxalis est l. 2. l. 3. *D. de noxal. act.* hoc effectum, ut duplum sit in condemnatione, noxæ deditio in solutione l. 6. §. 1. *D. de re jud.*

Ex altero Edicti capite datur actio popularis in factum, cuius est populo, adversus eum, qui aliquid supra eum locum, quo vulgo iter sit, positum vel suspensum habet, cujus casus alicui nocere possit, ad decem aureos actori applicandos. l. 5. §. 6. *D. de his qui effud.* Positum hic accipere debemus, quicquid in habitationis, cœnaculi, horrei, vel ædificii cujuscunque suggrunda protectove expositum sit; modo id decidendo nocere possit, licet nondum nocuerit, d. l. 5. §. 9. Ratio est, ut metu gravioris pœnæ cives, & maxime plebei, in supremis cœnaculis res opificii sui crebrius suspendentes, fiant cauti, & itinera reddantur tutiora. Non datur hæc actio promiscue adversus habitantem, uti ex primo capite, sed adversus eum, qui positum habet, sive ipse posuit, vel ab alio positum patitur: sive sit dominus ædium, sive inhabitator, id est, *incola*, inquilinus & conductor, nec refert ædes inhabi-

habitent, an non *d. l. 5. §. 8.* Si servus posuit domino sciente, hic suo nomine tenetur, quia passus est poni; sin insciente, noxali iudicio est locus. *d. l. 5. §. 10.*

Quid autem si id, quod positum erat, deciderit & nocuerit? Ulpianus ait, in *d. l. 5. §. 12.* In eum competit actio, qui posuit, non in eum, qui habitaverit: quasi hac actio non sufficiat; quia positum habuisse non utique videtur, qui posuit, nisi vel dominus fuit aedium, vel habitator. Non temere Cujacius lib. xxii. Obs. cap. 32. vitii hic aliquid haerere putat, quod non nili traiectione verborum sanari possit, hoc modo: *in eum competit actio, qui habitaverit, non in eum, qui posuit.* Repugnat autem Suerinius repetit. lect. cap. 20. nec leves absurditates ex hac correctione exoriri causatur. Videamus. Species haec est: Cajus habitat aedes, in quibus Titius, qui eas non habitat, posuit aut suspendit aliquid periculose; quod cadendo nocuit. Multum intererit, an Cajo sciente & patiente in suggrunda vel projecto aliquid positum fuerit, an ipso ignorante, vel sciente, sed in alia parte aedium, extra protectum. Si posterius supponas, haec actio non sufficit, id est, deficit: nec enim ea datur adversus Titium, qui posuit, quia non est dominus aedium, neque ha-

bita-

bitator; nec adversus Cajum, qui habitat, quia is neque posuit, neque positum habet, aut habuit, quum ignorarit, neque in suggrunda poni passus sit. Æquum vero visum, ut actio in factum, in eum qui posuit, ad exemplum hujus actionis, detur, in qua iudex æstimet, quantum ob eam rem præstari æquum sit: majore enim odio dignus est, qui occasionem damni dedit, quam habitator, inter quem & casum nullus hic est nexus. Hanc interpretationem tum voces *positum erat*, non positum habuerat, tum etiam duæ species sequentes firmare videntur; altera de pictore, qui clypeum vel tabulam, sed non in protecto, expositam habuit, & altera de amphora ex reticulo suspensa, quia & *legitima Aquilæ, & honoraria actio desinit*. Quod si vero speciem, cum Cujacio, ita concipias, ut Cajo sciente & in suggruenda positum fuerit, id quod decidit, trajectio verborum per se quidem non mala est, sed, præter codicum fidem, ei refragantur tum verba, *quasi hæc actio non sufficiat*, tum sequentia per *nam &* conjuncta. Utique adversus inhabitatorem actio sufficiet ex capite secundo Edicti, quo coercetur qui positum habuit, *sive nocuit id, quod positum erat, sive non nocuit l. 5. §. 11. eod.* neque opus est ad mentem

tem capitis primi confugiamus: nam quod dicitur suspensum pro dejecto haberi, in l. 1. §. 3. *cod.* verum est, etiamsi habitator vel dominus ædium suspendi non passus est, quod tamen requiritur, ut dici possit eos positum habuisse. Moribus nostris actio quidem competit adversus inhabitatores ædium, ut damnum deiciendo datum resarciant, verum actiones pœnales non frequentantur, & Ædiles curant, ne quid periculose positum aut suspensum sit. Franciscus tamen 1. Rex Francorum, pœnam decem Francicorum in eos constituit, qui pannum Parisiis ex fenestra suspensum habeant, auctore Thuano lib. xvi. *Histor.*

CAPUT VI.

DE EDICTIS PRÆTORUM ADVERSUS NAUTAS, CAUPONES ET STABULARIOS.

Tria Edicta adversus nautas, caupones & stabularios, totidem libris separatim ab Ulpiano exposita. Primum est de receptis, cujus æquitas, utilitas & necessitas ostenditur. Diversoria olim rara, donec a Lydis inventa. Caupones quidam meretricum & furum receptatores. Eorum iniquitas, vilitas & perfidia, ad l. 3. §. 1. D. naut. caup. Prætor

*tor ab iis præstare voluit suam suorum-
que culpam levissimam. An potuerint
repellere viatores. Discordia inter l. 1.
§. 1. eod. & l. un. §. 6. D. furti adv.
naut. sublata. De insignibus cauponum,
ante fores; an antiqua, ad Luc. 11. vs. 16.
Alterum Edictum de damno injuria da-
to, ex quo datur actio in factum perpe-
tua, gravior quam Legis Aquiliæ, qua-
si ex delicto, contra nautam vel cauponem,
in duplum, non contra heredes.
l. 3. §. 4. cum l. 7. §. ult. D. naut. caup.
conciliata. Tertium Edictum de furto in
navi aut caupona commissio, sed non a
vectore. De jure hospitii quædam ex mo-
ribus Germanorum, Francorum, An-
glorum &c.*

Pergimus ad Edicta Prætorum ad-
versus nautas, caupones & stabu-
larios proposita, in viatorum se-
curitatem, dum istorum diligentia acui-
tur & fraudes coercentur. Tria autem vi-
dentur fuisse edicta, huc pertinentia, quo-
rum primum est, de restituendis iis, quæ
receperunt salva fore; alterum de damno
dato, & tertium de furtis, in navi, cau-
pona vel stabulo factis. De primo egit
Ulpianus lib. XIV. de altero lib. XVIII.
de tertio autem lib. XXXVIII. ad Edi-
ctum;

ctum, uti rubricæ *l. 1. § 1. 7. D. naut. caup. & l. un. D. furti advers. naut.* ostendunt. Verba Edicti prioris integra supersunt, in *d. l. 1.* hæc: *Nautæ, caupones, stabularii, quod cujusque saluum fore receperint, nisi restituent, in eos iudicium dabo.* Æquitas Edicti manifesta est: cum enim hoc genus hominum viatores & hospites velut ad se invitent, & securum trajectum vel diverforium expresse promittant, hinc de omnibus, quæ diligentia humana caveri poterant, respondere tenentur. Nautæ quidem merces datur, ut trajiciat vectores; cauponi, ut viatores manere in caupona patiantur; stabulario, ut permittat jumenta apud se stabulari, & tamen custodiæ nomine tenentur; quia salva fore recipiunt, quæ ad navim, cauponam vel stabulum perferuntur, adeoque præsumtio nascitur, quod ad custodiam exactissimam se obstringere velint; sive per se recipiant, sive per magistrum navis, aut institorem, cum necesse sit plerumque eorum fidem sequi *l. 1. l. 5. D. naut. caup. & omnia facta magistri debet præstare exercitor, qui eum navi præposuit l. 1. §. 5. D. de exerc. act.* Ex his utilitas Edicti est manifesta.

Tentari autem posset, actionem in factum, quæ ex Edicto proficiscitur, super-

pervacuam esse, sicut miratum accepimus Pomponium, cur honoraria hæc sit inducta, cum præsto essent actiones civiles; depositi, si gratis res susceptæ, vel, si merces intervenerit, ex locato & conducto. Verum Prætor innotescere voluit, se curam agere reprimendæ iniquitatis id genus hominum, qui cum furibus, adversus eos, quos reciperent, non raro coibant *l. 1. §. 1. l. 3. §. 1. D. naut. caup.* Horatius idcirco *perfidum cauponem* cum nautis audacibus conjungit lib. 1. sat. 1. vs. 29. Alibi eosdem, quasi naturæ perverſitate, hospitibus malignos, & levissimæ fidei depingit, lib. 1. sat. 5. vs. 4. ubi Forum Appii ait:

*Differtum nautis, cauponibus, atque
malignis.*

Neque Romæ tantum, sed ubivis fere gentium male audivit isthæc hominum trias; Eccles. xxvi. vs. 28. *non justificabitur caupona peccatis.* Dixit etiam Æschylus καπηλον τέχνημα, qualis tamen proprie est, qui minutatim vendit res esculentas aut potulentas. Vetusſtissimis temporibus diu rariora fuerunt diverſoria, uti ex Lothi, Jonæ aliorumque historiis pulchre ostenderunt Viri Cl. Perizonius ad Ælian. lib. 1v. var. hist. cap. 1. & Clericus ad Genes. xix. vs. 2. Postea Lydi primi caupones memorantur; sed

sed illi & ceteri magnam partem meretricum & furum facti receptatores, apud quos viri honesti divertere nolentes jus hospitii multa cum religione contraxerunt. vid. Justin. lib. 1. cap. 7. Aelian. lib. III. cap. 14. lib. IX. cap. 19. & lib. XIV. cap. 14. & quæ plura de cauponiis, sive meretriciis artibus Casaubon. ad Theophrasti charact. pag. m. 184. & de vilitate, ignominia & avaritia cauponum Mornacius ex Platone, Aristotele & Plinio attulit, ad l. 1. d. t.

Præterea in plus teneri voluit Prætor nautas & caupones, quam depositarios & locatores operarum; quia in locato conducto culpa levis, in deposito dolus & lata culpa propria duntaxat præstatur: hoc edicto autem omnimodo qui recepit tenetur, non tantum ex culpa levissima, sed & si sine culpa ejus res periit, facto ministrorum, vectorum aut viatorum, nisi si quid damno fatali contingit. l. 1. §. f. l. 2. l. 3. D. d. tit. Nec quisquam putet gravius hoc adversus eos constitutum: nam est in illorum arbitrio ne quem recipiant l. 1. §. 1. eod. licet semel viatores receptos repellere non possint l. un §. 6 D. furt. adv. naut. vel, si hæc conciliatio displiceat, in arbitrio cujusque est, an velit cauponam exercere, si
li vero

vero signo præ foribus suspenso id professus est, non potest repellere iter agentes. Ejusmodi signum nonnulli putarunt fuisse præsepe, in quo pastores Christum jacentem invenere, Luc. 11. vs. 16. & Sponius ita interpretatur, in inscriptione Narbonense, OSPITALEM A GALLO GALLINACIO, quod gallus hospitii insigne fuerit. Cetera de mesonautis, mediastinis, diaetariis, navium custodibus, quid sit χειρίμωλον facere, id est navi injicere, aliaque ad hujus Edicti interpretationem pertinentia Cujacius lib. xxvii. Obs. cap. 31. Augustinus lib. iii. Emend. cap. 3. adversus Alciati lib. iiii. Dispunct. cap. ult. & lib. i. Parerg. cap. 43. nec non Ampl. Bynkershoek lib. ii. Obs. cap. 14. erudite explicarunt.

Alterum Edictum, de damno injuria dato, in nave, caupona aut stabulo perit, sententiam autem ejus verbis Cl. Noodtii ad D. pag. 145. proponam: *In nautas, caupones & stabularios, si damnum injuria datum erit ab his, quorum opera navem, cauponam aut stabulum exercent, in duplum judicium dabo: nisi prædixerint, ut unusquisque res suas servet, & prædictioni consensum sit.* Ulpianus separatim lib. xviii. ad Edictum, & Paulus lib. xxi. ubi in materia legis Aquiliæ erant

erant occupati, de hoc Edicto egerunt, secundum rubricam fugitivæ l. 7. § ult. *D. naut. caup.* juncta inscriptione l. 5. 6. 7. *D. ad L. Aquil.* Prætor enim ad exemplum damni injuria dati, sed gravius coercet damnum, in navi, caupona vel stabulo viatoribus datum, idque bifariam: primum enim in duplum promittit actionem, licet nulla culpa vel inficiatio exercitoris fuerit probata; deinde non modo ex facto proprio exercitoris, sed etiam ex facto illorum dat actionem, quorum opera navis exercetur, sive liberi fuerint, sive servi alieni, quia periculo suo eorum opera usus: nec opus est personam ejus designare, qui deliquit, nisi quis contra illum agere velit, quod est quoque licitum, l. pen. §. ult. *D. naut. caup.* Quamvis ergo ex simplicitate naturali factum alienum nemini imputari possit, l. 74. de R. J. id tamen fallit, si voluntas nostra concurrat, quæ vel ex culpa vel ex pacto colligitur l. 30. §. 4. *D. locat.* Utrumque adest in exercitore navis, cauponæ vel stabuli; nam ut ipse non deliquerit, argui potest ejus culpa, quod malos adhibuit homines §. ult. *Inst. de obligat. quæ quas ex del.* l. 7. §. 4. *D. naut. caup.* l. 5. §. f. *D. de oblig. §. act.* Idem quoque ipso facto, interpretatione Prætoris

toris, tutum hospitium viatoribus promississe censetur: nec dubitandum est, quin is, qui saluum fore recipit, a damno quoque recipere videatur, sed in hoc Edictum incidit, etsi periculum custodiæ recipiendo non subiit, *l. 1. §. 1. l. 5. §. 1. D. naut. caup. juncta l. un. §. 4. D. furt. adv. naut.*

Notandum ergo non unum est discrimen hanc inter actionem in factum, & superiorem ex primo Edicto, quod cum Accursius ignoraret, plus semel hæsitavit & a vero aberravit longissime. Rectius actiones binas Ludovicus Vitalis discrevit lib. 1. lect. var. cap. 2. Veram autem interpretandi viam Gilbertus Regius Bonafidio, ope inscriptionum, indicavit, Enantioph. jur. civil. lib. 11. c. 7. eandemque Cl. Noodtius ad h. t. & lib. 11. Obs. cap. 9. ingressus est, omnibus autem summus Cujacius præluxit, in Parat. D. furti adversus naut. Nimirum (1) actio in factum ex Edicto primo, quasi ex contractu, est rei persecutoria, in simplum, ut in fidem recepta restituantur, damnumque rebus, sive in navi, sive in litore datum restituatur. *l. 3. pr. D. naut. caup.* Hæc vero ex secundo Edicto, quasi ex delicto, est pœnalis, in duplum damni injuria in ipsa navi vel caupona

pona, non extra eam dati, *l. 7. D. naut. caup.* (2) Illa datur ob damnum, a quocunque, etiam a viatoribus vel vectoribus datum *l. 1. §. f. l. 2. l. 3. D. eod.* hæc autem tantum pertinet ad nautas, & homines liberos, quorum opera exercitor utitur, & ad eos, qui habitandi causa in caupona sunt; non vero ad eos, qui hospitio repentino excipiuntur, veluti viatores *l. 6. §. 2. 3. eod.* pulchra ratio: namque viatorem sibi eligere caupo vel stabularius non videtur, nec repellere potest iter agentes; ministros autem & inhabitatores perpetuos ipse quodammodo elegit, aut saltem non rejecit, nec exploravit cujus fidei, cujus innocentiae sint, quorum factum eum præstare oportet, *l. un. §. 6. Furti adv. naut.* Sed nec ob damnum a servis propriis datum exercitor hac actione ex quasi maleficio tenetur, verum noxæ eos dedendo se liberat, cum ei ignoscendum sit, si quales quales ad instruendam navem adhibuit, velut in domestico malo, *d. l. ult. §. 4. D. naut. caup. & l. un. §. 5. furti adv. naut.* Denique (3) prior actio in heredem, & perpetuo datur, quia rei persecutionem continet *l. 3. §. pen. D. naut. caup.* hæc vero in heredem non datur, quia pœnalis est & honoraria, datur tamen perpetuo,

quia ad *exemplum legis Aquiliæ* a Præto-
re formata est *l. ult. §. 6. D. eod.* Sic ul-
tro in *concordiam* redeunt omnia, nec
umbra *antinomiæ* superest, si erratica il-
la duo capita finalia sub tit. *nautæ caup.*
ad suas sedes referantur. vid. etiam *Ampl.*
Breneman. de Leg. inscript. §. 7.

Superest tertium Edictum, cujus iri-
dem deperditi verba, ex *l. 1. pr. D.*
furt. adv. naut. ita concipi posse vi-
dentur: *In nautas, caupones, stabulari-*
os, si quid a quoquo eorum, quosve ibi ha-
bebunt, furtum factum esse dicetur, in
duplum iudicium dabo: Sive furtum ope con-
silio exercitoris factum sit: sive eorum cujus,
qui in ea navi navigandi causa esset. Se-
des huius edicti est in titulo D. Furti ad-
versus nautas, caupones & stabularios,
cujus unicum Ulpiani caput est ex lib.
xxxviii. ad Edictum, in quo is de actio-
nibus Prætoriiis, quæ ad similitudinem a-
ctionis furti civilis comparatæ sunt, etiam
de propria furti actione in publicanos,
viatoribus molestos; egit: uti constat ex
l. 12. D. de publican. quacum jungenda
est *l. 195. §. 3. de V. S.* ubi ipse Ulpianus
hunc titulum Edicti de furtis appellat, ut
in Edicto Prætoris ostendimus, sub titulo
de furtis, ubi Prætor loquitur de familia
publicanorum. Opus autem fuit Edicto,
ut

ut utilis furti actio, ex facto alieno, in exercitores navis, stabuli vel cauponæ competeret, quorum nulla injuria, nullumque maleficiū est; & movit Prætorē rursus, quod quasi delinquere censeretur, qui malorum hominum opera utitur, per quos viatores lædantur. Quidam in margine Russardi, in Edicto nostro pro *quosve* reponunt *quosve quasve*, forsā ut ipse exercitor excludatur, quem constat, ob furtum viatoribus factum, ex verō delicto teneri, etiam in quadruplum, si fur manifestarius sit, §. ult. *Inst. de obl. quæ quasi ex del.* at sequentia ostendunt, exercitorem, sive vectores ope & consilio ejus, sive nautæ, vel vectores, qui in navi essent navigandi causa, ipso inscio furati sunt, hac actione conveniri. Navigandi autem causa accipere debemus eos, qui adhibentur, ut navis naviget; quales etiam sunt, qui pro vectura remos agunt, quos Ulpianus *vaurentisbatæ* recte vocavit, in *l. ult. §. 2. D. naut. caup.* Factum ceterorum vectorum, qui nautum solvunt, in hac actione non venit. vid. Cujac. lib. xxvii. l. Obs. cap. 31.

Atque ita discretis Edictis luculenter apparet, quantam vectorum, viatorum, mulionum & quorumcunque peregrinantium curam gesserit Prætor; dum non

modo in custodiam recepta confestim ipsis restitui, sed etiam si quid damni ipsis illatum aut surreptum sit, duplo sarciri voluit: credebatur enim satis promotum iri auream illam, quæ peregrinis debetur, celeritatem, si ipsis vel directo cum eo, qui deliquerat, vel cum navis exercitore liceret experiri, neque difficili probatione ejus quod interest opus esset, cujus vice alterum tantum in duplo fungitur. Atque ita oportebat in Republica bene constituta: nam ipse Deus Opt. Maximus, in Theocratia sua, advenarum & peregrinantium causam majorem in modum commendavit Exod. xxii. vs. 21. Deut. x. vs. 18. Apud Indos, Creteneses & Græcos Magistratus positi erant peregrinis, ne injuria afficerentur. Ipse Gentiliū Juppiter, quod hospitibus jura dedisse credebatur, *Ἡεὶς Ζεύς* apud Homerum *Odyss.* 8. vs. 55. & *Juppiter Hospitalis* apud Ciceronem & Plinium dictus est. Causa illius rei, quod nulla olim, aut rariora essent diversoria. De Lucanis, Italiæ populis, *Ælianus* lib. iv. var. hist. cap. i. *Lex quædam sancit, si occidente jam sole venerit peregrinus, volueritque sub tectum alicujus divertere, is vero hominem non receperit, ut mulsetur & pœnas luat hospitalitatis.* De Germanis *Cæsar* lib. vi. de

de B. G. cap. 23. *Hospites violare fas non putant: qui quaque de causa ad eos venerunt, ab injuria probibent sanctosque habent: iis omnium domus patent, victusque communicatur.* Hujus φιλοξενίας insigne testimonium profert Nicolaus Damascenus de mor. Gent. p. 8. Pomponius Mela lib. 111. cap. 3. *hospitibus tantum bonos nuncupavit.* Tacitus de M. G. cap. 21. *Convictibus & hospitibus non alia gens effusius indulget: quemcunque mortalium arcere tecto nefas habetur. . . . notum ignotumque, quantum ad jus hospitii, nemo discernit.* Gothorum studium erga peregrinos viatores vehementer commendat Joh. Magnus Hist. Goth. lib. 1v. cap. 1. Slavorum mire extollit Helmoldus lib. 1. cap. 83. & lib. 11. cap. 12. aliorum Grotius celebravit lib. 11. cap. 2. §. 16.

Eadem hospitalitas in Capitularibus Regum Francorum crebro inculcata est. Ita Carolus M. apud Baluz. tom. 1. pag. 370. n. 27. *Præcipimus, ut in omni regno nostro, neque dives, neque pauper peregrinis hospitia denegare audeant.* Pag. 400. n. 16. *Intra regna nostra omnibus iterantibus nullus hospitium deneget, mansionem & focum tantum.* Pag. 935. n. 82. *Si quis homini aliquo pergenti in itinere mansionem vetaverit, sexaginta solidos componat in*

blico. Ab eadem humanitate est, quod Choppinus III. Paris. 3. n. 11. memorat, cauponem extra ordinem multatum, quod misellum viatorem sæva hyeme thorace spoliasset. Hinc etiam robatores apud Francos, Anglos & Scotos durissimis pœnis affecti, quod robas, id est vestes viatoribus diripiebant: præter has enim, in magna veterum paupertate & argenti inopia, raro aliquid erat quod adimeretur. Bene etiam observat Henricus Spelmanus, pauca olim in Anglia, usque ad Edwardum III. in Hibernia vero, ad sua usque tempora, fuisse diversoria, sed viatores ingressos ignotorum domus, cibi & quietis causa, gratis mane recessisse. Ut ad Edictum nostrum revertamur, Theodorico Regi c. 119 placuit, ut nautæ & caupones, si præstent sacramentum de conscientia sua suorumque, nihil cogantur exsolvere; sed moribus nostris tantum abest, ut illud extra usum sit, ut utiliter etiam adversus exercitores cursus publici ex eo agatur, nec culpa probanda sit. Duplum vero non facile adjudicatur, etli Brunnemannus pro usu ejus responderit, cent. III. decis. 14.

CAPUT VII.

DE EDICTO PRÆTORIS ADVERSUS PUBLICANOS.

Verba Ediſti corrupti varie reſtituta, a Cujacio, Leunclavio, Pithæo & Frebero; nova conjectura. Publicum pro veſtigali. Publicani viri ſplendidi ex ordine equeſtri: ſed eorum miniſtri & portitores ob rapacitatem & proditori- am curioſitatem odioſi ubivis. Matthæus & Lucas ex profanis ſcriptoribus illuſtrantur. Actio Prætoria adverſus publicanos cur ſit propoſita; quænam habeat ſingularia. l. 1. §. 3. de publi- can. collata cum Luca XIX. vſ. 8. Actio extraordinaria, adverſus publicanorum novas acerbitates & nomina exactionum illicitarum, a Nerone introducta, & re- novata ab Antonino. Paulus in l. 9. §. 5. de publican. ex Tacito & Capitolino ex- plicatus. Veſtigalia cur nervi Reipub- licæ appellentur. Portoria ſunt onus rerum & mercium, ex inſtituto Cæſaris, maxime peregrinarum, quarum catalo- gus in l. ult. §. 7. D. de publican. Ve- ſtigal quare pendendum in itinere & tranſitu pontis. Quid pontaticum. Quan- titas octava mercium pars; inde porti- tores octavarii diſti. Portorium quadra- geſi.

*gesimæ. Cur vectigalia inter funeris sum-
tus, ad l. 37. D. & l. ult. C. de religios.
Leonini aliorumque corruptiones rejectæ.*



Uvabit nunc stilum convertisse ad
Edictum Prætoris, quo viato-
rum securitati adversus publica-
nos cavetur. Verba ejus in l. i.
D. de publican. sunt ista: *Quod publicanus,
ejus publicani nomine, vi ademerit, quod-
ve familia publicanorum: si id restitutum
non erit, in duplum; aut, si post annum
agetur, in simplum judicium dabo. Item
si damnum injuria furtumve factum esse di-
cetur, judicium dabo. Si id, ad quos ea
res pertinebit, non exhibebitur, in domi-
nos sine noxa deditioe judicium dabo. Ne-
mo non videt initio Edicti, in verbis ejus
publicani nomine vitii aliquid hære, nec
convenit inter Eruditos, quomodo il-
lud tollendum sit. In Vulgata est seu
quis publicani nomine; Cujacius in Pa-
rat. D. legit ejus publici nomine, aucto-
ritate Basilicorum; Leunclavius lib. 11.
Notat. cap. 85. mavult juris publici
nomine; Pithæus publicarii nomine, ex
Glossis Græco-Lat. δημόσιον, τελώνιον, publi-
carium; Ranchinus, aut quis publicani
nomine; Freherus lib. 11. verif. c. 19. sub-
stituit æris publici nomine, vel æris publi-
cani*

cani nomine; alii denique, ut *Russardus*, quosdam libros habere ajunt, seu *publicani nomine*, quosdam *ejusve familia publicani*. Vulgatæ lectio non placet; quod si enim familiam publicani his verbis intelligis, ociose statim sequetur, quodve *familia*; si vero extraneum, ex facto alieno publicanus non tenetur. Majorem speciem habet *Cujaciana emendatio*: nam *Basilica lib. 56. tit. 1. vertunt: τὰν τελων;* ἢ ἡ φανιλία αὐτῶν ὀνομαζέται τῷ τέλει ἀφελῶνται τι; *Si publicanus vel ejus familia vectigalis nomine quid ademerit.* Publici quoque nomine ἀπλῶς positi, certum est vectigal intelligi fisco debitum, quod Græci exponunt τέλα: nam publicanos *Ulpianus* definit, qui *publico fruuntur*, in *l. 1. §. 2. D. de publican.* & alibi qui *publica vectigalia* habent conducta, *l. 12. §. 3. eod.* *Javolenus* publicum vocat, quod vectigalium causa locatum est, *l. 34. §. 1. D. ex quib. caus. maj.* Sic conductiones publicorum in *l. 33. D. pro soc.* *Horat. lib. 1. ep. 1. vs. 77. Pars hominum gestit conducere publica.* *Sueton. Vespasian. cap. 1. Sabinus publicum quadragesimæ in Asia egit*, quæque plura id genus fatis nota apud *Lips. ad XII. Ann. 51. Gronov. iv. Obs. 23. Græv. ad III. Verr. 38. & ante omnes apud Brisslon. de V. S. leguntur.* Veruntamen

tamen correctio ista haud arridet; quomodo enim *ejus publici* dici potest, ubi publici nulla præcesserit mentio? quærit Freherus. Longe magis *æris* probo; sed, ut brevis sim, *usus publici nomine* conjicio legendum, hoc sensu: non omnem vim a publicano illatam hoc edicto coerceri, sed eam, quam is pro usu viæ aut fluminis publici, in usum publicum, & specie publici tuendi intulerit: publica enim dicuntur, quæ *publico usui* destinata sunt l. 2. §. 5. *D. ne quid in loc.* Potuit error inde enasci, quod librarius syllabam postremam geminare neglexit, cum scriptum esset *publicanVSus*. Similia Rad. Fornerius lib. 1. rer. quot. cap. 19. & Fabrot. epist. ad Salmas. t. III. Thes. jur. civ. pag. 1267. dedere.

Erant vero Romæ potentissimæ publicanorum societates, non de plebe hominum, sed ex splendido ordine equestri, quæ publicos reip. redditus, a Censoribus & Curatoribus viarum, quæstus sui causa, conducebant, & tam in Urbe, quam in provinciis maxima auctoritate valebant, uti Viri Cl. Sigon. lib. 11. de jur. civ. Rom. cap. 4. & Burmann. de vectig. cap. 9. late ostenderunt. Cicero pro Planc. cap. 9. hoc ordine, ipsius amantissimo, florem Equitum Romanorum, ornamentum civitatis

tatis, & firmamentum Reip. contineri, ait, & pro lege Manil. cap. 7. viros illos ornatissimos, tanquam præfidia ceterorum ordinum & Reip. laudat. Seneca epist. 101. Senecionem Cornelium, equitem Romanum splendidum & officiosum, ad publica quoque accessisse, scribit, id est ad vectigalium redempturas. Appian. Bell. Civ. 11. p. 435. *Equestris ordo potens, tam propriis divitiis, quam quæstu ex vectigalibus publicis, quæ redimere a populo solitus.* Hi vero vectigalia integrarum provinciarum conductæ, per partes sublocabant, vel opera ministrorum & servorum suorum utebantur. Isti, ut rem facerent, plerumque in provinciis ultra constitutum exigebant, quantum possent, ideoque de eorum rapacitate, avaritia & delatoria curiositate non modo scriptores profani, sed & sacri queruntur. Matth. xviii. v. 17. xxi. 32. Luc. iii. v. 12. 13. xv. v. 1. & Baba Kamma cap. x. §. 1. vetat pecunias permutari ex arca publicanorum, quia erant ipsius rapinæ. Apud Græcos notum est illud Comici: πάντες καλῶναι, πάντες εἶναι ἀρπαγες, unde desumptum, quod Plutarchus in Lucullo, cum Harpyjis eos comparavit. Theocritus interrogatus quænam essent sævissimæ feræ? In montibus, inquit, ursi & leo-

leones, in urbibus publicani, auctore Stobæo lib. II. De portitoribus Cicer. lib. I. de Off. cap. 42. *Improbantur hi quæstus, qui in odia hominum incurrunt: uti portitorum, ut fœneratorum.* Augebatur odium ob curiositatem, an merces illicitæ essent, vel improfessæ. Nonius in portitores: *Portitores sunt telonarii, qui portum obsidentes omnia sciscitantur, ut ex eo vectigal accipiant.* Non mitius de M. Postumio & L. Pomponio publicanis sentit Liv. lib. xxv. cap. 3. *quod fraude avaritiaque parem in civitate neminem habuerint.* Alia pulchra Radulphus Fornarius congestit lib. VI. Rer. quot. c. 12. sed rem omnem obsignabit Ulpian. in l. 12. D. de publican. ita scribens: *Quantæ audaciæ, quantæ temeritatis sint publicanorum factiones, nemo est, qui nesciat: idcirco Prætor, ad compescendam eorum audaciam, hoc Edictum proposuit.*

Satis igitur causæ habuit Prætor, cur novam actionem ordinariam daret, si quid publicani vel familia eorum vi ademissent, aut plus exigendo damnum injuria furtumve fecissent, intra annum in duplum, cui res inest, post annum in simplum l. 1. pr. §. 1. pen. l. 5. §. 1. l. 12. §. 1. 2. D. de publican. Gravior illa est, quam actio damni injuria, mitior quam vi bonorum raptio-

raptorum aut furti, de qua Ulpianum lib. 38. ad Edictum egisse capite præcedenti vidimus. Sed non ideo minus si furtum factum aut vis adhibita sit, actionibus furti aut bonorum raptorum tenentur, l. 1. §. 3. 4. l. 9. §. 5. D. eod. unde titulus de publicanis in Edicto proxime juxta materiam de furtis est collocatus. Harum imitatione, vel si mavis ad exemplum Exodi xxii. vs. 1. Zacchæus publicanus, judicis personam in se sumens, quadruplum pretium restituit. Luc. xix. vs. 8. Plures publicani tenentur singuli pro rata, ut tamen unius inopia alios oneret, ex rescripto Severi & M. Antonini l. 6. eod. l. 46. §. f. de jure fisci. Dupli pœna evitari potest restitutione ejus, quod supra modum exactum, ante sententiam facta l. 1. pr. & §. 4. l. 5. D. de publican. id quod admissum videtur, ne homines a conducendis vectigalibus deterrerentur; cum alias nemo pœnitentia sua nocens esse desinat. Si familiam suam, id est cœtum servorum sibi subjectorum, qui damnum, furtum aut vim fecit, non exhibeant, in solidum suo nomine, sine noxæ deditioe conveniuntur, quod proprium est hujus Edicti l. 1. §. 6. eod. nam quia poterant & debebant bonos servos ad hoc ministerium eligere, culpa eorum

Kk

præ-

præsumitur, & quasi ex delicto punitur.
l. 3. pr. eod.

Hoc amplius summa publicanorum audacia, & vigor publicæ disciplinæ postulavit, ut aliquando extra ordinem plecterentur *l. 9. §. 5. de publican.* Apte Tacitus lib. xiii. Annal. cap. 51. tempus introductæ hujus animadversionis signat: cum enim publicani, Neronis tempore, suppressa lege, sive formula conductio- nis, nova indies nomina exactionibus il- licitis invenirent, atque iter facientibus longe plus, quam publice erat constitu- tum, extorquerent, is temperandas cen- suit eorum cupidines, ne per tot annos sine querela toleratas novis acerbitatibus ad invidiam verterent. *Edixit ergo, ut leges cujusque publici occultæ ad id tempus proscriberentur: omissas petitiones non ul- tra annum resumerent: Romæ Prætor; per provincias, qui pro prætore aut con- sule essent, jura adversus publicanos extra ordinem redderent.* Hæc vero cum bre- vi servata, dein frustra haberentur, ideo M. Antoninus Philosophus viarum cura- toribus coercitionis potestatem dedit, auctore Capitolino ej. vita cap. xi. *De- dit præterea Curatoribus regionum ac viarum potestatem, ut vel punirent, vel ad Præfectum Urbi puniendos remitterent*
 eos,

eos, qui ultra vectigalia quicquam ab aliquo exegissent. Adde quod ex lege Julia de vi publica tenentur, qui nova vectigalia exercent l. fin. D. ad leg. Jul. de vi publ.

Vectigalis vox late patet, & decumas, scripturam, vicissimam hereditatum, quadragesimam litium, quinquagesimam, centesimam & ducentessimam rerum venalium complectitur; nobis autem hoc loco proprio significato notat pensionem, quæ pro mercium vectura, aut transitu, in via publica, itinere vel pontibus solvitur. Jus imponendi vectigalia imperio civili inest, sed gravem olet dominatum, si modus excedatur citra necessitatem *l. 10. D. de publican. l. 2. C. vectig. nov. inst.* Justitia eorum pendet vel ab impensis, quas Remp. in viarum, portuum & riparum munitionem infumere oportet; vel a securitate, quæ mercibus præstatur; vel denique a solo transitu & facultate commercii in territorio alieno: quæ tria tribus hodie vocabulis distinguuntur. vid. Grot. lib. 11. cap. 2. §. 14. & Pufend. lib. 111. cap. 3. §. 7. quæque Cl. Barbeyracus ad utrumque annotavit. Necessitas porro vectigalium tanta est, ut iis amissis & pacis ornamenta, & subsidia belli requirantur, auctore Tullio pro lege Manil. cap.

2. Idem contra Rullum cap. 18. *nervos* appellat populi Romani; sicut Ulpianus, in l. 1. §. 20 *D. de quæst. in tributis reip. nervos* esse dixit: quemadmodum enim in nervis robur est membrorum, quibus incisis ea fiunt inutilia, ita amissis vectigalibus amittitur civitas, & *dissolutionem imperii sequi, si fructus, quibus Resp. sustinetur, deminuantur*, ajunt Senatores, stultum Neronis impetum attinentes, apud Tacit. lib. xiiii. annal. cap. 50. Pertinacem vero remisisse vectigalia, quæ in portubus, ripis fluminum & in itinere exigebantur, testis est Herodianus lib. 2. cap. 4. de cujus fide tamen dubitari posset, nisi exactiones superiorum tyrannorum immodicas sublatas fuisse putes. vid. Cl. Burmann. de vectig. cap. 5.

Apud Romanos alias quandoque vectigalium species ex rebus turpibus vel fordidis exactas nollem, ab ipsa vero æquitate depromptum est, quod res necessarii ac domestici usus, vel agriculturæ, vel exercitus causa comparatæ, fuerunt immunes l. 4. §. 1. l. 9. §. pen. *D. de publican. l. 5. C. de vectig.* Contra quicquid negotiationis causa habetur; imprimis vero merces peregrinæ, quæ ad luxum & voluptatem importantur, vel exportantur ad peregrinos, obnoxie fuerunt. Julium
Cæ-

Cæsarem discriminis ejus auctorem laudat Sueton. ej. vit. cap. 43. *Peregrinarum mercium portoria instituit.* Catalogum illarum mercium, satis difficilem dedit Marcianus in *l. ult. § 7. D. de publican.* in quo explicando Salmasius, Vossius & felicior III. Bynkershoek lib. iv. Obs. cap. 5. laborarunt. Solvitur vectigal in itinere; hinc quæstio Ulpiani de marito, qui pro uxore sua vectigal, quod in itinere præstari solet, solvit in *l. 21. pr. D. de donat. int. vir. & ux.* etiam in transitu pontis, redemptores portorium exegisse, ex La-beone discimus in *l. 60. §. 8. D. locat.* Sic pro Rheni transitu exigebant Romani, Tacit. iv. Hist. cap. 65. Seneca de const. sap. cap. 14. *cogitans & in pontibus quædam pro transitu dari.* Aimoinus pontaticum vocat lib. v. cap. 1. alii apud du Frene in Gloss. pontagium & pontonagium eadem notione dixerunt. Quantitas vectigalis, quod portorii nomine exigebatur, postremis temporibus fere erat octava mercium pars, *l. 2. C. de eunuch. l. 7. C. de vectig.* unde portitores octavarum dicti *l. 8. C. eod.* qui ope stationariorum & urbanorum militum vectigal exigebant *l. 34. §. 1. D. ex quib. caus. maj. l. 5. C. de vectig.* antea vero ordinarium quadragesimæ portorium fuisse videtur,

de quo Quintilian. declam. 359. *Præter instrumenta itineris omnes res quadragesimam publicanò debeant: publicano scrutari liceat; quod quis professus non fuerit, perdat.* Symmachus lib. v. Epist. 63. *Quadragesimæ portorium, sive vectigal, non recte poscitur a Senatoribus Candidatis.* Plura vide apud Cujac. lib. vi. Obs. cap. 28. Reines. ad cl. ix. inscr. 36. Spanhem. de Præst. & usu. diss. xiii. pag. 549. & cujus præcipua diligentia commendanda est, Cl. Burmann. de vectigal. cap. 5.

Illud vero obscurius nonnullis visum fuit, quod publicanus ne mortuis quidem pepercerit: Macer enim in l. 37. D. de religiof. funeris impensam esse dicit, quicquid corporis causa, antequam sepeliatur, consumptum est, ut si qua vectigalia sunt, sarcophagi & vectura. Ita Florentiæ legitur; sed apud Haloandrum est vestiaria quem Leunclav. lib. ii. Notat. n. 36. & Elbertus Leoninus lib. iii. Emend. cap. 10. secuti sunt, tum quia Græci τὸν ἑλδουιν vertunt; tum quia hujusmodi vectigal nulla lege institutum reperiatur, nullo antiqui auctoris suffragio confirmetur, & favori cadaverum sepeliendorum sit contrarium, quæ non nisi permisso Pontificis, vel jussu Principis, in alium, quam ubi defun-

defunctus obierit, locum transferre liquerit *l. 8. l. 14. D. l. 1. C. de relig.* Verum ex constitutione contraria, a Cujacio lib. xi. Obs. cap. 21. restituta, liquido apparet, vectigalia in itinere, olim pariter ac hodie, præstanda fuisse, dum corpus ex uno loco deferretur in alium; adeoque assurgendum esse auctoritati libri Medicei. *In nullo quopiam loco vectigal ab aliqua persona pro corporibus ex uno in alium locum translatis præstetur, l. ult. C. de religiof.* Idem quoque lib. v. Obs. cap. ult. Florentinam lectionem ex Basilicæ, lib. 59. firmavit, in quibus τὸ τέλεον, ἢ ἡ σορεὺς, καὶ ἡ σελή legitur. Adde Rad. Forner. lib. 111. rer. quot. cap. 6. Lips. lib. 1. Elect. cap. 6. & 9. Guth. de jur. man. lib. 111. cap. 19. & Kirchman. de fun. lib. 111. cap. 25.

CAPUT VIII.

DE INTERDICTIS PRÆTORUM VIARIIS,
ET DE VIA REFICIENDA.

Quinque Prætorum interdicta ad vias publicas pertinentia; cui quædam vicina de fluminibus adjiciuntur. l. 42. D. de proc à Græcorum errore liberata. Sensus Legis Decemviralis de via immunita, apud Ciceronem. Viæ militares communiter sumtibus ærarii vel fisci stupendis munitæ. Dio Cassius adversus Casaubonum defensio. Aliquando Magistratus vel privati de sua pecunia eas sterni curaverunt. Viæ vicinales constructæ per magistros pagorum, operis & nummis possessorum, quibus vel idospiciæ, & collatio viarum injungebatur. Quid sit viam exigere. Onus hoc omnibus incumbat, nec inter sordida munera, sed nobilissima relatum. Levabant illud milites legionarii, & damnati in opus publicum viarium, & legata in tutelam viarum relicta. l. 30. D. de leg. 2. explicata. Jus Francorum, Langobardorum & Anglorum hæc de re vetus & hodiernum.

Pergamus nunc ad interdicta & prohibitoria & restitutoria, quæ Praetores, juris publici tuendi causa, promiserunt omnibus, quorum interest, ut usus viarum & fluminum publicorum pateat sine impedimento. Et primum quidem interdictum prohibitorium est, quo tam publicis, quam privatis utilitatibus prospicitur: *Ne quid fiat in via, itinere, aliove loco publico, quod auctori nocere possit, & uti caveatur non fieri.* l. 2. pr. & §. 18. D. *ne. quid in loc. publ.* Alterum prohibitorium cuiusvis e populo datur: *Ne quid fiat vel immittatur, in via publica itinereve publico, quo ea via idve iter deterius sit, fiat,* d. l. 2. §. 20. Hoc interdictum tantum ad vias extra urbem pertinet; si quid vero in urbana via fiat, effodiendo, construendo, & morticina proiciendo, ei rei Aediles occurrunt, nec cuilibet necesse est ire ad interdictum d. l. 2. §. 24. *funct. l. un. D. de via publ. & si quid.* Tertium restitutorium est: *Ut quod in via publica factum immissum quis habet, quo via illa iterve deterius sit, restituatur,* d. l. 2. §. 35. Datur hoc cuilibet contra possessorem huiusmodi operis, eumve, qui dolo malo possidere desinit, non contra eum, qui facit vel immisit d. l. 2. §. 37. 38. 42. Quar-

Kk 5

tum

tum prohibitorium est: *Ut ne cui vis fiat, quo minus in via publica vel itinere ire agere liceat*, d. l. 2. §. 45. Hoc quoque populare est, sed quasi privatæ actionis dari potest procurator l. 42. *D. de procurat.* ubi Græci pro *via publica* legerunt *vi publica*, *περὶ βίας δημοσίας*, quibus refellendis vel l. 6. *D. ne quid in loc. publ.* & l. 14. *D. de injur.* sufficiunt. Eodem nomine datur quoque actio injuriarum l. 13. §. f. *D. de injur.* & Paul. lib. v. *sent. tit. 6. §. 2.* ait sollicitudinem hujus rei ad viarum curatores pertinere. Quantum interdictum prohibitorium rursus & omnibus, & in omnes datur: *Ne vis fiat ei, qui viam publicam iterve publicum reficere velit*, l. 1. *D. de via publ.* & *itin. publ.* Reficit autem & qui *aperit* viam, id est ad veterem altitudinem latitudinemque restituit, & qui *purgat*, id est ad libramentum proprium redigit, sublato eo, quod super eam esset. His adjungi debent interdicta prohibitoria & restitutoria, quibus Prætor navigantibus prospicit, & ripam munientibus: *Ne quid in flumine publico ripave ejus fiat, quo statio iterve ravigio deterius sit.* Item: *quod factum est, vel immisum, ut restituatur* l. 1. pr. & §. 19. *D. de flumin.* Rursus *Ne vis fiat ei, qui navigat in flumine*, nec ei: qui
resi-

reficit & munit ripam fluminis agrive, qui circa ripam est, l. 1. D. ut in flum. & l. 1. D. de ripa mun. Usus autem est Prætor in edictis hisce plus semel voce *itineris de navi*, ut alii Veteres supra laudati pag. 255. quibus accedat Ovidius lib. 1. Fast. vi. 4. & vi. 484. *dirige navis iter.*

Cum itaque viæ publicæ civium & peregrinorum usibus inserviant, & cuilibet permittatur in publicum petere, quod ad omnes pertineat, idcirco æquum est, ut munificatio & resectio viarum & itinerum publicorum de communi fiat, quia usum utilitatemque habent communem, ait Ulpian. in l. 2. §. 22. *D. ne quid in loco.* Antiquissima lex de via munienda est XII. Tabularum, qua possessores viam pro modo & latitudine agrorum munire tenentur. Meminit ejus Cicero pro Cæcin. c. 19. *Lex jubet, si via sit immunita, qua velit agere jumentum: Potest hoc ex verbis intelligi, licere, si via sit in Brutiis immunita, agere, si velit, jumentum per M. Scauri Tusculanum.* Verba autem Decemvirorum in tab. 8. hæc fuisse putat Jac. Gothofredus: **SI VIA AMSEGETES IMMUNITA ESCIT, QUAE VOLET, JUMENTUM AGITO.** Amsegetes autem dicuntur, quorum ager viam tan-

tangit, auctore Festo. *οἱ πλησιάζοντες γείτονες*
 in Eclog. Digest. Marcilius hanc legem
 ad jus viæ privatæ, qua servitus est, pro-
 prie referendam existimat, sed Jac. Go-
 thofredus ei obstare ait. quod Julianus
 Imperator in l. 2. C. Th. de itin. mun.
 eundem morem priscum ad publicas refer-
 re videtur: *In muniendis viis justissimum*
aequitatis cursum reliquit auctoritas: sin-
guli enim loca debent quæque sortiri, ut
sibi consulant, vel negligentia vel labore.
Igitur eos loca, juxta morem priscum de-
legata curare oportebit. Optime Sici-
 lus Flaccus de condit. agror. pag 9. vias
 publicas a vicinalibus distinguit, cujus ipsa
 verba, quia rem accurate exponunt, ad-
 scribere non pigrahor. *Non una, inquit,*
omnium viarum est conditio: nam sunt viæ
publicæ regalesque, quæ publice muniun-
tur, & auctorum nomina obtinent: nam
& curatores accipiunt, & per redempto-
res muniuntur: in quarundam tutelam a
possessoribus per tempora summa certa exi-
gitur. Vicinales autem viæ de publicis,
quæ divertuntur in agros, & sæpe ad al-
teras publicas perveniunt, aliter muniun-
tur per pagos, id est per magistrOS pago-
rum, qui operas a possessoribus ad eas tuen-
das exigere soliti sunt, aut, ut comperi-
mus, unicuique possessori per singulos agros
certa

*certa spatia assignantur, quæ suis impensis
tuentur*

Quid Decemvirorum tempore obtinuerit, non temere dixerim: Forſan autem a vero non ablu-
demus, ſi ſingulas urbes & provincias creſcentis Imperii Romani
ad viarum novarum & militarium muniti-
ones, ſumtus & operas contuliſſe dica-
mus; neque enim æquum erat, ut ſoli
agrorum viæ contiguorum domini onus
illud ſuſtinerent, cum vectigal in fiſcum
redigeretur. Utique Cenſores, quemad-
modum alia opera publica, ſic etiam vias
ſternendas marginandasque ære publico
locarunt; neque veriſimile eſt Appium
Claudium viam cognominem, longitudi-
ne & præſtantia operis nobiliſſimam, de
ſuo cenſu muniviſſe: nam ſterni eam cu-
ravit a porta Capena uſque ad urbem Ca-
puam, lapide duriffimo, eoque non ob-
vio, ſed ἐκ χείρας ἄλλης μακρὰν ὕψος, ex lon-
ginqua regione adveſto, grandiore & ad
normam cæſo, adhæc tanta latitudine,
ut adverſa inter ſe plauſtra libere comme-
are poſſent, auctore Procop. lib. 1. Bell.
Goth. c. 14. Sub occupata republica Prin-
cipes alii de fiſco ſuo, alii de ærario ſum-
tus illos fecerunt; nec defuerunt Magi-
ſtratus, collegia, & cives privati, qui
pietatis cauſa, **SUA PECUNIA** vias fe-
ciſſe

cisse aut refecisse in lapidibus literatis laudantur, apud Cl. Bergierium lib. 1. sect. 15. & 24. Unus nobis sufficiat Dio Cassius lib. 53. *Augustus, quum videret vias, extra urbem aliquandiu neglectas, itinera difficilia exhibere, reliquas Patribus quibusdam propriis sumtibus reficiendas mandavit, Flaminiam, quia ea ducturus erat exercitum, ipse procuravit, estque ea statim instaurata, ac ob id statuae Augusto in fornicibus, tam in ponte Tiberino, quam Arimini sunt posite. Reliquæ viæ posteriori tempore refectæ, sive publicis (neque enim Senatores libenter sumptus faciebant) sive ipsius Augusti sumtibus hoc factum quis dicere velit.* Quod ait, Senatoribus quibusdam curam viarum propriis impensis mandatam, suspectum habet Casaubonus & Suetonio magis credit, ita scribenti lib. 11. c. 30. *desumpta sibi Flaminia via Arimino tenus munienda, reliquas triumphalibus viris ex manubiali pecunia sternendas distribuit.* Hærent quoque alii, sed nihil video quid nos moretur, si tempora distinguamus. Dio ait, patribus ditioribus A. V. 727. vias quasdam veteres propriis sumtibus reficiendas, postea vero, ob tarditatem eorum, aliis eas publica pecunia curandas datas esse. Suetonius vero viros triumphali honore illustres,

stres, vias novas ex hostili præda *sternendas* accepisse scribit. Ad eos, qui suo ære viam iussu Augusti curarunt, pertinet Valerius Messala, cuius diem natalem & triumphum eodem illo anno 727. Tibullus celebrat lib. I. eleg. 8. vs. 57.

Nec taceant monumenta viæ, quem Tusculata tellus,

Candida quem antiquo detinet Alba lare.

Namque opibus congesta tuis hic glareæ dura

Sternitur: hic apta jungitur arte flect.

Diversa autem ratio fuit viarum vicinalium muniendarum, & tam harum, quam militarium reficiendarum: magistri enim pagorum hunc in finem operas, aut nummos, vel utrumque a possessoribus exigebant, aliquando etiam unicuique certa spatia assignabant quæ suis impendiis tuerentur. Antiqui hoc exigere viam nuncupabant, interprete Asconio, in III. Verrin. Græcis recentioribus *ὁδοποιία* lib. 54. Basil. pag. 456. & *ῥεφύρα ἀνάδοις* Leoni Imp. in Tacit. c. 2. §. 71. Jurisconsultis vero nostris *collatio viarum* muniendarum vel sternendarum appellatur, in l. 27. §. 3. D. de usufr. l. 13. §. 6. D. de act. emti. l. 2. §. 22. D. ne quid in loc. publ. l. 6. C. de pign. & hyp. Constantinus in l. 1. C. de collat. fund. ait: *Emphyteutica-*
rii

rii possessores, sicut ceteri Provinciales, obsequium suum itineribus muniendis impendant: nulla enim ratione debent ad hoc, quod in commune profuturum est, sejungi. Honorius quoque & Theodosius in *l. 2. C. de immun. nem. conc. Per Bithyniam ceterasque provincias possessores in reparatione publici aggeris, & ceteris hujusmodi muneribus, pro jugerum numero vel capitum, quæ possidere noscuntur, dare cogantur.* Munus hoc non personæ, sed patrimonii erat, *l. 14. §. 2. D. de mun. quod possessionibus indicebatur, nemine excepto. Paul. lib. v. sent. tit. 6. §. 2. l. 4. C. Tb. de itin. mun.* adeo ut nullum privilegium tribuerit exceptionem *l. 11. D. de vacat. & excus. l. 2. C. de immun. nem. nec muneris publici vacatio l. 12. D. de mun. & bon. nec veterani excipiantur l. 4. D. de veteran. nec Ecclesiæ l. 7. C. de sacros. Eccl. Nov. 131. c. 5: nec divinæ domus l. 4. C. de privil. dom. Aug.* Ante Theodosium quidem *descriptiones ad viarum & pontium constructionem*, ut Julianus Antecessor appellat constit. 118. §. 5. propter barbarorum invasiones & viarum vastitates, inter munera fordida fuerant, *l. 15. & 18. C. Tb. de extraord. sive sord.* is vero in *l. 6. C. Tb. de itin. mun.* eas inter nobilissima opera numeravit,

vit: *Abfit, ut nos instructionem viae publicae, & pontium stratarumque operam, titulis magnorum Principum dedicatam, inter sordida munera numeremus. Igitur ad instructiones reparationesque itinerum pontiumque nullum genus hominum, nulliusque dignitatis ac venerationis meritis cessare oportet. &c.* Nobilia quoque sunt verba Valentiniani III. Nov. 21. quibus negat hoc onus contumeliosum esse, sed contra rationem inventum nomen munerum fordidorum, quo instauratio militarium viarum, per quas ad splendorem publicum pervenitur, quarum adminiculo status imperii floret, & sine quibus nihil necessarii operis effici potest, prava appellatione censeatur. Plura vide apud Cujac. & Amay. ad l. 4. C. de privileg. dom. Aug. Brisson. lib. III. sel. ant. cap. 11. Merill. lib. VI. Obs. cap. 13. & Jac. Gothofred. tom. 5. C. Th. pag. 344.

Onus hoc levabant non modo milites legionarii, quorum proprius labor fuit vias militares tempore pacis munire, ne otio torpescerent, ut supra vidimus p. 11. cap. 2. pag. 330. sed etiam facinorosi, qui propter crimina ad opus viarum publicum, ad tempus vel perpetuo erant damnati. Sueton. de Caligulae saevitia c. 27. *Multos honesti ordinis, deformatos prius stig-*

L1

matum

matum notis, ad metalla, aut ad viarum munitiones, aut ad bestias damnavit. Trajanus vero munitiones viarum ad ministeria refert, *quæ non longe a pœna sint*, ad Plinium lib. x. epist. 41. *Solent enim ejusmodi, ante annos decem damnati, ad balineum, ad purgationes cloacarum, item munitiones viarum & vicorum dari.* Præterea cives quidam, egregii publici amantes, partem suorum bonorum ultro in opus hoc publicum impendebant donationibus, vel tabulis supremis legabant; cujus rei nobile exemplum est in l. 30. *D. de leg. 2.* ubi Celsus quendam in testamento ita scripsisse refert: *Reipublicæ Graviscanorum lego in tutelam viæ reficiendæ, quæ est in colonia eorum, usque ad viam Aureliam.* Quærebatur an hoc legatum valeret, quia summa adscripta non est: sed placuit tantam summam videri legatam, quanta ei rei sufficeret, si facultates defuncti id patiantur. Hoc ratio jubebat & favor diverticuli reficiendi, quod in viam Aureliam incidebat, uti Cl. Cellarius Geograph. antiq. tom. I. pag. 937. ex tabula Peutingeriana ostendit: tantum namque viarum publicarum studium erat, ut legati ad alia nummi hunc in usum verterentur. Ita cum Tiberius censeret, *ut Trebianis legatam in opus*

*opus novi theatri pecuniam ad munitiorem
via transferre concederetur, rata quidem
mansit voluntas legatoris, Sueton. lib.
111. cap. 31. verum si refectio viæ neces-
saria erat, salubriter id concedi potuisset,
arg. l. un. C. de expens. lud. publ. cum
enim L. Terentius, 1111 vir l. d. monu-
mentum fieri iusserat, licet summa ratio
sit, quæ pro religione facit, tamen EA.
PECUNIA. D. D. VIAE. STRATAE.
SUNT. AB. ANNIA. AD. MURUM,
apud Reines. cl. 2. n. 28.*

Superioribus haud dissentanea sunt, quæ
Carolus M. sancivit Capit. lib. vi. c. 109.
tom. 1. Baluz. p. 941. *Possessiones, inquit,
ad religiosa loca pertinentes, nullam de-
scriptionem agnoscant, nisi ad constitutio-
nem viarum vel pontium, si tamen intra
eadem loca habuerint possessiones. In aliis
vero omnibus habeant integram immuni-
tatem. De eadem pontium emendatione
soliciti fuerunt Pippinus, Ludovicus Pi-
us, & Carolus Calvus apud eundem pag.
545. 612. 617. 668. & t. 11. pag. 70.
Addo Aymoin. lib. v. cap. 14. & Mona-
chum Sangallensem lib. 1. de gestis Caro-
li M. cap. 32. Fuit consuetudo in illis tem-
poribus, ut ubicunque aliquod opus ex Im-
periali præcepto faciendum esset, siquidem
pontes, vel naves, aut trajecti, sive pur-*

*gatio, seu stramentum, vel impletio cœno-
 forum itinerum, ea Comites per Vicā-
 rios & Officiales suos exequerentur, in mi-
 noribus duntaxat laboribus. A majoribus
 autem & maxime noviter exstruendis nul-
 lus Ducum vel Comitum, nullus Episcopo-
 rum vel Abbatum excusaretur aliquo mo-
 do. Cujus rei testes adhuc sunt arcæ pon-
 tis Magoncianensis, quem tota Europa
 communi quidem, sed ordinatissima parti-
 cipationis opere perfecit. Similia Legibus
 Langobardorum cauta leguntur lib. 111.
 tit. 1. §. 21. 26. 32. Merciorum quoque
 Rex Ethelbaldus, apud Ingulfum pag.
 853. neminem ab hoc onere immunem ef-
 fe voluit: pontium & arcium instructiones
 nulli possunt laxari. Matthæ. Paris. A.
 1244. scribit, in libertatibus Monasterio-
 rum Anglicanorum tria solere excipi,
 propter publicam regni utilitatem; vide-
 licet expeditionem, pontis & arcis repa-
 tiones, vel refectioes, ut per ea resiste-
 rent hostium incurfibus. Recentiora huc
 facientia vide apud Robert. lib. 11. rer.
 jud. cap. 3. le Prestre questions de droit
 cent. 1. ch. 32. Mev. ad jus Lub. lib. IV.
 tit. 1. art. 1. Matth. Obs. rer. Jud. 33.
 Lyncker. decis. 387. & Zahn. ichnogr.
 munic. c. 64.*

CAPUT IX.

DE POENIS RAPTORUM, LATRONUM
ET PIRATARUM.

Omnis raptor fur improbus est & atrox, sed grassatores & expilatores nocturni extra ordinem coercentur gravius. l. 28. §. 10. D. de pœn. & l. 1. §. 1. D. de effract. illustrata. Pessimum raptorum genus latrones, quorum duces quidam famosi. Gentes integræ latrocinii infames. Stationarii latronibus investigandis ab Augusto constituti. l. 1. §. 12. D. de off. Præf. urb. exposita & vindicata. Quid Irenarchæ & Latrunculatorum. Varia singularia in latrones eorumque receptatores. Cuilibet adversus eos arma ferre, eosque occidere licet. Crux, usitatum supplicii genus, a Constantino sublatum. Triboniani manus in l. 8. D. ad L. Corn. de fals. 28. §. pen. D. de pœn. aliisque. Bestiis latrones obiecti. Nulla supplicii dilatio, ad l. 18. C. de pœn. Pœna piratarum, & eorum, qui naves expugnant. Naufragorum bona fisco addicere injustum.



ordo nos ducit ad pœnas raptorum & latronum, qui ferro armati, vel line armis pacem publicam & securitatem viarum turbant, atque ideo *improbi fures & atrociores appellantur* l. 14 §. 12. *D. quod met caus* l. 1. §. 1. *D. de effract.* l. 2. §. 10. *D. de vi bon. rapt.* Adversus hos Prætor proposuit actionem mistam, quadrupli intra annum, post annum simpli; l. 2. §. 22. *seq. D. de vi bon. rapt.* ex lege Julia de vi publica & privata prodita est gravior accusatio criminalis l. 5. §. 2. l. 6. *D. ad L. Jul. de vi publ.* denique grassatores & expilatores nocturni extra ordinem coercentur. Callistratus l. 28. §. 10. *D. de pœn* ait: *Grassatores, qui prædæ causa id faciunt, proximi latronibus habentur, & si cum ferro adgredi & spoliare instituerunt, capite puniantur; utique si sæpius atque in itineribus hoc admisserunt.* Grassatores sunt, qui non gradiuntur, sed cum impetu grassantur ad rapinam. Suetonius cum sicariis eos conjungit lib. 1. cap. 72. & palam fuccinctos ferro, quasi tuendi sui causa, raptosque per agros viatores ergastulis supprimentes, nobis depingit lib. 11. cap. 32. Petronius cap. 82. & Gell. lib. xx. cap. 1. *nocturnos appellant.* Juvenalis sat. 111. vs. 305.

Inter

*Interdum ex ferro subitus grassator agit
rem,*

*Armato quoties tutæ custode tenentur
Et Promptina palus & Gallinaria pinus,
Sic inde huc omnes tanquam ad vivaria
currunt.*

Expilatores vero dicuntur caprimulgi & carinatores, qui redeuntes a cœna puellasve obvias noctu vestimentis spoliunt, stuprant atque nudant, furibus tanto deteriores, quod vix pilum relinquunt, l. 16.

§. 6. *D. de pœn.* εἰ τὰς ἀνδράπους ἐκδύοντες ὡς τραχύτεροι τῶν κλεπτῶν ὑπάρχοντες, Basilica habent in l. 1. §. 1. *D. de effract. & expil.* Hi si vilioris conditionis in opus publicum perpetuum vel temporarium dabantur, honestiores ordine ad tempus movebantur, vel fines patriæ excedere jubebantur d. l. 1. ubi Haloander edidit: *Expilatores, qui sunt atrociores fures, hoc est* λαποδύται: Budæus legit συλαχίωται, Alciatus τοιχαύρηται: at Florentiæ nulla vox Græca reperitur, & melius Cujac. lib. XV. Obs. c. 31. & XXVII. Obs. c. 30. ex Aristophane & Oppiano eam illustravit. Juventus enim Attica, luxu corrupta, hujusmodi expilationibus & grassationibus nocturnis pacem turbabat frequenter, ut ex Plauto patet Amph. l. 1. vs. 2. Trin. II. 2. vs. 34. & Stich. IV. 2. vs. 26.

*Non tu scis, quam affligentur homines
noctu hic in via?*

Pessimum vero hominum genus sunt latrones, qui cædem cum rapina in viis publicis conjungunt, ideoque judicio etiam publico legis Corneliæ tenentur *l. 1. D. l. 2. 3. 4. C. ad l. Corn. de sic.* Horum quidam erant famosi, & duces suæ factionis, criminis causa sociatæ, *l. 28. §. 15. D. de pan. l. 6. D. de appellat.* ut Bardylis Illyrius, & Viriathus Lusitanus, Cic. 11. de off. cap. 11. Barrabas, Matth. XXVII. v. 16. Corocatta Hispanus, Dio lib. 56. Tacfarinas Afer, Tacit. 11. Ann. cap. 52. Ælianus & Amandus, Oros. lib. VII. cap. 25. Palfurius, Vopisc. in Probo c. 16. & Barfatoras denique, de quo Jac. Gothofred. in dissert. ad *l. 13. C. de fidej.* Sed integræ quoque gentes & nationes efferatæ latrocinari atque prædas agere in externos, nullo bello indicto, pro licito habuerunt; postquam memoria cognationis inter nos natura constitutæ, & instinctus communis ad societatem, & regula juris naturalis, hominem homini insidiari nefas esse, malis moribus ex parte quasi esset oblitterata. Indicat hoc ipsa vox *hostis*, quæ veteri Latio nil nisi externum notabat, Cic. 1. Off. c. 12. Thucydides lib. 1. c. 5.

καὶ ἔχοντες τὴν ἀρχὴν ταῦτα ἔργα, φίλους δὲ καὶ

δὲν μὲν. Nondum infamiam habebat id vitæ genus, quin potius laudi ducebatur. De Germanis Cæsar lib. vi. de Bell. Gall. 23. Latrocinia nullam habent infamiam, quæ extra fines cujusvis civitatis fiunt. De Hauris Strabo, de Lusitanis Dio, de Asturianis l. un. C. Tb. de Asturian. de aliis Grot. lib. 11. de J. B. & P. c. 15. §. 5. l. 111. c. 3. §. 2. & Pufend. lib. viii. de J. Nat. & Gent. c. 6. & 10. sunt adeundi. Omnibus jus videbatur, extra fines suos ubicunque deprehensos, sine discrimine occidere, & quibus vitam non auferrent, dedisse jactabant: sed mitigatis moribus, latrocinium ad solitudines magis & silvas relegatum est, vid. l. 5. D. ad L. Pomp. & quæ ad eam scripsit Freher. lib. 1. verif. c. 22.

Latronibus investigandis & comprehendendis varii olim diversis nominibus præpositi fuerunt. Et primi quidem *stationarii* milites, quum multi latrones per Italiam post bella civilia grassarentur, ab Augusto instituti sunt: *grassatores*, dispositis per opportuna loca *stationibus*, *inhibuit*, ait Sueton. lib. 11. cap. 32. Tiberius deinde, tuendæ pacis a grassatoris ac latrocinii, *stationes militum per Italiam solito frequentiores. disposuit*, auctore eodem lib. 111. cap. 37. Dispositæ etiam sunt in provinciis: Tertullian.

Apologet. cap. 2. Latronibus vestigandis per universas provincias militaris statio sortitur: & ita inter Æliam & Hierichum, in loco latrocinii infami, positam fuisse stationem, ob auxilia viatorum, ex Eusebio de loc. Hebr. Cujacius docuit lib. xix. Obs. cap. xi. Apulej. item lib. vii. Metam. totam latronum factionem Hemi militarium vexillationem indagatu, confectam esse scribit. Frequens horum militum in legibus est mentio, l. 1. §. 2. l. 4. D. de fugit. l. 8. C. d. accus. l. 1. C. de curios. vel station. sed eminet inter reliquas l. 1. §. 12. de off. Præf. Urbi ex qua elici posse videtur, eosdem Præfecto Urbi, ab Augusto instituto, apparuisse: Præfectus Urbi. debet dispositos milites stationarios habere, ad tuendam popularium quietem, & referendum sibi, quid in Urbe agatur. Nimirum Præfecti Urbi officium erat, tueri quietem civitatis, vigilem omnium curam agere, & animadvertere in facinorosos, pacis publicæ turbatores, id quod sine manu militari multisque adiutoribus obtineri non potuit, l. 17. pr. §. 3. 4. D. de off. Præf. urb. Seneca Epist. 83. L. Pisonem, Urbis præfectum, custodem Urbis; Juvenalis sat. xiii. vs. 157. Rutilium Numatianum Gallum custodem Gallicum Urbis vocat; & Statius Papinius lib. 1. silv. 4.

Quem

Quem penes intrepide mitis custodia Romæ.
 Peditæ Mæcenatem, Urbis custodiæ præpositum, *vigilem urbis Romanæ* appellat, in Epiced. Eleg. 1. & iterum ad obrectatorem:

Num minus Urbis eras custos & Caesaris obfes?

Num tibi non tutas fecit in Urbe vias?

Nocte subobscura quis te spoliavit amantem?

Quis tetigit ferro, durior ipse, latus?

At scrupulum injicit Lipsius lib. III. Epist. quæst. 18: ubi per milites stationarios apud Ulpianum intelligit illos, qui in theatro aut circo ludorum tempore agebant, ad reprimendas populi turbas: *popularium* vero quietem accipit pro confesso theatri, qui popularia, ut Equestria equitum, dicebantur. Juvat hanc explicationem Tertulliani locus de spectac. c. 3. ubi *discrimina popularium per proclivum*, tum quod Ulpianus ante dixerat, quietem popularium & disciplinam spectaculorum ad Præfecti Urbis curam pertinere; Briffonius quoque *popularia* spectacula publica interpretatur: nec totus abijt Cujacius lib. VIII. Obs. c. 29. quum populares hic & in l. 28. §. 3. D. de pœn. l. 4. C. de off. Præf. urb. ad factiones agitatorum quatuor, quæ in Urbe erant, retul-

retulit, Nerio suffragante, lib. 1. analect. cap. 5. Mihi autem magis placet, ut cum Casaubono, ad Marcum Capitolini c. 17. Salmasio ad Spartiani Nigrum cap. 3. & Jac. Gothofredo ad Tertullian. Nat. lib. 1. c. 10. & ad l. 7. C. Th. de ann. civ. popularium nomine multitudinem populi urbanam, civesque militibus oppositos intelligamus. Stationarios quoque milites & in Urbe, & intra centesimum ab Urbe lapidem Præfecto apparuisse, ex Suetonio aliisque liquet.

Stationariis præfecti erant *Irenarchæ*, forte ἰρεναρχαὶ τῶν εἰρημίων ita dicti. Horum officium erat, ad provinciarum & itinerum tutelam, noxios prehendi jubere, & prehenso ad Præsides & Magistratus deducere; uti Polycarpum ab Herode irenarcha comprehensum, Nicephorus scripsit. Creabantur periculo Decurionum, & ex dispositione Præsidium l. un. C. de irenarch. Græci eos ad l. 6. D. de custod. reor. ita describunt: ἐρημάρχαι οἱ τῶν τῶ δέμας ἐνταξίας ἐπιστρώτες. Sunt qui eosdem præpositos pacis dici putarunt, in l. 49. C. Th. de decur. & l. 1. C. Th. de pign. Sed pagis legendum esse, ex l. 1. C. Th. de erog. mil. ann. Cujac. ad l. 9. C. de jure fisci, & Jac. Gothofred. ad tit. C. Th. de Irenarch. monuerunt. Non absimiles his fuisse

fuisse videntur: *Latruncultores*, ad persequendos latrones a Principe missi, l. 6. §. f. D. de judic. quos Græci λησδιοῦντας vocant, Novell. 8. Meminit eorum Euseb. lib. iv. cap. 15. & Augustin. epist. 159. 160. Præterea *defensores civitatum*, similes tribunis plebis, qui olim in Urbe, per omnes regiones, in quibus fera & periculi sui nescia latronum ferberet infania, disciplinæ & quotidianis actibus adesse jubentur l. 6. C. de defens. Decuriones denique latronibus investigandis operam dedisse ex l. 13. C. de fidejuss. discimus. Ne vero diu occulti laterent, crimen extraordinarium in eos, qui latrones recipiunt & celant, introductum est l. 1. D. de recept. cujus pœna fuit supplicium corporale, aut dispendium facultatum l. 1. C. de his qui latron. proximi namque sunt latronibus, a quibus latrones recipiuntur. *Hoc natura simile est, facere scelus & probare*, ait Quintil. decl. 255. Gelas. P. P. epist. 10. *Legibus certe vestris criminum conscios susceptoresque latrocinantium par judiciorum pœna constringit. Capitularia Karoli M. tom. I. Baluzii pag. 254. n. 24. Si quis latrones receperit in sua potestate, & septem noctibus secum detinuerit, nisi ad presentandum, nostrum bannum solvat, &c.*

Quo

Quo magis autem latronum furor ad perniciem publicam tendit, eo plura singularia, ad procurandam omnium salutem, in eos constituta sunt. v. c. quamvis Pompejus Magnus edicto prohibuisset ullum telum esse in Urbe, Plin. lib. xxxiv. Hist. Nat. c. 14. & lex Julia in agro aut villa arma haberi vetaret, ea tamen, quæ quis *itineris & tutandæ salutis suæ causa* gesserit, excipiuntur *l. 1. l. 11. §. 2. D. ad l. Jul. de vi publ.* Nam sicut Valentinianus in *l. 1. C. quando liceat unicuique* cunctis Provincialibus liberam resistendi facultatem recte tribuit: *ut quicumque militum vel privatorum ad agros nocturnus populator intraverit, aut itinera frequentata insidiis aggressionis obsederit, permissa cuicumque licentia, digno illico supplicio subjugetur; ac mortem, quam minabatur, excipiat, & id quod intendebat incurrat: melius est enim occurrere in tempore, quam post exitum vindicare;* ita tela & arma, quibus obviare oportet, cuilibet concedenda erant, adversus viarum obsessores & latrones publicos: nec enim hominis occidendi causa telum gerit, qui illud tuendæ salutis causa habet, Paul. lib. v. tit. 23. §. 7. neque placuit eum puniri, qui latronem, cædem sibi inferentem, occiderit, *l. 4. D. ad L. Aquil. l. 2. l. 4. C. ad L. Corn.*

L. Corn. de sic. Certe Apostolorum aliqui, Galilæi & Esseni, viri continentissimæ disciplinæ, iter fecerunt armati gladio, ob infestas latronibus vias, Luc. xxii. vs. 36. Joseph. lib. ii. Bell. Jud. c. 12. & Cicero pro Milon. c. 4. *Gladios habere certe non liceret, si uti illis nullo pacto liceret.* Ovid. lib. ii. Trist. vs. 271.

*Et latro, & cautus præcingitur ense
vjator,*

Ille sed insidias, hic sibi portat opem.

Pœna famosorum latronum erat summa; quandoque bestiis in spectaculis objecti, ut de Isauris Ammian. lib. xix. fin. *In amphibeatrâli spectaculo feris prædatricibus objecti sunt, præter morem,* de aliis Tertullianus scribit de spectac. c. 21. *Aliquando flammis consumti,* Augustin. lib. iii. de lib. arb. c. 9. *Crudelissimi latronis membra cum tali ignis supplicio confici adspicimus, approbamus ordinem legum.* Usitatum vero genus erat crux, supplicium etiam vilibus personis infame. Hoc vel exemplo illorum constat, qui cum B. Servatore nostro in crucem sublati sunt; quos Matthæus & Marcus *λῃστῆς*, Lucas *κακῆργος* nominarunt. Nota quoque sunt aliorum testimonia. Julius Firmicus lib. vi. Math. c. 31. *Homicidam, latronem efficiet; istic fac moribus comprehensus, pati-*

patibulo suffixus, in crucem & crudeliter erigitur. Seneca epist. 7. Latrocinium fecit aliquis, quid ergo meruit? ut suspendatur. Petron. cap. III. Imperator provinciae latrones iussit crucibus affigi. Locum signat. Quintil. decl. 274. Quoties noxios crucifigimus, celeberrimæ eliguntur viæ; ubi plurimi intueri, plurimi commoveri hoc metu possint. Causa est, ut unius pœna sit metus multorum: nam & Polybius, Plinio referente lib. VIII. c. 16. leões, ob hominum appetitus, crucifixos vidit; quia ceteri metu pœnæ similis absterrentur eadem noxa. Verum quia Constantinus hoc supplicii genus sustulit, auctore Nicephoro lib. VII. Hist. Eccl. c. 46. & Theodosius crucem pro signo venerandæ religionis Christianæ haberi rescripsit l. ult. C. Th. de pagân. ideo vox illa, beneficio Triboniani & sociorum, abest a Pandectis, furcæ nomine substituto, in l. 3. §. 5. D. ad L. Corn. de Sic. l. 8. D. ad L. Corn. de fal. l. 9. §. 1. l. 28. pr. & pen. l. 38. §. 2. de pœn. cum quibus si conferas Paulum lib. v. tit. 17. §. 3. & tit. 22. §. 1. & otiosam particulam vel in d. l. 3. & voces summo supplicio non satis apte in d. l. 8. pro cruce surrogatas consideres, de emblemate Triboniani non dubitabis. Idque Cujacius, Lipsius, Contius,

tius, Rævardus, Faber, Briffonius, Fornarius, & qui non alii? dudum viderunt.

Illud quoque ad singularia adversus latrones referendum est, quod non solum quadragesimæ, sed & ipsis Paschæ diebus quæstioni subjici possunt, cum facillime & in hoc summi numinis speretur vènia, per quod multorum salus procuratur *l. 10. C. de feriis*. Pœna item non differtur in decimum diem, ut aliorum damnatorum, ex Senatusconsulto Tiberii tempore factò, Sueton. Tib. cap. 75. Senec. de tranq. vit. cap. 14. sed statim in eos animadverti præcipitur, ne Principis clementiam supplicationis vel alio quovis obtentu eis experiri liceat *l. 18. C. de pœn.* Neque regula quod reo capitis damnato quivis ex populo, pro eo etiam invito, appellare potest *l. 6 D. l. 29. C. de appellat.* in latronibus insignibus locum habet, quos damnatos statim puniri publice interest *l. 16. D. eod.* Præsidi porro latronem manifestum prius punire, deinde ad Principem scribere permissum, non pœnæ festinatione, sed præveniendi periculi causa *l. 6. §. 9. D. de injusto rupt.* Denique eos, qui a latronibus nominati, corruptis accusatoribus, diem suum obierint, ut confessos de crimine, non relinquere defensionem heredibus, rationis

Mm

esse

esse, Impp. rescripserunt, in *l. 2. D. de bon. eor.* Nihil speciale vero in latronibus hinc agnoscit Cujac. lib. vi. Obs. c. 24. legitque *rationis non est*, crisi violenta, ideoque non immerito reprehensus a Roberto lib. 1. recept. c. 37.

Latronibus similes sunt piratæ, & tanto peiores, quo magis ad summam reimp. navium exercitio pertinet *l. 1. §. 20. D. de exerc. act.* harum enim cursibus suppeditantur omnes undique ad vitam copiæ, multisque rebus fruimur, sub alieno sole natis, ut ait Cicero lib. 11. de Nat. Deor. cap. 60. In piratas ergo, ut publicos hostes, omnis homo miles est, maxime in mari, ubi judicia sunt nulla. Hinc Cæsar defendi potest, quod privatus adhuc, aut saltem legatus populi Romani, piratas; a quibus captus erat, cruci suffixit, cum Proconsul in eos non animadverteret, Vellej. Paterc. lib. 11. cap. 42. Justissima quoque severitate Prætor, præter criminalem executionem & pœnam corporalem, lege constitutam, specialem furti actionem proposuit in eum, qui ex naufragio, rate vel navi expugnata aliquid cepit, amovit, abstulit vel corrumpit dolo malo, intra annum in quadruplum, non ei tantum, cujus interest, sed etiam fisco *l. 1. seqq. D. de incend. ruin.* Ratio est, quia

quia reip. falus hoc modo evertitur cum detrimento privatorum; atque ita Athenis, qui vi abstulerat, & laeso & ærario tenebatur in duplum, auctore Demosthene, in Midiana. Claudius adhæc, rei nauticæ, ut Sueton. docet in ej. vit. cap. 19. studiosissimus, Senatusconsulto omnium rerum nomine eos teneri voluit, qui ex naufragio vel unum clavum abstulerint *l. 3. §. 8. D. eod.* Solebant enim ad utrumque latus esse gubernacula, uti Grotius in imaginibus Arateis ostendit; eaque vinculis navi annectebantur, quæ Lucas Act. xxvii. vs. 40. *ζευκτηρίας*, Latini *juncturas* vocarunt. Quinimo sicut Athenis, qui remum aliudve instrumentum navale suffuratus esset, capite, aut perpetuo exilio, aut publicatione bonorum luebat, uti Marcellinus in Hermogenem refert; ita Hadrianus de his, quos diripuisse probatum est, ut *de latronibus*, gravem sententiam dici jussit *l. 7. D. eod.* Antoninus denique unicuique naufragium suum impune colligere permisit *l. 12. D. eod.* Quod enim jus habet fiscus in aliena calamitate, ut in re tam luctuosa compendium sectetur? ait Constantinus *l. 1 C. de naufr.* etli quibusdam populis nunc placeat aulicorum Domitiani sententia, quos pungit Juvenalis Sat. 1v. vs. 53.

M m 2

Si

*Si quid Palfurio, si credimus Armillato,
Quicquid conspicuum pulchrumque est a-
quore toto
Res fisci est, ubicunque natat.*

CAPUT X.

DE CÆDE VIATORUM EXPIANDA, ET DE
DAMNO SPOLIATIS RESARCIENDO.

*Lex Moſis de populo luſtrando, in cujus
ſuibus latrocinium commiſſum, Deut.
xxi. vſ. 1. una cum aliis perperam a Ju-
dæis explicata. Similis lex Draconis:
aliæ leges Athenienſium adverſus latro-
nes: eorum ἀνδροφία & φιλοξενία erga
quoſcunque. l. 4. D. de colleg. & corp.
male accepta. Erranti viam non mon-
ſtraſſe in diris. Eunomia legis Ægypti-
acæ, aliis quoque gentibus probatæ, quæ
punit eos, qui opem non tulerunt occiſo.
Leges veterum Italorum, Cymenſium,
Perſarum, Inſubrium & Anglorum, ut
vicani damnum ſarciant, raptore non
prebenſo. Magis teneri Magiſtratus,
ſive advenarum curæ ſint præſecti, ſive
negligentes fuerint in latronibus inbi-
bendis. Varia ejus rei exempla antiqua
& recentia. Quando bodie territorio-
rum*

rum domini damna resarciant viatoribus spoliatis, & quare.

Superioribus vicinæ sunt leges, ad cædem viatorum expiandam, & damna spoliatis resarcienda pertinentes, quas uno velut fasce complectemur. Primas suo merito damus legi Dei, populo Israelitico datæ, Deut. XXI. vs. 1. seqq. Quod si enim homicidium in agro esset commissum, cujus auctor, de civitate in civitatem gliscens, ignorabatur, Seniores, sive Judices, proximæ civitatis, reatum sanguinis expiare jubentur, postquam, ad demonstrandam sui suorumque innocentiam, ore & lotione manuum, coram sacerdotibus ad hunc actum vocatis, testati essent, se insciis cædem esse factam: nam quia populi peccatum in Rectores redundat, qui non satis cavent, ne quid criminis committatur, opus erat solenni ritu, quo se suosque cives a sceleris culpa purgarent, istaque piaculari victima quasi significarent ita se occisuros homicidam, si detegatur, omnemque se moturos lapidem, ut is prehendatur. De lotione manuum, innocentiae symbolo, apud gentes, vid. Grot. ad Matth. XXVII. vs. 24. & Jurisprud. meam symbol. Ex. II. c. 8. Lex non distinguit inter

Gentilem & Israëlitam, sed illum pariter ac hunc diligere jubet, atque ab opprimendo eo abstinere Exod. XXII. vs. 21. Levit. XIX. vs. 34. Num. XV. vs. 16. at Judæorum magistri perperam hæc ad peregrinum justitiæ tactum & peregrinum inquilinum restrinxerunt, abunde satis se officiorum partes implevisse credentes, si iis præceptis paruisent, quibus civitas eorum continebatur; reliquos vero bestiarum numero habebant, pulchro prætextu scilicet, quod lex Mosis imperet specialiter benefacere popularibus, Deuter. XXII. vs. 1. hinc *μωσαϊσμός*, ab amicis Antiochi apud Photium, & *adversus omnes alios hostile odium* iis objicitur apud Tacit. lib. V. Hist. c. 5. Quinimo licet maledictus dicatur, qui facit, ut coecus erret in via, vel qui pervertit jus peregrini, Deut. XXVII. vs. 18. 19. tamen Juvenalis ne viæ quidem monstrandæ beneficium, minime molestum, eos exhibere voluisse exteris non Judæis, criminatur sat. XIV. vs. 103.

Non monstrare vias eadem nisi sacra colenti.

Atticæ leges belle conveniebant cum Hebræis; quia Draco, si cædes facta, cuius auctor ignotus, constituit *καθάραι τὸν πόλιν ἀνθρώπων*, *lustrare populum ea ipsa die*, qua quisque occisus fuerit, apud Demosthe-

sthenem, ἐν τῷ πρὸς Μακάριον, de qua vid. Petit. ad LL. Att. lib. vii. tit. 1. pag. 520. Adeo enim execrabile, & diis invisum, uti ex Ibici interfecti historia apud Solinum constat, videbatur esse latrocinium, ut vel cognati ejus, qui occisus esset, vel Demarchus populum lustrare debuerit, ipse vero fugitivus sacris malluviis, libationibus, crateribus, igne & tecto arcebatur. Propinqui, cadaver occisi efferentes, hastam ad tumulum defigebant, seque vindictam cædis cupere testabantur. Qui vero latronem, vim in via intentantem, illico interfecerat, purus censebatur, auctore Demosthene in Aristocrat. & Libanio decl. 33. neque ulla prædæ agendæ permissa erat societas, uti quidam ex Solonis lege, in l. 4. D. de colleg. & corp. colligunt, ad quam Ampl. Bynkershock videatur lib. 1. Obl. cap. 16. Alia lex permittebat proximis & necessariis occisi tres viros externæ urbis prehendere, in qua homicida receptus latebat, nec deditus, nec punitus; & hæc res ἀνδροληψία dicebatur, de qua vid. Meurs. Them. Att. l. 1. cap. 19. & Grot. lib. III. de J. B. & P. c. 2. §. 3. Alia lex erat ab ipsa humanitate & utilitate dictata, ut peregrino adveniēti & abeunti securitas præstaretur, apud Xenophontem Memorab. lib. II.

cujus verba erant ista: τῷ ξένους μὴ ἀδικεῖσαι. Theophilus idcirco §. 1. *Inst. de jure nat.* opponit Lacedæmoniorum & Atheniensium mores; illi enim peregrinos non admittebant, hi vero ab illa ξενηλασία tam alieni fuerunt, ut etiam coluerint Aram Misericordiæ, & bellum sæpe pro exteris sumferint. Eodem tendit vetus senarius in Excerptis Grotianis pag. 938.

Ξένος ξένισε, ὃ ἐν γὰρ ξένῳ γίγν.

Hospiti benefac, tu quoque hospes forte eris,

Rursus alia lex erat, hic non omittenda, qua is, qui erranti viam monstrare detrectasset, sacris arcebatur. Cicero III. de off. c. 13. *Erranti viam monstrare, Athenis publicis execrationibus sancitum est.* Quamvis enim laxa sint humanitatis officia, quæ egenti tantum jus imperfectum, ob circumstantias infinitas, tribuunt; detestandæ tamen malignitatis honestis viris visum fuit, ea negare, aut ægre dispensare, quæ aliis sunt utilia, & tibi non molesta, ideoque jus perfectum fere effecerunt. Homo quippe in adjutorium mutuum generatus est, & latissime patet omnibus inter omnes societas, in qua rerum omnium, quas ad communem usum natura genuit, est servanda communitas.

Ἀγνοεῖς ἐν ταῖς ἀραῖς ὅτι ἐστίν, εἰ τις μὴ φράσαι ἀφ' ὧν ὁδόν

ἰδόν. *Nescis in diris hoc esse, si quis non recte monstrarit viam?* ait Diphilus, in Parasito. Tulit hanc legem Buzyges, qui arare docuit Athenienses, & secundum Vaticanam Græcorum proverbiorum appendicem cent. 1. prov. 21. diris devovit eos, qui peregrinos hospitio & tecto, id est, aqua & igne non exciperent, aut qui erranti viam non monstrarent: ἢ μὴ ὑποφαινεσθαι ἰδὸν πλανωμένοις. Romanorum Philoſophus Seneca lib. iv. de benef. cap. 29. etiam ignotis errantibus viam monstrandam esse, ait, quia non homini id præstamus, sed humanitati; & diu ante ipsum Ennius, quicquid sine detrimento potest præstari, id cuicunque comiter, id est hilare ac libenter, tribui præcepit, laudatus eapropter a Cicerone lib. 1. de off. 16.

*Homo, qui erranti comiter monstrat viam,
Quasi lumen de suo lumine accendat, facit:
Nihilominus ipsi lucet, cum ille accenderit.*

Duriores autem prima fronte videntur esse aliæ gentium quarundam leges, quæ cædem ab aliis factam, ab aliis lui, vel damnum, in via publica datum, a proximioribus oppidanis, municipibus, aut vicinis resarciri jubent, cum ex facto alterius præter heredem nemo teneatur; ac ne is quidem, qui sit ejusdem civitatis,

vici vel provinciæ *l. un. C. ut null. ex vic. Nov. 52. § 134.* Verum, si attentius consideres, fundamentum utriusque est, quod crimen ad paucos, ejus suspicio tamen & invidia ad omnes vicinos pertinebat, quos meminisse æquum erat, quod non nobis solum nati sumus, sed ortus nostri partem patria vindicat, partem amici, partem totum genus humanum cognatum. Par parem quidem cogere nequit nisi ad id, quod ex jure stricte sic dicto debetur; Superior vero cogere potest etiam ad alia, quæ virtus quælibet præcipit; quia in jure superioris, qua superior est, hoc comprehenditur, auctore Grotio lib. 11. cap. 25. §. 3. Fluxisse autem leges illæ videntur ab Ægyptiis, quos Diodorus Siculus lib. 1. cap. 77. scribit, capitali supplicio obnoxium habuisse, qui in via hominem interfici aut quamlibet vim sustinere vidisset, & cum posset non vindicasset. Si quis re vera opem ferre non poterat, indicare tamen latrones & actione scelus persequi tenebatur: quo neglecto plagæ certo numero inflictæ, & triduo cibis interdictum. Ex hac lege Mosis zelus quoque a nonnullis defenditur Exodi II. vs. 12. Similiter Platonem puniendum censet, qui vim alteri illatam non arcet, lib. 1x. de LL. pag. 881. & Cice-

Cicero lib. 1. de off. c. 7. duo injustitiæ genera facit, unum eorum, qui inferunt, alterum eorum, qui ab iis, quibus inferitur, si possint cum suo commodo & sine periculo, non propulsant injuriam: *qui non defendit, nec obstitit, si potest, injuria, tam est in vitio, quam si parentes, aut amicos, aut patriam deserat*, id est æque peccat in justitiam, licet minus.

Ambrosius lib. 1. Off. cap. 36. *Qui non repellit injuriam a socio, si potest, tam est in vitio, quam ille, qui facit.*

Regula ergo ex facto alieno nemo tenetur, ex regulis societatis civilis, exceptionem patitur valde naturalem, nisi in altero illo fuerit potentia & obligatio ad factum illud concurrendi; hanc vero jus civile accuratius ad certas personas determinare solet. Sic Aristoteles mirab. ausc. c. 80. scribit, in Heraclea, Græcos & indigenas iter facientes ab incolis observari, ne quid iis sorte mali contingat, cum alioquin futurum sciânt, ut quorum in finibus aliquid delicti in viatores admissum fuerit, criminis pœnas luant, & damnum illatum resarciant. Non dissimile Cymenium institutum Rad. Fornerius lib. v. rer. quot. c. 28. ex Heraclide Pontico, *ἐκ πολιτειῶν* observat, ut ad eorum restitutionem, quæ furto fuissent ablata, omnes vici-

vicini conferrent, indeque factum, raro ut aliquid amitteretur; cum eadem diligentia res alienas ac proprias custodirent singuli. Sic & Abas Rex Persiæ, ad latrones extirpandos decreto fancivit, ut incolæ oppidi proximi refarcirent, si quis in viapublica spoliatus esset, apud Petrum de Valle Itin. p. 2. epist. 1. In Libuis, Gallis & Insucriis etiam suo tempore legem municipalem fuisse, ut si quidquam damni cuiquam viatori datum sit, teneantur proximi pagani id refarcire, vel nocentem sistere, refert Alciat. lib. VI. Parerg. c. 29. recteque contra pravam Pauli de Castro judaizantis interpretationem docet, legis rationem, ut itinera tuta sint, non tantum in civibus, sed magis in peregrinis obtinere, quum & his jus nascatur ex lege civili & pro subjectis temporariis habeantur. v. Grot. lib. II. c. II. §. 5. Bartolus quoque in l. 4. *D. de nox. act.* scribit, usurpatum in sua parocchia morem, ut incolæ ipsi plecterentur, qui sceleris alicujus auctorem non comprehendissent. Apud Anglos denique *escapii* pœna olim tenebantur cives urbis, ex qua homicida evasisset, licet nondum is deprehensus esset, & carceri mancipatus, uti pluribus discere licet ex Auctore Fletæ lib. I. c. 20. §. 75. & Covvello lib. IV. Instit. tit. 18. §. 14.

Recte

Recte Cujacius lib. XIX. Obs. c. XI. monet, plus imputandum esse Magistratibus & dominis, qui vico imperant, quam vicinis: jus enim habent, tam singuli, quam respublica exactam quandam diligentiam ab iis exigendi, non modo si hunc in finem primario sint instituti, ne peregrino cuiquam fiat injuria, ut de advenarum præfectis apud Indos Strabo lib. XV. p. 708. & Diod. Siculus lib. II. c. 42. testantur; sed etiam si lex ordinariis magistratibus expresse, aut per sufficientem consequentiam indicavit, curarent, quo malis hominibus provincia purgaretur *l. 3. D. de off. præf. l. 2. C. de off. Reft. prov.* Hac propter Grotius lib. II. de J. B. & P. c. 17. §. 20. scribit, ex neglectu teneri Reges ac Magistratus, qui ad inhibenda latrocinia & piraticam non adhibent ea, quæ possunt & debent remedia, eoque nomine damnatos olim ab Amphycionibus Scyrios, legimus apud Plutarch. in Cimon. pag. 483. Similiter Cumanum, procuratorem Syriæ, imputasse propinquorum vicorum incolis, vel (si Cujacii *δεσπότης* placet, pro *δεσμώτας*) proximorum vicorum dominis, quod latrones non comprehenderant, auctor est Josephus lib. II. de bell. Jud. cap. 12. Idem ex Sabaudia in Angliam traductum ab Henrico III. scribit

bit Matth. Parilienf. A. 1253. *Si quis obiter spoliaretur, vel quomodolibet a latrone damnificaretur, ipsi, quibus incumbbat eminentius patriæ custodia, caso satisfacerent competenter, & amissa restituerent.* Idem lege Regis Scotiæ 98. cautum apud Buchanan. lib. 1x rer. Scot. In Persia Prætores tenentur refundere quicquid in viis publicis suæ jurisdictioni & telonio subjectis, ablatum est, Tavernierio teste, Itin. lib. 1. p. 4.

Non minus hodie Comites & dominos territorii, qui vectigal exigunt, damna viatoribus per latrones data sarcire teneri, ajunt Gail. lib. 11. Obs. 64. Mynsing. c. 5. Obs. 70. alique apud Lauterbach. ad tit. de publican. fin. laudati: sed vix est, ut ex nudi vectigalis solutione id demonstrari possit; hoc enim pro solo transitu, & in compensationem sumtuum, ad vias reficiendas necessariorum penditur, ut Titius recte animadvertit Obs. 998. Quamobrem damna refarcit dominus duobus calibus, si accepto guidagio conductum specialem promisit, vel si lata ejus culpa in latronibus non repressis probetur Rec. Imp. 1559. §. 34. 35. Hodie guidagium vulgare & parvum pro rerum, quæ exportantur, securitate tanquam regale & jure territorii exigitur; sed olim, durante

rante jure manuario, conductus illi pactitii magis erant frequentes, unde toties in chartis mediæ ævi occurrunt *deductores, duces conductorii*, διακώσαι & ἀποκώσαι. V. Frene Gloss. v. *conductus* & *guidagium*. Extat de hac quæstione Bartoli consilium 5. & Baldi locus in tit. 1. Feud. lib. 1. quibus jungatur Carpz. pr. crim. qu. 91. n. 58. & Schilt. Exerc. XLII. §. 50. Alii nominis editionem & mercium professionem factam postulant, arg. *l. un. C. de lit. & itin. custod.* Alii, ut viator spoliatus sit in via publica, non vero ad avia deflexerit, arg. *l. 2. C. de curs. publ.* & *l. 2. C. Tb. de curios.* Ego addo, viam regiam quidem esse tutissimam, & Pythagoræ symbolicum illud: *Extra viam publicam ne ingrediaris*, si nil obstat, hic observandum esse; attamen læsi raro de damno restituto gaudebunt; quis enim adversus potentes, etsi culpa non vacent, munitus est fatis? & quis, sodes, litigare velit cum Principe, quem majestas & ferrum tuetur?

CAPUT XI.

DE VARIIS LEGIBUS VIARIIS.

Scriptores practici de jure viarum. Regula de vehiculis sibi obviis. Romæ via decedendum honoratioribus. De foveis urforum & luporum capiendorum causa in via factis. l. 28. ad. L. Aquil. cum Exodi XXI. vs. 33. collata. Per ferias viam publicam munire licuit. Cato ex Virgilio illustratus. Religiosi diebus festis iter non susceperere. Lex Dagoberti. Si via publica casu amissa, vicinus privatis vel Reip. viam præstat, ad l. 14. §. 1. D. quemadm. servit. Cur Principes constituerint; ne vehicula oneraria Urbem ingrederentur, aut equi in civitatibus insederentur. Qui fimo vel cæno aliquem in via persundit extra ordinem coercetur, ut & piscatores, qui specie phari facibus suis noctu fallunt navigantes l. 1. §. 1. D. de extraord. crim. l. 10. D. de inc. ruin. explicatæ. De plateis non artandis, ad l. 12. C. de adif. priv. & l. 14. C. de op. publ.



mmensi esset operis omnia colligere, ad viarum securitatem & commodum spectantia, igitur coronidis
loco

loco tantum leges memorabiles breviter enarrabimus, quæ animo nunc occurrunt. Nolim vero exspectes, ut ad practicas quaestiones me demittam, tum quod illæ ab instituto præsentis & a genio hujus opusculi sunt alienæ; tum quia Fritschius, in duabus dissertationibus, de jure regali Viarum publicarum & Pontium, in illis plus æquo & tam diligenter fuit occupatus, ut mihi labor ille inanis futurus esse videatur. Neque de transitu exercitus, aut de vehiculis sibi obviis nunc quidem post Cl. Feltmannum, agere vacat, qui in binis disceptationibus hujus argumenti, quantum satis est, ea de re dixit, ad illa l. xi. C. de servit. verba: *Uti via publica nemo prohibetur*. Grotius quoque jus transeundi terra & omnibus late explicat lib. 11. de J. B. & P. cap. 2. §. 13. & quod ad aurigas sibi obvios attinet, res breviter eo redit, eum cedere aut retroire debere, qui collisioni culpa sua ansam præbuit; vel, hac cessante, qui minore cum incommodo id facere potest; in pari vero causa par esse utriusque officium, nisi honos altus aut privilegium alteri tribuat prærogativam. Ita Consuli vel Prætori, per densissimos populosissimæ Urbis numeros transeunti, non modo decedendum erat semita vel via, sed & vehiculo
N n equo-

equoque defiliendum, auctore Seneca Epist. 64. & Arnob. lib. vii. adv. gent. ex quo more Lipsius lib. 1. Elect. cap. 23. ritum navalem illustrat, quo navigantes urbibus, castellis, arcibus, vel navibus, reverentiæ vel subjectionis gratia, vela submittunt. Plane in Urbe Seneca lib. 1. de clem. cap. 6. ait, turbam crebro elisam, *quoties aliquid obstitit, quod cursum ejus, velut torrentis rapidi, moraretur.* Horat. lib. 1. sat. 6. vs. 42.

- - - *At hic, si plaustra ducenta
Concurrantque foro tria funera, magna
sonabit.*

Juvenal. sat. iii. vs. 239.

*Si vocat officium, turbaccedente, vehetur
Dives, & ingenti curret super ora li-
burno.*

*Mox . . . nobis properantibus obstat
Unda prior: magno populus premit ag-
mine lumbos*

*Qui sequitur, ferit hic cubito, ferit as-
fere duro*

*Alter: at hic lignum capiti incutit, il-
le metretam.*

Alia lex vialis est Pauli l. 28. D. ad L. Aquil. de foveis urforum cervorumque capiendorum causa factis: nam qui in itin-
neribus eas fecit, lege Aquilia obligatur,
si aliquid eo decidit, vel deterius factum
est

est: qui vero in *aliis locis*, ubi fieri solent, nihil tenetur, præsertim si denunciatum est, aut prævideri potuit. In simili re Moses Exodi *xxi. vi. 33. Quum retexerit quis puteum, aut quum foderit quis puteum, deinde non operuerit illum; itaque ceciderit illuc bos aut asinus: dominus ille putei rependito.* Late hanc legem divinam explicat Baba Kamma cap. 5. §. 5. cujus summa eo redit, ex ore putei rem judicandam esse, num illud loco publico, an privato obvertatur. Fossas autem uris & lupis capiendis primus Romanis ostendit Fovius quidam, qui postea Fabius dictus est, Festus in *Fovei*. Meminerunt antiquissimi hujus venandi generis Horatius, Phædrus, Manilius, Statius, Claudianus & Silius lib. *vi. vi. 329.*

*Haud secus ac, stabulis procurans otia,
pastor*

In foveam parco teclam velamine frondis

Ducit nocte lupos positæ balatibus agnæ.

Vid. ibi Dausquejus & Cl. Collega noster Drakenborchius in notis. Solon Athenis præmium constituit ei, qui lupum masculum interfecisset, drachmarum quinque, ea tamen lege, ut sepeliretur, quia Apollini stabulis triste illud animal erat sacrum, auctore Plutarcho, Æliano, Suida aliisque apud Meurs. Them. Att. lib. *11. cap.*

17. De aliorum populorum præmiis vid. Mornac. ad l. 42. *D. de Ædil. ed.*

Ad singularia porro viarum referri potest, quod Cato, Romani generis disertissimus, ait de re rust. cap. 2. *Per ferias potuisse fossas veteres tergeri, viam publicam muniri, vepres recidi &c.* hoc vero sine dubio de feriis sine festo, ut nundinis, vel de diebus intercisis, qui deorum hominumque erant communes, vix autem de feriis indictis conceptisque accipi debet: affirmabant enim sacerdotes has pollui, si opus aliquod fieret, & ideo per præconem denunciabatur, ne quid ageretur, & præcepti negligentes multarentur, ut Festus in *Præciis* & Macrobi. lib. 1. Saturn. cap. 16. docuere. Sed qui disciplinas Pontificum interius edocti, ea diebus festis, ob immensum eorum numerum, sine piaculo fieri posse dicebant, quæ vel prætermissa nocerent, vel quæ supra terram, sine institutione novi operis, fierent; unde Maro, totius sacrorum ritus peritissimus, cecinit lib. 1. Georg. vi. 268.

*Quippe etiam festis quadam exercere diebus
Fas & jura sinunt. Rivos deducere nulla
Religio vetuit, segeti prætere se-
pem. &c.*

Quotquot vero, sine delectu dierum festorum,
rum,

rum, superstitionibus se implicabant, neque iter necessarium suscipere in illis audebant; adeo ut peregrina quoque fabbatha observarent, tanquam minus aptarebus gerendis, teste Ovidio, Tibullo, aliisque supra laudatis part. 1. pag. 18. ubi apud Judæos ultra octo stadia die Sabbathi proficisci nefas fuisse diximus. Pie Dagobertus Rex Francorum fancivit, ut *in itinere positus cum carro vel cum nave, pauset die dominico, usque in secundam feriam*, alias in duodecim solidos condemnatur, tom. 1. Capit. Baluz. pag. 113.

Rurfus singulare nobis memorat Javolenus in l. 14. §. 1. D. *quemadm. serv. amitt.* Cum via publica vel fluminis impetu, vel ruina amissa est, vicinus proximus viam præstare debet. Choppinus lib. 11. de privil. rust. cap. 5. recte hoc refert ad certum anni tempus, quo fructus colligi percipique necesse est; sed nil vetat quo minus idem fore dicamus, si Respublica, jure imperii, vel, ut alii vocant, domini supereminens, agri partem sibi justo pretio vendi postulet, ad novam viam struendam: et si enim desiderium ejus, qui invitum distrahere postulat, justam causam non contineat, l. 9. D. *rer. amot.* l. x1. C. *de contr. empt.* & vulgatum sit de Cæsare & Augusto, quod ille neminem

expellere ex agris, hic vero proximas foro suo domos, possessoribus extorquere, non fuerit ausus, Sueton. lib. 1. cap. 38. & 11. cap. 56. fallit tamen id, ubi aperte de publica utilitate, necessitate vel de religione agitur *l. 12. de religiof.* tunc enim plurimum salus suprema lex est, & tota civitas quasi unam personam atque commune patrimonium refert; æquitas denique suggerit, ut id patiari, quod mihi quidem prodesse potest, tibi vero non est nociturum, Paul. in *l. 2. §. 5. D. de aq. pluvi.* Seneca lib. VII. de benef. cap. 4. *Jure civili omnia regis sunt, & tamen illa, quorum ad regem pertinet universa possessio, in singulos dominos descripta sunt, & unaquæque res habet possessorem suum. Ad reges potestas omnium pertinet, ad singulos proprietas.* Idem scribit Philo *et Pulverizæ* & Ambrosius epist. 14. *Comitibus & tribunis dicentibus Imperatorem jure suo uti, eo quod in potestate ejus essent omnia.* vid. Grot. lib. 11. de J. B. & P. cap. 14. §. 7. Rad. Forner. lib. v. rer. quot. cap. 26. & Covarruv. lib. 111. var. resolut. 14. n. 8.

Utile porro & necessarium fuit edictum, quo Claudius monuit viatores, *ne per Italiae oppida, nisi aut pedibus, aut sella, aut lectica transirent*, auctore Sueton.

ton. lib. v. cap. 25. Hadrianus idem repetiit, apud Spartianum ej. vit. cap. 22. *Vehicula cum ingentibus sarcinis Urbem ingredi prohibuit. Sederi equos in civitatibus non sivit.* Ratio fuit partim metus, ne in Urbe rumperentur fornices cloacarum; qua ratione redemptor earum, de marmoribus ingentibus Scauri, damni infecti caveri postulavit, cum in palatium tranfveherentur, Plin. lib. xxxvii. cap. 2. partim ne strata platearum pulcherri-
ma læderentur, quibus multitudo curru-
um necessariorum in Urbe jam satis erat molesta, Horat lib. ii. epist. 2. vs. 72.

*Festinat calidus mulis gerulisque redemptor,
Torquet nunc lapidem, nunc ingens ma-
china tignum.*

& lib. i. epist. 17. vs. 1. ad Scævam:

*--- Site pulvis strepitusque rotarum,
Si lædet caupona; Ferentinum abire ju-
bebo.*

partim denique ob pericula, quæ ex nimio
plaustrorum onere, in clivis illis facile orie-
bantur, uti Casaubonus ad d. l. Spartiani
ex Juvenale observavit, sat. iii. vs. 254.

--- modo longa coruscat

*Sarraco veniente abies, atque altera
pinum*

*Plaustra vebunt: nutant altæ, populo-
que minantur.*

*Nam si procubuit, qui saxa Ligustica portat,
Axis, & eversum fudit super agmina
montem,*

*Quid superest de corporibus? quis mem-
bra, quis ossa*

*Invenit? obtritum vulgi perit omne ca-
daver.*

Idem municipibus rursus vetuit Marcus, perpetuus Hadriani in legibus ferendis imitator, apud Capitolinum ej. vita cap. 23. *Sederi in civitatibus vetuit equis, sive vehiculis.* Postremum equo vehi licuit, non vehiculo. Vopiscus de Aureliano, cum Antiochiam ingrederetur cap. 5. *quia invidiosum tunc erat vehiculis in civitate uti, equus ei Imperatoris applicitus, cui per festinationem insedit.*

Ad hanc velut saturam legum vialium quoque pertinet, quod Paulus ait, graviter & extra ordinem in eos animadverti, qui fimo corrupto aliquem in via perfuderint, vel cœno lutove oblinuerint, antequam pro obleverint, l. 1. §. 1. D. de extr. crim. ut Varro lib. 111. de R. R. c. 7. *Aves decipiuntur, cum se obleverint visco.* Magis vero coercendi si, ad extinguendos oculos, calx mixto aceto missa in faciem effusaque fuerit; quam incredibilem sceleris excogitationem detestatur Augustinus adv. circumcell. epist. 68. Il-
lud

lud quoque religiosa Præsidis constantia efficiendum memorat Ulpianus in *l. 10. D. de incend. ruin.* ne piscatores nocte, ostenso lumine, fallant navigantes, quasi in portum aliquem delaturi, eoque modo in periculum naves, & qui in eis sunt deducant, sibi que execrandam prædam parent: in aufuros pœnæ corporales & pecuniariæ sunt statutæ. Enimvero ex pharis, turribus & summis montium verticibus nautis iter ad portum noctu monstrabatur, igne multo vel lumine accenso. Phari nomen habent a turri, quam Ptolemæus Philadelphus in Pharo insula magnificentissimam, in gratiam navigantium albo lapillo extruxit, de qua Cæsar, Strabo, Plinius aliique. Similes quoque in Piræeo apud Thucydidem, nec non in Italiæ & Romani imperii portubus apud Suetonium & Plinium laudantur; omnium finis, ut flamma ad portum contententibus luceret, & ut Statius cecinit:

*Lumina noctivagæ tollat Pharos æmula
Lunæ.*

Sic ergo patet, quam facile fuerit piscatoribus nautas decipere; noctu enim piscantes, velocibus scaphis λαμπομένας δαΐδας, *lucidas faces* ferebant, ut ex Oppiani lib. ult. Cyneg. vf. 140. Cujacius & Scipio Gentilis notarunt.

Nn 5

Po-

Postremum sit, quod Papinianus & Ulpianus monent, si viæ publicæ exemptus sit commeatus, vel ea, cum parietes ventrem faciunt, aliove modo coartetur, magistratus intervenire, *l. un D. de via publ.* & si quid *l. 2. §. 25. D. ne quid in loc. publ.* quæque Paulus scribit de actione viæ receptæ & de compellendis his, qui viam publicam exaraverint, *l. 3. D. de via publ.* & *itin.* Arcadius item & Honorius ædificia, quibus angustentur spatia platearum, dirui ac prosterni præcipiunt in *l. 14. C. de oper. publ.* & mæniana, nisi spatium inter se per decem pedes liberi æris, in media viæ publicæ, quæ intercedit, latitudine habeant, modis omnibus destrui jubent, in *l. 11. C. de ædif. priv.* Zeno denique nulli, qui Constantinopoli domum ædificaret juxta compitum, angiportum vel plateam, duodecim pedibus latiore, permittit auferre partem plateæ, ad Remp. pertinentis, eamque proprio superadde-
re ædificio, in *l. 12. §. 3. C. eod.* ad quam Cujacius videatur lib. XIX. Obs. cap. 21. &, qui similes Regum Galliæ constitutiones laudat, Jac. Gothofred. ad 39. *C. Tb. de op. publ. t. v. p. 312.*

F I N I S.

IN-

I N D E X.

A.
A cervi Mercuriales. 170
 Aediculae & parva tem-
 pla peregrinantium. 222
 Aediles Curules vias refici &
 purgari juebant 342 veta-
 bant noxia haberi animalia,
 ubi iter fit. 443
 Aedilium Edictum viarium 416
 verba ejus an sint genuina 417
 in provinciis valuit 440 Ejus
 causa primaria 428. Origo
 ex Jure Hebraeo & Graeco
 437. Aequitas 460. Poena
 varia. 455
 Aegyptii profani cultus aucto-
 res 50. venerati canes. 103
 Agger pro via militari. 359
 Alutudo aedium Romae. 479
 Amosus illustratus. 222
 Amtegetes muniunt vias. 523
 Angariae. 397
 Angeli viarum duces. 216
 Animalia fera cur à Romanis
 alta 432 433 stupendus illo-
 rum numerus 434 mansue-
 facta traxerunt bigas 450. il-
 lorum actiones an dominis
 sint imputandae. 461
 Aper minor. 410
 Apes Lunae sacrae 80
 Apis Aegyptiorum. 52
 Apollo praecipuus Deorum via-
 lium. 115. unde Didymaeus
 Averruncus, Agyeus dictus
 116. an solis viis urbanis prae-
 fuerit. 118
 Appia via ceterarum regina 336.
 laudatur 338. 525
 Apulejus vindicatus. 11
 Aqua lustralis in viis. 19
 Aquila dux itineris 107. insigne

Principatus Romani reg. e-
 jus religio & cultus. 110
 Aquilae Legis caput secundum.
 485
 Arae Deorum vialium. 23
 Arabum Duces viales. 96
 Architecti Pandectarum defen-
 si. 426
 Armorum usus quando per-
 missus. 542
 Astra pro Ducibus viatorum. 69
 Astoreth vel Astarte Syrorum
 & Phoenicum Dea vialis. 56
 Aetnaei Graecorum. 345
 Athenienses religiosissimi 98.
 Deus illorum ignotus. 300
 Auspicia itinerum ab avibus. 105
 Augustus tutor viarum maxi-
 mus 220. 388. cohortes ejus
 contra latrones. 351
 Aureus solidus ex quo tempore.
 424

B.
Bacchus Deus vialis 123. i-
 dem qui sol & Apollo. 124
 Bestiae non sunt puniendae. 467
 Belus Babyloniorum idolum. 64
 Belenus Noricorum 75. Gallo-
 rum. 86
 Bivia Dea 250
 Britannorum Mercurius 93
 Bruta deorum vialium symbo-
 la. 104

C.
Cabiri navigantibus utiles 261.
 illorum cultus & templa
 265 stellae 266. vota illis so-
 luta. 268
 Caesar viarum curator 387 de
 B. G. illustratus. 84
 Canes Dianae comites 143. ad
 statuas Larum. 225 ad limi-
 na

I N D E X.

na ditiorum 430 custodes
 Capitolii 444. feroces vincti
 ad ædium limina 445. no-
 èturni soluti 448
 Carolus M. sustulit deos viales.
308
 Caveæ portatiles ad vehendas
 feras 435
 Cauponum iniquitas & perfidia
496. insignia ante fores. 498
 Censores viis perfecti. 334
 Censuræ decrementa. 339
 Chaldæorum dii viales 64 ar-
 tes. 66
 Childerici monumentum. 79
 Cibus dei. 228
 Circulatores. 451
 Cicatricum ratio. 489
 Clavigeri dii 126. 187
 Cœnacularii. 481
 Columbæ boni ominis. 105
 Columnæ Deorum vialium 39
 earum origo, usus & cul-
 tus 40. cur obeliscatæ: 122
 Columnæ milliars. 362
 Coloniarum sacra. 302
 Compitalia. 229
 Consulium cura viaria 369
 Corvi a diis missi. 107
 Crucis supplicium sublatum. 543
 Culinæ in sepulchris. 228
 Curatores viarum quando in-
 stituti 377 illorum dignitas,
 apparitores & coercendi po-
 testas 378
 — operum publicorum 381
 lapidibus inscripti. 382
 Curionis Lex viaria. 368
 Cursus publicus ab Augusto in-
 stitutus 396. in Provinciis
 Præsidibus mandatus. 406
 Cygni navium Duces. 106
 Cyrus viarum curator. 321

D.

Damnum unde dictum. 457
 Dea cœlestis. 62
 Deæ minutæ. 252
 Decimæ. 195
 Deorum multitudo 3. nomina 6.
 statuar & aræ 23. classes. 100
 Diana numinum vialium præ-
 cipua 131. erat luna 115.
 soror Apollinis 128. præerat
 venationi 132. illius luci 31.
 nomina varia 134. adjutrix
 navigationis. 147
 Dii averrunci 116 minorum
 gentium 234. bivii, trivii,
 quadrvii. 252
 Dii marini alij quam terrestres
256. senes & cærulei 272.
 an differant à litoralibus 273
 tutelares 224. & locales
 generaliter invocati. 301
 Dii omnes pro confessu Deo-
 rum. 297 seq.
 Dii viales in duas classes divisi.
48
 Dies, quibus iter non facie-
 bant veteres 17. 565
 Diversoria olim rara. 496
 Diploma. 398
 Duumviri, viocuri extra urbem.
375

E.

Edicta Prætoris viaria. 472
 Enodia Diana. 133
 Epulum funebre Laribus posi-
 tum. 227
 Erranti via monstranda 552
 Esaias expositus 63. 407
 Extæ in mare projectæ. 286
 Expilatores. 535

F.

Fluvii adorati 19. Diis sacra-
 ti. 274
 fluctus inter Divos 280
 For-

I N D E X.

Fortuna redūx 244. in Deorum numerum relata 247
 cur bona dicta 249. quid fuerit. 248
 Foveæ capiendorum luporum. 563
 Francisci 1. Edictum. 493
 G.
 Gad & Meni 60. 130
 Gallorum Dii viales. 213
 Genii tres significatus. 84. 91
 Germanorum Dii viales 84. 91
 Glaucus. 269
 Glarea. 335
 Graffatores. 534
 Guidagium. 558

H.

Hebæorum Dii viales.
 Hecate Diana 136. cur Trivia 138. triplex illius facies 140. sacrificium. 145
 Hercules unde dictus 180 Deus vialis 181. idem qui Sol. 184.
 Sanctus 188. Saxonus 189.
 adoratus in litore 192. plures 181. Gaditanus 94 Macufanus 193 Deufeniensis 81.
 Prodicus. 201
 Herculis templum 29. figura 193. ara præcipua 194. statutz 200. decimæ 197. sacrificia. 199
 Hermæ 93. ante ædes positi 164
 Herodis columna. 133
 Hispanorum Dii viales. 93
 Horatii explicatus. 221
 Horithya. 278
 Hoedus Diis marinis oblatu. 286
 Honoratis via cedendum. 562
 Hospitii Jus apud Hebræos, Indos, Creteasas, Græcos,

Germanos, Francos & Anglos. 504

I.

Janus Sol & deus vialis. 126
 Januz inscriptum Cave canem. 447
 Jētis unum numen. 194
 Insignia cauponum antiqua. 498
 Indorum dii viales 95. Agoronomi. 323
 Interdicta Prætoris viaria. 521
 Johannes Baptista strator, metator. 407
 Irmensula. 90
 Irenarchæ. 538
 Is dea. 251
 Isis Dea vialis 95. navigantium numen 149. Germanis an cognita. 78.
 Iter & cursus de navibus 258
 338
 Iteris pro itineris. 373
 Itinera capefcenda invocato Deo. 312
 Judæorum *perniguntia*. 550
 Juppiter peregrinantium Deus unde 100. Sol. 114. thesaurorum inventor 203. hospitalis. 504

L.

Lapides viales in bivis 33. uncti 35. coronati 36. rudes 37. pro Diis habiti. 44
 Lapis minor, e quo in equos scanſio 366. milliaris. 362
 Latrones prehendebant stationarii 537. & latruncultores 541. integræ gentes latrocinis infames, 536 seq.
 Latronum famosorum poenæ gravissimæ. 543. carum singularia. 545
 Lares viales 205. unde dicti.

I N D E X.

<u>207</u> varii generis <u>208</u> . Urbis Romæ <u>209</u> . Augusti <u>210</u> . quid sint. <u>225</u>	L. 5. §. 6. D. de his, qui effud. <u>492</u>
Larum festa concepta <u>229</u> . sacrificia <u>230</u> . permutatio. <u>304</u>	L. 3. §. 1. D. Naut. caup. & bul. <u>496</u>
Latrunculatores. <u>341</u>	L. 1. §. 1. eod. & L. un §. 6. furt. advers. naut. <u>497</u>
Leugæ Gallorum. <u>304</u>	L. 3. §. 4. cum. L. 7. § ult. naut. caup. <u>501</u>
Lex Atheniensium de via monstranda erranti. <u>552</u>	L. 25. §. 6. locati. <u>103</u>
Lex Ægyptiaca memorabilis. <u>553</u> seq.	L. 1. §. 3 de public. <u>513</u>
Legis Aquilæ caput secundum. <u>485</u>	L. 9. §. 5. eod. <u>514</u>
Leges gentium de damno à vicinis faciundo <u>555</u> variaz viaræ. <u>570</u>	L. 37. D. de relig. & sumt. fun. <u>518</u>
Lex Solonis. <u>438</u>	L. 7. §. f. ad L. Jul. Majest. <u>110</u>
Leges illustratæ. <u>438</u>	L. 43. §. 4. de furt. <u>162</u>
§. 10. J. de R. D. <u>24</u>	L. 63. §. 1. de A. R. D. <u>201</u>
L. 1. D. de R. D. <u>24</u>	L. 1. §. 1. de extraord. crim. <u>168</u>
L. 6. §. 3. D. eod. <u>305</u>	L. 10. de incend. ruin. <u>569</u>
<u>L. 17. §. 9. D. de act. emt.</u> <u>240</u>	L. 14. §. 1. quemad. servit. <u>565</u>
<u>L. 6. 19. D. de auro, argento.</u> <u>210</u>	L. 28. ad L. Aquil. <u>562</u>
L. 2. §. 21. D. Ne quid. in loc. publ. <u>316</u>	L. 4. de colleg. & corp. <u>551</u>
L. un. D. de via publ. <u>344</u>	L. 1. §. 12. de off. p. x. urb. <u>538</u>
L. 2. D. de cloac. <u>380</u>	L. 1. §. 1. de effract. <u>535</u>
L. 184. D. de V. S. <u>393</u>	L. 28. §. 10. de poen. <u>534</u>
L. 18. §. 4. D. de mun. & honor. <u>397</u>	L. 42. de procurat. <u>522</u>
L. 137. de V. Obl. <u>398</u>	L. 30. de leg. 2. <u>530</u>
L. 7. §. 1. de off. Proconf. <u>408</u>	L. 18. C. de poenis. <u>545</u>
<u>L. 4. §. 5. D. eod. L. 5. eod. 412</u>	L. 12. C. de ædif. privat. <u>570</u>
<u>L. 40. 41. 42. D. de Ædil. Edict.</u> <u>417. seq.</u>	L. 14. C. de oper. publ. ibid. <u>519</u>
L. ult. D. de extraord. crim. <u>451</u>	L. ult. C. de relig. <u>519</u>
<u>L. 1. §. 11. Si quadr. paup. sec.</u> <u>462</u>	L. 4. C. de privil. dom. Aug. <u>385</u>
<u>L. 1. §. 17. D. de nov. op nunc.</u> <u>480</u>	L. un. C. de thesaur. <u>203</u>
L. 5. §. 4. D. de his, qui effud. <u>486</u>	L. 10. C. Th. de pagan. <u>28</u>
L. 27. §. 4. ad L. Aquil. ibid.	L. 3. C. Th. de thesaur. <u>203</u>
	L. 12. C. Th. de pagan. <u>307</u>
	L. 4. C. Th. de curs. publ. <u>329</u>
	L. 1 C. Th. de ponder. <u>426</u>
	L. XII. Tab. <u>356</u> <u>522</u>
	Leonis Novellæ <u>163</u> <u>203</u>
	Pauli sententiæ <u>380. 438. 471</u>
	Caji fragmenta. <u>236</u>
	Ulpiani tit. <u>92</u>
	Lucas illustratus <u>289. 300.</u> <u>510</u>
	Luna Dea <u>77.</u> varia specie cul. <u>12</u>

I N D E X.

ta 72. mas & foemina habita. 129
 Luci prope vias 30 a Diis iuhabitati. 31
 Lucorum cultus quamdiu durarit 307. prohibitus Edictis & Canonibus. 308
 Lucretius illustratus. 25
 Lunus mas & foemina. 129
 Lupi occisi praemium. 563
 Lustratio populi ob caedem. 549

M.

Macrobius locus corruptus. 200
 Magi ex Oriente. 66
 Magistratum negligentia in curandis viis punienda. 557.
 Malachias illustratus. 406
 Mater Stata. 252
 Mathematici a peregrinantibus consulti. 15
 Matthaei locus expositus. 66
 Mansiones. 396
 Mercurii nomen unde 175. cultus ubiuis. 91
 Mercurius viacus 153. non Vius 154. pro Sole habitus 155. mercatorum Deus 157. petasatus quare 157. τρωπῶτες 165 cum Hercule coniunctus. 201
 Mithra Persarum. 71
 Milliarium lapidum numerus ubi ceperit. 390
 Milliarium aureum. 389
 Μίλιον Constantinopolitanum. 394

Militum ministeria. 411
 Maeniana 483. cur in edicto de deiectionis omissa. 483
 Moscovitarum Dii viales. 96
 Moses illustratus 38. 40. 42. 52. 199. 215. 468. 550
 Multitudo hominum Romae 476

Municipia & coloniae imitabantur pompam ludorum Romanorum 440 sua retinebant sacra. 302
 Mutationes. 397

N.

Navigantium ungues & capilli mari oblatis. 299
 Navis expugnatae poena durior. 547
 Navium nomina 289. ornamenta. 104
 Naufragorum tabellae 292 bona Fisco non addicenda. 547
 Nehalennia Dea vialis. 81
 Neptunus unde appellatus 257. Redux 260. vota illi facta a nautis 259 & taurus niger oblatus. 284
 Neptunalia. 258
 Noctiluca Diana. 128
 Nox diem ducit. 77
 Numen gentilibus unum. 294

O.

Oceanus & Thetis Deorum antiquissimi. 257
 Octavarii. 517
 Omina sinistra. 16
 Oscula peregre euntium 20 terrae data. 21
 Osiris Aegyptiorum. 50

P.

Panopea. 269
 Peregrinantium preces 6
 vota. 19
 Persarum Dii viales. 41. 569
 Phari. 56
 Phoenicum Dii viales. 56
 Piscatorum faces. 569
 Piratarum poenae. 546
 Plateae Romae angustae. 477
 Plautus illustratus 120. 223
 Piloriorum origo. 396
 Pontaeum. 517
 Pon-

I N D E X.

Pontes nobiliores.	360	Regina cœli.	59
Portæ Deorum vialium sedes.	24	Religio peregrinantium.	6
Portitores.	513	Rhenus Germanorum Deus	275
Portunus.	270	Rôma cultrix cunctorum numi-	99
Profecta.	481	num.	506
Proverbiū <i>ignis pons unde</i>		Robatores.	S.
ortum 160. Proverbia Salo-		Sabbatho iter facere non licuit	18
monis illustrata.	173	Sanctus Viarius.	312
Præfidis cura viarum.	405	Saxanus Hercules.	189
Priapus 240. Deus litorum &		Securitas viarum præcipua	
portuum.	243	Magistratuum cura.	315
Prætor securitati viarum pro-		Semiramis prima viarum cura-	
spexit 472. an sub illius no-		trix.	318
mine veniat Ædilis.	473	Serpentes viz duces.	111
Prætoris edictum de dejectis		Servi ostiarii in catenis.	446
475 adversus nautas, cau-		Semo Sancus.	188
pones & stabularios 494 ad-		Sempronia Lex.	354
versus publicanos 508. emen-		Si Deus, si Dea.	299
datur.	510	Silvanus viatorum numen	234
Prætoris interdicta ad vias pu-		Deus campestris.	237
blicas pertinentia.	521	Sigillaria viatorum.	218
Principes an damna restituant		Simulacra Deorum sanioribus	
spoliatis.	568	invisa 295 à Poetis irrita. 296	
Proconsulis ingressus solennis,		Sol & Luna quare pro Diis	46
411			64
Publicani ex ordine Equestri		Sol Persarum dux 71 Germa-	
510 eorum ministri odiosi.	511	norum Deus universalis 74	
Publicum pro vectigali.	509	ad solem omnes Dii relati.	
Q.		125. illius diversa nomina	63
Quercus Jovi sacra.	82	Solidus.	424
Quæstorum collegio infra-		Solonis lex de cane.	438
tura viarum mandata.	351	Statuæ Deorum vialium 23 San-	
Quadrivii dil.	252	ctorum hodie in viis.	310
Quatuorviri viarum.	372	Stapedes nulli Veterum.	366
R.		Statores;	408
Raptorum pœnæ.	534	Stella, quam viderunt Magi.	67
Reduces Diis agebant gra-		Strata viarum.	335
tias 12 & vota solvebant 13		Stratores 367.	407
Neptuno 259 Cabiris.	268	Superstitio itineraria 15 16 re-	
Redemptores operum publico-		centioris ævi.	312
rum.	383	Synedrium Hebræorum cura-	
Reges Spartani viocuri.	323	vit vias.	321
			Syro.

I N D E X.

- Syrorum, Diis viales. 56
 Symbola Deorum. 131
 T.
Tacitus explicatus 83. 88
 Tamfana. 83
Tauri mari & fluminibus immolati. 285
 Tergeminus. 140
 Telearchi viarum curatores. 322
 Termini coronati & uncti. 34
 Tempia Diis vialibus sacra 27. 32
 Teutates itinerum dux 84 unde dictus. 86
 Tempestates divinæ 103 inter divos 281 cur aræ illis positæ. 283
 Theologia veterum triplex, fabularis, civilis & naturalis. 114
 Theraphim consulebant de itinere. 65
 Thendi juvenca oblata. 284
 Tibilenus diabolus. 75
 Tobias explicatus 216. 217
 Triboniani emblemata 423. 543
 Trivia. 124
 Tuisio Germanorum Dux. 88
 Turcarum Diis viales. 96
 Tutela navis 288 dissertabejus insigni 289 viarum, præfat. V.
Vestigialis justitia, necessitas 515 in itinere & transitu pontium 517 pro mortuis transferendis solvendum. 518
 Venatio leonum. 435
 Vehicula oneraria urbem non ingressa 566 sibi obvia. 561
 Veneris stella a nautis observata. 148
 Venti inter Divos. 277
 Verres & sues in haris Urbanis. 431
 Via unde dicatur & quotuplex sit 327 332 de navibus ulurpatur. 255
 Viæ relatæ ad regalia 317 a Vespasiano, Trajano aliisque Imperatoribus aut factæ aut resectæ 399 titulis Romanorum Principum dedicatæ. 385
 — stratæ à militibus 330 sumtibus ærarii 525 privatorum 526 & possessorum 527 facinorosis in penam 529 gentium Leges de muniendis viis. 531
 Viæ ad amussim directæ 356 earum latitudo & firmitas 358 duplici modo munitæ per Italiam 357 distinctæ per columnas milliares 362 in provinciis munitæ à Præsidibus 402 versus Gallias quatuor viæ regiæ constructæ 403 in Britannia. 405
 Viam exigere 527 purgare 522 monstrare 552 lapidibus sternere quis invenit 319 publicam per ferias munire permissum. 564
 Viarum mensuræ celebriores 364 ornatu, prospectu, amoenitas 355 numerus 331.
 Vicinus viam præstat Republicæ vel privatis. 565
 Vigintiviratus janua ad honores. 374
 Vitulus aureus Hebræorum. 54
 Vivaria aprorum & aliarum belluarum. 432
 Vicomagistri. 351
 Victimæ oblatæ Diis marinis. 285
 Vinum in fluctus Diis fufum. 287
 Vius


I N D E X.

Vias deus.	154	X.	
Vota peregrinantium 10 ex vi-		X	erxis cura pontium. 310
fu.	298		
Vulgi stupor circa deos.	44	Z.	
Uriae nautarum amicæ.	282	Z	elandorum dea. 81

F I N I S.

TRAJECTI AD RHENUM,
Typis PETRI MUNTENDAM.







2/

4/21

lan.

2/



